



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Amelia

BWBH

A31.7



AMMIANI MARCELLINI RERUM GESTARUM

QUI DE XXXI SUPERSUNT

LIBRI XVIII

AD OPTIMAS EDITIONES COLLATI

PRÆMITTITUR NOTITIA LITERARIA

ACCEDUNT INDICES

STUDIIS SOCIETATIS BIPONTINÆ



VOLUMEN SECUNDUM

BIPONTI

EX TYPOGRAPHIA SOCIETATIS

CICIDCCLXXXVI

AMMIANI MARCELLINI RERUM GESTARUM

LIBER XXIV.

Julianus cum exercitu Assyriam ingreditur, & Anathan castellum ad Euphratem in fidem recipit, ac incendit. *C. I.* Imperator castellis & oppidis aliis intentatis, aliis, quæ deserta erant, incensis, Pirisaboram in deditionem accipit succenditque. *II.* Julianus A. ob rem bene gestam centenos viritim denarios militibus promittit, & exiguum donativum dedignantibus, modesta oratione ad sanitatem revocat. *III.* Oppidum Maozamalcha expugnatum a Romanis atque excisum. *IV.* Munitissimum situ & opere castellum expugnant Romani ac incendunt. *V.* Persarum duobus millibus & quingentis interfectis, & vix LXX suorum amissis, Julianus multos coronis pro concione donat. *VI.* Imperator a Ctesiphontis obsidione deterritus, cunctas naves suas temere jubet exuri, & a flumine recedit. *VII.* Imperator, cum jam nec pontes facere, nec parti copiarum suarum posset adjungi, per Corduenam reverti statuit. *VIII.*

POST exploratam alacritatem exercitus, uno parique ardore impetrabilem Principem superari non posse, Deum usitato clamore testati, Julianus summæ rei finem imponendum maturius credens,

extracta quiete nocturna itinerarium sonare lituos jubet : præstruatisque omnibus, quæ difficultates arduæ belli poscebant, candente jam luce Assyrios fines ingressus, celsò præter alios spiritu obequitans ordinibus, æmulatione sui cunctos ad officia fortitudinis incendebat. Utque ductor usu & docilitate firmatus, metuens, ne per locorum insolentiam insidiis caperetur occultis, agminibus incedere quadratis exorsus est. Excursatores quidem quingentos & mille sensim præire disposuit, qui cautius gradientes ex utroque latere, itidemque a fronte, ne quis repentinus irrueret, prospectabant. Ipse vero medios pedites regens, quod erat totius roboris firmamentum, dextra legiones aliquas cum Nevitta supercilia fluminis præstringere jussit Euphratis. Cornu vero lævum cum equitum copiis Arinthæo tradidit & Hormisdæ, ducendum confertius per plana camporum & mollia. Agmina vero postrema Dagalaiphus cogebat & Victor, ultimusque omnium Osdruenæ dux Secundinus. Deinde ut hostibus, si erupissent usquam, vel conspiciantibus procul timorem multitudinis majoris incuteret, laxatis cuneis jumenta dilatavit & homines, ut decimo pæne lapide postremi dispararentur a signiferis primis : quod arte mira sæpe fecisse Pyrrhus ille rex dicitur Epirotes, opportunis in locis castrametandi, armorumque speciem diffundendi ex industria, vel attenuandi perquam scientissimus, ut, ubi usu venisset, plures æstimarentur, aut pauci. Sarcinas vero & calones & apparitionem imbellem, impedimentorumque genus omne inter utrum-

que latus instituit procedentium ordinatim, ne qua vi subita raperentur, ut sæpe contigit, improtecta. Classis autem, licet per flumen ferebatur assiduus flexibus tortuosum, nec residere, nec præcurrere sinebatur. Emenso itaque itinere bidui, prope civitatem venimus Duram desertam, marginibus amnis impositam. In quo loco greges cervorum plures inventi sunt, quorum alii confixi missilibus, alii ponderibus elisi remorum, ad satietatem omnes paverrunt: pars maxima natatu assueta, veloci alveo penetrato, incohibili cursu evasit ad solitudines notas. Exin dierum quatuor itinere levi peracto, vespere incedente cum expeditis mille impositis navibus, Lucillianus comes imperitia præceps mittitur Anathan munimentum expugnaturus: quod ut pleraque alia circumluitur fluentis Euphratis. Et navibus, ut præceptum est, per opportuna dispersis, obsidebatur insula, nebulosa nocte obumbrante impetum clandestinum. Sed postquam advenit lux certa, aquatum quidam egressus, visis subito hostibus ululabili clamore sublato, excitos tumultuosis vocibus propugnatores armavit. Et mox specula quadam altissima explorato situ castrorum, quam ocissime cum duarum præsidio navium amnem supermeat Imperator, pone sequentibus navigiis multis, quæ obsidionales machinas advehebant. Jamque muris propinquans, cum non absque discriminibus multis consideraret esse certandum, sermone cum leni, tum aspero & minaci hortabatur ad deditionem defensores: qui ad colloquium petito Hormisda, promissis ejus & juramentis illecti, multa sibi de

lenitudine Romana spondebant. Denique præ se bovem coronatum agentes, quod est apud eos susceptæ pacis indicium, descendere suppliciter: & statim munimento omni incenso, Pusæus ejus præfectus, dux Ægypti postea, honore tribunatus affectus est. Reliqui vero cum caritatibus suis & suppellectile, humaniore cultu ad Syriacam civitatem Chalcida transmissi sunt. Inter hos miles quidam, cum Maximianus perripisset quondam Persicos fines, in his locis æger relictus, prima etiam tum lanugine juvenis, ut ajebat, uxores sortitus gentis ritu complures, cum numerosa sobole tunc senex incurvus, exultans prodicionisque auctor ducebatur ad nostra, testibus affirmans, & præscisse se olim, & prædixisse, quod centenarius jam contiguus sepelietur in solo Romano. Post quæ Saraceni procurساتores quosdam partis hostium obtulere lætissimo Principi, & munerati ad agenda finibilia sunt remissi. Acciderat aliud postridie dirum. Ventorum enim turbo exortus, pluresque vertigines concitans, ita confuderat omnia tecta, ut tabernacula multa conscinderentur, & supini plerique milites sternerentur vel proni, spiritu stabilitatem vestigii subvertente. Nec minus eodem die aliud periculosum evenit. Amne enim repente extra margines evagato, mersæ sunt quædam frumentariæ naves, cataractis avulsis, ad defundendas reprimendasque aquas rigare fuetas opere faxeostructis: quod utrum per insidias, an magnitudine acciderit fluentorum, sciri non potuit. Post perruptam incensamque urbem omnium primam, &

captivos transmissos, certiore jam spe provectus exercitus ad fiduciam, elatis vocibus in favores Principis consurgebat, affore sibi etiam deinde cœlestem existimans curam. Et quia per regiones ignotas de obscuris erat suspectior cura, astus gentis & ludificandi varietas timebatur. Ideoque Imperator nunc antesignanus, nunc agminibus cogendis insistens cum expeditis velitibus, ne quid lateret abstrusum, fruteta squalida vallesque scrutabatur: licentiores militum per longinqua discursus affabilitate nativa prohibendo vel minis. Hostiles tamen agros omni frugum genere divites cum segetibus & tuguriis inflammari permisit ita demum, cum usui necessaria abunde sibi quisque collegisset: & hoc modo sauciabatur salus hostium nesciorum. Bellatores enim libenter quæsitis dextris propriis utebantur, alia virritus suæ horrea reperisse existimantes, & læti, quod vitæ quoque subsidiis affluentes, alimenta servabant, quæ navigiis vehebantur. Hic vino gravis quidam temerarius miles, ad ulteriorem ripam nullo urgente transgressus, in conspectu nostro ab hostibus captus, occisus est.

II. Quibus tali casu patratis, ad castra pervenimus nomine Thilutha, in medio fluminis sita, locum immenso quodam vertice tumescentem, & potestate naturæ velut manu circumseptum humana: cujus ad deditionem incolæ tentati mollis, ut decebat, quoniam asperitas edita vim superabat armorum, intempestivam tunc defectionem esse firmabant. Sed hæcenus responderunt, cum interiora occupaverint protinus gradientes Romani, se quo-

que, utpote regnorum sequelas, victoribus accessuros. Et post hæc prætermeantes ipsa moenia, naves nostras cum verecundia quiete spectabant immobiles. Quo transito, cum ad munimentum aliud Achaiachala nomine venissemus, fluminis circumtione vallatum, arduumque transcensu, refutati pari responso discessimus. Alia postridie castra ob muros invalidos derelicta, prætereuntur incensa. Postera igitur & insequenti die stadiis ducentis emensis, ventum est ad locum Baraxmalcha. Unde amne transito, milliario septimo disparata Diacira invaditur civitas, habitatoribus vacua, frumento & salibus nitidis plena, in qua templum alti culminis arci vidimus superpositum: qua incensa, cæsisque mulieribus paucis, quæ repertæ sunt, trajecto fonte scatenti bitumine, Ozogardana occupavimus oppidum, quod formidine advenientis exercitus itidem deferuere cultores: in quo principis Trajani tribunal ostendebatur. Hac quoque exusta, biduo ad refectionem corporum dato, prope extremum noctis, quæ secundum diem secuta est, Surena post regem apud Persas promeritæ dignitatis, & Malechus Podofaces nomine, Phylarchus Saracenorum Assanitarum, famosi nominis latro, omni sævitia per nostros limites diu grassatus, structis Hormisdæ insidiis, quem ad speculandum exiturum incertum unde præsenferant, ideo sunt tentamento frustrati, quod angusta fluminis interluvia & præalta transiri vado non potuit. Et primo lucis exordio, cum essent hostes jam in contuitu, visi tunc primitus corusci galeis, & horrentes

indutibus rigidis : milites in procinctum impetu veloci tendentes, eos involavere fortissime. Et quamvis arcus validis viribus flecterentur, & splendor ferri intermicans Romanorum metum augeret : ira tamen acuente virtutem, clypeorum densitate confecti, ne possent emittere, coegerunt. Animatus his vincendi primum miles, ad vicum Macepracta pervenit, in quo semiruta muroz vestigia videbantur : qui priscis temporibus in spatia longa protenti, tueri ab externis incursibus Assyriam dicebantur. Hinc pars fluminis scinditur largis aquarum agminibus, ducens ad tractus Babylonios interiores, usui agris futura & civitatibus circumjectis : alia Nahamalcha nomine, quod *fluvius regum* interpretatur, Ctesiphonta prætermeat : cujus in exordio turris in modum Phari celsior surgit : hanc peditatus omnis pontibus caute digestis transivit. Equites vero cum jumentis armati clementiores gurgites fluminis obliquati transierunt : alii multitudine subita petiti telorum hostilium, quos egressi auxiliares ad cursuram levissimi, fugientiumque cervicibus insistentes, laniatu avium prostraverunt. Quo negotio itidem gloriose perfecto, ad civitatem Pirsaboram ventum est, amplam & populosam, ambitu insulari circumvallatam. Cujus obequitans moenia Imperator & situm, obsidium omni cautela ceptabat, quasi sola formidine oppidanos a propugnandi studio submoturus. Quibus per colloquia sæpe tentatis, cum nec promissis quisquam flecteretur nec minis, suscipitur oppugnandi exordium : & armatorum triplici corona circumdatis muris,

die primo adusque noctis initium missilibus certabatur. Tum defensores animo præstantes & viribus, per propugnacula ciliciis undique laxius panasis, quæ telorum impetus cohiberent, obtecti scutis vimine firmissimo textis, & crudorum tergorum densitate vestitis, validissime resistebant, ferrea nimirum facie omni: quia laminæ singulis membrorum lineamentis cohærenter aptatæ, fido operimento totam hominis speciem contegebant. Et aliquoties Hormisdæ & indigenæ & regalis colloquia petentes obnixe, propinquantem probris atque conviciis ut male fidum incessabant & desertorem: hac lenta cavillatione diei maxima parte exempta, tenebrarum silentio primo multiformes admotæ sunt machinæ, cœptaque altitudo complanari fossarum. Quæ vixdum ambigua luce defensores intentius contemplati, eo accedente, quod angularem turrinictus foravit arietis violentior, relictis civitatis duplicibus muris, continentem occupant arcem, asperi montis interrupta planitie superpositam: cujus medietas in sublime confurgens, tereti ambitu Argolici scuti speciem ostendebat, nisi quod a septemtrione id, quod rotunditati deerat, in Euphratis fluenta projectæ cautes eminentius tuebantur: in qua excellabant minæ murorum, bitumine & coctilibus laterculis fabricatæ, quo ædificii genere nihil esse tutius constat. Jamque ferocior miles pervasa urbe, quam viderat vacuum, adversus oppidanos ab arce multimoda tela fundentes acri contentione pugnabat. Cum enim iidem prohibitores catapultis nostrorum urgerentur atque ballistis: ipsi

quoque ex edito arcus erigebant fortiter tenfos : quibus panda utrinque surgentia cornua ita lentius flectebantur, ut nervi digitorum acti pulsibus violentis arundines ferratas emitterent, quæ corporibus illisæ contrariis letaliter figebantur. Dimicabatur nihilominus utrobique saxorum manualium nimbis : & neutrobi inclinato momento, proelium atrox a lucis ortu ad initium noctis destinatione magna protractum, pari sorte diremtum est. Proinde die secuto, cum certaretur asperrime, multique funderentur altrinsecus, & æquæ vires gesta librent : Imperator omnes, aleæ casus inter mutuas clades experiri festinans, cuneatim stipatus, densatisque clypeis ab ictu sagittarum defensus, veloci saltu, comitantibus promptis, prope portam venit hostilem, crasso ferro crustatam. Et licet faxis & glande, ceterisque telis cum periculo salutis premeretur, fodicare tamen paratos valvarum latera, ut aditum patefacèrent, vocibus increpans crebris, non ante discessit, quam telorum congerie, quæ superjaciebantur, se jam cerneret obruendum. Evassit cum omnibus tamen, paucis levius vulneratis, ipse innoxius, verecundo rubore suffusus. Legerat enim, Æmilianum Scipionem, cum historiarum conditore Polybio Megalopolitano Arcade, & triginta militibus, portam Carthaginis impetu simili suffodisse. Sed fides recepta scriptorum veterum recens factum defendit. Æmilianus enim testudine lapidea tectam successerat portam, sub qua tutus & latens, dum moles saxeas detegunt hostes, urbem nudatam irrupit : Julianus vero locum patentem aggressus,

obumbrata cœli facie fragmentis montium & missilibus, ægre repulsus abscessit. His raptim ac tumultuarie agitatis, cum operositas vinearum & aggerum impeditissima a ceteris urgentibus cerneretur: machinam, quæ cognominatur Helepolis, iussit expeditius fabricari: qua, ut supra docuimus, rex usus Demetrius, superatis oppidis pluribus Poliorcetes appellatus est. Ad hanc molem ingentem, superaturam celsarum turrium minas, prohibitores oculorum aciem intentius conferentes, itidemque instantiam obsidentium perpensantes, subito vertuntur ad preces: circumfususque per turrets ac mœnium minas, & fidem Romanam panfis manibus protestantes, vitam cum venia postulabant. Cumque cessasse opera, & munitores nihil tentare viderent ulterius, quod quietis erat indicium certum: copiam sibi dari conferendi sermonis cum Hormisda poscebant. Hocque impetrato, Mamerfides præsidiorum præfectus demissus per funem, ductusque ad Imperatorem, ut obsecravit, vita cum impunitate sibi consortibusque suis firmiter pacta, redire permissus est. Gestisque nuntiatis, plebs omnis utriusque sexus ad sententiam suam cunctis acceptis, pace foederata cum religionum consecrationibus fidis, patefactis egreditur portis, salutarem genium affulxisse sibi clamitans Cæsarem magnum & lenem. Numerata sunt autem dedititiorum duo millia & quingenti: nam cetera multitudo obsidium ante suspectans, navigiis parvis permeato amne, discessit. In hac arce armorum alimentorumque copia reperta est maximâ: unde ne-

cessariis sumtis, reliqua cum loco ipso exussere vi-
ctores.

III. Postera die, quam hæc acta erant, perfertur ad
Imperatorem cibos per otium capientem nuntius gra-
vis, Surenam Persicum ducem procurfatorum partis
nostræ tres turmas inopinum aggressum, paucissimos
trucidasse: inter quos strato tribuno, unum rapuisse
vexillum. Statimque concitus ira immani, cum armi-
gera manu festinatione ipsa tutissimus pervolavit:
& grassatoribus foeda consternatione depulsis; re-
siduos duos tribunos sacramento solvit, ut desi-
des & ignavos: decem vero milites ex his, qui fuge-
rant, exauctoratos capitali addixit supplicio, secu-
tus veteres leges. Incensa denique urbe, ut memo-
ratum est, constructo tribunali insistens, actis gra-
tiis exercitui convocato, cunctos ad paria facienda
deinceps hortabatur: & argenteos nummos cente-
nos viritim pollicitus, cum eos parvitate promissi
percitos tumultuari sensisset, ad indignationem ple-
nam gravitatis erectus, *En*, inquit, *Persæ circumflu-
entes rerum omnium copiis: ditare vos poterit opimitas
gentis, si unum spirantibus animis fortiter fecerimus.
Ex immensis opibus egentissima est tandem, credite,
Romana respublica per eos, qui, ut auferrent divitias,
docuerunt Principes, auro quiete a barbaris redempta, re-
dire. Impetum ærarium est, urbes exinanitæ, populatæ
provincia: mihi nec facultates, nec propinquitas gene-
ris suppetit, quamvis ortu sim nobilis, præter pectus
omni liberum metu: nec pudebit Imperatorem cuncta
bona in animi cultu ponentem, profiteri paupertatem
honestam. Nam & Fabricii familiari re pauperes rextæ*

bella gravissima, gloria locupletes. Hæc vobis cuncta poterunt abundare, si imperterriti, Deo meque, quantum humana ratio patitur, caute ductante, mitius egeritis: sin resistitis, ad seditionum revoluti dedecora pristinarum, pergite. Ut imperatorem decet, ego solus, confecto tantorum munerum cursu, moriar stando, contemturus animam, quam mihi febricula eripiet una. Aut certe discedam: nec enim ita vixi, ut non possim aliquando esse privatus. Praque me fero & lator, duces spectatissimos esse nobiscum, perfectos bellicarum omni genere doctrinarum. Hac modesta Imperatoris oratione, inter secunda & aspera medii, miles pro tempore delinitus, assumpta cum meliorum expectatione fiducia, regibilem [se fore pollicitus & morigerum, cunctorum aspirante consensu] auctoritatem ejus sublimitatemque cordis extollebat in cælum: quod cum vere atque ex animo dicitur, solet armorum crepitu leni monstrari. Repetitis post hæc tentoriis, pro copia rei præsentis victu se recreavit & quiete nocturna. Animabat autem Julianus exercitum, cum non per caritates, sed per inchoatas negotiorum magnitudines dejeraret assidue: Sic sub jugum mitteret Persas: ita quassatum recrearet orbem Romanum: ut Trajanus fertur aliquoties jurando dicta consuesse firmare: Sic in provinciarum speciem reductam videam Daciam: sic pontibus Istrum & Euphraten superem, & similia plurima. Post hæc decursis millibus passuum quatuordecim, ad locum quendam est ventum, arva aquis abundantibus fœcundantem: quo itinere nos ituros Persæ prædocti, sublati cataractis undas

evagari fusius permiserunt. Itaque humo late stagnante, altero die militi requie data, Imperator ipse prægressus, constratis ponticulis multis ex utribus, & coriaceis navibus, itidemque confectis palmarum trabibus, exercitum non sine difficultate traduxit. In his regionibus agri sunt plures confiti vineis, varioque pomorum genere: ubi oriri arbores assuetæ palmarum, per spatia ampla adusque Mesenem & mare pertinent magnum, instar ingentium nemorum. Et quaqua incessest quisquam, termites & spadica cernit assidua, quorum ex fructu mellis & vini conficitur abundantia: & maritari palmæ ipsæ dicuntur, facileque sexus posse discerni. Additur etiam, generare feminas seminibus illitas marium, feruntque, eas amore mutuo delectari: hocque inde clarere, quod contra se vicissim nutantes, ne turgidis quidem flatibus avertuntur. Et si ex more femina maris non illita fuerit semine, abortus vitio foetus emittit intempestivos. Et si qua femina cujus arboris amore perculsa sit ignoretur, unguento ipsius inficitur truncus, & arbor alia naturaliter odoris dulcedinem concipit: hisque indiis, velut coeundi quædam proditur fides. Qua cibi copia satur exercitus, plures prætergressus est insulas: & ubi formidabatur inopia, ibi timor faginae gravis incessest. Sagittariorum denique hostilium impetu latenti tentatus, neque inultus, prope locum venit, ubi pars major Euphratis in rivos dividitur multifidos.

IV. In hoc tractu civitas, ob muros humiles ab incolis Judæis deserta, iratorum manu militum con-

flagravit. Quibus actis pergebat ulterius Imperator ; placida ope numinis, ut arbitrabatur, erectior. Cumque Maogamalcha venisset, urbem magnam & validis circumdatam mœnibus, tentoriis fixis providit sollicitè, ne castra repentino equitatus Persici turbarentur accursu : cujus fortitudo in locis patentibus immane quantum gentibus est formidata. Et hoc disposito, stipatus velitibus paucis, ipse quoque pedes civitatis situm diligenti inquisitione exploraturus, in perniciosas præcipitatus insidias, ex ipso vitæ discrimine tandem emerfit. Namque per latentem oppidi portam Persæ decem armati degreffi, imaque clivorum pervadentes poplitibus subsidendo, repentino impetu nostros aggressi sunt. E quibus duo conspectiorem habitu Principem gladiis petiere districtis : sed occurrit ictibus erectum altius scutum : quo contactus magna elataque fiducia unius lateri ferrum infixit : alterum stipatores multiplicatis ictibus occiderunt. Residuis, e quibus vulnerati sunt aliqui, disiectis in fugam, spoliatisque ambobus, reducens incolumes socios cum exuviis remeavit ad castra, omnium lætitia magna susceptus. Sustulit in hoste prostrato aureum colli monile Torquatus : fudit confidentissimum Gallum alitis propugnatione Valerius, postea cognomento Corvinus : hacque gloria posteritati sunt commendati. non invidemus : accedat hoc quoque monumentis veteribus facinus pulchrum. Constratis postridie pontibus, exercituque trajecto, & metatis alibi salubrius castris vallo duplici circumductis, quoniam, ut diximus, timebantur solitu-

dines planæ, oppidi suscepit obfidium, periculosum fore existimans, si gradiens prorsus, a tergo relinqueret, quos timeret. Hæc dum magno molimine comparantur, Surena hostium dux jumenta adortus, quæ in lucis palmaribus vescebantur, a cohortibus nostris repulsoriis cum paucorum exitio habitus frustra discessit. Et duarum incolæ civitatum, quas amnes amplexi faciunt insulas, parva sui fiducia trepidi ad Ctesiphontis moenia se contulerunt: pars per silvarum densa; alii per paludes vicinas alveis arborum cavatarum inveci, ad unicū auxilium & potissimum itineris longi, quod supererat, dilabuntur, ulteriora petaturi terrarum. E quibus resistentes aliquos nostri milites trucidabant: ipsi quoque lintribus & cymbis per varia discurrentes, captivos alios subinde perducebant. Id enim erat librata ratione dispositum, ut dum copiæ pedestres muros oppugnant, equestres turmæ divisæ per globos abigendis insisterent prædis: hocque proviso, nullo provincialium damno miles visceribus hostium pascebatur. Jamque Imperator muris duplicibus oppidum, ordine circumdatum trino scutorum, spe patrandi incepti maximis viribus oppugnabat. Sed ut erat necessarius appetitus, ita effectu res difficillima: nam accessus undique rupibus anfractu celsiore discissis, flexuosisque excessibus, ob periculum anceps adeundi copiam denegabat: maxime cum turres celebritate & altitudine formidandæ, montem saxeam arcis naturaliter editum æquabant, & proclivis planities flumini imminens propugnaculorum firmitate mu-

niebatur. Accedebat his haud levius malum, quod lecta manus & copiosa, quæ obsidebatur, nullis ad deditiōem illecebris flectebatur, sed tanquam superatura vel devota cineribus patriæ, resistebat adversis. Jam ægre retentabatur inferens se protervius miles, & pugnam vel æquo campo justoque proelio poscens: cumque receptui caneretur, assidue animosis hostem urgendi conatibus urebatur. Vicit tamen nostrorum consilium contentionem virium maximam: divisisque operibus, officia quisque distributa capeffit ocissime. Hinc enim ardui suggestus erigebantur: inde fossarum altitudines alii complanabant: terrarum latibula concava oblongis tramitibus alibi struebantur: locabant etiam artifices tormenta muralia, in funestos sonitus proruptura. Et cuniculos quidem cum vineis Nevitta & Dagalaiphus curabant: ineundis autem conflictibus, & defendendis ab incendio vel eruptionibus machinis præerat Imperator. Cumque, apparatu omni exscindendæ urbis labore multiplici consummato, pugna flagitaretur: Victor nomine dux reversus est, adusque Ctesiphonta itineribus exploratis, nulla obstacula nuntians offendisse. Quo effecti gaudio milites omnes, elatique firmioribus animis ad certandum, signum opperiebantur armati. Jamque clangore Martio sonantibus tubis strepebant utrinque partes: & primi Romani hostem undique laminis ferreis in modum tenuis plumæ confectum, fidentemque, quod tela rigentis ferri lapsibus impacta resiliebant, crebris procurfationibus & minaci murmure lacebabant: nonnunquam

compagne scutorum, qua velut testudine infigurable fornicum operiebantur aptissime, assiduis motibus laxius dehiscente. Contra Persæ muris obstinatius adhærentes, quantum facere nitique poterant, eludere & frustrari exitiales impetus conabantur. Verum ubi vimineas crates præ se ferentes oppugnatores jam mœnia perurgerent, cum sagittariis funditores, alii quin etiam saxa volventes ingentia, cum facibus & malleolis eos longius propulsabant: tum aptatæ ligneis sagittis ballistæ flexu stridoreque torquebantur, creberrima spicula funditantes, & scorpiones, quocunque manus peritæ duxissent, rotundos lapides evibrabant. Iterum deinde ac sæpe geminatis congressibus, æstus in meridiem crescens, effervescente vaporatus sole, apparatu operum & studio præliandi intentos cunctos, revocaverat fatigatos & sudore perfusos. Eodem mentis proposito secuto quoque die per varia certaminum genera controversæ partes dimicantes instanter, æquis manibus & pari fortuna discedunt. Verum in omne discrimen armatis proximis Princeps civitatis urgebat excidium, ne circa muros diu excubans, omitteret majora, quæ tentabat. Sed in districtis necessitatibus nihil tam leve est, quod non interdum etiam contra sperata, rerum afferat momenta magnarum. Cum enim, ut sæpe, discessuræ partes levius concertarent, abusive incusso ariete, qui paulo ante erat admotus, sternitur residuis omnibus altior turris, latere coctili firmissime structa: cujus ruina muri contiguum latus secum immani fragore protraxit. Ibi tum va-

rietate casuum obsidentium labor, obsessorumque industria, vicissim facinoribus speciosis inclaruit. Nihil enim asperum ira & dolore succenso militi videbatur: nihil munitoribus erat pro salute currentibus metuendum aut dirum. Nam cum anceps pugna diutius fervens, sanguine utrinque multis cædibus fuso, diei finisset occasu, tandem fatigationi consulitur. Dumque hæc luce agerentur ac palam, nuntiatur Imperatori pervigili cura distento, legionarios milites, quibus cuniculorum erant fodinæ mandatæ, cavatis tramitibus subterraneis sublicibusque suspensis, ima penetrasse fundamentorum, jam, si ipse disposuerit, evasuros. Cum itaque noctis plerumque processisset, æneatorum accentu signo dato progrediendi ad pugnam, ad arma concursus est: & consulto murorum invaduntur utrinque frontes, ut, dum propulsaturi pericula defensores ultro citroque discurrunt, nec proxima fodientis audiretur ferri tinnitus, nec ququam intrinsecus obsistente, cuniculariorum subito manus emergat. Quibus ita, ut convenerat, ordinatis & occupatis prohibitoribus, patefactisque latebris, evolat Exsuperius de victorum numero miles, post quem Magnus tribunus, & Jovianus notarius: quos audax multitudo secuta, his prius confossis, quos in æde, per quam in lucem prodierant, invenerunt, suspensis gradibus procedentes obtruncarunt vigiles omnes, ex usu moris gentici justitiam felicitatemque regis sui canoris vocibus extollentes. Existimabatur Mars ipse, si misceri hominibus numina majestatis jura permittunt, af-

fuisse castra Lucanorum invadenti Luscino. Hocque ideo creditum est, quod in congressu flagranti scalas vehens visus formidandæ vastitatis armatus, postridie cum recenseretur exercitus, præcipuo studio quæsitus, reperiri non potuit: cum se ultro offerret, si miles fuisset, memorabilis conscius facti. Sed ut tunc, qui esset pulchri facinoris auctor, penitus est ignoratum, ita nunc enituerunt ii, qui fecere fortissime, obsidionalibus coronis donati, & pro concione laudati veterum more. Tandem nudata referatis aditibus multis, lapsura invaditur civitas: & sine sexus discrimine vel ætatis, quidquid impetus reperit, potestas iratorum absumsit: alii exitii imminentis timore, cum hinc ignis, inde mucrones urgerent, ultimum flentes, e muris acti sua sponte præcipites, membrisque omnibus infirmati, vitam morte funestioem paulisper, dum cæderentur, egerunt. Extractus est autem vivus cum satellitibus LXXX Nabdates præsidiorum magister, quem oblatum sibi cum aliis servari iussit intactum serenus Imperator & clemens. Divisa itaque perpenfis meritis & laboribus præda, ipse, ut erat parvo contentus, mutum puerum oblatum sibi suscepit gesticularium, multa, quæ callebat, nutibus venustissimis explicantem, & tribus aureis nummis partæ victoriæ præmium jucundum, ut existimabat, & gratum. Ex virginibus autem, quæ speciosæ sunt captæ; ut in Perside, ubi feminarum pulchritudo excellit, nec contrectare aliquam voluit, nec videre: Alexandrum imitatus & Africanum, qui hæc declinabant, ne frangerentur cupiditate, qui se in-

viſtos a laboribus ubique præſtiterunt. Inter hæc certamina noſtræ partis architectus, cujus nomen non ſuppetit, poſt machinam ſcorpionis forte aſſiſtens, reverberato lapide, quem artifex titubanter aptaverat fundæ, obliſo pectore ſupinatus profudit animam, diſjecta compage membrorum, adeo ut ne ſigna quidem totius corporis noſcerentur. Exia proſecto Imperatori index nuntiaverat certus, circa muros ſubverſi oppidi fallaces foveas & obſcuras, quales in tractibus illis ſunt plurimæ, ſubſediſſe manum inſidiatricem latenter, ut improviſo inde exorta agminis noſtri terga feriret extrema. Confeſtimque ad extrahendam eam miſſi ſunt compertæ fortitudinis pedites. Qui cum neque pervadere foraminum aditus, nec amandatos intus prolicere poſſent ad decernendum, collectam ſtipulam & ſarmenta ſpecuum faucibus aggeſſerunt. Unde fumus anguſtius penetrans, ideoque ſpiſſior, quosdam vitalibus obſtructis necavit: alios ignium aſſatus immiſſus prodire in perniciem coegit abruptam: & ita omnibus ferro incendiove conſumtis, ad ſigna repedavit ocuus miles. Hoc modo civitas ampla & populosa virtute roboris exciſa Romani, in pulverem concidit & ruinas. Poſt quæ tam glorioſa tranſitis pontibus, multorum annium concurſu continuatis, ad munimenta gemina venimus ædificiis cautis exſtructa: ubi Victorem comitem exercitus prævium a tranſitu fluminis regis filius, progreſſus a Cteſiphonte cum optimatibus & multitudine armata, prohibere conatus, catervis ſequentium militum viſis abſceſſit.

V. Pergentes itaque protinus ad lucos venimus, agrosque pube variorum seminum lætos : ubi reperta regia Romano more ædificata, quoniam id placuerat, mansit intacta. Erat etiam in hac eadem regione extensum spatium & rotundum, loricae ambitu circumclausum, destinatas regiis voluptatibus continens feras, cervicibus jubatis leones, armisque hispidos apros, & ursos, ut sunt Persici, ultra omnem rabiem sævientes, & alia lecta immania corpora bestiarum : quas omnes, diffractis portarum obicibus, equites nostri venatoriis lanceis & missilium multitudine confoderunt. Quæ loca pingui situ & cultu : quibus Coche, quam Seleuciam nominant, haud longius disparatur : ubi vallatis opere tumultuario castris, & exercitu omni per aquarum & pabuli opportuna biduo recreato, antegressus cum procuratoribus princeps, & civitatem desertam collustrans, a Vero Principe quondam excisam, in qua perpetuus fons stagnum ingens ejectat, in Tigridem defluens : corpora vidit suffixa patibulis multa necessitudinum ejus, quem prodidisse civitatem Pirisaboram retulimus supra. Hic & Nabdates vivus exustus est, quem extractum cum LXXX latebris expugnatae docui civitatis : eo, quod inter exordia obsidii cæpti clam pollicitus prodere, dimicavit acerrime, adeptusque veniam insperatam, ad id proruperat insolentiae, ut Hormisdam laceraret omnibus probris. Itaque aliquantum progressi, tristi percellimur facto : dum enim tres procuratorum cohortes expeditæ cum cuneo Persico decertarent, quem patefactis subito portis

profuderat civitas; proruptores alii ex contraria fluminis ripa jumenta nos sequentia cum pabulatoribus paucis licenter palantibus intercipiunt & obtruncant. Unde profectus Imperator iratus & frendens, jamque regionibus Ctesiphontis propinquans, celsum castellum offendit & munitissimum: ad quod explorandum ausus accedere, obscurior, ut ipse rebatur, cum paucis obequitans muros, pauloque avidius intra jactum telorum repertus, latere non potuit: statimque diversorum missilium nube exagitatus oppetisset tormento murali, ni vulnerato armigero, qui lateri ejus hærebat, ipse scutorum densitate contextus, evitato magno discrimine discessisset. Qua causa concitus immane, munimentum disposuit obsidere, prohibitoribus acriter ad resistendum intentis, quod loco fidebant propemodum inaccessio, quodque rex cum ambitiosis copiis passibus citis incedens propediem affore credebatur. Jamque vineis & residuis omnibus, quæ poscebat obsidium, paratis, vigilia secunda præcipiti, cum nox casu tunc lunari splendore nitens, his, qui propugnaculis insistebant, aperte cuncta monstraret: repente in unum pondus coacta multitudo, patefactis subito portis, erupit: cohortemque necopinantem adorta, nostrorum cecidit complures: inter quos etiam tribunus peremptus est, periculum propulsare conatus. Quæ cum ita aguntur, pari modo ut antea, Persæ ex adversa fluminis ripa parrem adorti nostrorum, interfectis quibusdam, vivos cepere nonnullos. Et timore, simul quia venisse in majorem numerum copiarum putabantur hostiles, ege-

re nostri tunc segnius : sed ubi animis in audaciam restitutis, armisque raptis inter tumultum, exercitus cantu concitus buccinarum, cum minaci murmure festinaret, eruptores perterriti revertuntur intacti. Et Imperator, ira gravi permotus, reliquos ex ea cohorte, qui abjecte sustinuerant impetum grassatorum, ad pedestrem compegit militiam, quæ onerosior est, dignitatibus imminutis. Flagrans post hæc ad eruendum castellum, ubi periclitatus est, operam convertit & curam, nunquam ab antesignanis ipse digrediens, ut inter primos dimicans militi ad fortiter faciendum esset exemplo spectator probatorque gestorum. Quo inter discriminum vertices diu multumque versato, varietate munitionum atque telorum, & conspiratione oppugnantorum, idem castellum incenditur captum. Post quæ, consideratis asperitatibus ante gestarum rerum & impendentium, requievit exercitus labore nimio quassatus, multis victui congruis affatim distributis. Vallum tamen sudibus densis & fossarum altitudine cautius deinde struebatur, cum a vicina jam Ctesiphonte repentini excursus, & alia formidarentur occulta.

VI. Ventum est hinc ad fossile flumen Naarmalcha nomine, quod annis regum interpretatur, tunc aridum. Id antehac Trajanus, posteaque Severus, egesto solo fodiri in modum canalisi amplissimi studio curaverat summo, ut aquis illuc ab Euphrate transfusus, naves ad Tigridem commigrarent. Tutissimumque ad omnia visum est, eadem loca purgari, quæ quondam similia Persæ timentes mole

saxorum obruere multorum. Hacque valle purgata, avulsis cataractis undarum magnitudine classis secunda stadiis xxx decursis, in alveum ejecta est Tigridis: & contextis illico pontibus transgressus exercitus, iter Cochen versus promovit. Utque lassitudini succederet quies opportuna, in agro confedimus opulento, arbutis & vitibus & cupressorum viriditate lætissimo, cujus in medio diversorium opacum est & amœnum, gentiles picturas per omnes ædium partes ostendens, regis bestias venatione multiplici trucidantis: nec enim apud eos pingitur vel fingitur aliud, præter varias cædes & bella. Proinde cunctis ex sententia terminatis, Augustus altius jam contra difficultates omnes incedens, tantumque a fortuna sperans nondum afflictus, ut propius temeritatem multa crebro auderet: validiores naves, ex his, quæ alimenta portabant & machinas, deoneratas octogenis implevit armatis: retentoque secum classis robore firmiore, quam in tres diviserat partes, unam cum Victore comite quiete prima noctis emitti disposuit, ut flumine raptim transmissis ripæ occuparentur hostiles. Quod cum acris metu territi duces concordis precatu fieri prohibere tentarent, neque destinationem flecterent Principis, sublato vexillo, ut jussum est, evolant e conspectu quinque subito naves: & cum ripas jam adventarent, facibus & omni materia, qua alitur ignis, petitiæ assiduâ jactibus, cum militibus jam conflagrassent, ni veloci vigore pectoris excitus Imperator, signum sibi datum, nostros, quod margines jam tenerent, ut mandatum est, erexisse pro-

clamans, classem omnem properare citis remigiis adegisset. Quo facto & naves incolumes sunt receptæ: & residuus miles, quamquam faxis & varietate telorum ex edito vexaretur, post concertationem acerrimam præaltas ripas & arduas supergressus, stabat immobilis. Et miratur historia, Rhodanum, arma & loricam retinente Sertorio, transnatum: cum eo momento turbati quidam milites, veritique, ne remanerent post signum erectum, scutis, quæ patula sunt & incurva, proni firmiter adhærentes, eaque licet imperite regendo, per voraginosum amnem velocitatem comitati sint navium. Contra hæc Persæ objecerunt instructas cataphractorum equitum turmas sic confertas, ut laminis coaptati corporum flexus splendore præstringerent occurrentes obtutus, operimentis scorteis equorum multitudine omni defensa: quorum in subsidiiis manipuli locati sunt peditum, contacti scutis oblongis & curvis, quæ texta vimine & coriis crudis gestantes, densius se commovebant. Post hos elephantum gradientium collium specie, motuque immanium corporum propinquantibus exitium intentabant, documentis præteritis formidati. Hinc Imperator catervis peditum infirmis medium inter acies spatium, secundum Homericam dispositionem, præstituit, ne locati priores, cedentesque deformiter, cunctos averterent secum, aut postsignani pone omnes rejecti centurias, nullo retinente licentius verterent terga: ipse cum levis armaturæ auxiliis per prima postremaque discurrens. Ergo ubi vicissim contingere se cernerent partes, cristatis galeis corusci Ro-

mani, vibrantesque clypeos, velut pedis anapæsti præcinentibus modulis lenius procedebant: & præpilatis missilibus per procuratores principiis pugnae tentatis, excita undique humus rapido turbine portabatur. Et cum undique solito more conclamaretur, virorumque alacritatem sonantia classica jam juvarent, hastis & mucronibus strictis hinc inde cominus pugnabatur: sagittarum periculis miles erat immunis, quantum interiora festinatus occupabat. Inter quæ Julianus pulsos fulcire subsidiis, incitareque tardantes, quasi contumalis strenuus properabat & rector. Laxata itaque acies prima Persarum, leni ante, dein concito gradu calefactis armis retrorsus gradiens, propinquam urbem petebat: quam sequebatur miles itidem fessus, in campis torridis adusque diei finem a lucis ortu decernens: ejusque occipitiis pertinacius hærens, omnem cum Pigrane, & Surena, & Narseo potissimis ducibus adusque Ctesiphontis muros egit præcipitem, adversorum feriens furas & terga. Perrupissetque civitatis aditus, lapsorum agminibus mixtus, ni dux Victor nomine manibus erectis prohibuisset & vocibus, ipse humerum & sagitta præstrictus: & timens, ne intra moenium ambitus rapidus miles inconsulte repertus, nullosque inveniens exitus, multitudinis pondere circumveniretur. Sonent Hectoræas poetæ veteres pugnas: fortitudinem Thessaliducis extollant: longæ loquantur ætates Sophanem, & Aminiam, & Callimachum, & Cynægi-
rum, Medicorum in Græcia fulmina illa bellorum: non minus illo die quorundam ex nostris incla-

ruisse virtutem, omnium confessione monstratur. Post timorem depositum, calcatasque ruinas hostilium corporum, iusto sanguine miles etiam tum cruentus, ad Imperatoris tentoria congregatus, laudes ei perhibebat & gratias, quod ignoratus ubique dux esset an miles magis, tum ita rem prospere gesserat, ut, cæsis Persarum plus minusve duobus milibus & quingentis, LXX caderent soli nostrorum. Qui appellans plerosque nominatim, quos stabili mente aliquid clarum fecisse ipse arbiter perspexit, navalibus donavit coronis, & civicis, & castrensis. Abunde ratus post hæc prosperitates similes adventare, complures hostias Marti parabat Ultori: & ex tauris pulcherrimis decem ad hoc perductis, nondum aris admoti voluntate sua novem procubuere tristissimi: decimus vero, qui diffractis vinculis lapsus, ægre reductus est, maculatus ominosa signa monstravit. Quibus visis, exclamavit indignatus acriter Julianus, Jovemque testatus est, nulla Marti jam sacra facturum: nec resecuravit, celeri morte præreptus.

VII. Digesto itaque consilio cum primatibus super Ctesiphontis obsidio, itum est in voluntatem quorundam, facinus audax & importunum esse noscentium id aggredi: quod & civitas situ ipso inexpugnabilis defendebatur, & cum metuenda multitudine protinus rex affore credebatur. Vicit sententia melior: cujus utilitate Princeps sollertissimus approbata, Arinthæum cum manu peditum expedita ad populandas regiones circumfisas misit, armentis lætas & frugibus, hostes pari persecuturum

industria, quos dispalatos nuper densi tramites & latebræ texere notissimæ: hinc opulenta. Sed ille avidæ semper ad ulteriora cupiditatis, parvi habitis vetantium dictis, & increpitis optimatibus, quod ob inertiam [otiique desiderium amitti fuaderent prope jam] parta regna Persidis: flumine læva relicto, infaustis ductoribus præviis, mediterraneas vias arripere citato proposuit gradu. Et tanquam funesta face Bellonæ subjectis ignibus exuri cunctas jusserrat naves, præter minores duodecim, quas profuturas pangendis pontibus disposuit vehi carpentis: idque putabat utiliter ordinasse, ne relicta classis usui hostibus foret, aut certe, ut ab expeditionis primordio factum est, armatorum fere viginti millia in trahendis occuparentur iisdem navibus & regendis. Dein cum metuens sibi quisque mussaret, monstraretque perspicua veritas, quod repulsus forsitan ariditate vel altitudine montium, ad aquas redire non poterit miles, tortique perfugæ aperte faterentur se fefellisse, concursu maximo exstingui jussæ sunt flammæ. Et quoniam ignis auctus immaniter plerasque consumsit, XII tantummodo naves potuerunt intactæ servari, quæ, ut possint custodiri, discretæ sunt. Hoc casu classe, cum non oporteret, abolita, Julianus confociato fretus exercitu, cum armatorum nulli per diversa distringerentur, numero potior ad interiora tendebat, alimenta affatim opulentis suggerentibus locis. Quo cognito, hostes, ut inedia nos cruciarent, herbas

cum adultis fegetibus incenderunt : & conflagratione procedere vetiti, stativis castris, dum flammæ fenescerent, tenebamur. Insultantesque nobis longius Persæ, nunc de industria se diffundebant, aliquoties confertius resistentes : ut procul conspiciantibus viderentur advenisse jam regis auxilia, ideoque eos æstimaremus erupisse ad audaces excursus & insolita tentamenta. Moerebat tamen ob hæc Imperator & miles, quod nec contabulandi pontis erat facultas, amissis navibus temere, nec occurri poterat hostis adventitii motibus, quem adesse coruscus nitor indicabat armorum, arte pro singulis membris inflexus. Hisque accedebat aliud haud exiguum malum : quod nec adminicula, quæ præstolabamur cum Arface & nostris ducibus, apparebant, ob causas impedita prædictas.

VIII. Has ob res ut solaretur anxios milites Princeps, captivos graciles suapte natura, ut pæne sunt Persæ, & macie jam confectos, jussit in medium duci : nostrosque respiciens, *En, inquit, quos Martia ista pectora viros existimant, deformes illuvie capellas & tattras, utque crebri docuerunt eventus, antequam manus conferant, abjectis armis vertentes semet in fugam.* Quibus dictis, remotisque captivis, super rerum summa consultabatur. Et multis ultro citroque dictitatis, cum reverti debere per loca, qua venimus, plebs vociferaretur imprudens : resistebat intentius Princeps, multis cum eo nequaquam fieri posse monstrantibus, per effusam planitiem pabulo

absumto & frugibus, vicorumque reliquiis exustorum inopia squalentibus ultima; quodque liquentibus jam brumæ pruinis omne immaduerat solum, & ruptis riparum terminis aucti inhorruere torrentes. Eo etiam ad difficultatem accedente negotii, quod per eas terras vapore fideris calescentes, muscarum & culicum multitudine referta sunt omnia, earumque volatu dies & astrorum noctu micantium facies obumbratur. Et cum nihil humani proficerent sensus, diu fluctuantes & dubii, exstructis aris cæsisque hostiis consulta numinum scitabamur: utrum nos per Assyriam reverti censerent, an præter radices montium lenius gradientes, Chiliocomum prope Corduenam sitam ex improvviso vastare: quorum neutrum extis inspectis consore dicebatur. Sedit tamen sententia, ut, omni spe meliorum succisa, Corduenam arriperemus: & XVI Kalend. Julias promotis jam signis, progressu imperatore cum lucis exordio, fumus vel vis quædam turbinata pulveris apparebat: ut opinari daretur, asinorum esse greges agrestium, quorum multitudo in tractibus est illis innumera, ideo simul incedens, ut constipatione densa feroces leonum frustrentur assultus. Quidam arbitrabantur, Sacenæ duces adventare jam nostros, rumoribus percitos, quod Imperator Ctesiphonta magnis viribus oppugnaret: nonnulli Persas nobis viantibus incubuisse firmabant. Ideo inter hæc ita ambigua ne quid adversum accideret, revocantibus agmina classicis, in valle

graminea prope rivum, multiplicato scutorum ordine, in orbiculatam figuram metatis tutius quievimus castris. Nec enim adusque vesperam aere concreto discerni potuit, quidnam esset, quod diu squalidius videbatur.

AMMIANI MARCELLINI

RERUM GESTARUM

LIBER XXV.

Perſæ Romanos iter facientes adorti, fortiter reprimuntur.

C. I. Inopia frumenti & pabuli premitur exercitus : Julianus terretur ostentis. *II.* Imperator, dum ad repellendos Perſas, qui undique instabant, omiſſa lorica temere ſe præliis inferit, haſta vulneratur, ac in tabernaculum refertur. *III.* Romanis hinc victoribus, inde fuſis, Julianus in tentorio jacens, circumſtantes alloquitur, ac poſt epotam frigidam moritur. *IV.* Virtutes ejus ac vitia, forma corporis & ſtatura. *V.* Jovianus, primicerius domeſticorum protectorum, tumultuarie eligitur Imperator. *VI.* Romanos ex Perſide redire properantes, procedentesque, crebris præliis laceſſunt Perſæ & Saraceni, ac magno cum detrimento repelluntur. *VII.* Fame & inopia fuorum adductus Jovianus A. pacem cum Sapore neceſſariam, ſed turpiſſimam facit, traditis quinque regionibus cum Niſibi & Singara. *VIII.* Romani, fluvio Tigri tranſito, poſt diuturnam & maximam cibarium inopiam fortiter toleratam, tandem in Meſopotamiam perveniunt. Jovianus A. res Illyrici atque Galliarum utcunque ordinat. *IX.* Bineſes nobilis Perſa Niſibin urbem inexpugnabilem, nomine Saporis a Joviano recipit : oppidani inviti patria excedere, & Amidam migrare compulſi. V regiones cum urbe Singara & XVI caſtellis ex pacto Perſis optimatibus assignantur. *X.* Jovianus metrum rerum novarum per Syriam, Cili-

ciam, Cappadociam & Galatiam celeriter itinere facto, Ancyrae cum Varroniano filio infante consulatum init, ac mox Dadaſtanæ repentina morte fungitur. *XL.*

ET hanc quidem noctem nullo ſiderum fulgore ſplendentem, ut ſolet in arduis rebus & dubiis, exegimus, nec ſedere quoquam auſo, nec fleſtere in quietem lumina præ timore. Ubi vero primum dies inclaruit, radiantes loricae limbis circumdatae ferreis, & coruſci thoraces longe proſpecti, aſſeſſe regis copias indicabant. Hocque viſo accenſum, properantem congregi militem dirimente fluuio breui prohibuit Imperator : & non procul a vallo ipſo inter excuſſatores noſtros & Perſicos proelio acri conſerto, Machamæus cecidit, ductor uſius agminis noſtri. Cui propugnaturus Maurus frater, dux poſtea Phœnices, cum germani trucidaret interfectorem, obuium quemque perterrens, infirmatus & ipſe humerum telo, palleſcentem morte propinqua Machamæum extrahere pugna viribus valuit magnis. Et cum fatiſcerent vix toleranda æſtuum magnitudine crebrisque congreſſibus partes, ad ultimam hoſtiles turmae graui ſunt repulſa diſcuſſæ. Hinc recedentibus nobis longius, Saraceni, noſtrorum metu peditum repedare compulſi, paulo poſtea innexi Perſarum multitudine tutius irruebant, Romana impedimenta rapturi : verum viſo Imperatore ad alas ſubſidiarias reuerterunt. Qua ex regione proſecti ad Hucumbra nomine villam peruenimus : ubi per biduum omnibus ad eſum con-

gruis, & satietate quæsitâ frumenti, ultra spem re-
creati discessimus: & confestim, absque his, quæ
tempus vehi permisit, reliqua flammis exusta sunt.
Postridie exercitu sedatius procedente, extremos,
qui eo die forte cogendorum agminum officia susti-
nebant, nec opinantes Persæ adorti, negotio levi
interfecissent, ni proximus equitatus noster, hoc
ocius intellecto, per patulas valles late diffusus, tan-
tam molem discriminis, vulneratis, qui supervene-
rant, repulisset. In hac cecidit pugna Adaces nobilis
satrapa, legatus quondam ad Constantium Principem
missus, ac benigne susceptus: cujus exuviis
interfector Juliano oblatis, remuneratus est, ut de-
cebat. Eodem die Tertiacorum equestris numerus a
legionibus incusatus est, quod, cum ipsæ hostium
adversas irrumperent acies, illi paulatim dilapsi,
alacritatem pæne totius minuissent exercitus. Unde
ad indignationem justam Imperator erectus, ademptis
signis, hastisque diffractis, omnes eos, qui fugisse ar-
guebantur, inter impedimenta & sarcinas & capti-
vos agere iter imposuit, ductore eorum, qui solus
fortiter decertarat, aliæ turmæ apposito, cujus tri-
bunus turpiter prælium deseruisse convincebatur.
Abjecti sunt autem sacramento etiam alii quatuor
ob flagitium simile vexillationum tribuni: hoc enim
correctionis moderamine leniori, impendentium
consideratione difficultatum contentus est Impera-
tor. Progressi itaque LXX stadia attenuata rerum
omnium copia, herbis frumentisque crematis, ex
flammis ipsis raptas fruges & pabula, ut quisque
vehere potuit, conservavit. Hoc etiam loco relicto,

cum ad tractum Maranga appellatum omnis venisset exercitus, prope lucis confinia immensa Persarum apparuit multitudo, cum Merene equestris magistro militiæ, filiisque regis duobus, & optimatibus plurimis. Erant autem omnes catervæ ferratæ, ita per singula membra densis laminis testæ, ut juncturæ rigentes compagibus artuum convenirent: humanorumque vultuum simulacra ita capitibus diligenter apta, ut imbracteatis corporibus solidis, ibi tantum incidentia tela possint hære, qua per cavernas minutas & orbibus oculorum affixas parcius visitur, vel per supremeitates narium angusti spiritus emittuntur. Quorum pars contis dimicatura stabat immobilis, ut retinaculis æreis fixam existimares: juxtaque sagittarii (cujus artis fiducia ab incunabulis ipsis gens prævaluit maxima) tendebant divaricatis brachiis flexiles arcus, ut nervi mammas præstringerent dexteras, spicula sinistris manibus cohærent: summaque peritia digitorum pulsibus argutum sonantes arundines evolabant, vulnera pernicioſa portantes. Post hos elephantorum fulgentium formidandam speciem, & truculentos hiatus vix mentes pavidæ perferebant: ad quorum stridorem odoremque & insuetum aspectum magis equi terrebantur. Quibus infidentes magistri, manubriatos cultros dexteris manibus illigatos gestabant, acceptæ apud Nisibin memores cladis: & si ferociens animal vires exsuperasset regentis, ne reversum per suos, ut tunc acciderat, collisam sterneret plebem, vertebam, quæ caput a cervice disternat, ictu maximo terebrabant. Exploratum est enim

aliquando ab Hasdrubale, Hannibalis fratre, ita citius vitam hujusmodi adimi belluarum. Quibus non sine magno horrore perspectis, stipatus armatarum cohortium globis cum primatibus fidentissimus Imperator, ut flagitabat major vis & atrocior, lunari acie sinuatisque lateribus occursuros hosti manipulos instruebat. Et ne sagittariorum procursus nostrorum cuneos disjiceret, illatis concitatus signis, spiculorum impetum fregit: datoque ad decernendum solemniter signo, densati Romani pedites confertas hostium frontes nisu protruserunt acerrimo. Et fervente certaminum mole, clypeorum sonitus, & virorum armorumque lugubre sibilantium fragor, nihil perpetiens jam remissum, campos cruore & corporum strage contextit, effusius cadentibus Persis: quibus sæpe languidis in conflictu, arctius pes pede collatus graviter obsistebat, pugnare fortiter minus consuetis, &, si inclinatas suorum copias senserint, cedendo in modum imbrium pone versus directis sagittis hostes a persequendi fiducia detertere. Pulsis igitur pondere magnarum virium Parthis, miles solis cursu flammeo diu laxatus, signo in receptum dato, in tentoria repedit, ad audendum deinceps majora sublatus. In hoc proelio Persarum major, ut dictum est, apparuit strages; nostrorum admodum levis. Eminuit tamen inter varios certaminum casus Vetranionis mors viri pugnacis, qui legionem Ziannorum regebat.

II. Post quæ triduo induciis destinato, dum su quisque vulnere medetur vel proximi, com meatibus nos destitutos inedia cruciabat jam non ferenda: &

quoniam, frugibus exustis & pabulis, homines in discrimen ultimum venerant & jumenta, ex eo cibo, quem animalia tribunorum vehebant & Comitum, imæ quoque militum plebi penitus indigenti pars distributa est magna. Et Imperator, cui non cupiditæ ciborum ex regio more, sed sub columellis tabernaculi parvis cœnatura, pultis portio parabatur exigua, etiam munifici fastidienda gregario, quidquid ad ministeria postulabatur, per contubernia paupertina sui securus egeffit. Ipse autem ad sollicitam suspensamque quietem paulisper protractus, cum somno, ut solebat, depulso, ad æmulationem Cæsaris Julii quædam sub pellibus scribens, obscuro noctis altitudine sensus cujusdam philosophi teneretur, vidit squalidius, ut confessus est proximis, speciem illam Genii publici, quam, cum ad augustum surgeret culmen, conspexit in Galliis, velata cum capite Cornucopia per aula tristi discedentem. Et quamquam ad momentum hæsit stupore defixus, omni tamen superior metu, ventura decretis cœlestibus commendabat: relictoque humi strato cubili, adulta jam excitus nocte, & numinibus per sacra depulsoria supplicans, flagrantissimam facem cadenti similem visam, aeris partefulcata evanuisse existimavit: horroreque perfusus est, ne ita aperte minax Martis apparuerit fidus. Erat enim nitor igneus iste, quem *διαστάρτα* nos appellamus, nec cadens unquam, nec terram contingens. Corpora enim qui credit cœlitus posse labi, profanus merito judicatur & demens. Fit autem hic habitus modis compluribus, e quibus sufficiet pauca

monstrare. Scintillas quidam putant ab ætherio cædentes vigore, parumque porrectius tendere sufficientes exstingui: vel certe radorum flammæ injectas nubibus densis acri scintillare contactu: aut cum lumen aliquod cohæserit nubi. Id enim in stellæ speciem figuratum, decurrit quidem, dum viribus ignium sustentatur: amplitudine vero spatiorum exinanitum, in aerium solvitur corpus, ad substantiam migrans, cujus attritu incaluit nimio. Confestim itaque ante lucis primitias Etrusci haruspices accersiti, consultique, quid astri species portenderet nova, vitandum esse cautissime responderunt, ne quid tunc tentaretur; ex Tarquitianis libris, in titulo *De rebus divinis*, id relatum esse monstrantes: quod face in cœlo visa committi proelium, vel simile quidquam non oportebit. Quo etiam id inter alia multa spernente, orabant haruspices, saltem aliquot horis profectionem differri: & ne hoc quidem sunt adepti, Imperatore omni vaticinandi scientiæ reluctante: sed exorto jam die, promota sunt castra.

III. Hinc nos egressos, Persæ, cum sæpe afflicti peditum stabiles pugnas horrerent, Aruētis insidiis occulte comitabantur, altrinfecus viantes catervas a celsis collibus explorando: ut id suspicans miles adusque perpetuum diem nec vallum erigeret, nec sudibus se communiret. Dumque teguntur firmiter latera, & exercitus pro locorum situ quadratis quidem, sed laxis incedit agminibus, invasa subito terga pone versus arma cogentium Principi indicatur, etiam tum inermi ad speculanda anteriora progres-

so. Qua concitus clade, oblitus loricae, scuto inter tumultum arrepto, properans ultimis ferre suppeditas, revocatur alio metu, qui etiam antesignanos, unde discesserat, paria perpeti nuntiabat. Quae dum sine respectu periculi sui redintegrare festinat, ex alia parte cataphractorum Parthicus globus centurias adoritur medias: ac sinistro cornu inclinato acriter superfusus, foetorem stridoremque elephantorum impatienter tolerantibus nostris, contis & multiplicatis missilibus decernebat. Verum Principe volitante inter prima discrimina proeliorum, exsilivit nostra succinctior armatura, averforumque Persarum & belluarum suffragines concidebat & dorsa. Quos cum Julianus cavendi immemor, diffluxisse trepidos, elatis vociferando manibus aperte demonstrans, irasque sequentium excitans, ardentem effunderet semet in pugnam, clamabant hinc inde candidati, quos disjecerat terror, ut fugientium molem, tanquam ruinam male compositi culminis declinaret: & incertum subita equestris hasta cute brachii ejus praestricta, costis perfossis haesit in ima jecoris fibra. Quam dum avelleret dextera manu conatur, acuto utrinque ferro digitorum nervos sensit excisos: & provolutus jumento, praesentiumque veloci concursu relatus in castra, medicinae ministeriis fovebatur. Moxque ubi lenito paulisper dolore timere desit, magno spiritu contra exitium certans, arma poscebat & equum: ut, reviso proelio, suorum fiduciam repararet, ac videretur sui securus alienae salutis sollicitudine vehementer adstringi: eo vigore, licet in negotio dispa-

ri, quo Epaminondas ille dux inclitus, letaliter apud Mantineam faucius, & reiectus ex acie, conquirebat sollicitè scutum: quod cum vidisset propius, lætior vi vulneris interiit: & qui animam intrepidus amittebat, jacturam clypei formidavit. Sed cum vires parum sufficerent voluntati, sanguinisque profluvio vexaretur, mansit immobilis: ideo spe deinceps vivendi absumta, quod percontando Phrygiam appellari locum, ubi ceciderat, comperit. Hic enim obiturum se præscripta audierat forte. Reducto ad tentoria Principe, incredibile dictum est, quanto ardore miles ad vindictam ira & dolore ferventior involabat, hastas ad scuta concrepans, etiam mori, si tulisset fors, obstinatus. Et quamvis offundebatur oculis altitudo pulveris, & æstus calefcens officeret alacritati membrorum; tamen velut exauكتورatus, amisso ductore, sine parsimonia ruebat in ferrum. Contra animosius Persæ sagittarum volantium crebritate conspectum sui rapiabant oppositis: quos elephanti tardius præcedentes, magnitudine corporum cristarumque horrore pavorem jumentis incutiebant & viris. Concurfus itaque armatorum, & cadentium gemitus, equorum flatus, tinnitus ferri, procul audiebatur, quamdiu satietate vulnerum partibus fessis, nox diremit certamina jam tenebrosa. Quinquaginta tum Persarum optimates & satrapæ cum plebe maxima ceciderunt, inter has turbas Merena & Nohodare, potissimis ducibus, interfectis. Obstupescat magniloquentia vetustatis diversis in locis prælia xx Marcelli: Sicinium Dentatum adjiciat, ornatum

militarium multitudine coronarum : miretur super his Sergium, qui vicies & ter vulneratus est in variis pugnis, ut fertur; cujus posteritatis ultimus Catilina claras gloriarum adoreas sempiternis maculis obumbravit. Deformabat tamen tristitia lætiores eventus. Dum hæc post discessum ducis ubique aguntur, exercitus cornu dextro defatigato, & Anatolio interfecto, qui tunc erat officiorum magister : Sallustius præfectus actus in exitum præceps, & opera sui apparitoris ereptus, Sophorio amisso consiliario, qui ei aderat, casu evasit & fuga : quidamque milites per multa discrimina occupato castelli vicini præsidio, post diem denique tertium jungi exercitui potuerunt. Quæ dum ita aguntur, Julianus in tabernaculo jacens circumstantes allocutus est demissos & tristes : *Advenit, o socii, nunc abeundi tempus e vita impendio tempestivum, quam reposcenti naturæ ut debitor bonæ fidei redditurus exsulto : non, ut quidam opinantur, afflictus & mærens : philosophorum sententia generali perdoctus, quantum corpore sit beatior animus, & contemplans, quoties conditio melior a deteriore secernitur, latandum esse potius, quam dolendum. Illud quoque advertens, quod etiam Dii cælestes quibusdam piissimis mortem tanquam summum præmium persolverunt. Munus autem id mihi delatum optime scio, ne difficultatibus succumberem arduis, neve me projiciam unquam aut prosternam : expertus, quod dolores omnes, ut insultant ignavis, ita persistentibus cedunt. Nec me gestorum pœnitet, aut gravis flagitii recordatio stringit, vel cum in umbram & angulos amandarer, vel post principatum susceptum :*

quem tanquam a cognatione cœlitum defluentem, immaculatum, ut existimo, conservavi, & civilia moderatius regens, & examinatis rationibus bella inferens & repellens: tametsi prosperitas simul utilitasque consultorum non ubique concordent, quoniam cœptorum eventus superæ sibi vindicant potestates. Reputans autem justum esse finem imperii, obedientium commodum & salutem, ad tranquilliora semper, ut nostis, propensior fui, licentiam omnem actibus meis exterminans, rerum corruptricem & morum: gaudensque, adeo sciens, quod, ubicunque me velut imperiosa parens consideratis periculis objecit respublica, steti fundatus, turbines calcare fortuitorum assuefactus. Nec fateri pudebit, interiturum me ferro dudum didici, fide fatidica præcinente. Ideoque sempiternum veneror numen, quod non clandestinis insidiis, nec longa morborum asperitate, vel damnatorum sine decedo: sed in medio cursu florentium gloriarum hunc merui clarum e mundo digressum. Æquo enim iudicio juxta timidus est & ignavus, qui, cum non oportet, mori desiderat: & qui refugiat, cum sit opportunum. Hactenus loqui vigore virium labente sufficiat. Super imperatore vero creando caute reticeo, ne per imprudentiam dignum præteream: aut nominatum, quem habilem reor, anteposito forsitan alio, in discrimen ultimum tradam. Ut alumnus autem reipublicæ frugi, opto bonum post me reperiri rectorem. Post hæc placide dicta, familiares opes junctoribus velut supremo distribuens stilo, Anatolium quæsit officiorum magistrum: quem cum beatum fuisse Sallustius respondisset præfectus, intellexit occisum: acriterque amici casum ingemuit, qui elate ante contemserat suum. Et flen-

tes inter hæc omnes, qui aderant, auctoritatē integra etiam tum increpabat : humile esse, cœlo sideribusque conciliatum lugeri Principem dicens. Quibus ideo jam silentibus, ipse cum Maximo & Prisco philosophis super animorum sublimitate perplexius disputans, hiantē latius suffossi lateris vulnere, & spiritum tumore cōhibente venarum, epota gelida aqua, quam petiit, medio noctis horrore vita facilius est absolutus, anno ætatis altero & tricesimo : natus apud Constantinopolim : a pueritia usque parentis obitu destitutus Constantii, quem post fratris Constantini excessum inter complures alios turba consumpsit imperii successorum, & Basilina matre, jam inde a majoribus nobili.

IV. Vir profecto herdicis connumerandus ingeniis, claritudine rerum & coalita majestate conspicuus. Cum enim sint, ut sapientes definiunt, virtutes quatuor præcipuæ, temperantia, prudentia, justitia, fortitudo, eisque accidentes extrinsecus aliæ, scientia rei militaris, auctoritas, felicitas atque liberalitas : intento studio coluit omnes, ut singulas. Et primum ita inviolata castitate enituit, ut post amissam conjugem nihil unquam venerum agitare : illud advertens, quod apud Platonem legitur, Sophoclem tragœdiarum scriptorem ætate grandævum interrogatum, ecquid adhuc feminis misceretur, negantem id adjecisse, quod gauderet, harum rerum amorem, ut rabiosum quendam effugisse dominum & crudelem. Item ut hoc propositum validius confirmaret, recolebat sæpe dictum lyrici Bacchylidis, quem legebat jucunde, id asserentem,

quod ut egregius pictor vultum speciosum effingit; ita pudicitia celsius consurgentem vitam exornat. Quam labem in adulto robore juventutis ita caute vitavit, ut ne suspicione quidem tenus libidinis ullius vel citerioris vitæ ministris incusaretur, ut sæpe contingit. Hoc autem temperantiæ genus crescebat in majus, juvante parsimonia ciborum & somni, quibus domi forisque tenacius utebatur. Namque in pace victus ejus mensura atque tenuitas erat recte noscentibus admiranda, velut ad pallium mox reversuri: per varios autem procinctus, stans interdum more militiæ cibum brevem vilemque sumere visebatur. Ubi vero exigua dormiendi quiete recreasset corpus laboribus induratum, expergefactus explorabat per semetipsum vigiliarum vices & stationum, post hæc serias ad artes confugiens doctrinarum. Et si nocturna lumina, inter quæ lucubrabat, potuissent voces ullæ testari, profecto ostenderant, inter hunc & quosdam Principes multum interesse, quem norant voluptatibus ne ad necessitatem quidem indulgisse naturæ. Dein prudentiæ ejus indicia fuere vel plurima, e quibus explicari sufficiet pauca. Armatæ rei scientissimus, & togatæ: civilitati admodum studens, tantum sibi arrogans, quantum a contemptu & insolentia distare existimabat: virtute senior, quam ætate: studiosus cognitionum omnium, & indeclinabilis aliquoties iudex; censor moribus regendis acerrimus, placidus, opum contemtor, mortalia cuncta despiciens: postremo id prædicabat, *Turpe esse sapienti, cum habeat animum, captare laudes ex corpore.* Quibus au-

tem justitiæ inclaruit bonis, multa significant: primo, quod erat pro rerum & hominum distinctione sine crudelitate terribilis: deinde, quod paucorum discrimine vitia cohibebat: tum autem, quod minabatur ferro potius, quam utebatur. Postremo, ut multa præteream, constat, eum in apertos aliquos inimicos insidiatores suos ita consurrexisse mitissime, ut poenarum asperitatem genuina lenitudine castigaret. Fortitudinem certaminum crebritas, ususque bellorum ostendit, & patientia frigorum immanium, & fervoris quoque. Corporis munus a milite, ab imperatore vero animi poscitur. Ipse trucem hostem ictu confecit audacter congressus, ac nostros cedentes objecto pectore suo aliquoties cohibuit solus: regnaque furentium Germanorum excidens, & in pulvere vaporato Perfidis, augebat fiduciam militis dimicans inter primos. Castrensium negotiorum scientiam plura declarant & nota: civitatum oppugnationes & castellorum inter ipsos discriminum vertex, acies figura multiformi compositæ, salubriter & caute castra metata, prætenturæ stationesque agrariæ tutis rationibus ordinatæ. Auctoritas adeo valuit, ut dilectus arctissime, dum timetur, ac si periculorum socius & laborum, & inter concertationes acerrimas animadverti juberet in desides, & Cæsar adhuc, sine stipendio regeret militem feris appositum gentibus, ut dudum est dictum, allocutusque tumentes armatos, discessurum ad vitam minaretur privatam, ni tumultuari desisterent. Denique id pro multis nosse sufficiet: exhortatum eum simplici concione militem Galli-

canum, pruinis affuetum & Rheno, peragratis spatiis regionum extentis, per tepentem Assyriam adusque confinia traxisse Medorum. Felicitas ita emittit, ut ipsis quodammodo cervicibus fortunæ aliquamdiu bonæ gubernatricis evectus, victoriosis cursibus difficultates superstaret immensas. Et postquam ex occidua plaga digressus est: quoad fuit in terris, quievire nationes omnes immobiles, ac si quodam caduceo leniente mundana. Liberalitatis ejus testimonia plurima sunt & verissima: inter quæ, indicta sunt tributorum admodum levia, coronarium indultum, remissa debita multa diuturnitate congesta, æquata fisci jurgia cum privatis, vestigalia civitatibus restituta cum fundis, absque his, quos velut jure vendidere præteritæ potestates: quodque nunquam augendæ pecuniæ cupidus fuit, quam cautius apud dominos servari existimabat, id aliquoties prædicans, *Alexandrum Magnum, ubi haberet thesauros interrogatum, apud amicos, benevole respondisse*. Digestis bonis, quæ scire potuimus, nunc ad explicanda ejus vitia veniamus, licet dicta sint carptim. Levioris ingenii: verum hoc instituto rectissimo temperabat, emendari se, cum deviaret a fruge bona, permittens. Linguae fusioris & admodum raro silentis: præsagiorum sciscitationi nimis deditus, ut æquiparare videretur in hac parte principem Hadrianum: superstitiosus magis, quam sacrorum legitimus observator, innumeras sine parsimonia pecudes mactans: ut æstimaretur, si revertisset de Parthis, boves jam defuturos: Marci illius similis Cæsaris, in quem id ac-

cepimus dictum : οἱ λευκοὶ βόες Μάρκῳ τῷ Καίσαρι.
 *Ἄν σὺ νικήσης, ἡμεῖς ἀπολώμεθα, Vulgi plausibus læ-
 tus, laudum etiam ex minimis rebus intempe-
 rans appetitor, popularitatis cupiditate cum indi-
 gnis loqui sæpe affectans. Verumtamen cum hæc
 essent, æstimari poterat, ut ipse ajebat, vetus illa
 justitia, quam offensam vitiis hominum Aratus ex-
 tollit, in cœlum, eo imperante redisse rursus ad
 terras, ni quædam ad arbitrium agens, interdum
 ostenderet se dissimilem sui. Namque & jura con-
 didit non molesta, absolute quædam jubentia fieri
 vel arcentia, præter pauca. Inter quæ erat illud in-
 clemens, quod docere vetuit magistros rhetoricos
 & grammaticos Christianos, ni transissent ad numi-
 num cultum. Illud quoque itidem parum ferendum,
 quod municipalium ordinum cœtibus patiebatur in-
 juste quosdam annecti, vel peregrinos, vel ab iis
 consortiis, privilegiis, aut origine longe discretos.
 Figura talis utique membrorum. Mediocris erat sta-
 turæ, capillis, tanquam pexisset, mollibus, hirsuta
 barba in acutum desinente vestitus, venustate ocu-
 lorum micantium flagrans, qui mentis ejus angus-
 tiæ indicabant, superciliis decoris, & naso rectis-
 simo, ore paulo majore, labro inferiore demisso,
 opima & incurva cervice, humeris vastis & latis,
 ab ipso capite usque unguium summitates lineamen-
 torum recta compage, unde viribus valebat & cur-
 su. Et quoniam eum obtrectatores novos bellorum
 tumultus ad perniciem rei communis insimulant
 concitasse: sciant, docente veritate perspicue, non
 Julianum, sed Constantium, ardores Parthicos sue;

cendisse, cum Metrodori mendaciis avidius acquiescit, ut dudum retulimus plene. Unde cæsi ad internecionem exercitus nostri, capti militares aliquoties numeri, urbes excisæ, rapta munimenta vel diruta, provinciæ gravibus impensis exhaustæ: & ad effectum tendentibus minis cuncta petebantur a Persis adusque Bithynos & litora Propontidis. At in Galliis bellorum tenore gliscente, diffusis per nostra Germanis, jamque Alpibus ad vastandam Italiam perrumpendis, multa & nefanda perpeffis hominibus, nihil præter lacrimas supererat & terrores: ubi & præteritorum recordatio erat acerba, & exspectatio tristior impendentium. Quæ omnia juvenis iste ad occiduam plagam specie Cæsaris missus, regesque pro mancipiis agitans ignobilibus, cuncta pæne mira dictu celeritate correxit. Utque Orientem pari studio recrearet, adortus est Persas, triumphum exinde relaturus & cognomen, si consiliis ejus & factis illustribus decreta coelestia congruissent. Et cum sciamus experimento, adeo quosdam ruere improvidos, ut bella interdum victi, & naufragi repetant maria, & ad difficultates redeant, quibus succubere sæpissime, sunt, qui reprehendant, paria repetisse Principem ubique victorem.

V. Nec fuit post hæc lamentis aut fletibus locus. Corpore enim curato pro copia rerum & temporis, ut, ubi olim ipse statuerat, conderetur: principio lucis secutæ, quæ erat quintum Kalend. Julias, hostibus ex omni latere circumfusus, collecti duces exercitus, advocatisque legionum principiis

& turmarum, super creando Principe consulta-
 bant. Disciffique studiis turbulentis, Arinthæus, &
 Victor, & e palatio Constantii residui, de parte sua
 quendam habilem scrutabantur: contra Nevitta, &
 Dagalaiphus, procereſque Gallorum, virum talem
 ex commilitio ſuo quæritabant. Quæ dum ambi-
 guntur, nulla variante ſententia, itum eſt volun-
 tate omnium in Salluſtium: eoque cauſante mor-
 bos & ſenectutem, honoratior aliquis miles adver-
 tens deſtinatius reluctantem: *Et quid ageretis*, ait, *ſi*
illud bellum vobis curandum commiſſiſſet abſens, ut
ſæpe factum eſt, Imperator? nonne poſthabitis ceteris
militem inſtantibus ærumnis eriperetis? Id nunc agite:
& ſi Meſopotamiam videre licuerit, utriuſque exerci-
tus confociata ſuffragia legiitum Principem declara-
bunt. Inter has exiguas ad tantam rem moras, non-
 dum penſatis ſententiis, tumultuantibus paucis, ut
 in rebus extremis ſæpe eſt factum, Jovianus eligi-
 tur Imperator, domeſticorum ordinis primus, pa-
 ternis meritis mediocriter commendabilis. Erat
 enim Varroniani notiſſimi comitis filius, haud du-
 dum poſt depositum militiæ munus ad tranquilliora
 vitæ digreſſi. Et conſeſtim indumentis circumdatus
 principalibus, ſubitoque productus e tabernaculo,
 per agmina jam diſcurrebat proficiſci parantia. Et
 quoniam acies aduſque lapidem quartum porrige-
 batur, anteſignani quorſdam clamare Jovianum au-
 dientes Auguſtum, eadem multo magis ſonabant,
 gentilitate enim prope perciti nominis, quod una
 litera diſcernebat, Julianum recreatum arbitrati ſunt

deduci magnis favoribus, ut solebat. Verum cum incurvus ille visus & longior adventaret, suspicati, quod acciderat, in lacrimas effusi sunt omnes & luctum. Quod si gravis quidam æquitatis spectator in ultimo rerum spiritu factum criminatur improvide: nauticos idem justius incusabit, amisso perito navigandi magistro, sævientibus flabris & mari, quod clavos regendæ navis cuilibet periculi socio commiserunt. His ita cæco quodam judicio fortunæ peractis, Jovianorum signifer, quos Varonianus rexerat dudum, cum novo dissidens Principe, etiamtum privato, ut patris ejus obtrectator immoderatus, periculum ex inimico metuens jam communia supergresso, discessit ad Persas: ac data dicendi copia, quæ sciret, docet Saporem jam propinquantem, extincto, quem verebatur, turbine concitato calorum ad umbram imperii Jovianum adhuc protectorem ascitum, inertem quendam & mollem. Hoc ille audito, quod semper trepidis votis expetebat, & inopina prosperitate elatus, multitudinē ex regio equitatu adjuncta iis, qui dimicare vere nobiscum, celeri disposuit gradu agminis nostri invadi terga postremi.

VI. Quæ dum ultro citroque ordinantur, hostiis pro Joviano extisque inspectis pronuntiatum est, eum omnia perditurum, si intra vallum remansisset, ut cogitabat: superiorem vero fore, profectum. Proinde egredi jam cœptantes adoriuntur nos elephantis præviis Persæ: ad quorum fremitum incessumque terribilem equis inter initia turbatis, & viris, Joviani & Herculiani occisis belluis paucis,

cataphractis equitibus acriter resisterunt. Deinde legiones Joviorum atque Victorum laborantibus suis ferentes auxilium, elephantos duos straverunt cum hostium plebe non parva: & in lævo proelio viri periere fortissimi, Julianus, & Macrobius, & Maximus legionum tribuni, quæ tunc primas exercitus obtinebant. Hisque sepultis, ut rerum angustia permiserunt, prope confinia noctis cum ad castellum Sumere nomine citis passibus tenderemus, jacens Anatolii corpus est agnitum, quod tumultuaria opera terræ mandatum est. Hic & milites sexaginta cum palatinis recepimus, quos in munimentum Vaccatum confugisse retulimus. Secuto deinde die pro captu locorum reperta in valle castra ponuntur, velut murali ambitu circumclausa, præter unum exitum eundemque patentem, undique in modum mucronum præacutis sudibus fixis. Hocque viso, e saltibus nos hostes diversitate telorum, ac verbis turpibus incessabant, ut perfidos & lætissimi Principis peremtores: audierant enim ipsi quoque referentibus transfugis, rumore jactato incerto, Julianum telo cecidisse Romano. Ausi denique inter hæc equitum cunei, porta perrupta prætoriam, prope ipsum tabernaculum Principis advenire: occisis multis suorum & vulneratis, vi repulsi sunt magna. Egressi exinde, proxima nocte Charcham occupavimus locum: ideo tuti, quod riparum aggeribus humana manu destructis, ne Saraceni deinceps Assyriam persultarent, nostrorum agmina nullus, ut ante, vexabat. Cumque his Kalendis Juliis stadiis xxx confectis, civitatem nomine Duram

adventaremus, fatigatis jumentis, vectores eorum novissimi pedibus incedentes, a Saracena multitudine circumsepti protinus interissent, ni expeditiores turmae nostrorum opem laborantibus attulissent. Hos autem Saracenos ideo patiebamur infestos, quod salaria muneraque plurima a Juliano ad similitudinem præteriti temporis accipere vetiti, questique apud eum; solum audierant, Imperatorem bellicosum & vigilantem ferrum habere, non aurum. In hoc loco Persarum obstinatione tritum est quatrimum. Nam progredientes nos sequebantur crebris laceffitionibus retrahentes: cum staremus, ut pugnaturi, gradum sensim referentes, moris diuturnis excruciabant. Jamque (ut solent extrema metuentibus etiam ficta placere) fama circumlata, fines haud procul limitum esse nostrorum, exercitus vociferans immodeste, dari sibi copiam transeundi Tigridis flagitabat. Quibus oppositus cum rectoribus Imperator, tumentemque jam caris exortu sideris amnem ostendens, ne se periculosis committerent gurgitibus, exorabat: nandi imperitos asserens esse complures, simulque adjiciens, hostiles manus hinc inde margines superfusi fluminis occupasse. Sed cum hæc sæpe congeminando refragaretur incassum, milesque conclamans magno contentionis fragore minaretur extrema, id imperatur ægerrime, ut mixti cum Arctoïis Sarmatis Galli amnem primi omnium penetrarent: ut his magnitudine fluentorum abreptis, residuorum pertinacia frangeretur; aut si id perfecissent innocui, transitus fidentior tentaretur. Electique sunt ad id

negotium habiles, qui maxima præ ceteris flumina transmeare in regionibus genuinis a prima pueritia sunt instituti: & cum latendi copiam nocturna quies daret, tanquam e transfenna simul emissi, spe citius ripas occupare contrarias: Persarumque conculcatis pluribus & truncatis, quos loca servare dispositos securitas placido vinxerat somno, efficacia audaciæ signum elatis manibus contortisque sagulis ostendebant. Hoc longe conspecto, ardens ad transitum miles ea mora tantummodo tenebatur, quod utribus e cætorum animalium coriis coagmentare pontes architecti promittebant.

VII. Quæ dum vanis conatibus agitantur, rex Sapor, & procul absens, & cum prope venisset, exploratorum perfugarumque veris vocibus docebatur fortia facta nostrorum, foedas suorum strages, & elephantos, quot nunquam rex ante meminerat, interfectos, exercitumque Romanum continuis laboribus induratum, post casum gloriosi rectoris non salutis suæ, ut memorabat, consulere, sed vindictæ, difficultatemque rerum instantium aut victoria summa, aut morte memorabili finitum. Ob quæ reputabat multa & formidanda: diffusum abunde militem per provincias, levi tessera colligi posse: expertus & sciens, populum suum post amissam maximam plebem ultimis terroribus deformatum: simul comperiens, in Mesopotamia relictum haud multo minorem exercitum. Quæ super omnia, hebetarunt ejus anxiam mentem, uno parique natatu quingenti viri transgressi tumidum flumen incolumes, custodibusque confossis, reliquos con-

fortes suos ad similem fiduciam concitantes. Hæc inter cum neque pontes compaginari paterentur undæ torrentes , & absumtis omnibus , quæ mandî poterant , utilibus , exacto miserabiliter biduo , furebat inedia iraque percitus miles , ferro properans , quam fame , ignavissimo genere mortis , absumi. Erat tamen pro nobis æternum Dei cœlestis numen : & Persæ præter sperata priores , super fundanda pace oratores Surenam & optimatem alium mittunt , animos ipsi quoque despondentes , quos omnibus pæne præliis pars Romana superior gravius quassabat in dies. Conditiones autem ferebant difficiles & perplexas , fingentes , humanorum respectu reliquias exercitus redire sinere clementissimum regem , quæ jubet si impleverit cum primatibus Cæsar. Contra hos cum Sallustio præfecto mittitur Arinthæus : & dum deliberatur examinatus , quid fieri deberet , dies quatuor sunt evoluti inedia cruciabiles , & omni supplicio tristiores. Quo temporis spatio , antequam hi mitterentur , si exabus Princeps paulatim terris hostilibus excessisset , profecto venisset ad præsidia Corduenæ , uberis regionis & nostræ , ex eo loco , in quo hæc agebantur , centesimo lapide disparatæ. Petebat autem rex obstinatius , ut ipse ajebat , sua dudum a Maximiano erepta : ut docebat autem negotium , pro redemptione nostra , quinque regiones Transtigritanas : Arzanenam , & Moxoenam , & Zabdicenam , itidemque Rehimenam , & Corduenam , cum castellis quindecim , & Nisibin , & Singaram , & castra Maurorum , munimentum perquam oppor-

tunum. Et cum pugnari deces expediret, ne horum quidquam dederetur: adulatorum globus instabat timido Principi, Procopii metuendum subferens nomen: eumque affirmans, nisi rediret, cognito Juliani interitu, cum intacto milite, quem regebat, novas res nullo renitente facile moliturum. Hac perniciofa verborum ille assiduitate nimia succensus, sine cunctatione tradidit omnia, quæ petebantur: difficile hoc adeptus, ut Nisibis & Singara sine incolis transirent in jura Persarum, a munimentis vero alienandis reverti ad nostra præsidia Romani permitterentur. Quibus exitiale aliud accessit & impium, ne post hæc ita composita, Arsaci poscenti contra Persas ferretur auxilium, amico nobis semper & fido. Quod ratione gemina cogitatum est, ut puniretur homo, qui Chiliocomum mandatu vastaverat Principis, & remaneret occasio, per quam subinde licenter invaderetur Armenia. Unde postea contigit, ut vivus caperetur idem Arsaces, & Armeniæ maximum latus Medis conterminans, & Artaxata inter dissensiones & turbamenta raperent Parthi. Quo ignobili decreto firmato, ne quid committeretur per indutias contrarium pactis, obsidatus specie viri celebres altrinfecus dantur Remora, & Victor ex parte nostrorum, & Bellovædius, insignium numerorum tribuni: ex parte vero diversa Bineses e numero nobilium optimatum, tresque alii satrapæ non obscuri. Foederata itaque pace annorum triginta, eaque jurisjurandi religionibus consecrata, reversi itineribus aliis, quoniam loca contigua flumini ut con-

fragosa vitabantur & aspera, potus inopia premebatur & cibi.

VIII. Et pax specie humanitatis indulta, in perniciem est versa multorum: qui, fame adusque spiritum lacerati postremum, ideoque latentèr progressi, aut imperitia nandi gurgite fluminis adhauriebantur: aut si undarum vi superata venirent ad ripas, a Saracenis vel Persis (quos, ut diximus paulo ante, exturbavere Germani) cædebantur ut pecora, vel longius amandati sunt venumdandi. Ubi vero transeundi amnis aperte signum dedere buccinæ concrepantes, immane quo quantoque ardore temere rapiendo momenta periculorum, semet quisque reliquis omnibus anteponens, vitare multa & terribilia festinabat: & pars cratibus temere textis jumenta retinentes hinc inde natantia; alii supersidentes utribus, quidam diversa in necessitatis abrupto versantes, undarum occurrentium fluctus obliquis meatibus penetrabant. Imperator ipse brevibus lembis, quos post exustam classem docuimus remansisse, cum paucis transvectus, eadem navigia ultro citroque discurrere statuit, dum omnes conveheremur. Tandemque universi præter mersos ad ultiores venimus margines, favore superi numinis discrimine per difficiles casus extracti. Dum nos pendentium ærumnarum opprimit timor, compertum est procuratorum indicio, Persas pontem jungere procul e nostro conspectu, ut post firmatam pacem & fœdera sopitis belli turbinibus, incuriosius gradientes ægros, & animalia peterent diu defatigata: verum cum se

proditos advertissent, a conatu nefario destiterunt. Hac etiam suspicione jam liberi, properantesque itineribus magnis, prope Hatram venimus, vetus oppidum in media solitudine positum, olimque desertum: quod diruendum adorti temporibus variis Trajanus & Severus, principes bellicosi, cum exercitibus pæne deleti sunt, ut in eorum actibus has quoque digessimus partes. Unde cognito, per porrectam planitiem adusque lapidem septuagesimum in regionibus aridis nec aquam invenire posse, præter salsam & foetidam, nec ad victum aliquid, nisi abrotonum, & absinthium, & dracontium, aliaque herbarum genera tristissima: vasa, quæ portabantur, aquis impleta sunt dulcibus: & mactaris camelis jumentisque aliis, alimenta quæsitæ sunt, licet noxia. Et via sex dierum emensa, cum ne gramina quidem invenirentur, solatia necessitatis extremæ: dux Mesopotamiæ Cassianus, & tribunus Mauricius pridem ob hoc missus, ad Ur nomine Persicum venere castellum, cibos ferentes ex his, quos relictus cum Procopio & Sebastiano exercitus parcius victitans conservarat. Hinc Procopius alter notarius, & Memoridus militaris tribunus, ad tractus Illyricos mittuntur & Galliarum, nuntiaturi Juliani mortem, & Jovianum post ejus obitum ad culmen augustum evectum. Quibus mandaverat Princeps, ut Lucillianum socerum suum, post depositum militiæ munus digressum ad otium, morantemque eo tempore apud Sirmium, oblati magisterii equitum & peditum codicillis, quos iisdem tradiderat, properare Mediolanum urgerent, res

firmaturum ancipites : & quod magis metuebatur , si casus novi quidam exsurgerent , opponendum. Quibus secretiore addiderat literas , Lucillianum itidem monens , ut quosdam lectos exploratæ industriæ fideique duceret secum : adminiculis eorum usus pro incidentium captu negotiorum. Prudentique consilio Malarichum ex familiaribus negotiis agentem etiamtum in Italia , missis insignibus , Jovino jussit succedere armorum magistro per Gallias , gemina utilitate præspeculata : ut & dux meriti celsioris , ideoque suspectus abiret e medio ; & homo inferioris spei ad sublimiora provectus , auctoris sui nutantem adhuc statum studio fundaret ingenti. Jussum est autem ad implenda hæc perrecturis , extollere seriem gestorum in melius , & rumores , quaquā irent , verbis diffundere , concinentibus provincinæ Parthicum exitu prospero terminatum : additisque festinando itineri noctibus , provinciarum militiæque rectoribus insinuare novi Principis scripta , omniumque sententiis occultius sciscitatis remeare velociter cum responsis , ut comperto , quid in longinquis agatur , principatus corroborandi matura consilia quærantur & cauta. Hos tabellarios fama prægrediens , index tristiorum casuum velocissima , per provincias volitabat & gentes ; maximeque omnium Nisibenos acerbō dolore percussit , cum urbem Saporī deditam comperissent : cujus iram metuebant & simultates , recolentes , quæ assidue pertulerit funera , eam sæpius oppugnare conatus. Constabat enim , orbem Eoum in ditionem potuisse transire Persidis , nisi hæc civitas habili situ

& moenium magnitudine restitisset. Miseri tamen licet majore venturi pavore constringerentur, spe tamen sustentari potuerunt exigua: hac scilicet, velut suoapte motu, vel exoratus eorum precibus Imperator, eodem statu retinebit urbem, Orientis firmissimum claustrum. Dum gestorum seriem ubique rumores diffunditant varii, in exercitu absumtis commeatibus paucis, quos advectos prædiximus, in corpora sua necessitas erat humana vertenda, ni jumentorum caro cæforum aliquatenus perdurasset: unde effectum est, ut & armorum pleraque projicerentur & sarcinarum. Adeo enim atroci tabuimus fame, ut si usquam modius unus farinæ fuisset repertus, quod raro contigerat, aureis decem mutaretur ut minus. Profecti exinde Thilsaphata venimus, ubi Sebastianus atque Procopius, cum tribunis principibusque militum sibi ad tuendam Mesopotamiam commissorum, ut poscebat solemnitatis, occurrerunt: & sequebantur benigne suscepti. Post quæ itinere festinato, Nisibi cupide visa, extra urbem stativa castra posuit Princeps: rogatusque enise precante multiplici plebe, ut ingressus, palatium more succederet Principum, pertinaciter reluctatus est, erubescens, agente se intra muros, urbem inexpugnabilem iratis hostibus tradi. Ibi tunc vespera tenebrante, raptus a cœna Jovianus, primus inter notarios omnes, quem in obsidione civitatis Majozamalchæ per cuniculum docuimus evasisse cum aliis, ductusque ad devium locum, & præceps actus in puteum siccum, obrutus est saxorum multitudine superjecta: hanc profecto ob causam, quod

Juliano peremto , ipse quoque nominatus a paucis , ut imperio dignus , nec post creatum Jovianum egit modeste : sed susurrans super negotio quædam audiebatur , invitabatque ad convivia subinde militares.

IX. Postridie Bineses unus ex Persis , quem inter alios excellere diximus , mandata regis complere festinans , promissa flagitabat instanter : & Principe permittente Romano civitatem ingressus , gentis suæ signum ab arce extulit , submigrationem e patria civibus nuntians luctuosam. Et vertere solum extemplo omnes præcepti , manus tendentes orabant , ne imponeretur sibi necessitas abscedendi , ad defendendos penates se solos sufficere sine alimentis publicis affirmantes & milite , satis confisi , affuturam justitiam pro genitali sede dimicaturis , ut experti sunt sæpe. Et hæc quidem suppliciter ordo & populus precabatur : sed ventis loquebantur incassum , Imperatore , ut fingeat alia metuens , perjurii piacula declinante. Tum Sabinus , fortuna & genere inter municipales clarus , ore volubili replicabat , Constantium , immani crudescente bellorum materia , superatum a Persis interdum , deductumque postremo per fugam cum paucis ad Hibitam stationem intutam , panis frusto vixisse precario , ab anu quadam agresti porrecto , nihil tamen ad diem perdidisse supremum : & Jovianum inter exordia principatus provinciarum muro cessisse , cujus obice jam inde a vetustate innoxiae permanferunt. Cumque nihil promoveretur , jurisjurandi religionem Principe destinatus prætenden-

te; cum oblatam ei coronam aliquamdiu recusans, coactus denique suscepisset, Silvanus quidam causarum defensor confidentius exclamavit. *Ita*, inquit, *Imperator a civitatibus residuis coroneris*. Quo verbo exasperatus, intra triduum omnes iussit excedere mœnibus, detestantes rerum præsentium statum. Appositis itaque compulsoribus, mortem, si qui distulerint egredi, minitantibus, mœnia permixta sunt lamentis & luctu: & per omnia civitatis membra una vox cunctorum erat gementium, cum laceraret crines matrona exsul fuganda laribus, in quibus nata erat & educata: orbataque mater liberis, vel conjuge viduata, procul ab eorum manibus pelleretur: & turba flebilis postes penatium amplexa vel limina lacrimabat. Exin variæ complentur viæ, qua quisque poterat, dilabentium. Properando enim multi furabantur opes proprias, quas vehi posse credebant, contemta reliqua suppellectili pretiosa & multa: hanc enim reliquerunt penuria jumentorum. Tu hoc loco, Fortuna orbis Romani, merito incusaris, quæ diffiantibus procellis rempublicam excussa regimenta perito rei gerendæ ductori, consummando juveni porrexisti: quem nullis antea vitæ insignibus in hujusmodi negotiis cognitum, nec vituperari est æquum, nec laudari. Illud tamen ad medullas usque bonorum pervenit: quod, dum extimescit æmulum potestatis, dumque in animo per Gallias & Illyricum versat, quosdam sæpe sublimiora coepisse, famam adventus sui prævenire festinans, indignum imperio facinus amictu perjurii fugiendi commisit,

Nisibi prodita : quæ jam inde a Mithridatici regni temporibus, ne Oriens a Persis occuparetur, viribus restitit maximis. Nunquam enim ab urbis ortu inveniri potest annalibus replicatis, ut arbitror, terrarum pars ulla nostrarum ab Imperatore vel consule hosti concessa : sed ne ob recepta quidem, quæ direpta sunt, verum ob amplificata regna, triumphalis gloria fuisse delata. Unde P. Scipioni ob recuperatas Hispanias, Fulvio Capua post diuturna certamina superata, & Opimio post diversos exitus præliorum, Fregellanis, tunc internecivis hostibus, ad deditionem compulsis, triumphus sunt denegati. Id etiam memoriæ nos veteres docent, in extremis casibus ista cum dedecore foederæ, postquam partes verbis juravere conceptis, repetitione bellorum illico dissoluta : ut temporibus præscis apud Furcas Caudinas sub jugum legionibus missis in Samnio, & per Albinum in Numidia scelestæ pace cogitata, & auctore turpiter pactionis festinatæ Mancino dedito Numantinis, Proinde extractis civibus, & urbe tradita, missoque tribuno Constantio, qui munimenta præsidiaria cum regionibus, Persicis optimatibus assignaret : cum Juliani supremis Procopius mittitur, ea, ut superstes ille mandarat, humaturus in suburbano Tarsensi. Qui ad exsequendum profectus, confestim corpore sepulto discessit, nec inveniri usquam potuit studio quæsitus ingenti, nisi quod multo postea apud Constantinopolim visus est subito purpuratus.

X. His hoc modo peractis, discursisque itineribus, Antiochiam venimus, ubi per continuos dies,

velut offenso numine, multa visebantur & dira : quorum eventus fore luctificos gnari rerum prodigialium præcinebant. Nam & Maximiani statua Cæsaris, quæ locata est in vestibulo regiæ, amisit repente sphæram æream, formatam in speciem poli, quam gestabat : & cum horrendo stridore sonuerunt in consistorio trabes : & visa sunt interdum sidera cometarum, super quorum natura ratiocinantes physici variant. Quidam enim eos hoc nomine ideo existimant appellari, quod tortos ignes spargunt, ut crines, in unum stellis multiplicibus congregatis. Alii eos arbitrantur ex halitu sicciore terrarum ignescere, paulatim in sublimiora surgente. Quidam currentes radios solis, densiore nube objecta digredi ad inferiora prohibitos, splendore infuso corpori crasso, lucem velut stellis distinctam mortali conspectu monstrare. Sedit quorundam opinioni, hanc speciem tunc apparere, cum erecta solito celsius nubes æternorum ignium vicinitate colluceat : vel certe stellas esse quasdam ceteris similes, quarum ortus obitusque, quibus sint temporibus præstituti, humanis mentibus ignorari. Plura alia de cometis apud peritos mundanæ rationis sunt lecta : quæ digerere nunc vetat aliorum oratio properans. Moratum paulisper Antiochiæ Principem, curarumque ponderibus diversis afflictum, exeundi mira cupiditas agitabat : proinde nec jumento parcens, nec militi, flagrante hieme inde profectus, signis, ut dictum est, vetantibus plurimis, Tarsum, urbem Cilicum nobilem, introiit, cujus originem docuimus supra. Exindeque egredi

nimum properans, exornari sepulcrum statuit Juliani, in pomœrio situm itineris, quod ad Tauri montis angustias ducit: cujus suprema & cineres, si qui tunc iuste consuleret, non Cydnus videre deberet, quamvis gratissimus amnis & liquidus: sed ad perpetuandam gloriam recte factorum præterlabere Tiberis interfecans urbem æternam, divorumque veterum monumenta præstringens. Deinde Tarso profectus, extentis itineribus venit opidum Cappadociæ Tyana: ubi ei reversi Procopius notarius & Memoridus tribunus occurrunt, gestorumque aperiunt textum, hinc, ut ordo poscebat, exorsi, quod Lucillianus Mediolanum ingressus cum Seniacho & Valentiniano tribunis, quos duxerat secum, cognito, quod Malarichus recusavit suscipere magisterium, effuso cursu petierat Remos. Et tanquam in alto gentis silentio, extra calcem, ut dicitur, præcurrebat: & intempestive parum etiam tum firmatis omnibus, ex actuario ratiociniis scrutandis incubuit: qui fraudum conscius & noxarum, ad militaria signa confugit: finxitque Juliano superstite in res novas quendam medium surrexisse: cujus fallaciis turbo militaris acerrime concitus Lucillianum & Seniauchum occidit. Valentinianum enim paulo postea Principem, trepidum, & quo confugeret ambigentem, Primitivus hospes tutius amandarat. His ita tristibus lætum aliud addebatur, missos a Jovino milites adventare, quos Capita scholarum ordo castrensis appellat, nuntiantes, æquo animo Joviani imperium amplecti exercitum Gallicanum. Quibus compertis, Valen-

tiniano, qui cum iisdem redierat, regenda scutario-
 rum secunda committitur schola, & Vitalianus do-
 mesticorum consortio jungitur, Erulorum e nu-
 mero miles, qui multo postea auctus Comitis di-
 gnitate, male rem per Illyricum gessit: confestim-
 que mittitur in Gallias Arinthæus, ferens literas ad
 Jovinum, ut constanter ageret suum obtinens lo-
 cum: eique mandatum est, ut animadverteretur in
 concitorem tumultus, auctoresque seditionis ad co-
 mitarum vincti transmitterentur. Post quæ, ut vide-
 batur expedire, disposita, apud Aspuna Galatiæ mu-
 nicipium brevè Gallicani milites visi Principi, in-
 gressique consistorium, post audita gratanter, quæ
 pertulerant, munerati redire jubentur ad signa. Et
 cum introisset Ancyram Imperator, paratis ad
 pompam pro tempore necessariis, consulatum iniit,
 adhibito in societatem trabæ Vatroniano filio suo
 admodum parvulo: cujus vagitus, pertinaciter re-
 luctantis, ne in euruli sella veheretur ex more, id,
 quod mox accidit, portendebat. Hinc quoque Jo-
 vianum celeri gradu præscriptus vitæ finiendæ dies
 exegit. Cum enim venisset Dadaflanam, qui locus
 Bithyniam distinguit & Galatas; exanimatus in-
 ventus est nocte: super cujus obitu dubietates emer-
 sere complures. Fertur enim, recenti calce cubiculi
 illiti ferre odorem noxium nequivisse, vel extube-
 rato capite perisse succensione prunarum immensa,
 aut certe ex colluvione ciborum avida cruditate
 distentus. Decessit autem anno tricesimo ætatis &
 tertio. Cumque huic & Æmiliano Scipioni vitæ
 exitus similis evenisset, super neutrius morte quæ-

stionem comperimus agitatam. Incedebat autem motu corporis gravi, vultu lætissimo, oculis cæsis, vasta proceritate & ardua, adeo ut diu nullum indumentum regium ad mensuram ejus aptum inveniretur. Et æmulari malebat Constantium, agens seria quædam aliquoties post meridiem: jocularique palam cum proximis assuetus. Christianæ legis idem studiosus, & nonnunquam honorificus, mediocriter eruditus, magisque benevolus, & perpenſus, ut apparebat ex paucis, quos promoverat, judices electurus: edax tamen, & vino Venerique indulgens, quæ vitia imperiali verecundia forsitan correxisset. Dicebatur autem Varronianus pater ejus monitu cujusdam somni dudum præfuisse, quod evenit, idque duobus amicis commisisse fidissimis, illo adjecto, quod ipsi quoque deferretur trabea consularis. Sed impetrato uno, adipisci non potuit aliud. Audita enim filii celsiore fortuna, antequam eum videret, fatali præventus est morte. Et quia huic nomini amplissimum magistratum portendi, per quietem prædictum est seni: Varronianus nepos ejus infans etiamtum, cum Joviano patre declaratus est, ut supra retulimus, consul.

AMMIANI MARCELLINI

RERUM GESTARUM

LIBER XXVI.

Valentiniano, scholæ secundæ scutariorum tribuno, communi magistratuum civilium & militarium consensu, Nicææ absenti defertur imperium: & de ratione bissexti. *C. I.* Valentinianus cum Ancyra evocatus Nicæam celeriter venisset, una omnium voce iterum eligitur imperator, purpuraque & diademate ornatus, Augustusque appellatus, militem alloquitur. *II.* De Aproniani præfectura urbana Romæ. *III.* Valentinianus Valentem fratrem suum Nicomediæ tribunum stabuli, ac mox apud Constantinopolim in Hebdomo, consentiente exercitu, consortem imperii constituit. *IV.* Imperatores ambo comites & militares numeros inter se partiuntur; & paulo post alter Mediolani, alter Constantinopoli primum consulatum ineunt. Alamanni Gallias vastant; Procopius in Oriente res novas molitur. *V.* Patria & genus, mores, ac dignitates Procopii; deque ejus sub Joviano latebra: & qua ratione Constantinopoli imperator sit appellatus. *VI.* Procopius Thracias sine sanguine in suam potestatem redigit, & equites peditesque per Thraciam iter facientes, promissis in verba sua adigit, nec non Jovios & Victores, a Valente adversus se missos, sibi oratione jungit. *VII.* Nicæa & Chalcedone obsidione liberatis, Bithynia in ditionem Procopii redigitur: & mox Cyzico expugnato Hellepontus. *VIII.* Procopius in Bithynia, in Lycia, & Phrygia a

fuis defertus, & vivus Valenti traditus, capite truncatur.

IX. Marcellus protector, ejus cognatus, & multi Procopianarum partium supplicio capitis affecti. *X.*

I. **D**ICTIS impensiore cura rerum ordinibus ad-
usque memoriæ confinia propioris, convenerat jam
referre a notioribus pedem, ut & pericula declin-
entur veritati sæpe contigua, & examinatores con-
texendi operis deinde non perferamus intempesti-
vos, strepentes ut læsos, si præteritum sit, quod lo-
cutus est Imperator in cœna, vel omissum, quam ob
causam gregarii milites coerciti sunt apud signa, &
quod non decuerat in descriptione multiplici re-
gionum, super exiguis filere castellis: quodque cun-
ctorum nomina, qui ad urbani prætoris officium
convenere, non sunt expressa: & similia plurima
præceptis historiæ dissonantia, discurrere per nego-
tiorum celsitudines assuetæ, non humilium minu-
tias indagare causarum: quas si scitari voluerit quis-
piam, individua illa corpuscula volitantia per ina-
ne, atomos, ut nos appellamus, numerari posse spe-
rabit. Hæc quidam veterum formidantes, cognitio-
nes actuum variorum stilis uberibus explicatas non
edidere superstites, ut in quadam ad Cornelium
Nepotem epistola Tullius quoque testis reverendus
affirmat. Proinde inciticia vulgari contemta, ad re-
sidua narranda pergamus. Hac volubiliū casuum
diritate exitu luctuoso finita, obituque intervallato
brevis tempore Principum, corpore curato defuncti,
missoque Constantinopolim, ut inter Augustorum

reliquias conderetur, progresso Nicæam versus exercitu, quæ in Bithynia mater est urbium, potestatum civilium militiæque rectores magnitudine curarum adstricti communium, interque eos quidam spe vana sufflati, moderatorem quæritabant diu exploratum & gravem. Et rumore tenuis obscuris paucorum susurris nomen præstringebatur Equitii, scholæ primæ scutariorum etiamtum tribuni: qui cum potiorum auctoritate displicuisset, ut asper & subagrestis; translata est suffragatio levis in Januarium Joviani affinem, curantem summitatem necessitatum castrensium per Illyricum. Quo idem spreto, quia procul jacebat: ut aptus ad id, quod quærebatur, atque conveniens, Valentinianus nulla discordante sententia, numinis aspiratione coelestis electus est, agens scholam scutariorum secundam, relictusque apud Ancyram, postea secutus, ut ordinatum est. Et quia nullo renitente hoc e republica videbatur, missis, qui eum venire ocius admonerent, diebus decem nullus imperii tenuit gubernacula: quod tunc evenisse, extis Romæ inspectis haruspex edixerat Marcus. Inter hæc tamen quid novaretur contrarium placitis, neve armatorum mobilitas sæpe versabilis in præsentium quendam inclinaret arbitrium, attente providebat Equitius, & cum eo Leo, adhuc sub Dagalaipho magistro equitum rationes numerorum militarium tractans, exitialis postea magister officiorum, exercitus universi judicium, quantum facere nitique poterant, ut Pannonii fautoresque Principis designati firmantes. Qui cum venisset accitus, implendique

negotii præfagiis, ut opinari dabatur, vel somniorum assiduitate, nec videri die secundo, nec prodire in medium voluit, bissextum vitans Februarii mensis tunc illucescens, quod aliquoties rei Romanæ fuisse dignorat infaustum: cujus notitiam certam designabo. Spatium anni vertentis id esse periti mundani motus & siderum definiunt veteres, inter quos Menon, & Euctemon, & Hipparchus, & Archimedes excellunt, cum sol perenni rerum sublimium lege polo percurso signifero, quem Zodiacum sermo Græcus appellat, trecentis & sexaginta quinque diebus emensis & noctibus, ad eundem redierit cardinem: ut verbo tenus, si a secunda particula elatus arietis, ad eam dimensione redierit terminata. Sed anni intervallum verissimum memoratis diebus & horis sex adusque meridiem concluditur plenam: annique sequentis erit post horam sextam initium porrectum ad vesperam. Tertius a prima vigilia sumens exordium, ad horam noctis extenditur sextam. Quartus a medio noctis adusque claram trahitur lucem. Ne igitur hæc computatio variantibus annorum principiis, & quodam post horam sextam diei, alio post sextam excursa nocturnam, scientiam omnem squalida diversitate confundat, & autumnalis mensis inveniatur quandoque vernalis: placuit, senas illas horas, quæ quadriennio viginti colliguntur atque quatuor, in unius diei noctisque adjunctæ transire mensuram. Hocque alte considerato, eruditis concinentibus multis effectum est, ut ad unum distinctumque exitum circumversio eursus annui revoluta, nec vaga sit, nec

incerta, nulloque errore deinceps obumbrata ratio coelestis appareat, & menses tempora retineant praestituta. Hæc nondum extentis fusius regnis, diu ignoravere Romani, perque secula multa obscuris difficultatibus implicati, tunc magis errorum profunda caligine fluctuabant, cum in sacerdotes potestatem transtulissent intercalandi: qui licenter gratificantes publicanorum vel litigantium commodis, ad arbitrium suum subtrahebant tempora vel augebant. Hocque ex coepto emerferunt alia plurima, quæ fallebant, quorum meminisse nunc supervacuum puto. Quibus abolitis, Octavianus Augustus, Græcos secutus, hanc inconstantiam correctâurbatione composuit, spatiis duodecim mensium & sex horarum magna deliberatione collectis: per quæ duodecim siderum domicilia sol discurrens motibus sempiternis, anni totius intervalla concludit. Quam rationem bissexti probatam, etiam victura cum seculis Roma adjumento numinis divini fundavit. Proinde pergamus ad reliqua.

II. Elapso die parum apto ad inchoandas rerum magnitudines, ut quidam existimant, propinquantē jam vesp̄ra monitu præfecti Sallustii sub exitii denuntiatione statutum est prompta consensione cunctorum, ne potioris quisquam auctoritatis, vel suspectus altiora conari, procederet postridie mane. Cumque multorum tædio, quos votorum inanitas cruciabat, tandem finita nocte lux advenisset: in unum quæsito milite omni, progressus Valentinianus in campum, permissusque tribunal ascendere celsius structum, comitiorum specie, voluntate præ-

opera curabat enīsa, ut veneficos, qui tunc rarefcebant, captos, postque agitatās quæstiones nocuisse quibusdam apertissime confutatos, indicatis conscīis morte mulctaret, atque ita paucorum discrimine reliquos, si qui laterent, formidine parium exturbaret. Hæc egisse ideo efficaciter fertur, quod Juliani promotus arbitrio agentis etiamtum per Syrias, in itinere unum amiserat oculum: suspicatusque, artibus se nefariis appetitum, iusto quidem, sed inusitato dolore hæc & alia magna quæritabat industria. Unde quibusdam atrox visus est, in amphitheatrali curriculo undatim coeunte aliquoties plebe, causas dispiciens criminum maximorum. Denique post huiusmodi vindicata complura, Hilarinum aurigam convictum atque confessum, vixdum pubescentem filium suum venefico tradidisse, docendum secretiora quædam legibus interdicta, ut nullo conscio adminiculis juvaretur internis, capitali animadversione damnavit: qui laxius retinente carnifice, subito lapsus confugit ad ritus Christiani sacrarium, abstractusque exinde illico abscissa cervice consumtus est. Verum hæc similiaque tum etiam ut coerenda mox cavebantur, & nulli, vel admodum pauci, in his versati flagitiis, vigori publico insultarunt: sed tempore secuto, longæva impunitas nutrit immania, usque eo grassante licentia, ut imitatus Hilarinum quidam senator, servumque suum modo non per syngrapham arcanis piacularibus inducendum commisisse doctōri malarum artium confutatus, supplicium redimeret opima mercede, ut crebrior fama vulgarat. Isque ipse hoc genere, quo

jaſtum eſt, abſolutus, cum vitæ pudere deberet & culpæ, non abolendæ incubuit maculæ: ſed tanquam inter multos probroſos ſolus vacuus ab omni delicto, equo phalerato inſidens diſcurrenſque per ſilices, multa poſt ſe nunc uſque trahit agmina ſervulorum, per novum quoddam inſigne curioſius ſpectari affectans: ut Duillium accepimus veterem, poſt glorioſa illa navalis rei certamina id ſibi ſumſiſſe, ut tibicine lenius præcinente rediret ad ſua poſt cœnam. Sub hoc tamen Aproniano ita jugiter copia neceſſariorum exuberavit, ut nulla ſaltem levia murmura ſuper inopia victui congruentium orientur: quod affidue Romæ contingit.

IV. At in Bithynia Valentinianus Princeps, ut prædiximus, declaratus, dato in perendinum diem ſigno proficiſcendi, convocatis primoribus, quaſi tota conſilia quam ſibi placentia ſecuturus, percontabatur, quemnam ad imperii conſortium oporteret aſſumi: ſilentibusque cunctis, Dagalaiphus tunc equeſtris militiæ rector reſpondit fidentius: *Si tuos, inquit, amas, Imperator optime, habes fratrem; ſi rempublicam, quære, quem veſtias.* Quò dicto aſperatus ille, ſed tacitus, & occultans, quæ cogitabar, Nicomediam itineribus citis ingreſſus Kalendis Martiis, Valentem fratrem ſtabulo ſuo cum tribunatus dignitate præfecit. Indeque cum veniſſet Conſtantinopolim, multa ſecum ipſe divolvens, & magnitudine urgentium negotiorum jam ſe ſuperari conſiderans: nihil morandum ratus, quintum Kalend. Aprilis productum eundem Valentem in ſuburbanum, univerſorum ſententiis continenti-

bus (nec enim audebat quisquam réfragari) Augustum pronuntiavit: decoreque imperatorii cultus ornatum, & tempora diademate redimitum, in eodem vehiculo secum reduxit: participem quidem legitimum potestatis, sed in modum apparitoris morigerum, ut progrediens aperiet textus. Quibus ita nullo inturbante perfectis, constricti rapidis febribus Imperatores ambo diu, spe vivendi firmata, ut erant in inquirendis gnaviores, quam in componendis, suspectas morborum causas investigandas acerrime Urfatio officiorum magistro Delmataë crudo, & Juventio Sisciano quæstori tunc commiserunt: ut loquebatur pertinax rumor, invidiam cientes Juliani memoriæ principis, amicisque ejus, tanquam clandestinis præstigiis læsi. Sed hoc evanuit facile, ne verbo quidem tenus insidiarum indicio ullo reperto. Hoc tempore velut per universum orbem Romanum bellicum canentibus buccinis, excitæ gentes sævissimæ limites sibi proximos persultabant. Gallias Rætiasque simul Alamanni populabantur; Sarmatæ Pannonias & Quadi; Picti, Saxonesque & Scotti, & Atacotti Britannos ærumnis vexavere continuis; Austoriani Mauricæque aliæ gentes Africam solito acrius incurfabant; Thracias & diripiebant prædatorii globi Gothorum. Persarum rex manus Armeniis injectabat, eos ad suam ditionem ex integro vocare vi nimia properans, sed injuste; causando, quod post Joviani excessum, cum quo foedera firmarat & pacem, nihil ob stare deberit, quo minus ea recuperaret, quæ antea ad majores suos pertinuisse monstrabat.

V. Acta igitur tranquillius hieme, concordiffimi Principes, unus nuncupatione prælatus, alter honore specie tenus adjunctus, percurfis Thraciis Næsum advenerunt: ubi in suburbano, quod appellatum Mediana a civitate tertio lapide disparatur, quasi mox separandi, partiti sunt comites. Et Valentiniano quidem, cujus arbitrio res gerebatur, Jovinus evenit, dudum promotus a Juliano per Gallias magister armorum, & Dagalaiphus, quem militiæ rectorem provexerat Jovianus: in Orientem vero secuturus Valentem ordinatus est Victor, ipse quoque judicio Principis antedicti provectus, cui junctus est Arinthæus. Lupicinus enim pridem a Joviano pari modo promotus magister equitum, partes tuebatur Eoas. Tunc & Equitius Illyriciano præponitur exercitui, nondum magister, sed comes: & Serenianus olim sacramento digressus, recinctus est, ut Pannonius, sociatusque Valenti domesticorum præfuit scholæ. Quibus ita digestis, & militares partiti numeri. Et post hæc cum ambo fratres Sirmiam introissent, diviso palatio, ut potiori decuerat, Valentinianus Mediolanum, Constantinopolim Valens discessit. Et Orientem quidem regebat potestate præfecti Sallustius; Italiam vero cum Africa & Illyrico Mamertinus, & Gallias provincias Germanianus. Agentes igitur in memoratis urbibus Principes, sumserunt primitus trabeas consulares: omnisque hic annus dispendiis gravibus rem Romanam afflixit. Alamanni enim perrupere Germaniæ limites, hac ex causa solito infestius moti. Cum legatis eorum missis ad comitatum certa & præsti-

tuta ex more munera præberi deberent, minora & vilia sunt attributa: quæ illi suscepta, furenter agentes, ut indignissima projecere. Tractatique asperius ab Ursacio tunc magistro officiorum, iracundo quodam & sævo, regressi, factumque exagerantes, ut contumeliose despectas gentes immanissimas concitarunt. Et circa id tempus, aut non multo posterius, in Oriente Procopius in res surrexerat novas: quæ prope Kalendas Novembris venturo Valentiniano Parisios, eodemque nuntiata sunt die. Et Alamannis quidem occursurum Dagalaiphum pergere mature præcepit: qui vastitatis propinquioribus locis longius discefferant incruentii. Super appetitu vero Procopii, antequam adoleret, reprimendo, curis diducebatur ambiguus, ea potissimum ratione sollicitus, quod ignorabat, utrum Valente superstiti, an extincto, memoratus imperium affectarat. Equitius enim, relatione Antonii tribuni accepta, agentis in Dacia mediterranea militem, qui nihil præter negotium ipsum auditum obscure significabat; ipse quoque nondum liquida fide comperta, simplicibus verbis Principem gestorum conscium fecit. His cognitis, Valentinianus, eodem Equitio aucto magisterii dignitate, repedare ad Illyricum destinabat, ne persultatis Thraciis perduellis jam formidatus invaderet hostili excursu Pannonias. Documento enim recenti impendio terrebatur; reputans, paulo ante Julianum, contempto Imperatore bellorum civilium ubique victore, nec speratum ante, nec expectatum, ab urbe in urbem incredibili velocitate transisse.

Verum ardens ad redeundum ejus imperus molli-
batur consiliis proximorum, suadentium & oran-
tium, ne interneciva minantibus barbaris exponer-
et Gallias, neve hac causatione provincias dese-
reret egentes adminiculis magnis: iisque legationes
urbium accedere nobilium, precantes, ne in rebus
duris & dubiis impugnatas eas relinqueret,
quas praesens eripere poterit discriminibus maxi-
mis, metu ambitiosi nominis sui Germanis incusso.
Tandem denique utilitate rei perpensus excogita-
ta, in multorum sententias flexus, replicabat ali-
quoties, hostem suum fratrisque solius esse Pro-
copium; Alamannos vero totius orbis Romani:
statuitque nusquam interim extra confinia moveri
Gallorum. Et adusque Remos progressus, sollici-
tusque super Africa, ne repente perumperetur,
Neotherium postea consulem, tunc notarium, ad
eandem tuendam ire disposuit, & Masfauionem
domesticum protectorem ea consideratione, quod
diu sub patre Cretione quondam comite educatus,
suspecta noverat loca; hisque & scutarium adjun-
xit Gaudentium, olim sibi cognitum & fidelem.
Quia igitur uno eodemque tempore utrobique tur-
bines exarsere moestissimi, competenti loco singula
digeremus, nunc partem in Oriente gestorum, dein-
de bella barbarica narraturi; quoniam pleraque &
in occidentali & in Eoo orbe iisdem mensibus sunt
excitata: ne, dum ex loco subinde saltuatim redire
festinamus in locum, omnia confundentes, squali-
tate maxima rerum ordines implicemus.

VI. Insigni genere Procopius in Cilicia natus &

educatus, ea consideratione, qua propinquitate Julianum postea Principem contingebat, a primo gradu eluxit: & ut vita moribusque castigatior, licet occultus erat & taciturnus, notarius diu perspicaciter militans & tribunus, jamque summatis proximis: post Constantii obitum in rerum conversione velut Imperatoris cognatus altius anhelabat, adjunctus consortio Comitum: & apparebat, eum, si unquam potuisset, fore quietis publicæ turbatorem. Hunc Julianus Persidem ingrediens, consociato pari potestatis jure Sebastiano, in Mesopotamia cum manu militum reliquerat valida: mandaratque, ut susurravit obscurior fama (nemo enim dicti auctor exstitit verus) pro cognitorum ageret textu, & si subsidia rei Romanæ languisse sensisset, Imperatorem ipse se provideret ocus nuncupari. Qui injuncta civiliter agens & caute, Juliani letaliter vulnerati funus, & ad regenda communia comperit Jovianum evectum: falsoque rumore disperso, inter abeuntis anhelitus animæ eundem Julianum vero mandasse, placere sibi, Procopio clavos summæ rei gerendæ committi: veritus, ne hac ex causa indemnatus occideretur, e medio se conspectu discrevit, maxime post Joviani territus necem notariorum omnium primi, quem Juliano peremto veluti dignum imperio paucis militibus nominatum, novaque exinde cœptare suspectum, cruciabiliter didicerat interfectum. Et quia se quæri industria didicerat magna, vitans gravioris invidiæ pondus, ad abdita longiusque remota discessit. Cumque a Joviano exploratius indagari latibula sua ser-

tiret, & ferinæ vitæ jam fuisset pertæsum: (quippe a celsiore statu dejectus ad inferiora, etiam edendi penuria in locis squalentibus stringebatur, hominumque egebat colloquiis) postremæ necessitatis impulsu, deviis itineribus ad Chalcedonos agrum pervenit. Ubi, quoniam & illud firmitus visum est receptaculum, apud fidissimum amicorum delitescere, Strategium quendam ex palatino militæ senatorem, Constantinopolim, quantum fieri poterat, clanculo sæpe intermeans: ut indicio ejusdem Strategii patuit, postquam sæpius in factionis conscios est inquisitum. Ritu itaque sollertissimi cujusdam speculatoris, ignotus ob squalorum vultus & maciem rumusculos colligebat tunc crebrescentes, ut sunt acerba semper instantia, incusantium multorum Valentem, quasi cupiditate aliena rapiendi succensum. Cujus diritati adjectum erat incentivum exitiale focer Petronius, ex præposito Martensium militum promotus repentino saltu patricius, animo deformis & habitu: qui ad nudandos sine discretionem cunctos immaniter flagrans, nocentes pariter & infantes post exquisita tormenta quadrupli nexibus vinciebat, debita jam inde a temporibus principis Aureliani perscrutans, & impendio moerens, si quemquam absolvisset indemnem. Cujus morum intolerantiæ hæc quoque perniciēs accedebat, quod, cum ditaretur luctibus alienis, erat inexorabilis & crudelis, & in rabido corde durissimus, nec reddendæ, nec accipiendæ rationis unquam capax: invisor Cleandro, quem agentem sub Imperatore Commodō præfecturam, sub-

lata vecordia diversas legimus vexasse fortunas: & onerosior Plautiano, qui præfectus itidem sub Severo, ultra mortale tumens cuncta confuderat, ni gladio perisset ultore. Hæc lacrimosa, quæ incitante Petronio sub Valente clausere multas pauperinas & nobiles domos, impendentiumque spes atrocior, provincialium & militum paria gementium sensibus imis hærebant: & votis, licet obscuris & tacitis, permutatio status præsentis ope, numinis summi, concordî gemitu poscebatur. Quæ Procopius lateptè accipiens, arbitratusque, ubi felicius acciderit, fatum, negotio levi ad apicem summæ potestatis assumi, subsidebat ut prædatrix bestia, viso, quod capi poterat, protinus eruptura. Cui hæc, quæ maturabat, ardenti, fors hanc materiam dedit impendio tempestivam. Consumpta hieme, festinans ad Syriam Valens, jamque fines Bithynorum ingressus, docetur relationibus ducum, gentem Gothorum ea tempestate intactam, ideoque sævissimam, conspirantem in unum ad pervadenda parari collimitia Thraciarum: hocque cognito, ut impræpedito ipse pergeret, quo tendebat, sufficiens equitum adjumentum & peditum mitti jussit ad loca, in quibus barbarici timebantur excursus. Dimoto itaque longius Principe, Procopius ærumnis diuturnis attritus, & vel atrocem mortem clementiorem ratus malis, quibus afflictabatur, aleam periculorum omnium jecit abrupte: extremaque jam perpèti nequaquam timens, præeunte perdita ratione facinus adoritur audacissimum, Divitenses Tungrosque juniores, ad procinctum urgentem

për Thracias inter alios celerare dispositos, & Constantinopoli moraturos solemmiter biduum, per quosdam ex iisdem numeris notos sollicitare properans: quia cum omnibus loqui periculosum erat & arduum, fidem paucorum elegit. Qui, pellecti spe præmiorum ingentium, sub consecratione iurjurandi promissere, se, quæ vellet, cuncta facturos: favorem quoque polliciti contumalium, inter quos ipsi potiorum locum obtinebant in suadendo, stipendiis excellentes & meritis. Utque conditum est, ubi excaudit radiis dies, idem Procopius ductus in cogitationes varias, Anastasianas balneas petit, a sorore Constantini cognominatas, ubi locata noverat signa: doctusque per arcanorum confcios, omnes in ejus studium consensisse societate coita nocturna, fide salutis data libenter admissus, constipatione vendibilium militum cum honore quidem, sed in modum tenebatur obsessi: qui, ut prætoriani quondam post Pertinacis necem licitantem imperii præmia Julianum susceperant, ipsi quoque Procopium, infausti dominatus exordia molientem, attenti ad omne compendium defenderunt. Stetit itaque subtabidus, (excitum putares ab inferis) nusquam reperto paludamento, tunica auro distincta, ut regius minister, indutus, a calce in pubem in pædagogiani pueri speciem, purpureis opertus tegminibus pedum: hastatusque purpureum itidem pannulum læva manu gestabat, ut in theatrâli scena simulacrum quoddam insigne per aulæum vel mimicam cavillationem subito putares emersum. Ad hoc igitur dehonestamentum honorum omnium ludi-

briose sublatus, & ancillari adulatione beneficii allocutus auctores, opesque pollicitus amplas & dignitates ob principatus primitias, processit in publicum multitudine stipatus armorum: signisque sublati, erectius ire pergebat, circumclausus horrendo fragore scutorum lugubre concrepantium, quæ metuentes, ne a celsioribus tectis saxis vel tegularum fragmentis conflarentur, densius ipsis galearum cristis aptabant. Huic intimidus incedenti nec resistebat populus, nec favebat: accendebatur tamen insita plerisque vulgarium novitatis repentina iucunditate, ea re potius incitante, quod Petronium, ut prædiximus, divitias violenter augentem, omnes eadem mente detestabantur, qui sepulta jamdudum negotia, & redivivas nebulas debitorum in diversos ordines excitabat. Cum itaque tribunal idem ascendisset Procopius, & cunctis stupore defixis timeretur silentium triste: procliviorẽ viam ad mortem, ut sperabat, existimans advenisse, per artus tremore diffuso implicatior ad loquendum, diu tacitus stetit: pauca tamen interrupta & moribunda voce dicere jam exorsus, quibus stirpis propinquitatem imperatoris prætendebat, leni paucorum susurro pretio illectorum, deinde tumultuariis succlamationibus plebis Imperator appellatus incondite, petit curiam raptim. Ubi nullo clarissimorum, sed ignobili paucitate inventa, palatium pessimo pede festinatis passibus introiit. Mirantur quidam profecto irrisione digna principia, incaute coepta & temere, ad ingemiscendas erupisse reipublicæ clades, ignari forsã exemplorum, hæc ac-

cidisse primitus arbitantes. Sic Adramyttenus Andrisculus de genere quidam infimæ sortis, adusque Pseudophilippi nomen evectus, bellis Macedonicis tertium addidit grave. Sic Antiochiæ Macrino Imperatore agente, ab Emesa Heliogabalus exivit Antoninus. Ita inopino impetu Maximini Alexander cum Mamæa matre confossus est. In Africa superior Gordianus in imperium raptus, adventantium periculorum angoribus implicatus, vitam laqueo spiritu intercluso profudit.

VII. Igitur cupediarum vilium mercatores, & qui intra regiam apparebant, aut parere desierant, quique cœtu militarium nexi ad pacatiora jam vitæ discesserant, in insoliti casus ambigua partim inviti, alii volentes asciscebantur: nonnulli omnia tutiora præsentibus rati, e civitate occulte dilapsi, Imperatoris castra petivere itineribus festinatis. Hos omnes Sophronius vivacissimo cursu prægressus, tunc notarius, præfectus postea Constantinopoleos, Valentem a Cæsarea Cappadocum jam profecturum, ut, vaporatis æstibus Ciliciæ jam lenitis, ad Antiochiæ percurreret sedes: textu narrato gestorum, spe dubia in talibus percitum & stupentem, avertit Galatiam, res adhuc trepidas arrepturum. Qui dum itineribus properat magnis, attentissima cura Procopius in dies agitabat & noctes, subditivos quosdam ostentans, qui astutia confidenti partim ab Oriente, alii e Galliis se venisse, & Valentinianum obuisse fingentes, cuncta patere novo & favorabili Principi memorabant. Et quia res novæ petulanter arreptæ celeritate muniri solent interdum,

ne quid formidandum omitteretur, cum festinatione Nebridius in locum Sallustii præfectus prætorio factione Petronii recens promotus, & Cæsariorum Constantinopolitanæ urbis præfectus in vincula compinguntur: & jubetur civitatem curare solita potestate Phronemius, esseque magister officiorum Euphrasius, ambo Galli, institutis bonarum artium spectatissimi: & administratio negotiorum castrensium Gomoario & Agiloni revocatis in sacramentum committitur inconsulte, ut docuit rerum exitus proditor. Quia igitur Julius comes per Thracias copiis militaribus præsidens, oppressurus rebelles, si comperisset conata, ex propinquis stationibus timebatur, commentum excogitatum est validum: & quasi jussu Valentis seria super barbaricis motibus tractaturus, Nebridii literis adhuc clausi violenter expressis accitus Constantinopolim, strictius tenebatur. Hacque callida fraude bellatrices Thraciæ gentes sine cruore acquisitæ, admicula ausis tumultuariis maxima compararunt. Post quæ ita eventu lætiore completa, Araxius exambita regia prætorio præfectus accessit, velut Agilone genere suffragante: aliique plures ad aulæ varios actus & administrandas provincias sunt admisi, quidam inviti, alii ultro semet offerentes cum præmiis. Utque in certaminibus intestinis usu venire contingit, emergebant ex vulgari sæce nonnulli, desperatione consiliisque ductantibus cæcis: contraque quidam orti splendide, a culminibus summis adusque mortes & exilia corruebant. Ubi per hæc & similia factio firmiter videbatur esse

composita, restabat, ut abundans cogeretur militum manus : & impetratum est facile , id quod in publicis turbamentis aliquoties causa ingentia , vel iustis exorsa primordiis impedit. Transeuntes ad expeditionem per Thracias concitatae equitum pedumque turmae , blandeque acceptae & liberaliter cum essent , omnesque in unum sitae , jamque exercitus species appareret : promissis uberrimis inhiantes , sub execrationibus diris in verba juravere Procopii : hanc polliciti pertinaciam , quod eum suis armis defensabunt. Inventa est enim occasio ad alliciendos eos perquam opportuna , quod Constantii filiam parvulam , cujus recordatio colebatur , sinu ipse circumferens , necessitudinem praeendebat & Juliani. Adeptusque est aliud tempori congruum , quod Faustina matre puellae casu praesente , quaedam acceperat habitus insignia principalis. Adjungit his aliud veloci diligentia maturandum : & electi quidam stoliditate praecipites ad capeffendum Illyricum missi sunt , nullo praeter petulantiam adjumento confisi , aureos scilicet nummos effigiatos in vultum novi Principis , aliaque ad illecebras aptantes : quos correptos Equitius per eas regiones militum rector exstinxit genere diverso poenarum. Pariaque deinde metuens , obstruxit tres aditus angustissimos , per quos provinciae tentantur Aethioe , unum per ripensem Daciam , alterum per Succos notissimum , tertium per Macedonas , quem appellant Acontisma. Hacque cautela , vana persuasione rapiendi Illyrici destitutus usurpator indebitae potestatis , magna perdidit instrumenta bellorum. Dum haec ita

aguntur , atrocitate nuntii Valens percussus , jamque revertens per Gallogræciam , auditis apud Constantinopolim gestis , diffidenter incedebat & trepide : ac repentino pavore vias providendi turbante , eousque desponderat animum , ut angustos amictus abjicere tanquam gravem sarcinam cogitaret : fecissetque profecto , ni vetantibus proximis detractus a deformi proposito , firmatusque meliorum sententiis , agmina duo præire jussisset , quibus nomina sunt Jovii atque Victores , castra perduellium irrupturos. His jam propinquantibus , ipse Procopius a Nicæa regressus , quo nuper advenerat , cum Divitenfibus desertorumque plebe promiscua , quam dierum brevi spatio congregarat , Mygdum acceleravit : qui locus Sangario alluitur flumine. Ubi cum legiones jam pugnaturæ congredierentur , inter reciprocantes missilia , quasi procursatione hostem laceffens , solus prorupit in medium. Et secundioris ductu fortunæ ex contraria acie velut agnitum quendam Vitalianum , quem si norat , ambigitur , Latine salute data blande , produxit : eumque porrecta dextera suaviatus , omnibus hinc inde attonitis , *En , inquit , cana Romanorum exercituum fides , & religionibus firmis juramenta constricta ! Placeat , fortissimi viri , pro ignotis tot suorum consurrexisse mucrones : utque Pannonius degener labefactans cuncta & proterens , imperio , quod ne votis quidem concipere ausus est unquam , potiatur , ingemiscere nos vestris nostrisque vulneribus. Quin potius sequimini culminis summi prosapiam , non [ut rapiat aliena , sed in integrum majestatis avitæ] restituatur , arma*

justissima commoventem. Hac sermonis placiditate molliti omnes, qui acriter venerant pugnaturi, signorum apicibus aquilisque summissis descivere libentes ad eum : & pro terrifico fremitu , quem barbari dicunt barritum , nuncupatum Imperatorem stipatumque de more , consentientes in unum re-duxerunt ad castra , restati more militiæ Jovem , invictum Procopium fore.

VIII. Huic perduellium prosperitati lætior accessit. Rumitalca enim tribunus in societatem Procopianorum ascitus , & suscepta cura palatii , digesto mature consilio permixtoque cum militibus, mari ad Drepanum antea , nunc Helenopolim venit , exindeque Nicæam spe celerius occupavit. Ad quam obsidendam cum hujusmodi pugnarum peritis Vadamario misso ex duce & rege Alamannorum , Valens Nicomediam pergit. Exindeque profectus , oppugnationi Chalcedonis magnis viribus insistebat : cujus e muris probra in eum jaciebantur , & injuriose compellabatur ut Sabajarius. Est autem sabaja ex hordeo vel frumento in liquorem conversis pauperinus in Illyrico potus. Fessus denique inopia com meatuum , & obstinatione nimia defensorum , discedere jam parabat : cum inter hæc clausi apud Nicæam , patefactis subito portis egressi , munitorum magna parte prostrata , ductore fidentissimo Rumitalca properabant ardenter , circumventuri Valentem a tergo , nondum a Chalcedonos suburbano digressum : & patrassent conata , ni rumore quodam præverso imminens exitium ille perdoctus , instantem vestigiis hostem per Sunonensem

lacum & fluminis Galli sinuosos anfractus prope-
re discedendo frustra sequentem lussisset. Et hoc ca-
su Bithynia quoque in Procopii ditionem redacta
est. Unde cum Ancyram Valens citis itineribus
revertisset, comperissetque, Lupicinum ab Oriente
cum catervis adventare non contemnendis: spe
prosperorum erectior, Arinthæum lectissimum du-
cem occursum hostibus misit. Qui ubi Dadasta-
nam tetigit, in qua statione perisse diximus Jovia-
num, Hyperechium sibi oppositum repente vidit
cum copiis, antehac Castrensis apparitorem, cui ut
amico Procopius auxilia ductanda commisit. Et de-
dignatus hominem superare certamine despicabi-
lem, auctoritatis & celsi fiducia corporis, ipsis ho-
stibus iussit suum vincere rectorem: atque ita tur-
marum antesignanus umbratilis comprehensus suo-
rum manibus. Quæ dum hoc modo procedunt,
Venustus quidam largitionum apparitor sub Valen-
te, multo ante Nicomediam missus, ut aurum sus-
ceptum stipendii nomine militibus per Orientem
diffusis viritim tribueret, hæc tristitia cognita alie-
num pervidens tempus, Cyzicum cum iis, quæ sus-
ceperat, se citius contulit. Ubi forte Serenianus
reperitus domesticorum tunc comes, missus ad the-
sauros tuendos, urbem inexsuperabili moenium
ambitu monumentis quoque veteribus cognitam,
fretus tumultuario præsidio custodiebat: ad quam
expugnandam Procopius, ut, possessa Bithynia, sibi
etiam Hellepontum jungeret, validam destinave-
rat manum. Morabantur autem effectum sagittis &
glandibus ceterisque jaculis obsidentium sæpe globi

confixi, & propugnatorum sollertia claustrum per catenam ferream valde robustam ori portus insertum, quæ, ne rostratæ irruerent naves hostiles, erat altrinsecus colligata. Hanc post varios militum labores & ducum, fatigatorum acerrimis proeliis, Aliso quidam tribunus abscidit, exsertus bellator & prudens, hoc modo. Conjunctis tribus navigiis, testudinem hac specie superstruxit. Densatis coherentes supra capita scutis, primi transtris instabant armati, alii post hos semet curvantes humiliter, tertiis gradatim inclinatis submisisse, ita ut novissimi suffraginibus insidentes formam ædificii fornicati monstrarent. Quod machinæ genus contra murales pugnas ideo figuratur hac specie, ut missilium ictus atque saxorum per decursus cadentium labiles, instar imbrium evanescant. Itaque coniectu telorum Aliso paulisper defensum ingenti corporis robore, supposito stipite eandem catenam fortius bipenni concidens ita confregit, ut disjecta patefaceret aditum latum: hocque exitu civitas hostili impetu patuit improfecta. Qua causa extincto postea proterviæ totius auctore, cum in factionis participes faviretur: hic idem tribunus contemplatione facinoris clari vitam cum militia retinens, diu post in Isauria oppetit vastatoria manu confossus. Hoc Marte Cyzico referata, Procopius ad eam propere festinavit: veniaque universis, qui repugnare, donatis, Serenianum solum injectis vinculis jussit duci Nicæam servandum arctissime. Statimque Hormisdæ maturo juveni, Hormisdæ regalis illius filio, potestatem proconsulis detulit, & civilia more veterum

& bella recturo. Qui agens pro moribus lenius, a militibus, quos per devia Phrygiæ miserat Valens, subito corripendus incurſu, tanto vigore evaſit, ut aſcenſa navi, quam ad caſus pararat ancipites, ſequentem ac pæne captam uxorem ſagittarum nube diſſuſa deſenſam averteret ſecum: matronam opulentam & nobilem, cujus verecundia & deſtinationo glorioſa abruptis poſtea diſcriminibus maritum exemit. Ea victoria ultra homines Procopius ſeſe efferens, & ignorans, quod quivis beatus verſa rota fortunæ ante veſperum poteſt eſſe miſerrimus: Arbætionis domum, cui antea tanquam eadem ſibi ſentientis parcebat, ut propriæ, juſſit exinaniri, mobilis cenſus inæſtimabilis plenam: ideo indignatus, quod venire ad eum accitus aliquoties diſtulit, cauſatus incommoda ſenectutis & morbos. Et licet hac ex cauſa præſumtor momentum pertimeſceret grave, tamen cum obſiſtente nullo ſe in orientales provincias effundere libenti cunctorum aſſenſione jam licentius poſſet, avidas novitatem quandam viſere tædio aſperioris imperiï, quo tunc tenebantur: erga alliciendas quaſdam civitates Aſiæ, legendosque eruendi peritos auri, ut ſibi profuturos proeliis, quæ magna exſpectabat & crebra, ſegnius commoratus, in modum acuti mucronis obtuſus eſt. Ut quondam Peſcennius Niger ad ſubveniendum ſpei rerum extremæ a populo Romano ſæpe accitus, dum diu cunctatur in Syria, a Severo ſuperatus in ſinu Iſſico (qui eſt in Cilicia, ubi Dareum Alexander fudit) fugatuſque, in ſuburbano quodam Antiochiæ gregariï manu militis interiit.

IX. Hæc adulta hieme, Valentiniano & Valente Coss. agebantur. Translato vero in Gratianum adhuc privatum & Dagalaiphum amplissimo magistratu, aperto jam vere suscitatis viribus, Valens juncto sibi Lupicino cum robustis auxiliis Pessinunta signa propere tulit, Phrygiæ quondam, nunc Galatiæ oppidum. Quo præfidiis ocus communito, ne quid inopinum per eos emergeret tractus, præter radices Olympi montis excelsi tramitesque fragosos ire tendebat ad Lyciam, oscitantem ibi Gomoarium aggressurus. Cui pertinaci conspiratione multorum hac maxima consideratione resistebatur, quod hostis ejus, ut ante relatum est, Constantii filiam parvulam cum matre Faustina & in agminibus, & cum prope in acie starent, lætica circumferens secum, ut pro imperiali germine, cui se quoque junctum addebat, pugnarent audentius, iras militum accendebat. Sicut aliquando dimicaturi Macedones cum Illyriis, regem adhuc infantem in cunis locavere post aciem, cujus metu, ne traheretur captivus, adversos fortius oppresserunt. Contra has calliditatis argutias sagaci opitulatione nutanti negotio consuluit Imperator: & Arbetionem ex consule agentem jam dudum in otio, ad se venire hortatus est, ut Constantiniani ducis verecundia truces animi lenirentur: neque secus evenit. Nam cum omnibus provectior natu & dignitate sublimior, canitiem reverendam ostenderet multis ad perfidiam inclinatis, publicum grassatorem Procopium; milites vero secutos ejus errorem, filios & laborum participes pristinorum appellans ora-

bat, ut se ac si parentem magis sequerentur felicissimis ductibus cognitum, quam profligato morem gererent nebuloni, destituendo jam & casuro. Quibus cognitis Gomoarius, cum, elusis hostibus, unde venerat, redire posset innoxius, ad castra Imperatoris opportunitate intervalli proximi, captivi colore transivit, velut accursu multitudinis visæ subito circumseptus. Qua successus alacritate Valens castra promovit ad Phrygiam: & prope Nacoliā collatis manibus, partium dux in ancipiti Agilorem excursu prodidit repentino: eumque secuti complures jam pila quatientes & gladios, ad Imperatorem transeunt cum vexillis scuta perversa gestantes, quod defectionis signum est apertissimum. Hoc præter spem omnium viso, Procopius salutis intercluso suffragio versus in pedes, circumjectorum nemorum secreta & montium petebat: Florentio sequente & Barchalba tribuno, quem per sævissima bella jam inde a Constantii temporibus notum, necessitas in crimen traxerat, non voluntas. Majore itaque noctis parte consumpta, cum a vespertino ortu luna prælucens in diem metum augetet, undique facultate evadendi exemta consiliorum inops Procopius, ut in arduis necessitatibus solet, cum fortuna expostulabat luctuosa & gravi,mersusque multiformibus curis, subito a comitibus suis arctius vinctus, relato jam die ductus ad castra, Imperatori offertur reticens atque defixus: statimque abscissa cervice, discordiarum civilium gliscentes turbines sepelivit & bella, ad veteris Perpennæ exemplum: qui post Sertorium inter epulas

obtruncatum dominatione paulisper potitus, a fructibus, ubi latebat, extractus, oblatusque Pompejo, ejus jussu est interfectus. Parique indignationis impetu Florentius & Barchalba, qui eum duxerunt, confestim, non pensata ratione, sunt interfecti. Nam si Principem legitimum prodidissent, vel ipsa iustitia jure cæsos pronuntiaret: si rebellem & oppugnatorem internæ quietis, ut ferebatur, amplas eis memorabilis facti oportuerat deferri mercedes. Excessit autem vita Procopius anno quadragesimo, amplius mensibus decem: corpore non indecoro, nec mediocris staturæ, subcurvus, humumque intuyendo semper, incedens, perque morum tristium latebras illius similis Crassi, quem in vita semel risisse Lucillius affirmat & Tullius: & quod est mirandum, quoad vixerat incruentus.

X. hisdem fere diebus protector Marcellus, ejusdem cognatus, agens apud Nicæam præsidium, prodatione militum & interitu Procopii cognito, Serenianum intra palatium clausum medio noctis horrore incautum adortus occidit: cujus mors saluti plurimis fuit. Nam si victoriæ superfuisset incultis moribus homo & nocendi acerbitate conflagrans, Valentique ob similitudinem morum & genitalis patriæ vincinitatem acceptus: occultas voluntates Principis introspeciens ad crudelitatem propensioris, multas innocentium ediderat strages. Quo interfecto, idem Marcellus, occupata celeri cursu Chalcedone, concrepantibus paucis, quos yilitas & desperatio trudebat in scelus, umbram principatus funesti capeffit gemina ratione fallente: quod &

Gothorum tria mīlia regibus jam lenitis ad auxilium erant missa Procopio, Constantianam prætendenti necessitudinem, quæ ad societatem suam parva mercede traduci posse existimabat: quodque gesta in Illyrico etiamtum latebant. Inter quæ tam trepida, speculationibus fidis Equitius doctus conversam molem belli totius in Asiam, digressus per Succos Philippopolim clausam præfidiis hostium, Eumolpiadam veterem referare magna vi conabatur, urbem admodum opportunam, & impedituram ejus adventus, si pone relicta, adjumenta Valenti laturus (nondum enim apud Nacoliā gesta comperebat) festinare ad Æmimontum cogeretur. Verum paulo postea cognita levi præsumptione Marcelli, milites missi sunt audaces & prompti, qui eum raptum, ut deditum noxæ mancipium, in custodiam compegerunt. Unde post dies productus, lateribus fulcatis acerrime, pariaque perpeffis consortibus, interiit, hoc favorabilis solo, quod abstulit Serenianum e medio, crudelem, ut Phalarim, * illi & illi fidum ad doctrinarum diritatem, quam causis inanibus prætexebat. Exstirpatis occasu ducis funeribus belli, sævitum est in multos acrius, quam errata flagitaverant, vel delicta: maximeque in Philippopoleos defensores, qui urbem seque ipsos non nisi capite viso Procopii, quod ad Gallias portabatur, ægerrime dediderunt. Ad gratiam tamen precantium coerciti sunt aliqui lenius: inter quos eminebat Araxius, in ipso rerum exustarum ardore adeptus ambitu præfecturam: & Agilone intercedente genero supplicio insulari mulctatus, breve

post tempus evasit. Euphrasius vero, itemque Phronemius, missi ad occiduas partes, arbitrio obiecti sunt Valentiniani : & absoluto Euphrasio, Phronemius Cherronesum deportatur, inclementius in eodem punitus negotio, ea re, quod divo Juliano fuit acceptus : cujus memorandis virtutibus ambo fratres principes obtrecebant, nec similes ejus, nec suppare. His accedebant alia graviora, & multo magis, quam in proeliis, formidanda. Carnifex enim, & unci, & cruentæ quæstiones, sine discrimine ullo ætatum & dignitatum per fortunas omnes & ordines grassabantur, & pacis obtentu judicium detestandum agitabatur, insaufam victoriam exsecrantibus universis, internecivo bello quovis gravio- rem. Nam inter arma & lituos conditionis æquatio leviora facit pericula : & Martiæ virtutis potestas aut id, quod ausum, occupat; aut inopinata mors, si acciderit, nullum ignominiaë continet sensum, finemque secum vivendi simul & dolendi perducit: ubi vero consiliis impiis jura quidem prætenduntur & leges, & Catonianæ vel Cassianæ sententiæ fucò perliti resident judices, agitur autem, quod agitur, ad voluntatem præsumidæ potestatis, & ex ejus libidine incidentium vitæ necisque momenta pensantur, ibi capitalis vertitur perniciēs & abrupta. Nam ut quisque ea tempestate, ob quamlibet voluerat causam, regiæ propere accedens, & aliena rapiendi aviditate exustus, licet aperte insonantem arcessens, ut familiaris suscipiebatur & fidus, ditandus casibus alienis. Imperator enim promptior ad nocendum, criminantibus patens, & funereas

delationes asciscens, per suppliciorum diversitates effrenatius exsultavit, sententiæ illius Tullianæ ignarus, docentis, infelices esse eos, qui omnia sibi licere existimarunt. Hæc implacabilitas causæ quidem piissimæ, sed victoriæ scædioris, innocentes tortoribus exposuit multos, vel sub eculeo caput incurvos, aut icli carnificis torvi substravit: quibus, si pateretur natura, vel denas animas profundere præstabat in pugna, quam lateribus fodicatis omni culpa immunes, fortunis gementibus universis, quasi læsæ majestatis luere poenas, dilaniatis ante corporibus, quod omni est tristius morte. Exin cum superata luctibus ferocia deflagrasset, proscriptiones, & exilia, & quæ leviora quibusdam videntur, quamquam sint aspera, viri pertulere summates: & ut ditaretur alius, genere nobilis & forte meritis locupletior, actus patrimonio præceps, trususque in exilium, consumebatur angore, aut stipe precaria victitabat: nec modus ullus exitialibus malis impositus, quamdiu Principem & proximos opum satietas cepit & cædis. Hoc novatore adhuc superstitè, cujus actus multiplices docuimus & interitum, diem duodecimum Kalend. Augustas, consule Valentiniano primum cum fratre, horrendi terrores per omnem orbis ambitum grassati sunt subito, quales nec fabulæ, nec veridicæ nobis antiquitates exponunt. Paulo enim post lucis exortum, densitate prævia fulgurum acrius vibratorum, tremefacta concutitur omnis terreni stabilitas ponderis, mareque dispulsum retro fluctibus evolutis abcessit, ut resecta voragine profundorum, species

natantium multiformes limo cernerentur hærentes : valliumque vastitates & montium tunc, ut opinari dabatur, suspicerent radios solis, quos primigenia rerum sub immensis gurgitibus amandavit. Multis igitur navibus velut arida humo connexis, & licenter per exiguas undarum reliquias palantibus plurimis, ut pisces manibus colligerent & similia : marini fremitus, velut gravati repulsam, versa vice confurgunt, perque vada ferventia insulis & continenti terræ porrectis spatiis violenter illisi, innumera quædam in civitatibus, & ubi reperta sunt ædificia, complanarunt: proinde ut elementorum furente discordia, involuta facies mundi miraculorum species ostendebat. Relapsa enim æquorum magnitudo, cum minime speraretur, millia multa necavit hominum & submersit: recurrentiumque æstuum incitata vertigine, quædam naves, postquam humentis substantiæ consenuit tumor, pessumdatæ visæ sunt: exanimataque naufragiis corpora supina jacebant, aut prona. Ingentes aliæ naves extrusæ rabidis flatibus, culminibus insedere tectorum, ut Alexandriæ contigit: & ad secundum lapidem fere procul a litore contortæ sunt aliquæ, ut Laconicam prope Mothonem oppidum nos transeundo conspeximus diuturna carie fatiscentem.

AMMIANI MARCELLINI

RERUM GESTARUM

LIBER XXVII.

Alamanni, fufis acie Romanis, Chariettonem & Severianum comites interficiunt. *C. I.* Jovinus magifter equitum per Gallias, unam & alteram Alamannorum manum imparatam cædit; tertiam barbarorum partem apud Catalaunos proelio fuperat, fex hoftium millibus interfectis, quatuor vulneratis. *II.* De tribus præfectis urbi, Symmacho, Lampadio, & Juventio. Sub eo Damafi & Urfini de epifcopatu Romano contentiones. *III.* Defcribuntur populi, & fex provinciæ Thraciarum, fingularumque claræ urbes. *IV.* Valens Aug. Gothis, qui auxilia Procopio contra ipfum miferant, bellum infert, & poft triennium pacem cum eis facit. *V.* Gratianum filium Valentinianus confentiente exercitu Auguftum nuncupat, & puerum purpuram indutum ad fortiter faciendum hortatur, militibusque commendat. *VI.* Valentiniani A. iracundia, feritas & fævitia. *VII.* Pictis, Attacottis, & Scottis, poft ducem & comitem interfectos, Britanniam impune vafantibus, Theodofius comes fufis prædam excuffit. *VIII.* Mauricæ gentes Africam populantur. Ifatrorum latrocinia Valens compefcit. De Prætextati præfectura urbana. *IX.* Valentinianus A. Rhenum tranfit, & Alamannos, qui in celiffimos montes fugerant, non incruento utrinque certamine fundit fugatque. *X.* De Probi nobilitate, opibus, digni-

tatibus, & moribus. *XI.* Romani & Persæ de Armenia & Hiberia inter se pugnant. *XII.*

I. **D**UM per Eoum orbem hæc, quæ narravimus, diverſi rerum expediunt caſus, Alamanni poſt ærumnoſas jaſturas & vulnera, quæ congreſſi ſæpe Juliano Cæſari pertulerunt, viribus tandem reſumptis, licet imparibus priſtinis, ob cauſam expoſitam ſupra, Gallicanos limites formidati jam, perſultabant. Statimque poſt Kalend. Januarias, cum per glaciales tractus hiemis rigidum inhorreſceret ſidus, cuneatim egreſſa multitudo licentius vagabatur. Horum portioni primæ Charietto, tunc per utramque Germaniam comes, occuſurus cum milite egreditur ad bella ineunda promtiſſimo, aſcito in ſocietatem laboris Severiano itidem comite, invalido & longævo, qui apud Cabilona Divitenſibus præſidebat & Tungricanis. Proinde confertius agmine in unum coaſto, ponteque brevioris aquæ firma celeritate tranſmiſſo, viſos eminus barbaros Romani ſagittis, aliſque levibus jaculis inceſſebant, quæ illi reciprocis jaſtibus valide contorquebant. Ubi vero turmæ congreſſæ ſtriſtis conflixere mucronibus, noſtrorum acies impetu hoſtium acriore concuſſa, nec reſiſtendi nec faciendi fortiter copiam reperit, cunctis metu compulſis in fugam, cum Severianum vidiffent equo deturbatum, miſſilique telo peroffenſum. Ipſe denique Charietto, dum cedentes objectu corporis & vocis jurgatorio ſonu audentius pertinet, pudendumque diluere dedecus

fiducia diu standi conatur, oppetiit telo letali confixus. Post cujus interitum, Erulorum Batavorumque vexillum direptum, quod insultando tripudiantes barbari crebro sublatum altius ostendebant, post certamina receptum est magna.

II. Qua clade cum ultimo mœrore comperta, correcturus secius gesta Dagalaiphus a Parisiis mittitur. Eoque diu cunctante, causanteque, diffusos per varia barbaros semet adoriri non posse, accitoque paulo post, ut cum Gratiano etiamtum privato susciperet insignia consulatus; Jovinus equitum magister accingitur: & instructus paratusque, cautissime observans utrumque sui agminis latus, venit prope locum Scarponna: ubi inopinus majorem barbarorum plebem, antequam armaretur, temporis brevi puncto præventam ad internecionem exstinxit. Exultantes innoxii proelii gloria milites ad alterius globi perniciem ducens, sensimque incedens rector eximius, speculatione didicit fida, direptis propius villis vastatoriam manum quiescere prope flumen: jamque adventans, abditusque in valle densitate arbustorum obscura, videbat lavantes alios, quosdam comas rutilantes ex more, potantesque nonnullos. Et nactus horam impendio tempestivam, signo repente per lituos dato, latrocinalia castra perrupit: contraque Germani, nihil, præter inefficaces minas jactanter sonantes & fremitum, nec expedire arma dispersa, nec componere aciem, nec resurgere in vires permittebantur, urgente instanti victore. Quocirca forati pilis & gladiis cecidere complures, atque iis, quos versos in pedes texere flexuosi tra-

mites & angusti. Hoc prospero rerum effectu, quem virtus peregerat & fortuna, aucta fiducia, Jovinus militem ducens, diligenti speculatione præmissa, in tertium cuneum, qui restabat, propere castra commovit: & maturato itinere omnem prope Catelaunos invenit ad congregiendum promissimum. Et vallo opportune metato, suisque pro temporis copia cibo recreatis & somno, primo auroræ exortu in aperta planitie composuit aciem dilatatam arte sollerti, ut spatiis amplioribus occupatis æquiparare Romani hostium multitudinem apparerent, inferiores numero, licet viribus pares. Signo itaque per buccinas dato, cum pede collato res agi cœpisset, sueta vexillorum splendentium facie territi steterunt Germani. Quibus hebetatis parumper, reparatisque confestim, adusque diei extremum concertatione protenta, validius imminens miles fructum rei bene gestæ sine dispendio quæsisset, ni Balchobaudés armaturarum tribunus magniloquentia fœcundi coalitus, propinquante jam vespere, cessisset incondite. Quem si secutæ residuæ cohortes abiissent, ad tristes exitus eousque negotium venerat, ut nec acta nuntiaturus quisquam posset superesse nostrorum. Sed resistens animorum acri robore miles ita lacertis eminuit, ut, hostium quatuor millibus faucibus, sex alia interficeret millia: ipse vero non amplius mille ducentis amitteret, ducentis tantummodo vulneratis. Noctis itaque adventu prælio jam diremto, refectisque viribus fessis, prope confinia lucis ductor egregius, in agminis quadrati figuram producto exercitu, cum com-

perisset, occultantibus tenebris barbaros lapsos, securus insidiarum per aperta camporum sequebatur & mollia, calcando semineces & constrictos, quos, vulneribus frigorum asperitate contractis, dolorum absumferat magnitudo. Exin progressus ulterius, revertens, ubi nullum repererat, didicit, regem hostilium agminum cum paucis captum ab Ascariis, quos ipse per iter aliud ad diripienda tentoria miserat Alamannica, suffixum patibulo. Ideoque iratus in tribunum animadvertere statuit, ausum hoc inconconsulta potestate superiore fecisse: eumque damnasset, nisi militari impetu commissum facinus atrox, documentis evidentibus constitisset. Et post hæc redeunti Parisios post claritudinem recte gestorum Imperator lætus occurrit: eumque postea consulem designavit: illo videlicet ad gaudii cumulum accedente, quod iisdem diebus Procopii susceperat caput a Valente transmissum. Præter hæc, alia multa narratu minus digna conferta sunt prælia per tractus varios Galliarum, quæ superfluum est explicare, quoniam neque operæ pretium aliquod eorum habuere proventus, nec historiam producere per minutias ignobiles decet.

III. Hoc tempore, vel paulo ante, nova portenti species per annonariam apparuit Tusciam: idque quorsum evaderet, prodigialium rerum periti penitus ignorarunt. In oppido enim Pistoriensi prope horam diei tertiam, spectantibus multis, asinus tribunali ascenso audiebatur destinatus rugiens: & stupefactis omnibus, qui aderant, quique didicerant referentibus aliis, nulloque conjectante ventura,

postea, quod portendebatur, evenit. Terentius enim humili genere in urbe natus & pistor, ad vicem præmii, quia peculatus reum detulerat Orfitum ex præfecto, hanc eandem provinciam correctoris administraverat potestate. Eaque confidentia deinceps inquietius agitans multa, in naviculariorum negotio falsum admisisse convictus, ut ferebatur, periit carnificis manu, regente Claudio Romam. Multo tamen antequam hoc contingeret, Symmachus Apro- niano successit, inter præcipua nominandus exempla doctrinarum atque modestiæ, quo instante urbs sacratissima otio copiisque abundantius solito fruebatur: [& ambitioso ponte exultat atque firmissimo, quem] condidit ipse, & magna civium lætitia dedicavit ingratorum, ut res docuit apertissima. Qui, consumtis aliquot annis, domum ejus in Trans- tiberino tractu pulcherrimam incenderunt, ea re perciti, quod vilis quidam plebejus infixerat, illum dixisse sine indice ullo vel teste, libenter se vino proprio calcarias extincturum, quam id venditurum pretiis, quibus sperabatur. Advenit post hunc urbis moderator Lampadius ex præfecto prætorio, homo indignanter admodum sustinens, si, etiam cum spueret, non laudaretur, ut id quoque prudenter præter alios faciens: sed nonnunquam severus & frugi. Hic cum magnificos prætor ederet ludos, & uberrime largiretur, plebis nequiens tolerare tumultum, indignis multa donari sæpe urgentis; ut liberalem se & multitudinis ostenderet contemptorem, accitos a Vaticano quosdam egen- tes opibus ditaverat magnis. Vanitatis autem ejus

exemplum, ne latius evagemur, hoc unum sufficiet poni, leve quidem, sed cavendum iudicibus. Per omnia enim civitatis membra, quæ diversorum Principum exornarunt impensæ, nomen proprium inscribebat: non ut veterum instaurator, sed conditor. Quo vitio laborasse Trajanus dicitur Princeps: unde eum herbam parietinam jocando cognominarunt. Hic præfectus exagitatus est motibus crebris: uno omnium maximo, cum collecta plebs infima, domum ejus prope Constantinianum lavacrum injectis facibus incenderat & malleolis, nî vicinorum & familiarium veloci concursu a summis tectorum culminibus petita saxis & tegulis accessisset. Eaque vi territus ipse primitus crebrescentis seditionis in majus, secessit ad Mulvium pontem (quem struxisse superior dicitur Scaurus) adlenimenta ibidem tumultus opperiens, quem causa concitaverat gravis. Ædificia erigere exorients nova, vel vetusta quædam instaurans, non ex titulis solitis parari jubebat impensas: sed si ferrum quærebat, aut plumbum, aut æs, aut quidquam simile, apparitores immittebantur, qui velut ementes diversa, raperent species nulla pretia persolvendo: unde accensorum iracundiam pauperum damna deflentium crebra ægre potuit celeri vitare digressu. Advenit successor ejus ex quæsitore palatii Juventius, integer & prudens, Pannonius, cujus administratio quieta fuit & placida, copia rerum omnium fluens. Et hunc quoque discordantis populi seditiones terruere cruentæ, quæ tale negotium excitavere. Damasus & Ursinus supra huma-

num modum ad rapiendam episcopatus sedem ardentes, scissis studiis, asperrime conflictabantur, adusque mortis vulnorumque discrimina adjumentis utriusque progressis: quæ nec corrigere sufficiens Juventius, nec mollire, coactus vi magna secessit in suburbanum. Et in concertatione superaverat Damasus, parte, quæ ei favebat, instante. Constatque, in basilica Sicinini, ubi ritus Christiani est conventiculum, uno die centum triginta septem reperta cadavera peremtorum: efferatamque diu plebem ægre postea delenitam. Neque ego abnuo, ostentationem rerum considerans urbanarum, hujus rei cupidos ob impetrandum, quod appetunt, omni contentione laterum jurgari debere: cum id adepti, futuri sint ita securi, ut ditentur oblationibus matronarum, procedantque vehiculis infidentes, circumspecte vestiti, epulas curantes profusas, adeo ut eorum convivium regales superent mensas. Qui esse poterant beati revera, si, magnitudine urbis despecta, quam vitiis opponunt, ad imitationem antistitum quorundam provincialium viverent, quos tenuitas edendi potandique parcissime, vilitas etiam indumentorum, & supercilia humum spectantia, perpetuo numini verisque ejus cultoribus ut puros commendant & verecundos. Hactenus deviasse sufficiet, nunc ad rerum ordines revertamur.

IV. Dum aguntur antedicta per Gallias & Italiam, novi per Thracias exciti sunt procinctus. Valens enim, ut consulto placuerat fratri, cujus regeretur arbitrio, arma concussit in Gothos, ratione iusta permotus: quod auxilia misere Procopio ci-

vilia bella cœptanti. Ergo convenit, pauca super
 harum origine regionum & situ transcurrere per
 brevem excessum. Erat Thraciarum descriptio faci-
 lis, si veteres concinerent stili: quorum obscura
 varietas quoniam opus veritatem professum non ju-
 vat, sufficiet, ea, quæ vidisse meminimus, expedire.
 Has terras immensa quondam camporum placidi-
 tate aggerumque altitudine fuisse porrectas, Homeri
 perennis auctoritas docet, Aquilonem & Zephy-
 rum ventos exinde flare, fingentis: quod aut fa-
 bulosum est, aut tractus antehac diffusi latissime,
 destinatique nationibus feris, cuncti Thraciarum
 vocabulo censebantur. Et partem earum habitave-
 re Scordisci, longe nunc ab iisdem provinciis dis-
 parati, sævi quondam & truces, ut antiquitas do-
 cet, hostiis captivorum Bellonæ litantes & Marti,
 humanumque sanguinem in ossibus capitum cavis
 bibentes avidius: quorum asperitate post multipli-
 ces pugnarum ærumnas sæpe res Romana vexata,
 postremo omnem amisit exercitum cum rectore. Sed,
 ut nunc cernimus, eadem loca formata in cornuti
 fideris modum, effingunt theatri faciem speciosam.
 Cujus in summitate occidentali montibus præru-
 ptis densitate Succorum patefcunt angustiae, Thra-
 cias dirimentes & Daciam. Partem vero sinistram
 arctois obnoxiam stellis Æmimonæ celsitudines
 claudunt, ut & Ister, qua Romanum cæspitem
 lambit, urbibus multis & castris contiguus & ca-
 stellis. Per dextrum, quod australe est, latus, sco-
 puli tenduntur Rhodopes: unde Eoum jubar ex-
 surgit, finitur in fretum: cui undosius ab Euxino

Ponto labenti, pergentique fluctibus reciprocis ad Ægæum, discidium panditur terrarum angustum. Ex angulo tamen orientali Macedonicis jungitur collimitiis per arctas præcipitesque vias, quæ cognominantur Acontisma : cui proxima Arethusa convallis & statio, in qua visitur Euripidis sepulcrum, tragoediarum sublimitate conspiciui, & Stagira, ubi Aristotelem, ut Tullius ait, fundentem aureum flumen, accepimus natum. Hæc quoque præcis temporibus loca barbari tenuere, morum sermonumque varietate dissimiles. E quibus præter alios, ut immaniter efferati, timebantur Odrysæ, ita humanum fundere sanguinem assueti, ut, cum hostium copia non daretur, ipsi inter epulas post cibi satietatem & potus, suis, velut alienis, corporibus imprimerent ferrum. Verum aucta republica, dum consulare vigeret imperium, has gentes antehac semper indomitas, vagantesque sine cultu vel legibus, Marcus Didius ingenti destinatione pressit; Drusus intra fines continuit proprios; Minucius prope amnem Hebrum, a celsis Odrysarum montibus fluentem, superatos prælio stravit: post quos residui ab Appio Claudio proconsule sunt infesta concertatione deleti. Oppida enim in Bosporo sita & Propontide classes obrinuere Romanæ. Advenit post hos imperator Lucullus, qui cum durissima gente Bessorum conflixit omnium primus: eodemque impetu Æmimontanos acriter resistentes oppressit. Quo imminente, Thraciæ omnes in ditio- nem veterum transiere nostrorum: hocque modo post procinctus ancipites, reipublicæ fex provin-

ciæ sunt quæsitæ. Inter quas prima ex fronte, quæ Illyriis est confinis, Thracia speciali nomine appellatur: quam Philippopolis Eumolpias vetus, & Bercea, amplæ civitates exornant. Post hanc Æmimontus Hadrianopolim habet, quæ dicebatur Uscudama, & Anchialon, civitates magnas. Dein Mysia, ubi Marcianopolis est, a sorore Trajani Principis ita cognominata, & Dorostorus, & Nicopolis, & Odyssus: juxtaque Scythia, in qua celebriora sunt aliis oppida Dionysopolis, & Tomi, & Calatis. Europa omnium ultima, præter municipia urbibus nitet duabus, Apris & Perintho, quam Heracleam posteritas dixit. Rhodopa huic annexa Maximianopolim habet, & Maroneam, & Ænum, qua condita & relicta Æneas Italiam auspiciis prosperitate perpetua post diuturnos occupavit errores. Constat autem, ut vulgavere rumores assidui, omnes pæne agrestes, qui per regiones prædictas montium circumcolunt altitudines, salubritate virium & prærogativa quadam vitæ longius propagandæ nos anteire: idque inde contingere arbitrantur, quod colluvione ciborum abstinent calidis, & perenni viriditate roris asperginibus gelidis corpora constringente, auræ purioris dulcedine potiuntur, radiosque solis suapte natura vitales primi omnium sentiunt, nullis adhuc maculis rerum humanarum infectos. His ita digestis, pedem referamus ad coeptum.

V. Procopio superato in Phrygia, internarumque dissensionum materia consopita, Victor magister equitum ad Gothos est missus, cogniturus

aperte, quam ob causam gens amica Romanis, fœderibusque ingenuæ pacis obstricta, armorum dederat adminicula bellum Principibus legitimis inferenti. Qui ut factum firma defensione purgarent, literas ejusdem obtulere Procopii: ut generis Constantiniani propinquo imperium sibi debitum sumfisse commemorantis, veniaque dignum asserentes errorem. Quibus, eodem referente Victore, comperitis, Valens parvi ducens excusationem vanissimam, in eos signa commovit, motus adventantis jam præscios: & pubescente vere, quæsito in unum exercitu, prope Daphnem nomine munimentum est castra metatus: ponteque contabulato supra navium foros flumen transgressus est Istrum, resistantibus nullis. Jamque sublatus fiducia, cum ultro citroque discurrens nullum inveniret, quem superare posset, vel terrere: omnes enim formidine perciti militis cum apparatu ambizioso propinquantis, montes petivere Serrorum arduos, & inaccessos nisi perquam gnaris. Ne igitur, æstate omni consumta, sine ullo remearet effectû, Arinthæo magistro peditum misso cum prædatoriis globis, familiarum rapuit partem, quæ antequam ad dirupta venirent & flexuosa, capi potuerunt, per plana camporum errantes. Hocque tantum, quod fors dederat, impetrato, rediit cum suis innoxius, nec illato gravi vulnere, nec accepto. Anno secuto ingredi terras hostiles pari alacritate conatus, fufius Danubii gurgitibus vagatis impeditus, mansit immobilis, prope Carporum vicum stativis castris adusque autumnum locatis emensum. Unde, quia nihil agi potuit, dirimente

magnitudine fluentorum, Marcianopolim ad hiberna discessit. Simili pertinacia tertio quoque anno per Novidunum navibus ad transmittendum amnem connexis perrupto barbarico, continuatis itineribus longius agentes Greuthungos bellicosam gentem aggressus est: postque leviora certamina Athanaricum ea tempestate judicem potentissimum, ausum resistere cum manu, quam sibi crediderit abundare, extremorum metu coegit in fugam: ipseque cum omnibus suis Marcianopolim rediit, ad hiemem agendam, ut in illis tractibus habilem. Aderant post diversos triennii casus finiendi belli materiæ tempestivæ. Prima, quod ex Principis diuturna permanfione metus augebatur hostilis: dein, quod commerciis vetitis, ultima necessariorum inopia barbari stringebantur, adeo ut legatos supplices sæpe mittentes, venialem poscerent pacem. Quibus Imperator rudis quidem, verum spectator adhuc æquissimus rerum, antequam adulatio-
num perniciosus illecebris captus rempublicam funeribus perpetuo deflendis affligeret, in communè consultans pacem dare oportere decrevit. Missique vicissim Victor & Arinthæus, qui tunc equestrem ac pedestrem militiam agebant: qui cum propositis conditionibus assentiri Gothos docuissent literis veris, præstituitur componendæ paci conveniens locus. Et quoniam afferebat Athanaricus, sub timendâ execratione jurisjurandi se esse obstrictum, mandatisque prohibitum patris, ne solum calcaret aliquando Romanorum, & adigi non poterat, indecorumque erat & vile ad eum Imperatorem trans-

iré: recte noscentibus placuit, navibus remigio directis in medium flumen, quæ vehebant cum armigeris Principem, gentisque judicem inde cum suis, fœderari, ut statutum est, pacem. Hocque composito, & acceptis obsidibus, Valens Constantinopolim rediit: ubi postea Athanaricus proximorum factione genitalibus terris expulsus, fatali sorte decessit, & ambitiosis exsequiis ritu sepultus est nostro.

VI. Inter hæc Valentiniano magnitudine quassato morborum, agitanteque extrema, convivio occultiore Gallorum, qui aderant in commilitio Principis, ad imperium Rusticus Julianus tunc magister memoriæ poscebatur, quasi afflatu quodam furoris bestiarum more humani sanguinis avidus, ut ostenderat, cum proconsulari potestate regeret Africam. In præfectura enim urbana, quam adhuc administrans extinctus est, tempus anceps metuens tyrannidis, cujus arbitrio tanquam inter dignorum inopiam ad id escenderat culmen, lenis videri cogebatur & mollior. Contra hos nitebantur aliqui studiis altioribus in favorem Severi magistri tunc peditum, ut apti ad hoc impetrandum: qui, licet asper esset & formidatus, tolerabilior tamen fuit, & præferendus modis omnibus antedicto. Sed dum hæc cogitantur incassum, Imperator remediis multiplicibus recreatus, vixque se mortis periculo contemplans extractum: Gratianum filium suum adulto jam proximum, insignibus principatus ornare meditabatur. Et paratis omnibus, militeque firmato, ut animis id acciperet promptis, cum Gratianus venisset, progressus in campum tribunal ascendit: splen-

doreque nobilium circumdatus potestatum, dextera puerum apprehensum productumque in medium, oratione concionaria destinatum Imperatorem exercitui commendavit. *Faustum erga me vestri favoris indicium, hunc loci principalis circumferens habitum, quo potior aliis judicatus sum multis & claris: consiliorum sociis votorumque auspiciis vobis, pietatis officium aggrediar tempestivum, prospera Deo sponte, cujus sempiternis auxiliis stabit Romana res inconcussa. Accipite igitur, quaeso, placidis mentibus, viri fortissimi, desiderium nostrum, id reputantes, quod hæc, quæ fieri caritatis sanciunt jura, non tantum transire volumus per conscientiam vestram, verum etiam probata firmari, ut congrua nobis & profutura. Gratianum hunc meum aduultum, quem diu versatum inter liberos vestros commune diligitis pignus, undique muniendæ tranquillitatis publicæ causa in Augustum sumere commilitium paro, si propitia cælestis numinis vestræque majestatis voluntas parentis amorem juverit præeuntem: non rigido cultu ab incunabulis ipsis, ut nos, educatum, nec tolerantia rerum coalitum asperarum, nec capacem adhuc Martii pulveris, ut videtis; sed familiæ suæ laudibus majorumque factis præstantibus concinentem, potioribus (invidiæ metu dicitur) protinus succreturum. Ut enim mihi videri solet, mores ejus & appetitus, licet nondum maturos sæpe pensanti: ineunte adolescentia, quoniam humanitate & studiis disciplinarum sollertium est politus, librabit suffragiis puris merita recte secusve factorum: faciet, ut sciant se boni intelligi: in pulchra facinora procurabit, signis militaribus & aquilis adhæsurus: solem ni-*

vesque, & pruinas, & sitim perferet, & vigilias : castris, si necessitas adegerit, aliquoties propugnabit : salutem pro periculis sociis objectabit : &, quod pietatis summum primumque munus est, rempublicam ut domum paternam diligere poterit & avitam. Nondum finita oratione, dictis cum assensu læto auditis, pro suo quisque loco & animo milites alius alium anteire festinans, tanquam utilitatis & gaudiorum participes Gratianum delcararunt Augustum, classicorum amplissimo sonu blandum fragorem miscentes armorum. Quo viso, majore fiducia Valentinianus exultans, corona indumentisque supremæ fortunæ ornatum filium osculatus, jamque fulgore conspicuum, alloquitur advertentem, quæ dicebantur. *En*, inquit, *habes*, *mi Gratiane*, *amictus*, *ut speravimus omnes*, *augustos*, *meo commilitonumque nostrorum arbitrio delatos ominibus faustis*. Accingere igitur pro rerum urgentium pondere, ut patris patruique collega : & assuesce impavidus penetrare cum agminibus peditem gelu pervios Istrum & Rhenum, armatis tuis proximus stare, sanguinem spiritumque considerate pro his impendere, quos regis, nihil alienum putare, quod ad Romani imperii pertinet latus. Hæc pro tempore præcepisse sufficit : cetera monere non desinam. Nunc reliqui vos estis, rerum maximi defensores : quos rogo. & obtestor, ut accrescentem Imperatorum fidei vestræ commissum servetis affectione fundata. His dictis solemnitatem omni firmatis, Eupraxius Cæsariensis Maurus, magister ea tempestate memoriæ, primus omnium exclamavit, familia Gratiani hoc meretur : statimque promotus quæstor, multa & prudenti-

bus æmulanda bonæ fiduciæ reliquit exempla, nusquam a statu naturæ discedens intrepidæ, sed constans semper legumque similis, quas omnibus una eademque voce loqui in multiplicibus advertimus causis: qui tunc magis in suscepta parte justitiæ permanebat, cum eum recta monentem exagitaret minax Imperator & nimius. Consurrectum est post hæc in laudes majoris Principis & novelli: maximeque pueri, quem oculorum flagrantior lux commendabat, vultusque & reliqui corporis jucundissimus nitor, & egregia pectoris indoles: quæ Imperatorem impleffet cum veterum lectissimis comparandum, si per fata proximosque licuisset; qui virtutem ejus etiamtum instabilem obnubilarunt actibus pravis. In hoc tamen negotio Valentinianus morem institutum antiquitus supergressus, non Cæsares, sed Augustos, germanum nuncupavit & filium, benevole satis. Nec enim quisquam antehac ascivit sibi pari potestate collegam, præter Principem Marcum, qui Verum adoptivum fratrem absque diminutione aliqua auctoritatis Imperatoriæ socium fecit.

VAL. His ex sententia rectoris & militum ordinatis, vix diès intercessere pauci, cum Mamertinum præfectum prætorio ab urbe regressum, quo quædam perrexerat correcturus, Avitianus ex vicario peculatus detulerat reum. Cui ideo Vulcatius successit Rufinus omni ex parte perfectus, & velut apicem senectutis honoratæ prætendens, sed lucrandi opportunas occasiones occultationis spe nunquam prætermittens. Qui nactus copiam Principis,

Orsitum ex præfesto urbis solutum exilio, patrimonii redintegrata jactura, remitti fecit in lares. Et quamquam Valentiniapus homo propalam ferus, inter imperitandi exordia, ut asperitatis opinionem molliret, impetus truces retinere nonnunquam in potestate animi nitebatur: serpens tamen vitium & dilatum aliquamdiu, licentius erupit ad perniciem plurimorum: quod auxit ira acerbius effervescebat. Hanc enim ulcus esse animi diuturnum, interdumque perpetuum, prudentes definiunt, nasci ex mentis mollitia consuetum: id afferentes argumento probabili, quod iracundiores sunt incolumibus languidi, & feminæ maribus, & juvenibus senes, & felicibus ærumnosi. Eminuit tamen per id tempus inter alias humilium neces, mors Dioclis ex comite largitionum Illyrici, quem ob delicta levia flammis jussit exuri: & Diodori ex agente in rebus, triumque apparitorum potestatis vicariæ per Italiam, ob id necatorum atrociter, quod apud eum questus est comes, Diodorum quidem adversus se civiliter implorasse juris auxilium, officiales vero jussu judicis aufos monere proficiscentem, ut responderet ex lege. Quorum memoriam apud Mediolanum colentes nunc usque Christiani, locum, ubi sepulti sunt, *Ad innocentes* appellant. Dein cum in negotio Maxentii cujusdam Pannonii, ob executionem a judice recte maturari præceptam, trium oppidorum ordines mactari jussisset, interpellavit Eupraxius tunc quæstor; &, *parcius*, inquit, *agito, piissime Principum: hos enim, quos interfici tanquam noxios jubes, ut martyras, id est, divinitati acceptos,*

colit religio Christiana. Cujus salutarem fiduciam praefectus imitatus Florentius, cum in re quadam venia digna audisset eum percitum ira jussisse itidem ternos per ordines urbium interfici plurimarum, *Et quid agetur, ait, si oppidum aliquod Curiales non haberet tantos? Inter reliqua id quoque suspendi debet, ut, cum habuerit, occidantur.* Ad hanc inclementiam illud quoque accedebat dictu dirum & factu: quod si quis eum adisset judicium potentis inimici declinans, aliumque sibi postulans dari, hoc non impetrato, ad eundem, quem metuebat, licet multa praetenderet justa, remittebatur. Itemque aliud audiebatur horrendum, quod, ubi debitorum aliquem egestate obstrictum nihil reddere posse dicebatur, interfici debere pronuntiabat. Hæc autem & similia licenter ideo altiore fastu quidam Principes agunt, quod amicis emendandi secus cogitata vel gesta copiam negant: inimicos loqui terrent amplitudine potestatis. Nulla vacat quaestio pravitatum apud eos, qui, quod volunt ipsi, maximas putant esse virtutes.

VIII. Profectus itaque ab Ambianis, Treverosque festinans, muntio percellitur gravi, qui Britannias indicabat barbarica conspiratione ad ultimam vexatas inopiam: Nectaridumque comitem maritimi tractus occisum, & Fullofaudem ducem hostium insidiis circumventum. Quibus magno cum horrore compertis, Severum etiamtum domesticorum comitem misit, si fors casum dedisset optatum, correcturum sequius gesta: quo paulo postea revocato, Jovinus eadem loca profectus, Provertuidem ce-

leri gradu præmisit, adminicula petiturus exercitus validi. Id enim instantes necessitates flagitare firmabant. Postremo ob multa & metuenda, quæ super eadem insula rumores assidui perferebant, electus Theodosius illuc properare disponitur, officiis Martiis felicissime cognitus: adscitataque animosa legionum & cohortium pube, ire tendebat præeunte fiducia speciosa. Et quoniam cum Constantis Principis actus componerem, motus adolescentis & senescentis oceani, situmque Britanniae pro captu virium explanavi, ad ea, quæ digesta sunt semel, revolvi superfluum duxi: ut Ulyxes Homericus apud Phæacas ob difficultatem nimiam replicare formidat. Illud tamen sufficiet dici, quod eo tempore Picti in duas gentes divisi, Dicalidonas & Vecturiones, itidemque Attacotti bellicosa hominum natio, & Scotti, per diversa vagantes multa populabantur: Gallicanos vero tractus Franci & Saxones iisdem confines, quo quisque erumpere potuit terra vel mari, prædis acerbis incendiisque, & captivorum funeribus hominum violabant. Ad hæc prohibenda, si copiam dedisset fortuna prosperior, orbis extrema dux efficacissimus petens, cum venisset ad Bononiæ litus, quod a spatio controverso terrarum angustius reciproci distinguitur maris, attolli horrendis æstibus assueti, rursusque sine ulla navigantium noxa in speciem complanari camporum: exinde transmeato lentius freto defertur Rutupias, stationem ex adverso tranquillam. Unde cum consecuti Batavi venissent & Eruli, Joviique & Victores, fidentes viribus numeri: egressus ten-

densque ad Lundinium vetus oppidum, quod Augustam posteritas appellavit, divisis plurifariam globis, adortus est vagantes hostium vastatorias manus, graves onere sarcinarum: & propere fufis, qui vinctos homines agebant & pecora, prædam excusfit, quam tributarii perdidere miserrimi. His denique restituta omni, præter partem exiguam impensam militibus fessis, merfam difficultatibus suis antehac civitatem, sed subito, quam salus sperari potuit, recreatam, in ovantis speciem lætissimus introiit. Ubi ad audenda majora prospero successu elatus, tutaque scrutando consilia, futuri morabatur ambiguus, diffusam variarum gentium plebem & ferocientem immaniter, non nisi per dolos occultiores & improvisos excursus superari posse, captivorum confessionibus & transfugarum indiciis doctus. Denique edictis propositis, impunitateque promissa, desertores ad procinctum vocabat, & multos alios per diversa libero com meatu dispersos. Quo monitu ut redire plerique, incentivo percitus, retentusque anxiiis curis, Civilem nomine recturum Britannias pro præfectis ad se poposcerat mitti, virum acrioris ingenii, sed iusti tenacem & recti: itidemque Dulcitium, ducem scientia rei militaris insignem.

IX. Hæc in Britanniis agebantur. Africam vero jam inde ab exordio Valentiniani imperii exurebat barbarica rabies, per procursus audentiores & crebris cædibus & rapinis intenta. Quam rem militaris augebat secordia, & aliena invadendi cupiditas, maximeque Romani nomine comitis. Qui venturi providus, transferendæque in alios invidiæ artifex,

sævitia morum multis erat exosus, hac præcipue
 causa, quod superare hostes in vastantibus provinciis
 festinabat, affinitate Remigii tunc magistri officio-
 rum confusus: quo prava & contraria referente;
 Princeps, ut præ se ferebat ipse, cautissimus lacri-
 mosa dispendia diutius ignoravit Afrorum. Gesto-
 rum autem per eas regiones feriem plenam, & Ru-
 ricii præsidis legatorumque mortem, & cetera lu-
 ctuosa, cum adegerit ratio, diligentius explicabo.
 Et quoniam adest liber locus dicendi; quæ senti-
 mus, aperte loquamur: hunc Imperatorem omnium
 primum in majus militares fastus ad damna rerum
 auxisse communium, dignitates opesque eorum sub-
 limius erigentem: & quod erat publice privatimque
 dolendum, inflexa sævitia punientem gregario-
 rum errata, parcentem potioribus, qui tanquam
 peccatis indulta licentia, ad labem delictorum im-
 manium consurgebant: qui ex eo anhelantes, ex
 nutu suo indistanter putant omnium pendere fortu-
 nas. Horum flatus & pondera inventores juris an-
 tiqui mollientes, etiam infontes quosdam aliquo-
 ties suppliciis aboleri censuere letalibus. Quod
 sæpe contingit, cum ob multitudinis crimina, non-
 nulli fortis iniquitate plectuntur innoxii: id enim
 nonnunquam ad privatorum pertinuit causas. At
 in Isauria globatim per vicina digressi prædones,
 oppida villasque uberes libera populatione vexan-
 tes, magnitudine jacturarum Pamphyliam afflicta-
 bant & Cilicas. Quos cum nullis arcentibus inter-
 necive cuncta disperdere Asiæ vicarius ea tempe-
 state Musonius advertisset, Athenis Atticis antehac

magister rhetoricus : deploratis novissime rebus, luxuque adjumento militari marcente, adhibitis semiermibus paucis, quos Diogmitas appellant, unum grassatorum cuneum, si patuisset facultas, adoriri conatus, per angustum quendam transiens devexitatis anfractum, ad inevitabiles venit insidias : & ibi cum his confossus est, quos ducebat. Tali successu latrones prætumidos, palantesque per varia confidentius, interfectis aliquibus, ad latebrosa montium saxa, quæ incolunt, excitæ tandem copiae contraserunt : ubi cum eis nec quiescendi, nec inveniendi ad victum utilia, copia laxaretur, per inducias pacem sibi tribui poposcerunt, Germanicopolitanis auctoribus, quorum apud eos, ut signiferæ manus, semper valere sententiæ : obfidibusque datis, ut imperatum est, immobiles diu mansere, nihil audentes hostile. Hæc inter Prætextatus præfecturam urbis sublimius curans, per integritatis multiplices actus & probitatis, quibus ab adolescentiæ rudimentis inclaruit, adeptus est id, quod raro contingit, ut, cum timeretur, amorem non perderet civium, minus firmari solitum erga iudices formidatos. Cujus auctoritate justisque veritatis suffragiis tumultu lenito, quem Christianorum jurgia concitarunt, pulsoque Ursino, alta quies parta, proposito civium Romanorum aptissima : & adolescebat gloria præclari rectoris plura & utilia disponentis. Namque & mæniana sustulit omnia, fabricari Romæ priscis quoque vetita legibus : & discrevit ab ædibus sacris privatorum parietes, iidem inverecunde connexos : ponderaque per re-

giones instituit universas, cum aviditati multorum ex libidine trutinas componentium occurri nequireret. In examinandis vero litibus ante alios id impetravit, quod laudando Brutum Tullius refert, ut cum nihil ad gratiam faceret, omnia tamen grata viderentur esse, quæ facitabat.

X. Sub idem fere tempus Valentiniano ad expeditionem caute, ut rebatur, profecto, Alamannus regalis Rando nomine, diu præstruens, quod cogitabat, Mogontiacum præfidiis vacuum cum expeditis ad latrocinandum latenter irrepsit. Et quoniam casu Christiani ritus invenit celebrari solemnitatem, impræpedite cujusquemodi fortunæ virile & muliebre secus cum suppellectili non parva indefensum abduxit. Parvo inde post intervallo inopina rei Romanæ spes lætiorum affulsit. Cum enim Vithicabius rex Vadomarii filius, specie quidem molliculus & morbosus, sed audax & fortis, ardores in nos semper succenderet bellicos, opera navabatur impensior, ut qualibet occumberet strage. Et quia tentatus aliquoties nullo genere potuit superari vel prodi, fraude citerioris vitæ ministri, studio sollicitante nostrorum occubuit: cujus post necem aliquatenus hostiles torpuere discursus. Interfector tamen præ metu pœnarum, quas verebatur, si patuisset negotium, ad Romanum solum se celeri transfudit gradu. Parabatur post hæc lentioribus curis & per copias multiformes in Alamannos expeditio solitis gravior, destinatus id publica tutela poscente, quoniam reparabilis gentis motus timebantur infidi: milite nihilominus accenso, cui ob su-

spētos eorum mores , nunc infimorum & supplicum , paulo post ultima minitantium , nullæ quiescendi dabantur indutiæ. Contracta igitur undique mole mæxima catervarum , armis & subsidiis rei cibariæ diligenter instructa , accitoque Sebastiano comite cum Illytiis & Italicis numeris , quos regebat , anni tempore jam tepente Valentinianus cum Gratiano Rhenum transgressus resistente nemine ; divisis agminibus quadratis ipse medius incedebat , Jovino & Severo magistris rei castrensis altrinsecus ordinum latera servantibus , ne repentino invaderentur assultu. Protinusque inde ductantibus itinerum callidis , exploratis accessibus , per regiones longo itu porrectas sensim gradiens miles irritator ad pugnandum , velut repertis barbaris minaciter infrendebat. Et quoniam aliquot diebus emensis nullus potuit , qui resisteret , inveniri , cuncta satorum & tectorum , quæ visebantur intacta , cohortium manu vorax flamma vastabat , præter alimenta , quæ colligi dubius rerum eventus adigebat & custodiri. Post hæc leniore gressu Princeps ulterius tendens , cum prope locum venisset , cui Solicinio nomen est , velut quadam obice stetit , doctus procurfantium relatione verissima , barbaros longe conspectos. Qui nullam ad tuendam salutem viam superesse cernentes , nisi se celeri defendissent occursum , locorum gnaritate confisi , unum spirantibus animis montem occupavere præcellsum , per confragosos colles undique præruptum & invium , absque septemtrionali latere , unde facilem habet devexitatem & mollem. Signis illico

fixis ex more, cum undique ad arma conclamaretur, imperio Principis & ductorum stetit regibilis miles, vexillum opperiens extollendum: quod erat opportune subeundæ indicium pugnae. Ergo quia spatium deliberandi aut exiguum dabatur, aut nullum, hinc impatientia militis perterrente, inde horrenda circumsonantibus Alamannis, id consilium ratio celeritatis admisit, ut arctoam montium partem, quam clementer diximus esse proclivem, Sebastianus cum suis occuparet, fugientes Germanos, si fors ita tulisset, levi negotio confossurus: quo, ut placuit, maturato, Gratianoque apud signa Jovianorum retro detento, cujus ætas erat etiamtum procliorum impatiens & laborum, Valentinianus ut dux cunctator & tutus, centurias & manipulos capite intecto collustrans, nullo potentium in conscientiam arcani adhibito, remota multitudine stipatorum, speculatum radices aggerum avolvit cum paucis, quorum industriam norat & fidem: prædicans, ut erat sui arrogans æstimator, inveniri posse aliam viam, ducentem ad arduos clivos, præter eam, quam inspexere proculcatores. Per ignota itaque & palustres uligines devius tendens, insidiatricis manus locatæ per obliqua subito oppetiisset accursu, ni necessitatis adjumento postremo, per labilem limum incitato jumento digressus, legionum se gremiis immerisset post abruptum periculum: cui adeo proximus fuit, ut galeam ejus cubicularius ferens, auro lapillisque distinctam, cum ipso tegmine penitus interiret, nec postea vivus reperiretur, aut interfectus. Proinde

quiete reficiendis corporibus data, signoque erecto, quod solet ad pugnam hortari, tubarum minacium accendente clangore, fidentissimo impetu acies motas promte ante alios præiere duo juvenes lecti in principiis adeundi discriminis, Salvius & Lupicinus, scutarius unus, alter e schola Gentilium, fragore terribili concitantes: hastasque crispando cum ad rupium objecta venissent, trudentibusque Alamannis evadere ad celsiora conarentur, advenit omne pondus armorum, iisdemque antesignanis per hirta dumis & aspera magno virium nisu in editas sublimitates erepsit. Acri igitur partium spiritu confictus cuspidibus tentatur infectis: & hinc arte belli doctior miles, inde licet feroces, sed incauti barbari dexteris coihere collatis: quos latius sese pandens exercitus infusis utrinque cornibus afflictabat, per fremitus territos & equorum hinnitus & tubas. Nihilominus tamen ipsi assumpta fiducia restiterunt: æquataque parumper proeliorum sorte, haud parva mole certatum est, dum turmarum funeribus mutuis res gerebatur. Disiecti denique Romanorum ardore, metuque turbati, miscentur ultimis primi: dumque in pedes versi discedunt, verutis hostilibus forabantur & pilis. Postremo dum anhelii currunt & fessi, pandebant sequentibus poplites & furas & dorso. Stratis denique multis, lapsorum partem Sebastianus, cum subsidiali manu locatus post montium terga, trucidavit ex incauto latere circumventam: dispersi ceteri silvarum se latebris amandarunt. In hac dimicatione nostri quoque oppetiere non contem-

nendi : inter quos Valerianus fuit domesticorum omnium primus, & Natuspardo quidam scutarius, exsertus ita bellator, ut Sicinio veteri comparatur & Sergio. Hisque tali casuum diversitate perfectis, milites ad hiberna, Imperatores Treveros reverterunt.

XI. Per hæc tempora Vulcatio Rufino absoluto vita, dum administrarat; ad regendam præfecturam prætorianam ab urbe Probus accitus, claritudine generis & potentia & opum amplitudine cognitus orbi Romano, per quem universum pæne patrimonium sparsa possedit, iuste, an secus, non iudicium est nostri. Hunc quasi genuina quædam, ut fingunt poetæ, fortuna vehens præpetibus pinnis, nunc beneficum ostendebat & amicos sublimius erigentem, aliquoties insidiatorem dirum, & per cruentas noxium simultates. Et licet potuit, quoad vixit, ingentia largiendo, & intervallando potestates asfiduas : erat tamen interdum timidus ad audaces, contra timidos celsior : ut videretur, cum sibi fideret, de cothurno strepere tragico, & ubi paveret, omni humilior focco. Atque ut natantium genus elemento suo expulsum, haud tamdiu spirat in terris; ita ille marcebat absque præfecturis : quas jurgiis familiarum ingentium capeßere cogebatur, nunquam innocentium per cupiditates immensas, utque multa perperrarent impune, dominum suum mergentium in rempublicam. Namque fatendum est, nunquam, illa magnanimitate coalitus, clienti vel servo agere quidquam iussit illicitum : sed si eorum quemquam crimen ullum compererat admi-

fisse, vel ipsa repugnante justitia, non explorato negotio, sine respectu boni honestique defendebat. Quod vitium reprehendens ita pronuntiat Cicero : *Quid enim interest inter suasorem facti & probatorem ? Aut quid refert, utrum voluerim fieri, an gaudeam factum ?* Suspiciosus tamen, & munitus suopte ingenio fuit, & subamarum arridens, blandiensque interdum, ut noceat. Id autem perspicuum est in ejusmodi moribus malum, tum maxime, cum celari posse existimatur : ita implacabilis & directus, ut si lædere quemquam instituisset, nec exorari posset, nec ad ignoscendum erroribus inclinari : ideoque aures ejus non cera, sed plumbis videbantur obstructæ. In summis divitiarum & dignitatum culminibus anxius & sollicitus, ideoque semper levibus morbis afflictus. Hæ per occidentales plagas series rerum fuere gestarum.

XII. Rex vero Perfidis longævus ille Sapor, & ab ipsis imperitandi exordiis dulcedini rapinarum addictus, post Imperatoris Juliani excessum & pendendæ pacis icta fœdera, cum suis paulisper nobis visus amicus, calcata fide sub Joviano pactorum, injectabat Armeniæ manum, ut eam, velut placitorum abolita firmitate, ditioni jungeret suæ. Et primo per artes fallendo diversas, nationem omnem renitentem dispendiis levibus afflictabat, sollicitans quosdam optimatum & Satrapas, alios excursibus occupans improvisis. Dein per exquisitas perjuriisque mixtas illecebras captum regem ipsum Arsa-cem, adhibitumque in convivium, jussit ad latentem trahi posticam : eumque effossis oculis, vin-

tum catenis argenteis, quod apud eos honoratis
 vanum suppliciorum æstimatur esse solatium, ex-
 terminavit ad castellum Agabana nomine, ubi dis-
 cruciatus cecidit ferro pœnali. Deinde, ne quid in-
 temeratum perfidia præteriret, Sauromace pulso,
 quem auctoritas Romana præfecit Hiberiæ, Aspa-
 curæ cuidam potestatem ejusdem detulit gentis, dia-
 demate addito, ut arbitrio se monstraret insultare
 nostrorum. Quibus ita studio nefando perfectis,
 Cylaci spadoni & Artabanni, quos olim suscepe-
 rat perfugas, commisit Armeniam (horum alter
 ante gentis præfectus, alter magister fuisse diceba-
 tur armorum) iisdemque mandarât, ut Artogera-
 sam intentiore cura excinderent, oppidum muris
 & viribus validum, quod thesauros & uxorem cum
 filio Artacis tuebatur. Iniere, ut statutum est, obsi-
 dium duces. Et quoniam munimentum positum in
 asperitate montana, rigente tunc cœlo nivibus &
 pruinis, adiri non poterat, eunuchus Cylaces aptus-
 que ad muliebria palpamenta, Artabanne ascito,
 prope mœnia ipsa fide non amittendæ salutis ac-
 cepta, propere venit: & cum socio ad interiora
 susceptus, ut postulavit, suadebat minaciter defen-
 soribus & regiñæ, motum Saporis inclementissimi
 omnium lenire deditioe veloci. Multis post hæc
 ultro citroque dictitatis, ejulanteque muliere tru-
 ces mariti fortunas, prôditionis acerrimi compul-
 sores in misericordiam flexi mutavere consilium:
 & spe potiorum erecti, secretis colloquiis ordina-
 runt, hora præstituta nocturna, reclusis subito por-
 tis, validam manum erumpere, vallumque hostile

uadibus aggredi repentinis, ut lateant id tentantes, polliciti se prodituros. Quibus religione firmatis, egressi, biduumque ad deliberandum, quid capessere debeant, sibi concedi clausos petisse asseverantes, in desidiam obseffores traduxerunt: & vigiliis, quibus ob securitatem altiore stertitur somno, ciuitatis aditu resecato iuuentus exsiluit veloc: passibusque infonis expeditis mucronibus repens, cum castra nihil metuentium inuasissent, jacentes multos, nullis resistentibus, trucidarunt. Hæc inopina defectio necesque insperatæ Persarum, inter nos & Saporem discordiarum excitauere causas immanes: illo etiam accedente, quod Arsacis filium Param, suadente matre, cum paucis e munimento digressum, susceptumque, Imperator Valens apud Neocæsaream morari præcepit, urbem Polemoniaci ponti notissimam, liberali victu curandum & cultu. Qua humanitate Cylaces & Artabannes illecti, missis oratoribus ad Valentem, auxilium eundemque Param sibi regem tribui poposcerunt. Sed pro tempore adjuuentis negatis, per Terentium ducem Para reducit in Armeniam, resturus interim sine ullis insignibus gentem: quod ratione iusta est obseruatum, ne fracti foederis nos argueremur & pacis. Hoc comperto textu gestorum, Sapor ultra hominem efferatus, concitis maioribus copiis, Armenias aperta prædatione vastabat. Cujus adventu terditus Para, itidemque Cylaces & Artabannes, nulla circumspectantes auxilia, celsorum montium petivere recessus, limites nostros determinantes & Lazicam: ubi per silvarum profunda & flexuosos

colles mensibus quinque delitescentes, regis multiformes lufere conatus. Qui operam teri frustra contemplans, fidere flagrante brumali, pomiferis exultis arboribus, castellisque munitis & castris, quæ ceperat superata vel prodita, cum omni pondere multitudinis Artogerassam circumseptam, & post varios certaminum casus lassatis defensoribus patefactam incendit: Arsacis uxorem erutam inde cum thesauris abduxit. Quas ob causas ad eas regiones Arinthæus cum exercitu mittitur comes, suppetias laturus Armeniis, si eos exagitare procinctu gemino tentaverint Persæ. Inter quæ Sapor immensum quantum astutus, &, cum sibi conducere, humilis aut elatus, societatis futuræ specie Param ut incuriosum sui per latentes nuntios increpabat, quod majestatis regiæ velamento Cylaci serviret & Artabanni: quos ille præceps blanditiarum illecebris interfecit, capitaque cæsorum ad Saporem, ut ei morigerus, misit. Hac clade late diffusa, Armenia omnis perisset impropugnata, ni Arinthæi adventu territi Persæ eam incursare denuo distulissent: hoc solo contenti, quod ad Imperatorem misere legatos, petentes, nationem eandem, ut sibi & Joviano placuerat, non defendi. Quibus repudiatis, Sauromaces pulsus, ut ante diximus, Hiberiæ regno, cum duodecim legionibus & Terentio remittitur: & eum anni Cyro jam proximum Aspacures oravit, ut socia potestate consobrini regnarent: causatus, ideo se nec cedere, nec ad partes posse transire Romanas, quod Ultra ejus filius obsidis lege tenebatur adhuc apud Persas. Quæ imperator doctus,

ut concitandas ex hoc quoque negotio turbas consilio prudentiaque molliret, divisioni acquievit Hiberiæ: ut eam medius dirimeret Cyrus, & Sauro- maces Armeniis finitima retineret & Lazis, Aspa- cures Albanæ Persisque contigua. His percitus Sa- por, pati se exclamans indigna, quod contra fœ- derum textum juvarentur Armeniæ, & evanuit le- gatio, quam super hoc miserat corrigendo, quod- que se non assentiente nec conscio dividi placuit Hiberiæ regnum: velut obsecratis amicitiae foribus, vicinarum gentium auxilia conquirebat, suumque parabat exercitum, ut serenata cœli temperie sub- verteret omnia, quæ ex re sua struxere Romani.

AMMIANI MARCELLINI RERUM GESTARUM

LIBER XXVIII.

Multi, etiam senatores, ac senatorii generis feminae, Romae veneficiorum, stuprorum, & adulteriorum accusantur, & supplicio afficiuntur. *I.* Valentinianus Aug. totam Rheni ripam Gallicam castris, castris, & turribus munit: Alamanni Romanos trans Rhenum munimentum exstruentes interficiunt. Marathocupreni grassatores in Syria jussu Valentis A. cum liberis & vico suo deleti. *II.* Theodosius urbes Britanniae a barbaris vastatas restituit, castella reparat, & provinciam insulae recipit, quae Valentia est appellata. *III.* De Olybrii & Ampelii praefectura urbana: & de vitiis senatus populi que Romani. *IV.* Saxones in Gallia, post factas indutias, a Romanis insidiis circumventi. Valentinianus, data fide jungendi copias, Burgundiones Alamanniae immisit, qui decepti ac illusi, captivis omnibus occisis, domum redierunt. *V.* Clades Tripoli provinciae, Leptitanisque & Cœnsibus ab Austurianis illatae, & fraude Romani comitis Valentiniano occultatae, & minime vindicatae. *VI.*

I. **D**UM apud Persas, ut supra narravimus, perfidia regis motus agitat insperatos, & in Eois tractibus bella rediviva consurgunt: anno sextodeci-

mo & eo diutius post Nepotiani exitium, sæviens per urbem æternam urebat cuncta Bellona, ex primordiis minimis ad clades excita luctuosas : quas oblitterasset utinam iuge silentium ! ne forte paria quandoque tententur, plus exemplis generalibus nocitura, quam delictis. Ac licet ab textu cruento gestorum exquisite narrando, iustus me retraheret metus multa reputantem & varia; tamen præsentis temporis modestia fretus, carptim, ut quæque memoria digna sunt, explanabo : nec pigebit, quid ex his, quæ apud veteres acciderint, timuerim, docere succincte. Bello Medico primo cum diripuis-
sent Asiam Persæ, obsidentes Miletum molibus magnis, minantesque defensoribus cruciabiles neces, iniecere clausis necessitatem, ut omnes magnitudine malorum afflicti, peremtis caritatibus propriis, projectoque in ignem mobili censu, arsfuros se certatim congererent in communem pereuntis patriæ rogam. Hoc argumentum paulo postea digestum tumore tragico Phrynichus in theatrum induxerat Athenarum : paulisperque jucunde auditus, cum cothurnatus stilus procederet lacrimosus, indignatione damnatus est populi, arbitrati, non consolandi gratia, sed probrofe monendi, quæ pertulerat amabilis civitas, nullis auctorum adminiculis fulta, hos quoque dolores scenicis annumerasse fabulis insolenter. Erat enim Atheniensium colonia Miletus, deducta inter Jonas alios per Nileum filium Codri, qui fertur pro patria bello se Dorico devovisse. Sed ad proposita veniamus. Maximinus regens quondam Romæ vicariam præfecturam, apud

Sipiānas Valeriæ oppidum obscurissime natus est, patre tabulario prædialis officii, orto a posteritate Carporum, quos antiquis excitos sedibus Dioclesianus transfudit in Pannoniam. Is post mediocris studium liberalium doctrinarum, defensionemque causarum ignobilem, & administratas Corsicam itidemque Sardiniam, rexit deinde Tusciam. Unde morato in itinere diutius successore, progressus ad curandam urbis annonam, etiam provinciæ moderamina retinebat: egitque consideratione triplici inter exordia cautius. Primo, quod recalebant in auribus ejus parentis effata, quid augurales alites vel cantus monerent oscinum apprime callentis, adusque sublimia regimenta, sed periturum ferro poenali: dein, quod nactus hominem Sardum, quem ipse postea per dolosas fallacias interemit, ut circumtulit rumor, eliciendi animulas noxias & præfagia sollicitare larvarum perquam gnarum: dum superesset ille, timens, ne proderetur, tractabilis erat & mollior: postremo, quod tanquam subterraneus serpens per humiliora reptando, nondum majores funerum excitare poterat causas. Principium autem, unde latius se funditabat, emerfit ex negotio tali. Chilo ex vicario, & conjux ejus Maxima nomine, questi apud Olybrium ea tempestate urbi præfectum, vitamque suam venenis petitam afferantes, impetrarunt, ut hi, quos suspectati sunt, illico rapti compingerentur in vincula: organarius Sericus, & Asbolius palæstrita, & haruspex Campanis. Verum negotio tepescente ob diuturnam morborum asperitatem, qua tenebatur Olybrius,

morarum impatientes hi, qui rem detulerunt, libello petiverunt oblato, ut examinandum jurgium præfecto mandaretur annonæ: idque studio celeritatis concessum est. Accepta igitur nocendi materia, Maximinus effudit genuinam ferociam, pectori crudo affixam: ut sæpe faciunt amphitheatrales feræ, diffractis tandem solutæ posticis. Cumque multiformiter quasi in proludiis negotium spectaretur, & quidam fulcatis lateribus nominassent nobiles aliquos, tanquam usos artificibus lædendi per clientes, aliosque humiles notos reos & indices: supra plantam, ut dicitur, evagatus tartareus cognitor, relatione maligna docuit Principem, non nisi suppliciis acrioribus perniciofa facinora scrutari posse, vel vindicari, quæ Romæ perpetrare complures. His ille cognitis efferatus, ut erat vitiorum inimicus acer magis, quam severus, uno proloquio in hujusmodi causas, quas arroganter proposito majestatis imminutæ miscebat; omnes, quos juris prisca justitia Divorumque arbitria quaestionibus exemere cruentis, si postulasset negotium, statuit tormentis affligi. Utque congeminata potestas erectaque sublatius altiores confarcinaret ærumnas, Maximino Romæ agere disposito pro præfectis, sociavit ad hæc cognoscenda, quæ in multorum pericula struebantur, Leonem notarium, postea officiorum magistrum, bustuarium quendam latronem Pannonium, efflantem ferino rictu crudelitatem, etiam ipsum nihilominus humani sanguinis avidissimum. Auxit obstinatum Maximini ingenium ad lædendum adventus collegæ similis, &

literarum cum ampla dignitate dulcedo. Ideoque pedes huc & illuc exultando contorquens, saltare, non incedere, videbatur, dum studebat inter altaria celsis gradientes, ut quidam memorant, imitari Brachmanas. Jamque lituis cladium concrepantibus internarum, rerum atrocitate torpentibus cunctis, præter multa cruda & immitia, quorum neq̃ diversitas comprehendere nec numerus potest, mors Marini causarum defensoris eminuit: quem ut auctum Hispanillæ cujusdam artibus pravis affectasse conjugium, transeunter indiciorum fide discussa, supplicio letali damnavit. Et quoniam existimo, forsitan aliquos hæc lecturos, exquisitè scrutando notare, strepentes, id actum esse prius, non illud, aut ea, quæ viderint, prætermissa: hætenus faciendum est satis, quod non omnia narratu sunt digna, quæ per squalidas transiere personas: nec si fieri fuisset necesse, instructiones vel ex ipsis tabulariis suppetent publicis, tot calentibus malis, & novo furore sine retinaculis imis summa miscente: cum iustitium esse, quod timebatur, non iudicium aperte constaret. Tunc Cethegus senator adulterii reus delatus, cervice periit abscissa, & Alypius nobilis adolescens, ob levem relegatus errorem, alique humiles publica morte oppetiverunt: in quorum miseriis velut sui quisque discriminis cernens imaginem, tortorem & vincula somniabat & diversa tenebrarum. Eodem tempore etiam Hymetii præclaræ indolis viri negotium est acitatum: cujus hunc fuisse novimus textum. Cum Africam proconsule regeret, Carthaginensibus victus inopia jam

lassatis, ex horreis Romano populo destinatis frumentum dedit: pauloque postea cum provenisset segetum copia, integre sine ulla restituit mora. Verum quoniam denis modis singulis solidis indigentibus venundatis, emerat ipse tricenos, interpretii compendium ad Principis ærarium misit. Ideoque Valentinianus per nundinationem suspicatus parum, quam oportuerat, missum, eum bonorum parte multavit. Ad cuius cladem exaggerandam id quoque iisdem diebus acciderat non minus exitiale. Amantius haruspex ea tempestate præ ceteris notus, occultiore indicio proditus, quod ob prava quædam implenda, ad sacrificandum ab eodem esset ascitus Hymetio, inductusque in iudicium, quamquam incurvus sub equuleo staret, pertinaci negabat instantia. Quo infirmitate, secretioribus chartis ab ejus domo prolatis, commonitorium repertum est manu scriptum Hymetii, petentis, ut obsecrata ritu sacrorum solemnium numina erga se Imperatores delenirent: cuius extima parte quædam invectiva legebatur in Principem, ut & avarum & truculentum. Hæc Valentinianus relatione iudicum doctus, asperius interpretantium facta, vigore nimio in negotium iussit inquire. Et quia Frontinus consiliarius antedicti, minister fuisse conceptæ precationis arguebatur, concisus virgis atque confessus, ablegatus est in exilium ad Britannos: Amantius vero damnatus postea rerum capitalium interiit. Post hanc gestorum seriem Hymetius ad oppidum ductus Ocriculum, audiendus ab Ampelio urbi præfecto de Maximino vicario,

confestimque perdendus, ut apparebat, data sibi copia rectius Imperatoris præsidium appellavit, nominisque ejus perfugio testus, servabatur incolumis. Super hoc Princeps consultus, senatui negotium dedit. Qui cum rem librata justitia comperisset, eumque ad Boas Dalmatiæ locum exterminasset, ægre Imperatoris iracundiam tulit perciti vehementer, quod hominem addictum, ut ipse proposuerat, morti, clementiori sententia didicerat plexum. Ob hæc & hujusmodi multa, quæ cernebantur in paucis, omnibus timeri sunt coepta. Et ne tot malis dissimulatis paulatimque serpentibus, acervi crescerent ærumnarum, nobilitatis decreto legati mittuntur: Prætextatus ex urbi præfecto, & ex vicario Venuustus, & ex consulari Minervius, oraturi, ne delictis supplicia sint grandiora, neve senator quisquam inusitato & illicito more tormentis exponeretur. Qui cum intromissi in consistorium hæc referrent, negantem Valentinianum, se id statuisse, & calumnias perpeti clamitantem, moderate redarguit quæstor Eupraxius: hacque libertate emendatum est crudele præceptum, supergressum omnia diritatis exempla. Circa hos dies Lollianus primæ lanuginis adolescens, Lampadii filius ex præfecto, exploratus causam Maximino spectante, convictus, codicem noxiarum artium nondum per ætatem firmato consilio descripsisse, exsulque mittendus, ut sperabatur, patris impulsu provocavit ad Principem: & jussus ad ejus comitatum duci, de fumo, ut ajunt, in flammam, traditus Phalangio Bæticæ consulari, cecidit funesti carnificis manu. Super his

etiam Tarratius Bassus, postea urbi præfectus, & frater ejus Camenius, & Marcianus quidam, & Eufaphius, omnes clarissimi, arcessiti in crimen, quod ejusdem conscii veneficii aurigam fovere dicebantur Auchenium: documentis etiamtum ambiguis, suffragante absoluti sunt Victorino; ut dispersus prodidit rumor, qui erat amicus Maximino junctissimus. Nec minus feminæ quoque calamitatum participes fuere similibus. Nam ex hoc quoque sexu peremptæ sunt originis altæ complures, adulteriorum flagitiis obnoxia vel stuprorum. Inter quas notiores fuere Claritas & Flaviana: quarum altera cum duceretur ad mortem, indumento, quo vestita erat, abrepto, ne velamen quidem secreto membrorum sufficiens retinere permissa est. Ideoque carnifex, nefas admisisse convictus immane, vivus exustus est. Paphius quin etiam & Cornelius, senatores, ambo venenorum artibus pravis se polluisse confessi, eodem pronuntiante Maximino sunt interfecti. Pari forte etiam procurator monetæ extinctus est. Sericum enim & Asbolium supra dictos, quoniam cum hortaretur passim nominare, quos vellent, adjecta religione firmarat, nullum igni vel ferro se puniri jussurum, plumbi validis ictibus interemit. Et post hæc flammis Campensem haruspicem dedit, in negotio ejus nullo sacramento constrictus. Opportunum est, ut arbitror, explanare nunc causam, quæ ad exitium præcipitem Aginatum impulit, jam inde a priscis majoribus nobilem, ut locuta est pertinacior fama: nec enim super hoc ullâ documentorum rata est fides. Anhelans flatu superbo Maximinus

etiamtum præfectus annonæ, nactusque audaciæ incitamenta non levia, tendebat adusque Probi contemptum, viri summatum omnium maximi, jureque præfecturæ prætorianæ regentis provincias. Quod Aginatus indignissime ferens, dolensque in examinandis causis Maximinum ab Olybrio sibi prælatum, cum esset ipse vicarius Romæ: familiari sermone docuit Probum occulte, facile vanum hominem recalcitrantem sublimibus meritis posse opprimi, si ille id fieri censuisset. Has literas, ut quidam asseverabant, Probus ad Maximinum, eruditio- rem jam in sceleribus commendatumque Principi pertimescens, nullo conscio præter bajulum, misit. Hisque recitatis, ita homo ferus exarsit, ut machinas omnes in Aginatum deinde commoveret: velut serpens vulnere noti cujusdam attritus. Accessit his alia potior insidiarum materia, quæ eundem Aginatum obruit. Victorinum enim defunctum insimulabat, ut Maximini actus, dum supererat, venditantem: cujus ex testamento legata ipse sumserat non aspernanda: parique petulantia Anephiæ quoque ejus uxori lites minabatur & jurgia. Quæ hæc metuens, ut Maximini etiam muneretur auxilio, finxit, maritum in voluntate, quam condiderat nuper, argenti tria millia pondo eidem reliquisse. Qui aviditate nimia flagrans, (nec enim hoc quoque vitio caruit) petit hereditatis medietatem. Verum etiam hoc, ut parum sufficienti, nequaquam contentus, aliud commentus est, ut arbitrabatur, honestum & tutum: & ne amitteret ansam sibi oblatam lucrandi uberis patrimonii, Victorini

verbis acerba meditabatur in multos. Et primo Rufinam cum univēsis auctoribus adulterii commissi vel conscis interfecit, super quibus Ursicium retulisse prædiximus : alios deinde complures nullo noxiorum discrimine vel infortium. In cruento enim certamine cum Maximino velut antepilano suo contendens, superare eum in succidendis familiarum nobilium nervis studebat : Busirim veterem & Antæum imitatus, & Phalarim, ut taurus ei solus deesse videretur Agrigentinus. His in hunc modum ac talibus actitatis, Hefychia quædam matrona, ob intentatum crimen, in domo apparitoris, cui custodienda est tradita, multa pertimescens & sæva, fulcro plumbeo vultu contracto incubuit, & animam occluso narium spiramento effudit. Adjunctum est his aliud haud mitius malum. Eumenius enim & Abienus, ambo ex coetu amplissimo, infamati sub Maximino in Fausianam feminam non obscuram, post Victorini obitum, quo juvante vixere securius, Simplicii adventu perterrefacti, non secus volentis magna cum minis, ad secreta receptacula se contulerunt. Sed Fausiana damnata inter reos recepti vocatique edictis, semet abstrusius amandarunt : quorum Abienus apud Anepsiā diu delitescibat. Sed ut solent insperati casus aggravare miserabiles clades, Apaudulus nomine, servus Anepsiæ, verberatæ conjugis dolore percussus, negotium ad Simplicium detulit nocte progressus : missique apparitores indicatos e latebris abstraxerunt. Et Abienus quidem, exaggerato crimine stupri, quod intulisse dicebatur Anepsiæ, morte mulctatus est. Mulier

vero, ut continendæ vitæ spem firmam dilato posset habere supplicio, appetitam se nefariis artibus, vim in domo Aginatii perpeffam asseveravit. Hæc, ut gesta sunt, mugitus ad Principem Simplicius retulit: agensque ibi Maximinus, infestus ob causam, quam supra docuimus, Aginatio, simultate una cum potestate in majus accensa, [oravit] impense, ut rescriberetur eum occidi: & impetravit facile male sanus incitator & potens. Metuensque gravioris invidiæ pondus, ne, pronuntiante Simplicio & consiliario suo & amico, periret homo patriciæ stirpis, tenuit apud se paulisper imperiale præceptum, hærens & ambigens, quemnam potissimum exsecutorem atrocis rei fidum inveniret & efficacem. Tandemque, ut solent pares facile congregari cum paribus, Doryphorianus quidam repertus est Gallus, audax adusque insaniam: cui hanc operam implere brevi pollicito deferri providit vicariam, & commonitorium cum Augusti literis tradidit: instruens hominem sævum quidem, sed rudem, qua celeritate Aginatum sine ullo deleret obstaculo, dilatione qualibet inventa forsitan evasurum. Festinavit, ut mandatum est, Doryphorianus magnis itineribus Romam: & inter administrandi initia magna quæritabat industria, qua vi senatorem perspicui generis interficeret juvantibus nullis. Cognitoque, eum jam pridem repertum in villa propria custodiri, ipse tanquam caput fontium pariterque Anepsiam horrore medio tenebrarum audire disposuit, quo tempore hebetari solent obstrictæ terroribus mentes, ut inter innumera multa Ajax quoque Hôme-

ricus docet, optans perire potius lute, quam pati formidinis augmenta nocturnæ. Et quoniam iudex, quin immo prædo nefandus, ad id solum, quod promissit, intentus, cuncta extollebat in majus, jussu Aginatio statui, agmina fecit introire carnificum: catenisque sonantibus triste, mancipia squalore diuturno marcentia in domini caput adusque ultimum lacerabat exitium: quod in stupri quæstione fieri vetuere clementissimæ leges. Denique cum jam contigua morti tormenta ancillæ voces expressissent obliquas, indicii fide parum plene discussa, Aginatus ad supplicium duci pronuntiatus abrupte, nec auditus, cum magnis clamoribus appellaret nomina Principum, sublimis raptus occiditur, pari sententia Anepsia interfecta. Hæc agitante Maximo cum adesset, perque emissarios cum procul ageret, funera urbs deploravit æterna. Sed accelerarunt ultimæ diræ cæforum. Namque ut postea tempestive dicetur, & idem Maximinus sub Gratiano intoleranter se efferens, damnatorio jugulatus est ferro, & Simplicius in Illyrico truncatus: & Doryphorianum pronuntiatum capitis reum, trusumque carcere Tulliano, matris consilio Princeps exinde rapuit, reversumque ad lares per cruciatus oppressit immensos. Unde huc fleximus, revertamur: is urbanarum rerum status, ut ita dixerim, fuit.

II. At Valentinianus, magna animo concipiens & utilia, Rhenum omnem a Rætiarum exordio adusque fretalem Oceanum magnis molibus communiebat, castra extollens altius & castella, turesque assiduas per habiles locos & opportunos, qua Gal-

liarum extenditur longitudo : nonnunquam etiam ultra flumen ædificiis positis subradens barbaros fines. Denique cum reputaret munimentum celsum & tutum, quod ipse a primis fundarat auspiciis, præterlabente Nicro nomine fluvio, paulatim subverti posse undarum pulsu immani, meatum ipsum aliorum vertere cogitavit : & quæsitis artificibus peritis aquariæ rei, copiosaque militis manu arduum est opus aggressus. Per multos enim dies compaginata formæ e roboribus, conjectæque in alveum, fixis refixisque aliquoties prope ingentibus stilis, fluctibus erectis confundebantur, avulsæque vi gurgitis interrompebantur. Vicit tamen Imperatoris vehementior cura, & morigeri militis labor, mento tenus, dum operaretur, sæpe demersi : tandemque non sine quorundam discrimine castra præsidaria inquietudine urgentis amnis exempta, nunc valida sunt. Ac talibus lætus exultansque, pro anni & temporis statu dilapsos conducens, reipublicæ curam habuit, ut officio Principis congruebat. Ratusque aptissimum ad id, quod deliberabat, implendum, trans Rhenum in monte Piri, qui barbaricus locus est, munimentum exstruere disposuit raptim. Utque celeritas effectum negotii faceret tutum, per Syagrium, tunc notarium, postea præfectum & consulem, Aratorem monuit ducem, ut dum undique altum esset silentium, id arripere conaretur. Transiit cum notario dux, ut iussu est, statim, fodereque per militem, quem duxit, fundamenta exorsus, Hermodenem susceperat successorem : eodemque puncto quidam optimates Alamanni venire obsidum

patres, quos lege foederis mansuræque diutius pacis
haud aspernanda pignora tenebamus. Qui flexis po-
plitibus supplicabant, ne Romani securitatis impro-
vidi, quorum fortunam sempiterna fides cœlo con-
tiguam fecit, pravo deciperentur errore, pactisque
calcatis rem adorirentur indignam. Verum hæc &
similia loquentes incassum, cum nec audirentur,
nec quietum aliquid vel mite referri sentirent, filio-
rum flentes exitium discesserunt: hisdemque digres-
sis, ex abdito collis propinqui barbaricus profiluit
globus, optimatibus tum danda responsa, ut intel-
ligi dabatur, opperiens: adortusque milites semi-
nudos, humum etiamtum gestantes, expeditis agi-
liter gladiis obtruncabant: inter quos etiam duces
ambo sunt cæsi. Nec indicaturus gesta superfuit quis-
quam, præter Syagrium: qui, deletis omnibus, ad
comitatum reversus, irati sententia Principis sacra-
mento exutus, abiit ad lares, id commeruisse sævo
judicatus arbitrio, quod evaserit solus. Hæc inter
per Galliam latrociniolorum rabies sæva scatebat in
perniciem multorum, observans celebres vias, fun-
densque indubitanter, quidquid inciderat fructuosum.
Denique præter complures alios, quos absumferunt
insidiæ tales, Constantianus, tribunus stabuli, impe-
tu est clandestino exceptus, moxque interfectus,
Valentiniani affinis, Cerealis & Justinæ germanus.
At procul, tanquam horum similia cientibus furiis
per omne latus, Maratocupreni grassatores acerrimi
vagabantur, vici hujus nominis incolæ in Syria
prope Apamiam positi, nimium quantum numero
& exquisitis fallaciis abundantes: ideoque formi-

dati, quod mercatorum militumque honoratorum specie sine strepitu ullo diffusi, opimas domos, villas & oppida pervadebant. Nec quisquam adventum eorum cavere poterat inopinum, non destinata, sed varia petentium & longinqua, & quodquo ventus duxerat, irrumpentium: quam ob causam præ ceteris hostibus Saxones timentur ut repentini. Et quamlibet conjurati multorum opes attriverint, æstroque concepti furoris exagirati strages edidere luctificas, sanguinis nihilo minus avidi, quam prædarum: tamen ne per minutias gesta narrando operis impediam cursum, id unum sufficiet eorum exitiale poni commentum. Quæsitus in unum impiorum hominum globus, imitatus rationalis officium ipsumque judicem, vespertinis tenebris lugubre clamante præcone civitatem ingressi, ambitiosam domum cujusdam primatis, ut proscripti jussique interfici, cum gladiis obsederunt: raptaque suppellectili pretiosa, quia subito percussi familiares hebetatis sensibus non defenderant dominum, cæcis pluribus, ante revolutam lucem gressu discessere veloci. Verum cum exuviis referti multorum, rapiendi dulcedine nil prætermitterent, intercepti imperiali motu, oppressi interiøre omnes ad unum: eorumque soboles parva etiamtum, ne ad parentum exempla succresceret, pari sorte deleta est, & larës versi, quos ambitiose luctuosis aliorum dispendiis construxerant. Et hæc quidem textu processere narrato.

III. Theodosius vero dux nominis incliti, animo vigore collecto ab Augusta profectus, quam veteres appellavere Lundinium, cum milite industria com-

parato sollerti, versis turbatisque Britannorum fortunis opem maximam tulit: opportuna ubique ad insidiandum barbaris præveniens loca, nihil gregariis imperans, cujus non ipse primitias alacri capefferet mente. Hocque genere cum strenui militis munia & præclari ducis curas expleret, fufis variis gentibus & fugatis, quas insolentia nutriende securitate aggredi Romanas res inflammabat, in integrum restituit civitates & castra multiplicibus quidem damnis afflicta, sed ad quietem temporis longi fundata. Evenerat autem eodem hæc agente facinus dirum, erupturum in periculum grave, ni inter ipsa conatus principia fuisset extinctum. Valentinus quidam in Valeria Pannoniæ superbi spiritus homo, Maximini illius exitialis vicarii, postea præfecti conjugis frater, ob grave crimen actus in Britannias exsul, quietis impatiens malefica bestia ad res perniciosas confurgebat & novas, in Theodosium tumore quodam, quem solum resistere posse nefandis cogitationibus advertibat. Multa tamen clam palamque circumspiciens, crescente flatu cupiditatis immensæ exsules sollicitabat & milites, pro temporis captu aurosum illecebrosas pollicendo mercedes. Jamque propinquante tentatorum effectû, doctus hæc unde convenerat dux alacrior ad audendum, & corde celso ad vindictam compertorum erectus, Valentinum quidem cum paucis arcta sibi societate junctissimis letali poena plectendos Dulcitio dediderat duci: militari scientia verò, qua superabat præsentis, futura conjiciens, de conjuratis quæstiones agitari prohibuit, ne formidine

sparsa per multos, reviviscerent provinciarum turbines compositi. Hinc ad corrigenda plura conversus & necessaria, periculo penitus demto, cum aperte constaret, nulla ejus cœpta propitiam deseruisse fortunam, instaurabat urbes & præsiidiaria, ut diximus, castra, limitesque vigiliis tuebatur & prætenturis: recuperatamque provinciam, quæ in ditionem concesserat hostium, ita reddiderat statui pristino, ut eodem referente & rectorem haberet legitimum, & Valentia deinde vocaretur arbitrio Principis velut ovantis. Areanos genus hominum a veteribus institutum, super quibus aliqua in actibus Constantis retulimus, paulatim prolapsos in vitia a stationibus suis removit: aperte convictos, acceptarum promissarumque magnitudine prædarum allectos, quæ apud nos agebantur, aliquoties barbaris prodidisse. Id enim illis erat officium, ut ultro citroque per longa spatia discurrentes, vicinarum gentium strepitus nostris ducibus intimarent. Ita spectatissime antedictis rebus aliisque administratis similibus, ad comitatum accitus, tripudiantisque relinquens provincias, ut Furius Camillus vel Cursor Papirius, victoriis crebris & salutaribus erat insignis. Et favore omnium adusque fretum deductus, leni vento transgressus, venit ad commilitium Principis: cumque gaudio susceptus & laudibus, in locum Valentis Jovini successit, qui equorum copias tuebatur.

IV. Diu multumque a negotiis discursis urbanis, adigente cumulo foris gestorum, ad ea strictim exsequenda regrediar, exorsus ab Olybrii præ-

fectura tranquilla nimis & leni: qui nunquam ab humanitatis statu dejectus, sollicitus erat & anxius, ne quod usquam factum ejus asperum inveniretur aut dictum: calumniarum acerrimus insectator, fisci lucra, unde poterat, circumcidens, justorumque distinctor & arbiter plenus, in subiectis admodum temperatus. Sed obnubilabat hæc omnia vitium parum quidem nocens rei communi, sed in alto iudice maculosum, quod citeriorem vitam pæne omnem vergentem in luxum per argumenta scenica amoresque peregerat nec vetitos, nec incestos. Post hunc urbem rexit Ampelius, cupidus ipse quoque voluptatum, Antiochiæ genitus, ex magistro officiorum ad proconsulatum geminum, indeque multo postea ad præfecturæ culmen eversus, lectus alia, & ad populi favorem adipiscendum aptissimus, nonnunquam tamen rigidus, atque utinam in proposito perseverans. Correxisset enim ex parte, licet exigua, irritamenta gulæ & ganeas tætras, ni flexus in molliora amisisset gloriam diu victuram. Namque statuerat, ne taberna vinaria ante horam quartam aperiretur, neve aquam vulgarium calefaceret quisquam, vel adusque præstitutum diei spatium lixæ coctam proponerent carnem, vel honestus quidam mandens videretur in publico. Quæ probra aliaque his majora dissimulatione jugi neglecta ita effrenatius exarserunt, ut nec Epimenides ille Cretensis, si fabularum ritu ab inferis excitatus redisset ad nostra, solus purgare sufficeret Romam: tanta plerosque labes insanabilium flagitiorum oppressit. Et primo nobilitatis, ut

aliquoties pro locorum copia fecimus; dein plebis
 digereamus errata, incidentia veloci constringentes
 excessu. Prænominum claritudine conspicui quidam,
 ut putant, in immensum semet extollunt, cum Re-
 burri, & Fabunii, & Pagonii Gerionesque appel-
 lentur, ac Dalii cum Tarraciis & Perrasiis, aliis-
 que ita decens sonantibus originum insignibus mul-
 tis. Nonnullos fulgentes sericis indumentis, ut du-
 cendos ad mortem, vel ut sine diritate ominis lo-
 quamur, prægresso exercitu arma cogentes, mani-
 pulatim concitato fragore sequitur multitudo ser-
 vorum. Tales, ubi comitantibus singulos quinqu-
 aginta ministris tholos introierint balnearum, ubi
 sunt nostrum, minaciter clamant: si apparuisse su-
 bito ignota compererint mancipia, aut oppidanæ
 quondam prostibulum plebis, vel meritorii corpo-
 ris veterem lupam: certatim concurrunt, palpan-
 tesque advenam deformitate magna blanditiarum
 ita extollunt, ut Semiramim Parthi, vel Cleopa-
 tras Ægyptus, aut Artemisiam Cares, vel Zeno-
 biam Palmyreni. Et hæc admittunt hi, quorum
 apud majores censoria nota senator afflictus est,
 ausus, dum adhuc non deceret, præsentem communi
 filia conjugem osculari. Ex his quidam, cum salu-
 tari pectoribus oppositis cœperunt, osculanda ca-
 pita in modum taurorum minacium obliquantes,
 adulatoribus offerunt genua suavianda vel manus,
 id illis sufficere ad beate vivendum existimantes:
 & abundare omni cultu humanitatis peregrinum
 putantes, cujus forte etiam gratia sunt obligati,
 interrogatum, quibus thermis utatur aut aquis, aut

ad quam successerit domum. Et cum ita graves sint & cultores virtutum, ut putant, si venturos undelibet equos aut aurigas quendam didicerint nuntiasse: ita velociter imminet, vident & percontantur, ut Tyndaridas fratres eorum suspexere majores, cum priscis illis victoriis indicatis gaudio cuncta complessent. Horum domus otiosi quidam garruli frequentant, variis assentandi figmentis ad singula altioris fortunæ verba plaudentes, parasitorum in comoediis ætas affectando. Ut enim illi sufflant milites gloriosos, obsidiones urbium & pugnas & millia hostium iisdem ut heroicis æmulis assignantes: ita hi quoque columnarum constructiones alta fronte suspensas mirando, atque parietes lapidum circumspectis coloribus nitidos, ultra mortalitatem nobiles viros extollunt. Poscuntur etiam in conviviiis aliquoties trutinæ, ut appositi pisces & volucres ponderentur & glires: quorum magnitudo sæpius replicata non sine tædio præsentium, ut antehac inusitata, laudatur assidue: maxime cum hæc eadem numerantes notarii triginta prope assistant cum thecis & pugillaribus tabulis, ut deesse solus magister ludi literarii videretur. Quidam detestantes ut venena doctrinas, Juvenalem & Marium Maximum curatiore studio legunt, nulla volumina præter hæc in profundo otio contrectantes: quam ob causam, non judicioli est nostri. Cum multa & varia pro amplitudine gloriarum & generum lectitare deberent, audientes destinatum poenæ Socratem, conjectumque in carcerem, perrogasse quendam scite lyrici carmen Ste-

fichori modulantem, ut doceretur id agere, dum liceret : interroganteque musico, quid ei poterit hoc prodesse morituro postridie, respondisse, ut aliquid sciens amplius e vita discedam. Ita autem pauci sunt inter eos severi vindices delictorum, ut si aquam calidam tardius attulerit servus, trecentis affligi verberibus jubeatur : si hominem sponte occiderit propria, instantibus plurimis, ut damnetur reus, dominus haecenus exclamat, Quid faciat malus, famosus, & nequam ? & si quis aliud ejusmodi deinceps ausus fuerit, corrigetur. Civilitatis autem hoc apud eos est nunc, quod expedit peregrino fratrem interficere cujuslibet, quam rogatus ad convivium excusare : defectum enim patrimonii se oppido perpeti senator existimat, si is defuerit, quem aliquoties libratis sententiis invitaverit semel. Pars eorum, si agros visuri procefferunt longius, aut alienis laboribus venaturi, Alexandri Magni itinera se putant æquiparasse, vel Cæsaris : aut si a lacu Averni lembis inveci sunt pictis Puteolos vel Caletam, maxime cum id vaporato audeant tempore. Ubi si inter aurata flabella laciniis sericis infederint muscæ, vel per foramen umbraculi pensilis radiolus irruperit solis, queruntur, quod non sunt apud Cimmerios nati. Dein cum a Silvani lavacro vel Mamææ aquis ventitant fospitalibus, ut quisquam eorum egressus tenuissimis se terferit linteis, solutis prefforiis vestes luce nitentes arbitra diligenter explorat, quæ una portantur sufficientes ad induendos homines undecim : tandemque electis aliquot involutus, receptis annulis, quos, ne violentur huc

moribus, famulo tradiderat, digitis ut metatis abire. Enimvero si quis e militia Principis recens digressus abierit in larem, aut proVectibus, tali præsente irio lenu præsul existimatur: ceteri taciturni audiunt dicta solus paterfamilias tectus narrans aliena, & placentia referens, & utile pleraque fallendo. Quidam ex iis, licet rari, aleatorum vocabulum declinantes, ideoque se cupientes appellari tesserarios: inter quos tantum differt, quantum inter fures & latrones. Hoc tamen fatendum est, quod cum omnes amicitiae Romae tepescant, aleariae solae, quasi gloriosis quaesitae sudoribus, sociales sunt, & affectu nimio firmitate plena connexae: unde quidam ex his gregibus inveniuntur ita concordēs, ut Quintilios esse existimes fratres. Ideoque videre licet ignobilem, artis tesserariae callem arcana, ut Catonem Porcium ob repulsam praeturae nec suspectam antea nec speratam, incedere gravitate composita moestiores, quod ei in maiore convivio vel confessu proconsularis quidam est antelatus. Subfident aliqui copiosos homines, senes aut juvenes, orbos vel caelibes, aut etiam uxores habentes & liberos, (nec enim in hoc titulo discrimen aliquod observatur) ad voluntates condendas allicientes eos praestigiis miris: qui cum supremis iudiciis ordinatis, quae habebant, reliquerint iis, quibus morem gerendo testati sunt, illico pereunt, ut id impleri sorte fatorum operiente, nec puteos, nec facili potest aegritudo testamentum comitatu est his quisquam. Alius cum dignitate licet mediocri, cervice tumida gradiens,

notos antea obliquo contuetur aspectu, ut post
 captas Syracusas existimes reverti M. Marcellum.
 Multi apud eos, negantes esse superas potestates in
 cœlo, nec in publico prodeunt, nec prandent,
 nec lavari arbitrantur se cautius posse, antequam
 ephemeride scrupulose sciscitata didicerint, ubi sit
 verbi gratia signum Mercurii, vel quotam cancri
 sideris partem polum discurrens obtineat luna.
 Alius, si creditorem suum flagitare molestius adver-
 terit debitum, ad aurigam confugit audentem omnia
 prælicenter, eumque ut veneficum curat urgeri:
 unde non nisi reddita cautione, dispendioque af-
 flictus gravi discedit. Et additur huic, debitorem
 voluntarium includit ut proprium, nec ante ejus
 professionem absolvi. Parte alia uxor, ut pro-
 verbium loquitur vetus, eandem incudem diu no-
 tuque tundendo, maritum testari compellit, hoc-
 que idem ut faciat uxor, urget maritus instanter:
 & periti juris altrinsecus asciscuntur, unus in cubi-
 culo, alter ejus æmulus in triclinio, repugnantia tra-
 ctaturi: iisdemque subseruntur genitalium extorum
 interpretes controversi, hinc præfecturas profusius
 largientes & sepulturas divitum matronarum; inde
 ad exsequias virorum jamjam adventantes necessa-
 ria parari oportere innuentes: & testatura an-
 cillas suapte natura pallidi aspirati pridie consumpta
 defuncta um Romaque: ut Tullius ait: *Nec in*
rebus humanis quidquam bonum norunt, nisi quod
fructuosum sit: & amicos tanquam pecudes eos potis-
simum diligunt, ex quibus se sperant maximum fru-
ctum esse capturos. Cumque mutuum illi quid pe-

tunt, foccos & Miconas videbis, & Lachetas: cum adiguntur, ut reddant, ita cothurnatos & turgidos, ut Heraclidas illos Cresphontem & Temenum putes. Hactenus de senatu. Nunc ad otiosam plebem veniamus & desidem: in qua nitent ut nominibus cultis & quidam calceorum expertes, Cimefflores, Statarii, Semicupæ, & Serapini, & Cicimbricus cum Gluturino, & cum Trulla, & Lucanicus cum Pordaca & Salsula, similesque innumeri. Hi omne, quod vivunt, vino & tesseris impendunt, & lustris, & voluptatibus, & spectaculis: eisque templum, & habitaculum, & concio, & cupitorum spes omnis Circus est maximus: & videre licet per fora, & compita, & plateas, & conventicula circulos multos collectos in se controversis jurgii ferri, aliis aliud, ut sit, defendentibus. Inter quos hi, qui ad satietatem vixerunt, potiores auctoritate longæva, per canos & rugas clamitant sæpe, rempublicam stare non posse, si futura concertatione quem quisque vindicat, carceribus non exsiluerit princeps, & funalibus equis parum cohærenter circumflexerit metam. Et ubi negligentia tanta est caries, exoptato die equestrium ludorum illucescente, nondum solis puro jubare, effusius omnes festinant præcipientes, ut velocitate currus ipsos anteeant certaturos: super quorum eventu discissi votorum studiis, anxii plurimi agunt pervigiles noctes. Unde si ad theatralem ventum fuerit vilitatem, artifices scenarii per sibilos exploduntur, si quis sibi ære humiliorem non conciliaverit plebem. Qui si defuerit strepitus, ad imitationem Tauricæ

gentis peregrinos vociferantur pelli debere (quorum subsidii semper nisi sunt ac steterunt) & tætris vocibus & absurdis: quæ longe abhorrent a studiis & voluntate veteris illius plebis, cujus multa facete dicta memoria loquitur & venusta. Id enim nunc repertum est pro sonitu laudum impensiore per applicatos homines ad loquendum, ut in omni spectaculo, exodiaro, venatori, aurigæ, & histrionum generi omni, & iudicibus celsis itidemque minoribus, nec non etiam matronis clametur assidue. *Per te ille discat*: quid autem debeat disci, nemo sufficit explanare. In his plerique distentionibus saginis addicti, præeunte nidoris indagine acutisque vocibus feminarum, a galliciniis ipsis, in modum pavonum inanitate clangentium, humum summis pedum unguibus contingentes aulis assistunt, digitos prærodentes, dum patinæ defervescent: alii nauseam horridæ carnis, dum excoquitur, intentius despectantes, ut discissarum pecudum extrimari cum anatomicis Democritum putes, docentem, quibus modis posteritas mederi doloribus possit internis. Sit satis interim hæc digessisse super rebus urbanis: nunc redeamus ad cetera, quæ per provincias agitavere multiplices casus.

V. Erupit Augustis ter Coss. Saxonum multitudo: & Oceani difficultatibus permeatis, Romanum limitem gradu petebat intento, sæpe nostrorum funneribus pasta: cujus eruptionis primæ procellam Nannenus sustinuit comes, regionibus iisdem appositus, dux diuturno bellorum labore compertus. Sed tunc ad mortem destinatæ plebi congressus,

cum milites quosdam ruisse, & se vulneratum imparem fore certaminibus adverteret crebris, docto Imperatore, quid agi deberet, id est adeptus, ut peditem magister Severus opitulatum rebus dubiis adveniret. Qui ducens militem rei sufficientem cum venisset ad loca, discriminatis ordinibus barbaros ante colluctationem adeo terruit & turbavit, ut nec controversas opponerent manus, sed signorum aquilarumque fulgore præstrikti venialem poscerent pacem. Diuque variatis consiliis, cum id rei publicæ conducere videretur, pactis indutiis, & datis ex conditione proposita juvenibus multis habilibus ad militiam, discedere permissi sunt Saxones, sine impedimento, unde venerant, reversuri. Quibus omni jam formidine vacuis reditumque parantibus, occulte pedites missi insidias in abdita quadam valle struxerunt, unde prætereuntes aggredi negotio poterant levi: sed longe secus accidit, quam sperabatur. Sonitu enim adventantium perciti exsiluere quidam intempestive, visique subito, dum se firmare festinant, ululantibus lugubre barbaris vertuntur in pedes. Stetere tamen mox conglobati, extremaque sorte vires licet non integras suggerente, configere cogebantur: multaque cæde perculsi concidissent nullo relicto, ni cataphractorum equitum cuneus, ad inferendum periculum transeuntibus barbaris ex alio latere prope divortium itineris pari modo locatus, clamore percitus tristi agiler subvenisset. Exin concursum infestius, firmatisque pectoribus hinc inde incumbentes Romani clausos hostes eductis gladiis obtruncabant: nec

quisquam eorum genitales revifere potuit lares, ne uno quidem cædibus concorporalium fupereffe permiffo. Ac licet iuftus quidam arbiter rerum factum incufabit perfidum & deforme : penfato tamen negotio non feret indigne, manum latronum exitialem tandem copia data captam. Poft hæc ita profpere confummata, Valentinianus verfando fententias multiformes, anxia follicitudine ftringebatur : reputans multa & circumfpiciens, quibz commentis Alamannorum & Macriani regis frangeret faftus, fine fine vel modo rem Romanam irrequietis motibus confundentes. Immanis enim natio, jam inde ab incunabulis primis varietate cafuum imminuta, ita sæpius adolefcit, ut fuiſſe longis feculis æſtmetur intaéta. Seditque confilia alia poſt alia Imperatori probanti, Burgundios in eorum excitari pernitiem, bellicosos & pubis immenſæ viribus affluentes, ideoque metuendos finitimis univerfis. Scribebatque frequenter ad eorum reges per taciturnos quofdam & fidos, ut iifdem tempore præſtituto fupervenirent, pollicitus ipſe quoque tranſito cum Romanis agminibus Rheno occurrere pavidis, pondus armorum vitantibus inſperatum. Gratanter ratione gemina Principis acceptæ ſunt literæ : prima, quod jam inde temporibus priſcis, ſobolem ſe eſſe Romanam Burgundii ſciunt : dein, quod ſalinarum finiumque cauſa Alamannis sæpe jurgabant. Et cætervâs miſere leſtiſſimas : quæ, antequam milites congregarentur in unum, aduſque ripas Rheni progreſſæ, Imperatore ad ſtruenda munimenta diſtricto, terrori noſtris fuere vel maximo. Igitur pau-

lisper morati, cum neque Valentinianus, ut spoponderat, die prædicto venisset, nec promissorum aliquid adverterent factum, ad comitatum misere legatos, poscentes, adminicula sibi dari reductoribus ad sua, ne nuda hostibus exponerent terga. Quod ubi negari per ambages sentirent & moras, moesti exinde discesserunt & indignati. Hocque comperto reges ut ludibrio habiti sævientes, captivis omnibus interfectis, genitales repetunt terras. Apud hos generali nomine rex appellatur Hendinos, & ritu veteri potestate deposita removetur, si sub eo fortuna titubaverit belli, vel segetum copiam negaverit terra: ut solent Ægyptii casus ejusmodi suis assignare rectoribus. Nam sacerdos apud Burgundios omnium maximus vocatur Sinistus: & est perpetuus, obnoxius discriminibus nullis, ut reges. Per hanc occasionem impendio tempestivam, Alamannos gentis antedictæ metu dispersos aggressus per Rætias Theodosius, ea tempestate magister equitum, pluribus cæsis, quoscunque cepit, ad Italiam jussu Principis misit, ubi, fertilibus pagis acceptis, jam tributarii circumcolunt Padum.

VI. Hinc tanquam in orbem migrantes alium, ad Tripoleos Africanæ provinciæ veniamus ærumnas, quas, ut arbitror, Justitia quoque ipsa deflevit: quæ unde instar exarsere flammæ, textus aperiet absolutus, Austuriani his contermini partibus barbari, in discursus semper expediti veloces, vivereque assueti rapinis & cædibus, paulisper pacati, in genuinos turbines revoluti sunt, hanc causam prætendentes ut seriam. Stachao quidam no-

mine popularis eorum ut in otio nostra peragendo
 licentius, agebat quædam vetita legibus : inter quæ
 illud potius eminebat, quod provinciam omni fal-
 laciæ via prodere conabatur, ut indicia docuere
 verissima : quocirca supplicio flammæ absumtus
 est. Hujus necem ulcisci, ut propinqui damnatique
 injuste causantes, ferarum similes rabie concitarum
 exsiluere sedibus suis, Joviano etiamtum imperan-
 te : veritique prope Leptim accedere, civitatem mu-
 ris & populo validam, suburbano ejus uberrimo
 insedere per triduum : mactatisque agrestibus, quos
 inopinus hebetaverat pavor, vel confugere coege-
 rat ad speluncas, incensa suppellectili multa, quæ
 vehi non poterat, referti rapinis reverterunt in-
 gentibus, trahentes captivum Silvam quoque, casu
 cum caritatibus in agro inventum, ordinis sui pri-
 matem. Hac subita clade Leptitani perterriti, ante
 incrementa malorum, quæ intentabat barbaricus tu-
 mor, præsidium imploravere Romani comitis per
 Africam recens provecti. Qui cum venisset milita-
 res copias ducens, ferreque opem rebus rogaretur
 afflictis, non nisi abundanti commeatu aggesto, &
 camelorum quatuor millibus apparatis, castra firma-
 bat esse moturum. Hocque responso miserandis ci-
 vibus stupefactis, atque negantibus sufficere se posse
 post vastationes & incendia, ita enormibus instru-
 mentis remedia quærere damnorum immanium,
 dissimulanter diebus ibi quadraginta consumtis,
 nullo tentato inde discesserat comes. Qua spe Tri-
 politani frustrati, formidantesque extrema, allapso
 legitimo die concilii, quod apud eos est annum,

Severum & Flaccianum creavere legatos, Victoriam aurea simulacra Valentiniano ob imperii primitias oblaturus: utque lacrimosas provinciae ruinas docerent intrepide. Quibus compertis Romanus, missis equite velocissimo, magistrum officiorum petit Remigium, affinem suum rapinarum participem, ut provideret Imperatoris arbitrio cognitionem hujus negotii vicario sibi que deferri. Venerunt in comitatum legati: aditoque Principe, verbis, quae perpeffi sunt, ostenderunt: obtulerunt decreta, textum continentia rei totius. Quibus lectis, cum neque relationi officiorum magistri faventis Romani flagitiis, nec contraria referentibus crederetur: promissa disceptatio plena dilata est eo more, quo solent inter potiorum occupationes ludi potestates excelsae. Dum remedia quaedam a commilitio Principis expectantur, suspensis Tripolitanis diuque anxiis, rursus globi supervenere barbarici, fiducia sublata praeteritorum: Leptitanoque agro & Oensi interneciva populatione transcurfis, expleti praedarum acervis ingentibus abscefferunt, occisis decurionibus multis: inter quos Rusticianus sacerdotalis & Nicasius enitebat aedilis. Haec autem eruptio ideo arceri non potuit, quod ad legatorum preces negotiorum quoque militarium cura praesidi delata Ruricio, mox translata est ad Romanum. Et jam recens inflictae cladis nuntius missus ad Gallias, excitavit acrius Principem. Ideoque tribunus & notarius Palladius mittitur, ut & militi disperso per Africam praerberet stipendium debitum, & gesta per Tripolim fide congrua scrutaretur. Inter tales ta-

men consulendi moras expectandique responsa, Austuriani successu gemino insolentes, ut rapaces alites advolarunt irritamento sanguinis atrocius efferratæ: cunctisque, nisi quos fuga discriminibus eximeret, interemtis, prædas, quas antehac reliquerant, avexerunt, arboribus exsectis & vitibus. Tunc Mychôn quidam nobilis oppidanus & potens, captus in suburbano, lapsusque antequam vinciretur, quia pedibus æger evadere penitus veritabatur, in puteum aquis vacuum sese conjecit; unde, costa diffracta, levatus a barbaris, ductusque prope portas, conjugis miseratione redemptus est, & ad pinnas muri fune sublatus, post biduum interiit. Unde elati in pertinaciam sævissimi grassatores ipsa pulsavere moenia Leptitana, funestis plangoribus resonantia feminarum, quas nunquam antea hostiliter clausas pavor exanimabat insolitus: obfessaque urbe per octo continuos dies, cum quidam oppugnatores sine ullo vulnerarentur effectu, redierunt ad propria tristiores. Ob quæ super salute dubii cives, ultimaque tentantes, profectis ante legatis nondum reversis, Jovinum mittunt atque Pancratium, quæ viderint, quæ ipsi perpessi sint, Imperatorem fida relatione docturos: qui Severum apud Carthaginem inventum & Flaccianum superiores illos legatos, percontando quid egerint, cognoverunt; eos audiri a vicario jussos & comite. E quibus Severus illico periit vexatus acerbitate morborum: nihilominus tamen properarunt ad comitatum magnis itineribus antedicti. Ingresso post hæc Palladio Africam, Romanus quas ob res

venerat ante præstructus, ut securitatem suam in tuto locaret, numerorum principis per quosdam secretorum mandaverat conscios, ut ei tanquam potenti & palatii summatibus proximo, stipendii, quod pertulerat, præstarent maximam partem; & ita est factum. Confestimque ille ditatus perrexit ad Leptim: utque ad veritatis perveniret indaginem, Erechthium & Aristomenem facundos municipes & insignes, libere suas civiumque & finitimorum rerexentes æumnas, ad loca vastata secum eduxit. Quibus aperte cuncta monstrantibus, luctuosis provinciæ cineribus visis revertit: Romanumque ut desidem increpans, relaturum se cuncta verissime, quæ viderat, minabatur ad Principem. Atque ille ira percitus & dolore, se quoque mox referre firmavit, quod missus ut notarius incorruptus, donativum militis omne in quæstus averterit proprios. Qua gratia flagitiorum arbitra conscientia, cum Romano deinde Palladius concordabat: réversusque ad comitatum, arte mendaciorum impia Valentinianum fefellerat, Tripolitanos frustra queri commemorans. Ideoque rursus ad Africam cum Jovino, postremo omnium legatorum, remittitur, (Pancratius enim decesserat apud Treveros) ut cum vicario ipse merita legationis quoque secundæ spectaret: præter hæc linguas Erechthii & Aristomenis præcidi jusserat Imperator, quos invidiosa quædam locutos idem Palladius intimarat. Secutus, ut statutum est, vicarium notarius venit ad Tripolim. Hocque comperto, Romanus domesticum suum illuc volucriter misit, & Cæcilium

consiliarium in ea provincia genitum : per quos, incertum pretiis, an fallaciis, circumventi municipes omnes gravabant Jovinum, destinatus afferentes, nihil eorum mandasse, quæ docuerat, Principem : eousque iniquitate grassante, ut ipse quoque Jovinus ad salutis suæ discrimen confiteretur, se Imperatori mentitum. Quibus per Palladium regressum cognitis, Valentinianus ad acerbiteriam proclivior Jovinum quidem, ut auctorem, Coelestinum vero Concordiumque & Lucium, ut falsi conscios & participes, puniri supplicio capitali præcepit : Ruricius autem præsidem, ut mendacem, morte multari : hoc quoque accedente, quod in relatione ejus verba quædam, ut visum est, immodica legabantur. Ac Ruricius quidem apud Sitifim cæsus : reliqui apud Uticam sententia vicarii Crescentis addicti. Flaccianus tamen ante legatorum interitum, cum a vicario audiretur & comite, constanter salutis suæ propugnans, acclamationibus iratorum militum impetuque cum conviciis pæne confossus est : objicientium, ideo Tripolitanos non potuisse defendi, quod ipsi ad expeditionales usus præbere necessaria detrestarunt. Et ob hæc trusus in carcerem, dum consultus super eo, quid conveniret agi, decerneret Imperator, sollicitatis, ut dabatur opinari, custodibus, in urbem Romam abierat profugus : ibique delitescens, fatali lege decessit. Hoc memorando sine externis domesticisque cladibus vexata contieuit Tripolis non indefensa, quia vigilavit Justitiæ oculus sempiternus, ultimæque legatorum & præsidis diræ. Diu enim postea hujus

modi casus emerſit. Solutus ſacramento Palladius ; deſtitutusque faſtu, quo tumebat, diſceſſit ad otium. Et cum Theodoſius ductor exercituum ille magnificus, oppreſſurus Firmum pernicioſa coeptantem, veniſſet in Africam, & præſcripti Romani rem mobilem, ut juſſum eſt, ſcrutaretur : inter chartas ejus inventa eſt Meterii cujuſdam epiſtola, id continens : *Domino patrono Romano Meterius ; & in fine poſt multa nihil ad rem pertinentia : Salutat te Palladius proſecticius : qui non aliam ob cauſam dicit ſe eſſe proſectum, niſi quod in cauſa Tripolitanorum apud aures ſacras mentitus eſt.* His literis ad comitatum miſſis, & lectis, Valentiniani juſſu Meterius raptus ſuam eſſe confitetur epiſtolam : ideoque Palladius exhiberi præceptus, cogitans, quas criminum coxerit moles, in ſtatione primis tenebris obſervata cuſtodum abſentia, qui feſto die Chriſtiani ritus in eccleſia pernoctabant, innodato gutture laquei nexibus interiit. Hoc fortunæ ſecundioris judicio plene comperto, deletoque triſtium concitore turbarum, exſiluerunt Erechthius & Ariſtomenes e latebris, qui, cum ſibi juſſas abſcidi linguas didiciſſent ut prodigas, ad longe remota declinarunt & abdita ; doctoſque ſuper nefanda fraude Gratio Imperatore fidentius (Valentinianus enim obierat) ad Heſperium proconſulem & Flavianum vicarium audiendi ſunt miſſi : quorum æquitas auctoritate niſa juſtiſſima, torto Cæcilio, aperta confeſſione cognovit, ipſum ſuaſiſſe civibus, gravarent mentiſcendo legatos. Hæc acta ſecuta eſt relatio, geſtorum pandens pleniſſimam fidem ; ad quam

nihil responsum est. Et ne quid cothurni terribilis fabulæ relinquerent intentatum, hoc quoque post depositum accessit aulæum. Romanus ad comitatum profectus, secum Cæcilium duxit, cognitores accusaturum ut inclinatos in provinciæ partem: isque Merobaudis favore susceptus, necessarios sibi plures petierat exhiberi. Qui cum Mediolanum venissent, frustra se tractos ob simulatis documentis probabilibus ostendissent, absoluti redierunt ad lares. Valentiniano tamen superstite, post superiora, quæ narravimus, Remigius quoque digressus ad otium, laqueo vitam elisit, ut congruo doceamus loco.

AMMIANI MARCELLINI RERUM GESTARUM LIBER XXIX.

Theodorus notarius imperium affectat, & apud Valentem Antiochiæ accusatus majestatis, convictusque cum plurimis criminis consciis interficitur. *C. I.* Multi in oriente veneficiorum & aliorum criminum rei delati, damnatique, pars jure, pars injuria jugulantur. *II.* In occidentis tractibus varia Valentiniani Aug. sævitiae & efferatae crudelitatis exempla. *III.* Valentinianus A. Rhenum navalî ponte transgressus, culpa militis Macrianum Alamannorum regem incautum capere non potuit. *IV.* Theodosius, magister equitum per Gallias, Firmum Maurum Nubelis Reguli filium, qui a Valentiniano desciverat, multis præliis atterit, ac demum eo ad voluntariam mortem compulso, pacem Africae reddit. *V.* Quadi, nefaria Gabiniî regis sui cæde incitati, Pannonias & Valeriam igni & ferro cum Sarmatis vastant, & legiones duas pæne totas delent. De Claudii præfectura urbana. *VI.*

I. **E**XACTA hieme, rex Persarum gentis Sapor pugnarum fiducia pristinarum immaniter arrogans, suppleto numero suorum abundeque firmato, erupturos in nostra cataphractos & sagittarios & con-

ductam misit plebem. Contra has copias Trajanus comes & Vadomarius ex rege Alamannorum cum agminibus perrexere pervalidis, hoc observare Principis jussu appositi, ut arcerent potius, quam lacefferent, Persas. Qui cum venissent Vagabanta, legionibus habilem locum, rapidos turmarum procursus hostilium in se ruentium acriter exceperunt inviti: operaque consulta retrocedentes, ne ferro violarent adversorum quemquam primi, & judicarentur discissi foederis rei, ultima trudente necessitate congressi sunt: confossisque multis, discessere victores. Inter moras tamen utrinquesecus tentatis aliquoties levibus proeliis, varioque finitis eventu, pactis indutiis ex consensu, æstateque consumpta, partium discessere ductores etiamtum discordes. Et rex quidem Parthus hiemem Ctesiphonte acturus, rediit ad sedes: & Antiochiam Imperator Romanus ingressus. Qui dum ibi moratur securus interim hostium externorum, intestinis pæne perierat fraudibus, ut aperiet series delata gestorum. Procopius quidam, iniquus homo, turbarum cupiditati semper addictus, Anatolium detulerat & Spudadium palatinos, exigi, quæ de ærario interceperant, jussos, insidiari comiti Fortunatiano, molesto illi flagitatori. Qui animi asperitate confestim ad insanum percitus modum, pro potestatis auctoritate, quam regebat, Palladium, quendam obscurissime natum, ut veneficum a memoratis conductum, & Heliodorum fatorum per genituras interpretem, adigendos prodere, quæ scirent, prætorianæ judicio tradidit præfecturæ. Cumque ad facti vel ten-

tati quæstionem acrius veniretur, exclamabat Pal-
ladius confidenter, levia esse hæc, de quibus agitur,
& prætereunda: alia se, si licuerit dicere, mon-
straturum metuenda & potiora, quæ ingenti mo-
limine jam præstructa, nisi prospectum fuerit, uni-
versa confundent. Jussusque docere fidenter, quæ
norat, rudentem explicuit immensum: affirmans,
Fidustium præsidialem, & cum Irenæo Pergaminum
nomen imperaturi post Valentem detestandis præ-
sagiis didicisse secretum. Et correptus Fidustius il-
lico, (namque aderat forte) occulteque inductus,
viso indice, nulla infatigatione obumbrare jam pu-
blicata conatus, rei totius calamitosum aperit tex-
tum: absolute confessus, se cum Hilario & Patri-
cio vaticinandi peritis, quorum Hilarius militave-
rat in palatio, de imperio consuluisse futuro: mor-
tasque secretis artibus fortes, & nuncupationem
Principis optimi, & ipsis consultoribus luctuosos
exitus prædixisse. Atque contantibus, quisnam ea
tempestate omnibus vigore animi antistaret, visus
est aliis excellere Theodorus, secundum inter no-
tarios adeptus jam gradum. Et erat revera ita, ut
opinati sunt. Namque antiquitus claro genere in
Galliis natus, & liberaliter educatus a primis pue-
ritiæ rudimentis, modestia, prudentia, humanita-
te, gratia, literis ornatissimus, semper officio loco-
que, quem retinebat, superior videbatur, altis hu-
milibusque juxta acceptus. Solusque pæne omnium
erat, cujus linguam non infrenem, sed dispicientem
quæ loqueretur, nullius claudebat periculi metus.
His addebat idem Fidustius, excarnificatus jam ad

interitum, omnia, quæ prædixit, se indicante Theodorum per Eucærium didicisse, virum præstabili scientia literarum, abundeque honoratum: Asiam quippe paulo ante rexerat pro præfectis. Quo in custodia condito, gestorumque volumine Imperatori recitato de more, prodigiosa feritas in modum ardentissimæ facis fufius vagabatur, elata turpi adulatione multorum, maximeque præfecti prætorio tunc Modesti. Qui dum formidine successoris ageretur in dies, obumbratis blanditiarum concinnitatibus, cavillando Valentem subrusticum hominem sibi varie commulcebat, horridula ejus verba & rudia flosculos Tullianos appellans, & ad extollendam ejus vanitatem fidera quoque, si jussisset, exhiberi posse promittens. Igitur & Theodorus a Constantinopoli, quam ex negotio familiari petierat, rapi celeri jubetur effugari: & dum ille reducit, ex præjudiciis variis, quos diebus exercebantur & noctibus, plures a disjunctissimis regionibus trahebantur, dignitatibus & nobilitate conspicui. Cumque nec carceres publici jam distenti, inclusorum jam catervas, nec privata domicilia sustinerent constipatione vaporata confertas: quoniam vinculis maxima pars eorum attinebatur, & suam & proximi cujusque vicem omnes horrebant. Advenit aliquando tamen ipse quoque Theodorus, præmortuus & atratus: quo in devia territorii parte abscondito, paratis omnibus, quæ indagines futuræ poscebant, internarum cladum litui jam sonabant. Et quia fallere non minus videtur, qui gesta præterit sciens, quam ille, qui nunquam facta

fingit : non abnuimus , (neque enim ambigitur) salutem Valentis & antea sæpius per occultas coitiones , & tunc in extrema demersam : ferrumque ad jugulum ejus prope adactum a militaribus , fato reflectente depulsum , quem lacrimosis in Thracia discriminibus destinarat. Namque & in nemoroso quodam inter Antiochiam & Seleuciam loco leni quiete post meridiem consopitus , a Sallustio tunc scutario , & sæpe alias appetitus insidiantibus multis , vitæ terminis a primigenio ortu adscriptis ausa immania frenantibus evadebat. Ut sub Principibus Commodo & Severo nonnunquam accidebat , quorum summa vi salus crebro oppugnabatur : adeo ut post intestina pericula multa & varia , alter in amphitheatrali cavea , cum affuturus spectaculis introiret , a Quintiano senatore illicitæ cupidinis homine , ad debilitatem pæne pugione vulneraretur : alter inopinabili impetu , tempore ætatis extremo , a Saturnino centurione consilio Plautiani præfecti in cubiculo jacens confoderetur , ni tulisset suppetias filius adolescens. Quocirca etiam Valens erat venia dignus , vitam , quam ereptum ire perfidi properabant , omni cautela defendens. Sed inexpiabile illud erat , quod regaliter turgidus , pari eodemque jure , nihil inter se distantibus meritis , nocentes innocentisque maligna infectione volucriter perurgebat : ut dum adhuc dubitaretur de crimine , Imperatore non dubitante de poena , damnatos se quidam prius discerent , quam suspectos. Adolefcebat autem obstinatum ejus propositum admoventes stimulos avaritia , & sua , & eorum , qui tunc in re-

gia versabantur, novos hiatus aperientium, & si qua humanitatis fuisset mentio rara, hanc appellantium tarditatem: qui cruentis adulationibus institutum hominis, mortem in acie linguæ portantis, ad partem pessimam depravantes, omnia turbine intempestivo perflabant, eversum ire funditus domus opulentissimas festinantes. Erat enim expositus accessu insidiantium & reclusus, vitio gemino perniciosè implicitus: quod intoleranter irascebatur tunc magis, cum eum puderet irasci: & quæ facilitate privati opertis susurris audierat, an vera essent excutere tumore Principis superfidens, pro veris accipiebat & certis. Inde factum est, ut clementiæ specie penatibus multi protruderentur infantes, præceps in exilium acti: quorum in ærario bona coacta & ipse ad quæstus proprios redigebat, ut damnati cibo precario victitarent, angustis formidandæ paupertatis attriti: cujus metu vel in mare nos ire præcipites, suadet Theognis poeta vetus & prudens. Quæ etiamsi recta fuisse concesserit quisquam, erat tamen ipsa nimietas odiosa. Unde animadversum est recte hoc definitum: nullam esse crudeliorem sententiam ea, quæ est, cum parcere videtur, asperior. Igitur cum præfecto prætorio summatibus quæsitis in unum, quibus cognitiones commissæ sunt, intenduntur eculi, expediuntur pondera plumbea, cum fidiculis & verberibus: resultabant omnia truculentæ vocis horroribus, inter catenarum sonitus, Tene, Claude, Comprime, Abde, ministris officiorum tristium clamentibus. Et quoniam addici post cruciabiles poe;

nas vidimus multos, ut in tenebrosis rebus confusione cuncta miscente : summam quia nos penitissima gestorum memoria fugit, quæ recolere possumus, expeditius absolvemus. Primo introvatu post interrogatiunculas leves Pergamius, a Palladio, ut dictum est, proditus, quædam imprecationibus præscisse nefariis, sicut erat impendio eloquentior, & in verba periculosa projectus, inter ambigentes iudices, quid prius quæri debeat, quidve posterius, dicere audacter exorsus, multa hominum millia quasi conscriptorum sine fine strependo fundebat, modo non ab extremo Atlante magnorum criminum arguendos poscens aliquos exhiberi. Quo, ut consarcinante nimis ardua, morte mulctato, aliisque gregatim post illum occisis, ad ipsius Theodori causam, quasi ad Olympici certaminis pulverem, pervenitur. Eodem die inter complura alia hoc quoque evenerat triste, quod Salia thesaurorum paulo ante per Thracias comes, cum de vinculis educitur audiendus, & calceo inferit pedem, quasi ruina incidentis immensi terroris repente percussus, animam inter retinentium manus efflavit. Constituto itaque iudicio, & cognitoribus præscripta ostentantibus legum, sed ex voluntate dominantis moderantibus momenta causarum, horror pervaserat universos. Totus enim devius ab æquitate dilapsus, jamque eruditior ad lædendum, in modum arenariæ feræ, si admotus quisquam fabricæ diffugisset, ad ultimam rabiem sæviebat. Inducti itaque Patricius & Hilarius, ordinemque replicare iussi gestorum, cum inter exordia variarent, fodicatis late-

ribus, illato tripode, quo utebantur, adacti ad summas angustias, aperiunt negotii fidem ab ipsis exordiis replicatam. Et prior Hilarius, *Construximus*, inquit, *magnifici iudices, ad cortinæ similitudinem Delphicæ diris auspiciis de laureis virgulis infauslam hanc mensulam, quam videtis: & imprecationibus carminum secretorum, choragiisque multis ac diuturnis ritualiter consecratam movimus tandem: movendi autem, quoties super rebus arcanis consulebatur, erat institutio talis. Collocabatur in medio domus emaculatæ odoribus Arabicis undique, lance rotunda pure superposita, ex diversis metallicis materiis fabrefacta: cujus in ambitu rotunditatis extremo elementorum viginti quatuor scriptiles formæ incisæ perite, dijungebantur spatiis examine dimensis. Hæc linteis quidam indumentis amictus, calceatusque iidem linteis soccis, torulo capiti circumflexo, verbenas felicitis arboris gestans, litato conceptis carminibus numine præscitionum auctore, carimoniali scientia supersistit: cortinulis pensilem annulum librans sartum ex Carpathio filo perquam levi, mysticis disciplinis initiatum: qui per intervalla distincta, retinentibus singulis literis incidens saluatim, heroes efficit versus interrogationibus consonos, ad numeros & modos plene conclusos: quales leguntur Pythici, vel ex oraculis editi Branchidarum. Ibi tum quærentibus nobis, qui præsentī succedet imperio, quoniam omni parte expolitus fore memorabatur, & affiliens annulus duas perstrinxerat syllabas ΘΕΟ cum adjectione literæ postrema, exclamavit præsentium quidam, Theodorum præscribente fatali necessitate portendi. Nec ultra super negotio est exploratum: satis enim*

apud nos constabat, hunc esse, qui poscebatur. Cumque totius rei notitiā ita signate sub oculis iudicum subiecisset, adjecit benevole, id Theodorum penitus ignorare. Post hæc interrogati, an ex fide sortium, quas agitabant, ea præscierint, quæ sustinerent: versus illos notissimos edidere, clare pronuntiantes capitalem eis hanc operam scrutandi sublimiora cito futuram: nihilominus tamen ipsis quoque cum cognitoribus Principi cædes incendiaque flagitantes furias imminere: quorum tres ponere sufficiet ultimos:

Οὐ μὰρ νηπιὶ γε σὺν ἔσσεται αἷμα, καὶ αὐτοῖς
Τισιφὼν βαρύμηνις ἐφατάσσει κακὸν οἶτον,
Ἐν πεδίοισι Μίμαντος αἶλα καιομένοις κάρ.

Quibus lectis, unguibus male mulcati separantur exanimis. Postea ut cogitati sceleris officina pateret aperte, honoratorum inducitur globus, vertex ipsos continens rerum. Cumque nihil præter se quisque cernens, ruinam suam impelleret super alium, permissu quæditorum coeptans dicere Theodorus, primo in precem venialem prostratus, dein arctius respondete compulsus, ostendit, se cognita per Euserium, ne ad Imperatorem referret, ut conatus est aliquoties, ab eo prohibitum, asserente, non appetitu regni occupandi illicito, sed ratione quadam indeclinabilis fati id, quod sperabatur, ultro venturum. Deinde hæc eadem Euserio sub cruenta quæstione confesso, confutabant Theodorum literæ suæ, per ambages obliquas ad Hilarium scriptæ: quibus spe jam firma concepta ex vatibus, de re non cun-

Et abatur, sed tempus patrandæ cupidinis quæritabatur. Quibus post hæc cognita sequestratis, Eutropius Asiam proconsulari tunc obtinens potestate, ut factionis conscius arcessitus in crimen, abscessit innocuus, Pasiphilo eximente philosopho, qui ut eum mendacio injusto perverteret crudeliter tortus, de statu robustæ mentis non potuit deturbari. His accessit philosophus Simonides, adolescens ille quidem, verum nostra memoria severissimus. Qui cum audisse negotium per Fidustium deferretur, & causam non ex veritate, sed ex unius nutu pensari vidisset, didicisse se dixit prædicta, & commissa pro firmitate animi tacuisse. Queis omnibus perspicaciter inquisitis, Imperator cognitorum consultationi respondens, sub uno proloquio cunctos jubet occidi: & vix sine animorum horrore funestum spectaculum multitudine innumera contuente, & onerante questibus cælum. (namque singulorum mala omnium esse communia credebantur) ducti universi flebiliter jugulantur, præter Simonidem: quem solum sævus ille sententiæ lator, efferatus ob constantiam gravem, jusserat flammis exuri. Qui vitam ut dominam fugitans rabidam, ridens subitas momentorum ruinas, immobilis conflagravit: Peregrinum illum imitatus Protea cognomine, philosophum clarum, qui, cum mundo digredi statuisset, Olympiæ quinquennali certamine sub Græciæ conspectu totius, ascenso rogo, quem ipse construxit, flammis absumtus est. Et post hunc diebus securis omnium fere ordinum multitudo, quam nominatim recensere est arduum, in plagas calumniarum con-

jecta, percussorum dexteris fatigavit, tormentis & plumbo & verberibus ante debilitata: sumtumque est de quibusdam sine spiramento vel mora supplicium, dum quæritur, an fumi deberet: & ut pecudum ubique trucidatio cernebatur. Deinde congesti innumeri codices, & acervi voluminum multi sub conspectu judicum concremati sunt, ex domibus eruti variis ut illiciti, ad leniendam cæsorū invidiam, cum essent plerique liberalium disciplinarum indices variarum & juris. Neque ita multo post Maximus ille philosophus, vir ingenti nomine doctrinarum, cujus ex uberrimis sermonibus ad scientiam copiosus Julianus existit Imperator, oraculi supra dicti versus audisse infimulatus: seque comperisse assensus, sed reticenda professionis consideratione non effudisse, verum ultro prædixisse, consultores ipsos suppliciis poenalibus perituros: Ephesum ad genuinam patriam ductus, ibique capite truncatus, sensit docente periculo postremo, quæstoris iniquitatem omnibus esse criminibus gravio-rem. Constrictus etiam Diogenes laqueis impiæ falsitatis; vir nobili prosapia editus, ingenio, facundia forensi, suavitately præstans, dudum Bithyniæ rector, ut opimum patrimonium ejus diriperetur, capitali est poena affectus. Ecce autem Alypius quoque ex vicario Britanniarum, placiditatis homo jucundæ, post otiosam & repositam vitam (quoniam huc usque injustitia tetenderat manus) in squalore maximo volutatus, ut veneficii reus citatus est cum Hierocle filio, adolescente indolis bonæ, urgente Diogene quodam & vili & solo,

omniſque laniena excruciato, ut verba placentia Principi, vel potius arceſſitori loqueretur: quo, cum poenis non ſufficerent membra, vivo exuſto, ipſe quoque Alypius poſt mulctationem bonorum exfulare præceptus, filium miſerabiliter ductum ad mortem, caſu quodam proſpero revocatum excepit.

II. Per id omne tempus Palladius ille, coagulum omnium ærumnarum, quem captum a Fortunatiano docuimus primum, ipſa fortis inſinitate ad omnia præceps, clades alias ſuper alias cumulando, lacrimis uniuerſa perfuderat luctuoſis. Naſtus enim copiam nominandi ſine fortunarum diſtancia, quos voluiſſet, ut artibus interdictis imbutos: ita ut ferarum occulta veſtigia doctus obſervare venator, multos intra caſſes lugubres includebat, quosdam veneficiorum notitia pollutos, alios ut appetitori- bus imminuendæ conſcios majeſtatis. Et ne vel conjugibus maritorum vacaret miſerias flere, immittebantur conſeſtim, qui ſignatis domibus inter ſcrutinia ſupeſpectilis, poenis addiſti, incantamenta quædam anilia, vel ludibrioſa ſubderent amatoria, ad inſontium perniciem concinnata: quibus in iudicio recitatis, ubi non lex, non religio, non æquitas veritatem a mendaciis dirimebat, indefenſi bonis ablatis, nullo contacti delicto, promiſcue juvenes aliique membris omnibus capti, ad ſupplicia ſellis geſtatoriis ducebantur. Inde factum eſt per Orientales provincias, ut omnes metu ſimilium exurent libraria omnia: tantus univerſos invaſerat terror. Namque ut preſſius loquar, omnes ea tempeſtate velut in Cimmeriis tenebris reptabamus, paria

convivis Siculi Dionysii pavitantes : qui cum epulis omni tristioribus fame saginarentur, ex summis domorum laqueariis, in quibus discumbebant, satis nexos equinis & occipitiis incumbentes gladios perhorrebant. Tunc & Bassianus procerum genere natus, notarius militans inter primos, quasi prænoscere altiora conatus, licet ipse de qualitate partus uxoris consuluisse firmaret, ambitioso necessitudinum studio, quibus tegebatur, morte ereptus, patrimonio opimo exutus est. Inter fragores tot ruinarum Heliodorus tartareus ille malorum omnium cum Palladio fabricator, mathematicus, ut memorat vulgus, colloquiis ex aula regia præpigeratus abstrusis, jam funebres aculeos exsertabat, omni humanitatis invitamento ad prodenda, quæ sciret, vel fingeret, lacescit. Nam & sollicitius cibo mundissimo fovebatur, & ad largiendum pellicibus merebat æs collatitium grave, & incedebat passim ac lateos circumferens vultuosum, omnibusque formidatus : ea fiducia sublatior, quod ad lupanar, quo, sicut ipse voluit, liberius servabatur, cubiculariis officiis præpositus, assidue propalam ventitabat, elogia parentis publici præferens futura pluribus luctuosa. Perque eum ut forensium causarum patronum, quid in primis orationis partibus collocaret, ut proficere possit facilius Valens, quibusve figurarum commentis, splendida loca attentare debeat, præmonebatur. Et quoniam longum est, quæ cruciarius ille conflavit; hoc unum edisseram, quam præcipiti confidentia patriciatus columnina ipsa pulsavit. Qui ex clandestinis, ut dictum est, regionum confabula-

tionibus immaniter arrogans, & ipsa vilitate ad facinus omne venalis, egregium illud par consulum Eusebium & Hypatium germanos fratres, Constantii principis quondam affines, ad cupidinem altioris fortunæ erectos, & consuluisse & agitasse quædam super imperio detulit: addens itineri ad mendacium fiste constructo, quod Eusebio etiam principalia indumenta parata sint. Quibus haustis averter, fremebundus & minax, cui nihil licere debuerat, quia omnia sibi licere etiam injusta existimabat, irremisse ab extremis regionum intervallis exhibitis omnibus, quos solutus legibus accusator perducere debere profunda securitate mandarat, suscipi questionem criminose præcepit. Cumque nodosis coartationibus æquitate diu jactata, & nexibili asseveratione perditæ nebulonis durante, nullam confessionem exprimere tormenta gravia potuissent, ablegatosque ab omni hujusmodi conscientia res ipsa viros ostenderet claros: calumniator quidem ita, ut antea, honorabiliter colebatur: illi vero exilio & pecuniariis afflicti dispendiis, paulo postea reddita sibi multa sunt revocati, dignitatibus integris & splendore. Nec tamen post hæc tam poenitenda repressius actum est, vel pudenter: non reputante altum nimium potestate, quod recte institutis ne cum inimicorum quidem incommodis in delicta convenit ruere voluntaria: nihilque sit tam deforme, quam ad ardua imperii supercilia etiam acerbiter naturæ adjungi. Sed Heliodoro incertum morbo, an quadam excogitata vi mortuo (nolim dicere, utinam nec ipsa res loqueretur!) funus ejus per vespil-

lones elatum pullati præcedere honorati complures, inter quos & fratres iussi sunt consulares. Ibi tunc rectoris imperii caries tota stoliditatis apertius est profanata : qui cum abstinere inconsolabili malo rogaretur, obnise inflexibilis mansit : ut videretur aures occlusisse ceris, quasi scopulos Sirenios transgressurus. Superatus tamen precibus destinatis tandem, nudatis capitibus infaustam bustuarii libitinam adusque sepulcrum incedentes & pedibus, quosdam etiam complicatis articulis, præire mandavit. Horret nunc reminisci, quo iustitio humilitati tot rerum apices visebantur, & præcipue consulares, post scipiones & trabeas & fastorum monumenta mundana. Inter quos omnes adolescentia & virtutum pulchritudine commendabilis noster Hypatius præminebat, vir quieti placidique consilii, honestatem lenium morum velut ad perpendicularum librans : qui & majorum claritudini gloriæ fuit, & ipse posteritatem mirandis actibus præfecturæ geminæ decoravit. Accesserat hoc quoque eodem tempore ad Valentis ceteras laudes : quod cum in aliis ita sæviret infeste, ut pœnarum atrocitatem ægre ferret finiri cum morte, Pollentianum tribunum malitia quendam exsuperantem, iisdem diebus convictum confessumque, quod exsecto vivæ mulieris ventre, atque intempestivo partu extracto, infernis manibus excitis de permutatione imperii consulere ausus est : familiaritatis contuitu, ordine omni mussante, abire iussit illæsum, salutem & invidendas opes & militiæ statum integrum retenturum. O præclara informatio doctrinarum,

munere cœlesti indulta felicibus, quæ vel vitiosas naturas sæpe excoluisti! quanta in illa caligine temporum correxisses, si Valenti scire per te licuisset, nihil aliud esse imperium, ut sapientes definiunt; nisi curam salutis allentæ: bonique esse moderatoris, restringere potestatem, resistere cupiditati omnium rerum, & implacabilibus iracundiis: nosseque, ut Cæsar dictator agebat, *miserum esse instrumentum senectuti recordationem crudelitatis*: ideoque de vita & spiritu hominis, qui pars mundi est, & animantium numerum complet, laturum sententiam diu multumque cunctari oportere, nec præcipiti studio, ubi irrevocabile factum est, agitari: ut exemplum est illud antiquitati admodum notum. Apud proconsulem Asiæ Dolabellam [Smyrnæa materfamilias filium] proprium & maritum venenis necasse confessa; quod filium [ex priore viro ab eis occisum comperisset] & comperendinata, cum consilium, ad quod res ex more delata est, anceps, quid inter ultionem & scelus statui debeat, hæsitaret, ad Areopagitas missa est, Athenienses iudices tristiores: quorum æquitas Deorum quoque jurgia dicitur distinxisse. Hi, causa cognita, centesimo post anno cum accusatore mulierem adesse jusserunt: ne aut absolverent veneficam, aut ultrix necessitudinum puniretur. Ita nunquam tardum existimatur, quod est omnium ultimum. Post commissâ iniquitatibus variis antedicta, & impressas foede corporibus liberis, quæ supervixerant, notas, inconnivens Justitiæ oculus, arbiter & vindex perpetuus rerum, vigilavit attente. Namque cæsorum ultimæ diræ, perpetuum

numen ratione querelarum iustissima commoven-
tes, Bellonæ accenderant faces: ut fides oraculi fir-
maretur, quod nihil impune prædixerat perpetra-
ri. Dum hæc, quæ supra digesta sunt, Antiochiæ
Parthico fragore cassante per intestinas dilatantur
ærumnas: coetus furiarum horrificus post incon-
volutos multiplices casus ab eadem urbe digressus,
cervicibus Asiæ totius infedit hoc modo. Festus
quidam Tridentinus ultimi sanguinis & ignoti, in
nexum germanitatis a Maximino dilectus ut soda-
lis & contogatus, decernentibus satis ad Orientem
transgressus est: ibique administrata Syria, magi-
sterioque memoriæ peractio, bona lenitudinis & re-
verentia reliquit exempla: unde regere Asiam pro-
consulari potestate exorsus, velificatione tranquil-
la, ut ajunt, ferebatur ad gloriam. Audiens autem,
Maximum optimum cuique exitialem, obtrebatat
subinde actibus ejus, ut perniciosis & foedis. Sed
cum impie peremtorum exsequiis suffragantibus ad
præfecturam venisse hominem comperisset imme-
ritum, exarsit ad agenda sperandaque similia; &
histrionis ritu mutata repente persona, studio no-
cendi concepto, incedebat oculis intentis ac rigi-
dis, præfecturam gutumans affore propediem, si
ipse quoque se contaminasset insonituum poenis. Et
quamquam sint multa & varia, quæ, ut levius in-
terpretemur, egit asperrime: pauca tamen dici suf-
ficient, quæ sunt nota ac pervulgata, ad æmulationem
eorum commissa, quæ facta sunt Romæ. Ratio
enim eadem est ubique recte secusve gestorum,
etiamsi magnitudo desit dissimilis rerum. Philoso-

phum quendam Coeranum, haud exilis meriti virum, ea causa tormentorum immanitate inultum occidit, quod ad conjugem suam familiariter scribens, id sermone addiderat. Græca: *ἐν δόρυ, καὶ στέρε τὴν τύχην*: quod dici proverbialiter solet, ut: audiens alius aliquid agendum agnoscit. Anum, quendam simplicem, intervallatis febribus mederleni carmine consuetam, occidit ut noxiam, postquam filiam suam ipso consilio curavit ascita. In chartis cujusdam municipis clari secretarii ex negotio jussis, genitura Valentis cujusdam inventa est: repellensque calumnias is, cujus intererat, cum obiectaretur ei, quamobrem constellationem Principis collegisset, fratrem suum fuisse Valentem, dudumque obisse, documentorum plena fide monstrare pollicitus, inexpectato veritatis indicio laniatus, lacer trucidatus est. Visus adolescens in balneis admove marmori manus utriusque digitos alterna-
tim & pectori, septemque vocales literas numerasse, ad stomachi remedium prodesse id arbitratus: in judicium tractus, percussus est gladio post tormenta.

III. His & mihi vententi stilum in Gallias confunditur ordo seriesque gestorum, inter multa & sæva Maximinum reperiens jam præfectum: qui, potestate late diffusa, sævum Imperatori accesserat incentivum, majestati fortunæ miscenti licentiam gravem. Quisquis igitur dicta considerat, perpendat etiam cetera, quæ tacentur: veniam daturus ut prudens, si non cuncta complectimur, quæ consiliorum pravitas, crimina in majus exaggerando, com-

misit. Adolescentē enim acerbitate, rationum inimica restarum, trux suapte ingenio Valentinianus, post ejusdem Maximini adventum, nec meliora monente ullo, nec retentante, per asperos actus velut æstu quodam fluctuum ferebatur & procellarum: adeo ut irascentis sæpe vox & vultus & incessus mutaretur & color. Quam rem indicia varia testantur & certa, e quibus pauca sufficiet poni. Adultus quidam ex his, quos pædagogianos appellant, ad observandam venaticiam prædam Spartanum canem retinere dispositus, ante prædictum tempus absolvit, assultu ejus evadere conantis appetitus & morfu: ideoque necatus ad exitium fustibus, eadem humatus est die. Præpositum fabricæ oblato thorace polito faberrime, præmiūque ideo expectantem, ea re præcepit occidi, quod pondus paulo minus habuit species ferrea, quam ille formarat. Epirotē aliquem ritus Christiani presbyterum..... tam Octavianum ex proconsule..... offensarum auctore licet tardius ad sua redire permissio. Constantianus strator paucos militares equos ex his ausus mutare, ad quos probandos missus est in Sardiniam, eodem jubente lapidam ictibus oppetit crebris. Athanasius favorabilis tunc auriga, suspectus ei vulgari levitate, ut vivus incendi juberetur, si quid tentasset hujusmodi: [quem] non multo post ea veneficiū osūm ferebatur, nulla delata voluptatum artificii venia, ignibus aboleri præceptus est. Africanus causarum in urbe defensor assiduus, post administratam provinciam ad regendam aliam aspiravit: cujus suffragatori magistro equitum Theodo-

sio id petenti, subagressi verbo responderat: *Abi, inquit, comes: & muta ei caput, qui sibi mutari provinciam cupit.* & hoc elogio perit homo disertus, ad potiora festinans, ut multi. Claudium & Sallustium ex Jovianorum numero, adusque tribunatus dignitates progressos, accusabat quidam vilitate ipsa despectus, quod cum imperium Procopius affectasset, aliqua pro eo locuti sunt bona. Cumque nihil quæstiones reperirent assiduæ; mandare magistris equitum auditoribus Princeps, ut agerent Claudium in exilium, & Sallustium prænuntiarent capitis reum, pollicitus, quod eum revocabit ad supplicium raptum: hocque ita, ut statutum est, observato, nec Sallustius morte exemptus est, neo Claudius nisi post ejusdem Valentiniani obitum deportationis mœstitia liberatus. * * * longe.... cussaverit, cum illi sapissime torquerentur. Replicatis igitur quæstionibus dense, & quibusdam vi nimia tormentorum absumtis, ne vestigia quidem ulla delatorum reperta sunt criminum. In hoc negotio protectores ad exhibendas missi personæ, fustibus præter solitum cæsi. Horrescit animus omnia recensere, simulque reformidat, ne ex professo quæsisse videamur in vitia Principis, alia commodissimi. Illud tamen nec præteriri est æquum, nec sileri: quod cum duas haberet ursas sævas hominum ambestrices, Micam auream & Innocentiam; cultu ita curabat eniso, ut earum caveas prope cubiculum suum locaret, custodesque adderet fidos, visuros sollicitè, ne quo casu ferarum deleteretur luctificus calor. Innocentiam denique, post multas, quas ejus laniatu cadaverum

narratione differi continua placuit, ne, dum negotiis longe diseretis & locis alia subseruntur, cognitio multiplex necessario confundatur. Nubel velut regulus per nationes Mauricas potentissimus vita digrediens, & legitimos & natos e concubinis reliquit filios: e quibus Zamma Comiti nomine Romano acceptus, latenter a fratre Firmo peremptus, discordias excitavit & bella. Ejus enim necem ulcisci impensiore studio properans. Comes, ad infidiatoris perniciem multa ciebat & formidanda. Utque rumores distulerunt assiduū, navabatur operā diligens in palatio, Romani quidem relationes, multa & aspera congerentes in Firmum, libenter suscipi recitarique Principi, in earum favorem concinentibus multis: ea vero, quæ contra Firmus salutis tuendæ gratia docebat crebro per suos, acceptā diutius occultari: Remigio tunc officiorum magistro, affine amicoque Romani, inter potiores Imperatoris necessitates hæc velut minima & superflua nonnisi opportune legi posse asseverante. Quæ cum ad obruendam defensionem suam agitari animadverteret Maurus, ultimorum metu jam trepidans, ne amandatis, quæ prætendebat, ut perniciosus & contumeliosus condemnatus occideretur, ab imperii ditione descivit, & adjumenta * * * tium ad vastandum. [Quare ne] hostis implacabilis incrementis virium adolefceret, ad abolendum cum comitatensis auxilio militis pauci Theodosius magister equitum mittitur, cujus virtutes ut impetrabilis ea tempestate præ ceteris nitebant, Domitii Corbulonis & Lulii veterum simillimi: quorum prior sub

Nerone, alter Trajano rem regente Romanam, pluribus inclaruere fortibus factis. Proinde ab Arelate secundis egressus auspiciis, emeatoque mari cum classe, quam ductabat, nullo de se rumore prægresso, defertur ad Sitifensis Mauritaniæ litus, quod appellant accolæ Igilgitanum. Ibique inventum casu Romanum leniter allocutus, misit ad vigilias ordinandas & prætenturas, parùm super his, quæ verebatur, increpitum. Quo ad Cæsariensem digresso, Gildonem Firmi fratrem & Maximum misit correpturos Vincentium : qui curans Romani vicem, incivilitatis ejus erat particeps & furtorum. Recepto itaque tardius milite, quem amplitudo morabatur maris, Sitifim properans, Romanum cum domesticis custodiendum protectoribus committi mandavit : agensque in oppido sollicitudine diducebatur ancipiti, multa cum animo versans, qua via quibusve commentis per exustas caloribus terras pruinis asfuetum duceret militem : vel hostem caperet discursatorem & repentinum, insidiisque potius clandestinis, quam proeliorum stabilitate, confisum. Quod ubi Firmo levi rumore, dein apertis est indiciiis cognitum, spectatissimi ducis adventu præstrictus, veniam confessionis præteritorum missis oratoribus poscebat & scriptis, docentibus, eum non sponte sua ad id erupisse, quod norat scelestum, sed iniquitate grassante licentius, ut monstrare pollicebatur. Quibus lectis, paceque obsidibus acceptis promissa, dux ad recensendas legiones, quæ Africam tuebantur, ire pergebat ad Pancharianam stationem, quo

Amnian. Marcellin. Vol. II. N

convenire præceptæ sunt. Ibi magnificis verbis atque prudentibus spe cunctorum erecta, reversus Sittim, concitato indigena milite cum eo, quem ipse perduxerat, ægre perpetuens moras ad procinctus ire ocius festinabat. Inter residua autem multa & clara, id amorem ejus auxerat in immensum, quod a provincialibus commeatum exercitui prohibuit dari, messes & condita hostium virtutis nostrorum horrea esse, fiducia memorans speciosa. His ita cum lætitia possessorum dispositis, Tubusuptum progressus, oppidum Ferrato contiguum monti, legationem secundam Firmi repudiavit, quæ obsides, ut ante statutum est, non duxerat secum. Unde omnibus pro loco & tempore cautius exploratis concito gratu Tyndensium gentem & Massissensium petit, levibus armis instructas, quas Mascizel & Dius fratres Firmi ductabant. Cum essent hostes jam in contuitu membris omnibus celeres, post missilia hinc inde crebrius jacta, committitur certamen asperum: interque gemitus mortis & vulnere audiebantur barbarorum ululabiles fletus captorum & cæsorum: pugnaque dirempta plures agri populati sunt & incensi. Inter quos clades eminere fundi Petrensis, excisi radicitus: quem Salmaces dominus, Firmi frater, in modum urbis extruxit. Hoc successu victor elatus, mira velocitate Lamfoctense oppidum occupavit, inter gentes positum antedictas, ubi abunde rei cibariæ copiam condi effecit: ut si pergens interius alimentorum offendisset penuriam, juberet e propinquo convektari. Quæ dum ita procedunt, Mascizel reparatis viribus nationum

confinium adminicula ductans, conferta manu cum nostris, fusis e parte suorum pluribus, ipse equi pernecitate ægre discrimine mortis exemptus est. Fessus ærumnis gemini proclii Firmus, imoque æstuans corde, ne quid ultimæ rationis omitteret, Christiani ritus antistites oraturus pacem cum obsidibus misit. Qui quoniam suscepti lenius, polliciti- que victui congrua militibus, ut præceptum est, læta retulere responsa: præmissis muneribus Maurus ipse fidentius ad Romanum perrexerat ducem, equo insidens apto ad ancipites casus: cumque prope venisset, fulgore signorum & terribili vultu Theodosii præstrictus, jumento defiluit: curvataque cervice humi pæne affixus, temeritatem suam flebiliter incusabat, pacem obsecrando cum venia: Susceptusque cum osculo, quoniam id reipublicæ conducebat; bonæ spei jam plenus, sufficientia præbuit alimenta: & quibusdam propinquis suis ad obsidum vicem relictis abscessit, captivos, ut spon- derat, redditurus, quos primis barbarum exordiis rapuit: biduoque post Icosium oppidum, cujus supra docuimus conditores, militaria signa & coronam sacerdotalem cum ceteris, quæ interceperat, nihil cunctatus restituit, ut præceptum est. Exinde cum discursis itineribus magnis Tiposam noster dux introiret, legatis Mazicum, qui se consociaverant Firmo, suppliciter obsecrantibus veniam, animo elato respondit, se in eos ut perfidos arma protinus commoturum. Quibus imminenti periculi metu defixis, revertique jussis ad sua, Cæsaream ire tendebat, urbem opulentam quondam & nobilem,

cujus iidem originem in Africæ situ digessimus plene : eamque ingressus, cum omnem pæne incendiis late dispersis vidisset exustam, horridasque canitie filices, primam & secundam legionem ad tempus ibi locari disposuit, ut favillarum egerentes adervos, agitarent ibi præsidium, ne repetito barbarorum impetu vastaretur. Quæ cum rumores veri distulissent, provinciæ rectores tribunusque Vincentius e latibulis, quibus sese commiserant, egressi, tandem intrepidi ad ducem ocius pervenerunt. Quibus ille gratanter visis atque susceptis, agens etiam apud Cæsaream, fide rerum diligentius explorata, comperit Firmum per speciem faventis & supplicis rectiore consilio id moliri, ut nihil hostile metuentem exercitum in modum tempestatis subitæ conturbaret. Quamobrem conversus hinc venit ad municipium Sugabarritanum Transcellensi montis accline : ubi inventos equites quartæ sagittariorum cohortis, quæ ad rebellem defecerat, ut contentum se supplicio leniori monstraret, omnes contrusit ad infimum militiæ gradum : eosque & Constantianorum peditum partem Tigavias venire jusserat cum tribunis : e quibus unus torquem pro diademate capiti imposuit Firmi. Dumque hæc aguntur, reverterunt Gildo & Maximus, Bellenen e principibus Mazicum & Fericium gentis præfectum ducentes, qui factionem juverant quietis publicæ turbatoris * * * producerent victos. Quo ita, ut statutum est, facto, lucis primo exortu ipse egressus, cum invenisset eos in exercitu circumseptos : *Quid de istis nefariis, inquit, proditoribus fieri oportere con-*

tubernales devoti censetis? Secutusque acclamationem rogantium sanguine vindicari, eos, qui inter Constantianos merebant, pristino more militibus dedit occidendos: sagittariorum vero primoribus manus incidit; residuos supplicio capitali multavit: ad æmulationem Curionis acerrimi illius ducis, qui Dardanorum ferociam in modum Lernæ serpentis aliquoties renascentem hoc genere poenarum exstinguit. Sed obsecratores malevoli vetus factum laudantes, hoc ut dirum vituperant & asperrimum: Dardanos hostes memorantes internecivos, & iuste quæ sustinuerat perpeßos hos vero subsignatos milites debuisse lenius corrigi, ad unum prolapsos errorem. Quos scientes forsitan admonemus, hanc cohortem & facto & exemplo adversam. Antedictos Bellenen & Fericium, quos duxerat Gildo, tribunumque sagittariorum Curandium ea re iussit occidi, quod nec ipse unquam cum hostibus congregari voluit, nec suos, ut pugnarent, hortari. Agebat autem hæc Tullianum illud advertens, quod *salutaris vigor vincit inanem speciem clementiæ*. Exin profectus, fundum nomine Gallonatis, muro circumdatum valido, receptaculum Maurorum tutissimum arietibus admotis evertit: & cæsis omnibus incolis, moenibusque complanatis, ad Tingitanum castellum progressus, per Ancorarium montem, Mazicas in unum collectos invasit, jam tela reciprocantes volitantia grandinis ritu. Et cum esset utrinque discursum, agmina viris armisque incitata nostrorum non perferentes Mazices, licet bellicosum genus & durum, diversis stragibus implicati foedo diffluxere

terrore, ruentisque in fugam cæsi sunt, absque iis, qui reperta copia discedendi, supplici prece veniam, quam dari tempus flagitaverat, impetrarunt. Suggestorum ductorem * * * Romano successerat, in Siutensem Mauritaniam ire disposito ad agitando præsidia, ne provincia pervaderemus, ipse præteritis elatior casibus gentem petiit Mulsensem: quam conscientia rapinarum & cadum actibus congregaverat Firmi, ut sperabatur, majora mox adepturi. Progressusque aliquantum juxta Addense municipium comperit, dissonas cultu & sermonum varietate rationes plurimas unum spirantibus animis, inhumanum exordia concitare bellorum, diligente hortanteque maxima spe præmiorum sorore Firmi nomine Cyria: quæ abundans divitiis & destinatione feminea, passibus magnis instituit juvare germanum. Quocirca Theodosius veritus, ne Marti sese committeret impari, congressusque multitudini immensæ cum paucis (tria enim armatorum millia ductabat atque quingentos) amitteret universos, inter pudorem cedendi pugnandique ardorem gradiens retro paulatim, trudente pondere plebis abcessit. Hocque eventu barbari nimium quantum [elati] sequentesque pertinaciter * * * certare necessitate compulsus, semetipsum & ad internecionem perdiderat cunctos, ni gentium turbulenta concussio, procul Mazicum visis auxiliis, quos anteibant quidam Romani, arbitrata in se impetum agminum ferri complurium, versa in pedes aperuisset nostris exitus antehac interseptos. Exinde cum militem ducens incolumem Theodosius ad fundum venisset nomine

Mazucanum, exustis desertoribus paucis, aliisque ad sagittariorum exemplum, quibus manus ademtae sunt, contruncatis, Tipatam mense Februario venit. Ubi diutius agens, ut antiquus ille cunctator pro negotio consultabat, commentis potius & prudentia, quam periculosis congressibus, hostem pugnacem & impetrabilem jactu telorum, si fors copiam dederit, oppressurus. Mittebat tamen assidue suadendi quosdam peritos ad gentes circumscitas, Bajuras, Cantaurianos, Avastomates, Cafaves, Davaresque, & finitimos alios, nunc timore, nunc nummis eos ad societatem alliciens, veniamque petulantiae interdum promittendo, cum * * tutorius per ambages & moras hostem frangentem suos impetus oppressurus, ut quondam Pompejus Mithridatem. Qua causa declinans perniciem proximam Firmus, licet praesidiorum magnitudine communitus, relicta plebe, quam coegerat magna mercede, quoniam latendi copiam nocturna quies dedit, Caprarienses montes longe remotos penetravit, & disruptis rupibus inaccessos. Cujus abitu clandestino multitudo dispersa, sine rectore particulatim diffluens, invadendi ejus castra nostris copiam dedit. Hisque direptis, & interfectis, qui resistebant, vel in deditionem acceptis, regionum maxima parte vastata, gentibus, per quas transibat dux consultissimus, apposuit fidei compertae praefectos. Hac inopina sequendi confidentia territus perduellis, servis comitantibus paucis, digressu celeri consulturus salutis, ne quo praepediretur obstaculo, abjecit pretiosarum farcinas specierum, quas avexerat secum.

Uxorem namque fessam labore continuo & perancipitis * * * Theodosius, nullique adeuntium parcens mundiore victu stipendioque milite recreato, Caprariensibus Abannisque eorum vicinis proelio levi sublati, ad municipium properavit. ense: verisque nuntiis doctus, barbâros occupasse jam tumultos, per anfracta undique spatia in sublimem porrectos, nullique pervios, nisi indigenis locorum perquam gnaris, repedando dedit hostibus facultatem per indutias licet breves Æthiopum juxta agentium adminiculis augeri vel maximis. Qui concatervatis copiis fremituque minaci sine sui respectu ruentes in pugnam, avertérunt eum inæstimabilium turmarum specie dira perterrefactum: statimque redintegratis animis commeatus vehens abunde revertit, & conglobatis suis scutaque in formidabilem moventibus gestum, controversas iisdem opposuit manus. Quamquam igitur immite quiddam barbaricis concrepantibus armis manipuli furentium imminebant, ipsi quoque parmas genibus illidentes: tamen ut pugnator ille cautus & prudens, militis paucitate diffusus, audacter agmine quadrato incedens, ad civitatem, nomine Contensem, flexit iter intrepidus, [ubi captivos] nostros Firmus ut in munimento abstruso locarat & celso: cunctisque receptis, in proditores satellitesque memorati animadvertit acriter, ut solebat. Hoc ei magni numinis adjumento gerenti prosperrime, verus indicat explorator, confugisse ad Isasensium populum Firmum: ad quem reposcendum una cum fratre Mazuca ceterisque necessitudinibus illuc ingressus, cum

adipisci non posset, genti bellum indixit. Et proelio atroci commisso, ferocientibus barbaris ultra modum aciem in rotundo habitu figuratam opponit; adeoque Isasenses pondere catervarum urgentium inclinati sunt, ut plurimi caderent, & ipse Firmus ferox, & sæpe in suam perniciem præceps, equo auferretur in fugam, per saxa & rupes discurrere citius assuetus: Mazuca vero frater ejus caperetur letaliter saucius. Qui Cæsaream mitti dispositus, ubi sæva inusserat monumenta facinorum pessimorum, dilatato vulneris hiatu discessit. Caput tamen ejus avulsum residuo corpore, cum magno visentium gaudio urbi illatum est antedictæ. Post hæc Isasensium gentem, quæ obstitit, superatam dux nobilis incommotis multis, ut æquitas posceret, afflixit. Ibi Evasium potentem municipem, Florumque ejus filium, & quosdam alios, per secretiora consilia temeratorem quietis juvisse confutatos aperte, flammis absumsit. Exindeque pergens interius, nationem Jubalenam spiritu aggressus ingenti, ubi natum Nubelem patrem didicerat Firmi, repulsus altitudine montium & flexuosis angustiis stetit. Et quamlibet facto in hostem impetu, pluribusque peremtis, aperuerit viam: formidans tamen sublimia collium ad insidiandum aptissima, ducens suos incolumes revertit ad Audiense castellum: ubi Jesalensium gens fera semet dedit, voluntaria auxilia præstare spondens & commeatus. His & ejusmodi gloriosis actibus exsultans amplissimus ductor, ipsum otii turbatorem petebat valido virium nisu: ideoque prope munimentum nomine Media-

num diu consistens, per multas prudentesque sententiarum vias eundem sibi prodi posse sperabat: Hæcque cogitationibus anxiis altioreque prospiciens cura, rursus ad Isasenses hostem comperit revertisse: quos nihil moratus, ut antea, agminibus adoritur incitatis. Cui rex Igmazen nomine, spectatus per eos tractus opibusque insignis, progressus obviam confidenter, *Cujus loci es tu? inquit, vel quid acturus huc venisti? responde.* Quem Theodosius fundata mente intuens torvum, *Comes, ait, Valentiniani sum, orbis terrarum domini, ad opprimendum latronem funereum missus: quem nisi statim reddideris, ut invictus statuit Imperator, peribis funditus cum gente, quam regis.* Quo audito Igmazen, post convicia multa, quæ congeffit in ducem, ira doloreque perculsus abscessit. Et secutæ principio lucis, utrinque occursuræ sibi ad confligendum processerunt acies minacissimæ: & barbarorum viginti pæne millia in ipsis locata sunt frontibus, occultatis pone terga subsidialibus globis, ut assurgentes paulatim nostros multitudine clauderent insperata: hisque Jesaleni auxiliares accessere quamplures, quos adjumenta & commeatus nostris docuimus promississe. Contra Romani, quamvis admodum pauci, tamen fortibus animis, victoribusque antegressis elati, densatis lateribus, scutisque in testudinis formam cohærenter aptatis, resisterunt gradibus fixis: & a sole orto usque ad diei extimum pugna protenta, paulo ante vesperam visus est Firmus equo celsiori insidens, sago puniceo porrectius panto milites clamoribus magnis

hortari, ut dedant Theodosium opportune, truculentum eum appellans & durum, & suppliciorum sævium repertorem, si discriminibus eximi vellent, quæ perferebant. Hæ insperatæ voces ad dimicandum quosdam acius incitarunt; alios deferere prælium illexerunt. Proinde ubi noctis advenit quies prima, partibus tenebrarum obvolutis horrore, dux reversus ad Duodiense castellum, militesque recognoscens, eos, quos a pugnandi proposito pavor & verba detorserant Firmi, diverso genere poenarum extinxit: alios ademtis dexteris, quosdam vivos combustos. Excubiasque agens cura pervigili, barbarorum aliquos ausos, cum apparere non possent, post occasum lunæ castra sua tentare, fudit, vel irruentes audentius cepit. Digressus exinde passibus citis, Iesalenses ut ambiguae fidei per trames adortus obliquos, unde parum sperari potuit, ad penuriam vastavit extremam: perque Cæsariensis Mauritaniæ oppida reversus Sitifim, Castorem & Martinianum rapinarum flagitiorumque Romani participes, ad interitum tortos incendit. Redintegratur post hæc cum Ifaflensibus bellum: primoque conflictu barbarorum pluribus pulsus & interfectis, rex eorum Igmazen vincere antehac assuetus, terrore fluctuans mali præsentis, nihilque commerciis vetitis ad vitam spei sibi restare, si obstinatus egerit, arbitratus, quantum caute fieri potuit & occulte, prorupit ex acie solus: visumque Theodosium suppliciter petiit, ut Masillam Mazicum optimatem ad se venire juberet. Per quem, ut rogaverat, missum, clandestinis colloquiis monuit

ducem suoapte ingenio pertinacem, ut ad præbendam sibi copiam agendi, quæ vellet, popularibus suis acriter immineret, eosque assiduitate pugnandi mutaret in metum; promptos quidem ad perduellis favorem, sed jacturis multiplicibus fessos. Paruit Theodosius dictis: & crebritate certaminum Ifasenses ita protrivit, ut iisdem labentibus more pecudum, Firmus latenter evaderet, & aviis & diuturnis latebris amandandus, inibi dum de fuga consultat, tentus ab Igmazene custodiretur. Et quoniam obscurius gesta didicerat per Masillam, in extremis rebus unum remedium superesse contemplanus, calcare vivendi cupiditatem voluntaria statuit morte: vinoque consulto distentus, & crapulentus, silenti nocte oppressis altiore somno custodibus, pervigil ipse impendentis æumnæ terrore, insonis gressibus relicto cubili, manibus repens & pedibus longius sese discrevit: repertumque funiculum, quem finiendæ vitæ paravere casus, de clavo parieti affixo suspendit: ubi collo inserto animam absque moris cruciabilibus exhalavit. Quod dolenter ferens Igmazen, ereptamque sibi gloriam gemens, quia non contigerat ad castra Romana vivum ducere perduellem, interposita fide publica per Masillam, ipse camelo necati cadaver impostum ferens, cum tentoria exercitus adventaret ad Subicarense castellum locata, in jumentum transtulit farcinale, & Theodosio obtulit exultanti. Qui convocatis armatis simul atque plebejis, interrogatisque, an agnoscerent vultum, cum ejusdem esse sine ulla didicisset ambage, ibi paulisper moratus

Sitissimū triumphanti similis rediit, ætatum ordinumque omnium celebrabili favore susceptus.

VI. Dum hoc pulvere per Mauritaniam dux antedictus anhelat & Africam, Quadorum natio motu est excita repentino, parum nunc formidanda, sed immensum quantum antehac bellatrix & potens, ut indicant perpetrata, quoniam raptim proclivia, obfessaque ab iisdem ac Marcomannis Aquileja, Opitergiumque excisum, & cruenta complura perceleri acta procinctu: vix resistente perruptis Alpibus Juliis Principe serio, quem ante docuimus, Marco. Et erat ut barbaris ratio iusta querelarum, Valentinianus enim studio muniendorum limitum glorioso quidem, sed nimio ab ipso principatus initio flagrans, trans flumen Istrum in ipsis Quadorum terris, quasi Romano juri jam vindicatis, ædificari præsidaria castra mandavit: quod accolæ ferentes indigne, sui que cautiores, legatione tenus interim & fufurris arcebant. Sed Maximinus in omne avidus nefas, & genuinos mitigare nequiens status, quibus præfecturæ accesserat tumor, increpabat Equitium per Illyricum eo tempore magistrum armorum, ut pervicacem & desidem, necdum opere, quod maturari dispositum est, consummato: addebatque ut consulens in commune, quod si parvo suo Marcelliano deferretur potestas per Valeriam ducis, munimentum absque ulla causatione consurgeret. Utrumque mox est impetratum. Qui promotus profectusque cum venisset ad loca, intempestive turgens ut filius, nullis affatibus delentis iis, quos nunquam tentatæ cupiditatis figmenta regio-

ruentibus infestius, obviam legiones motæ sunt duæ, Pannonica & Mœsiaca, valida proeliis manus: quæ si conspirasset, abierat procul dubio victrix: Sed dum discretim grassatores adoriri festinant, ortis inter se discordiis impediti de honore certabant & dignitate. Quo intellecto, Sarmatæ sagacissimi, non expectato certandi signo solemni, Mœsiacam primam incessunt: dumque milites arma tardius per tumultum expediunt, interfectis plurimis, aucti fiducia aciem perrupere Pannonicam: disjectaque agminis mole, geminatis ictibus omnem pæne delessent, ni periculo mortis aliquos citum extraxisset effugium. Inter hæc fortunæ dispendia tristioris dux Mœsiæ Theodosius junior, prima etiam tum lanugine juvenis, Princeps postea perspectissimus, Sarmatas Liberos ad discretionem fervorum rebellium appellatos, collimitia nostra ex alio latere invadentes, aliquoties expulit & affixit, congressibus densis attritos: adeoque obsistentes fortissime turbas confluentes oppressit, ut cæcorum plurium alites iuste sanguine satiaret & feras. Unde residui tumore jam deflagrante motuentes, ne idem dux virtutis, ut apparuit, expeditæ, in primo finium aditu incurfantes cuneos sterneret aut fugaret, vel insidias per silvarum locaret occulta, post multos perrumpendi conatus subinde tentatos incassum, abjecta pugnandi fiducia, concessionem petivere præteritorum & veniam: victique ad tempus indultæ foederibus pacis nihil egere contrarium, eo maxime timore perculsi, quod ad tutelam Illyrici Gallicani militis validum accesserat robur. Dum

hæc tot ac talia per turbines agitantur assiduos, Claudio regente urbem æternam, Tiberis, qui media interfecans mœnia, cloacis & fluviiis abundantibus multis Tyrrheno mari miscetur, effusione imbrium exuberans nimia, & supra amnis speciem pamsus, omnia pæne contextit. Et stagnantibus civitatis residuis membris, quæ tenduntur in planitiem molliorem, montes soli & quidquid insularum celsius eminebat, a præsentī metu defendebatur: & ne multi inedia contabescerent, undarum magnitudine nusquam progredi permittente, lembis & scaphis copia suggerebatur abunde ciborum. At vero ubi tempestas mollivit, & flumen retinaculis ruptis rediit ad solitum cursum, absterfo metu nihil postea molestum expectabatur. Hic ipse præfectus egit admodum quiete, nullam seditionem super querela iusta perpeffus: & instauravit vetera plurima. Inter quæ porticum excitavit ingentem, lavacro Agrippæ contiguam, Eventus Boni cognominatam, ea re, quod hujus nominis prope visitur templum.

AMMIANI MARCELLINI

RERUM GESTARUM

LIBER XXX.

Para rex Armeniorum evocatus a Valente, & Tarfi specie obsequiorum custoditus, cum trecentis popularibus fugit, & frustratus viarum observatores, equis regnum repetit, nec multo post a Trajano duce in convivio interficitur. C. I. Valentis A. & Saporis P. R. de Armeniæ & Hiberiæ regnis contendendum legationes. II. Valentinianus A. post vastatos aliquos Alamanniæ pagos, cum Macriano Alamannorum rege colloquitur, ac pacem facit. III. Modestus præfectus prætorio a jure dicendo Valentem avertit: & de caufidicina, deque jurisconsultis, & variis advocatorum generibus. IV. Valentinianus, Sarmatis & Quadis Pannoniarum populatoribus bellum illaturus, in Illyricum proficiscitur, & transito Danubio Quadorum pagos vastat, vicos incendit, barbaros cujusque ætatis jugulat. V. Idem, dum legatis Quadorum populares suos purgantibus respondet iratus, ictu sanguinis exstinguitur. VI. Quo patre natus sit, & quas res Princeps gesserit. VII. Ejus sævitia, avaritia, invidia, & timor. VIII. Ejusdem virtutes. IX. Valentinianus junior, Valentiniani filius, in castris apud Bregetionem Augustus appellatur. X.

I. **I**NTER has barbararum difficultates, quas perfidia ducis rege Quadorum excitavit occiso per scelus,

dirum in Oriente committitur facinus, Para Armeniorum rege clandestinis insidiis obtruncato : cuius materiæ impio conceptæ consilio hanc primordiam fuisse novimus causam. Confarcinabant in hunc etiamtum adultum crimina quædam apud Valentem exaggerantes male sollertes homines, dispendiis sæpe communibus pasti. Inter quos erat Terentius dux, demisse ambulans, semperque submœstus, sed, quoad vixerat, acer dissentionum instigator. Qui ascitis in societatem gentilibus paucis, ob flagitia sua suspensis in metum, scribendo ad comitatum assidue Cylacis necem replicabat & Artabannis : addens, eundem juvenem ad superbos actus elatum, nimis esse in subjectos immanem. Unde quasi futurus particeps suscipiendi tunc pro instantium rerum ratione tractatus, idem Para regaliter vocatus, & apud Tarsum Ciliciæ obsequiorum specie custoditus, cum neque ad imperatoris castra accipi, nec urgentis adventus causam scire cunctis reticentibus posset; tandem secretiore indicio comperit, per litteras Romano rectori suadere Terentium, mittere propediem alterum Armeniæ regem : ne odio Paræ, speque, quod revertetur, natio nobis opportuna deficeret ad jura Persarum, eam rapere vi vel metu vel adulatione flagrantium. Quæ reputans ille, impendere sibi præsagiebat exitium grave. Et doli jam prudens, neque aliam, nisi cito discessu, salutis reprensens viam, suadentibus his, quibus fidebat, conglobatis trecentis comitibus secutis eum e patria, cum equis velocissimis, ut in magnis solet dubiisque terroribus, audacter magis, quam considerate, pleraque

diei parte emensa egressus cuneasim properabat in-
 trepidus. Cumque eum provinciæ moderator, ap-
 paritoris, qui portam tuebatur, imperatus, festinato
 studio reperisset in suburbanis, ut remaneret, enisus
 obsecrabat: & parum hoc impetrato, mortis aver-
 sus est metu. Nec minus paulo postea legionem se-
 cutam jamque adventantem, ipse cum promptissimis
 retrorsus excurrens, fundensque in modum scintil-
 larum sagittas, sed voluntate errans, ita in fugam
 compulit, ut cum tribuno milites universi perterre-
 facti, vividius, quam venerant, remearent ad muros.
 Exin solutus omni formidine, biduo & binoctio
 exantlatis itinerum laboribus magnis, cum ad flu-
 men venisset Euphraten, & inopia navium voragi-
 nosum amnem vado transire non posset, nandi im-
 prudentia paventibus multis, ipse omnium maxime
 cunctabatur: & remansisset, ni, cunctis versantibus
 varia, id reperire potuisset effugium in necessitatis
 abrupto tutissimum. Lectulos in villis repertos binis
 utribus suffulserunt, quorum erat abundans prope
 in agris vinariis copia: quibus singulis procures in-
 sidentes & regulus ipse, jumenta trahentes, præru-
 ptos undarum occurfantium fluctus obliquatis me-
 ribus declinabant: hocque commento tandem ad
 ulteriorem ripam post extrema discrimina perve-
 nerunt. Residui omnes, equis inveci natantibus, &
 circumfluente flumine sæpe demersi jactatique, in-
 firmati periculoso madore expelluntur ad contrarias
 margines: ubi paulisper refecti, expeditius, quam
 diebus præteritis, incedebant. Hoc nuntiato, Prin-
 ceps antedicti fuga perculsus, quem elaqueatum

fidem rupturum existimabat, cum sagittatis mille succinctis & levibus Danielam mittit & Bardimerem revocaturus eum, comitem unum, alterum scutatorum tribunum; Hi locorum gnaritate confisi, quod ille properans, ut peregrinus & insuetus montes faciebat & gyros, compendiosis vallibus eas itinera prævenerunt: & divisis inter se castris, claufere vias proximas duas, trium millium intervallo distinctas, ut transiturus penitramvis caperetur improvidus: sed evanuit cogitatum hoc castrum. Viator quidam ad citeriora festinans, cum bipium armato milite vidisset oppletum, per posterulam transire medium squalentem frutetis & sentibus vitabandus excedens, in Armenios incidit fessos: & thronus ad regem, arcano sermone solum, quæ viderat, docet, ac retinetur intactus. Moxque meruisti mulato eques mittitur clandestinus ad dextram itineris latus, diverforia paraturus & cibum: quo paulum progressio, in lævum tractum item alius tanta facturus ire jubetur occisime, alterum aliorum nesciens missum. Quibus ita utiliter ordinatis, rex ipse cum suis dumera, per quæ viator venerat, relegens, eo rursus monstrante, per hispidam & jumento onusto exiguam callem, post terga relictis militibus, evolavit, qui captis ejus ministris, missis ad mentes obfervantium præstringendas, quasi venaticiam prædam, modo non porrectis brachiis expectabant. Dumque hi venturum opperiantur, ille regno incolumis restitutus, & cum gaudio popularium summo susceptus, in fide mansit immobilis, injuriis, quas pertulerat, omnibus demussatis. Danielus post

hæc & Barzimeres, cum lusi jamjam revertissent, probrosis lacerati conviciis, ac si inertes & desides, ut hebetatæ primo appetitu venenatæ serpentes, ora exacuere letalia, cum primum potuissent, elapso pro virium copia nocituri. Et leniendi causa flagitii sui, vel fraudis, quam meliore consilio pertulerunt, apud Imperatoris aures rumorum omnium tenacissimas incessebant falsis criminibus Param, inentiones Circeas in vertendis debilitandisque corporibus miris modis eum callere fingentes: ad dentesque, quod hujusmodi artibus offusa sibi caliginè mutatus, vasorumque forma transgressus, tristes sollicitudines, si huic irrisioni superfuerit, excitabit. Hinc in illum inexplicabile auctum Principis odium, & doli struebantur in dies, ut per vim ei vel clam vita adimeretur: agentique tunc in Armenia Trajano, & rem militarem curanti, id secretis committitur scriptis. Qui illecebrosis regem infidiis ambiens, & modo serenæ mentis Valentis indices literas tradens, modo ipse sese ejus convivii ingerens, ad ultimum composita fraude ad prandium verecundius invitavit: qui nihil adversum metuens venit, concessoque honoratiore discubuit loco. Cumque apponerentur exquisitæ cupediæ, & ædes amplæ nervorum & articulato flatilique sonitu resultarent, jam vino incalescente, ipso convivii domino per simulationem naturalis cujusdam urgentis egresso, gladium destitutum intentans, torvo lumine ferociens, quidam immittitur barbarus asper ex his, quos Supras appellant, confossurus juvenem, ne exsilire posset etiamtum præpeditum.

Quo viso, regulus forte prominens ultra torum, expedito dolore assurgens, ut vitam omni ratione defenderet, perforato pectore deformis procubuit victima, ictibus multiplicatis foede concisa. Hocque figmento nefarie decepta credulitate, inter epulas, quæ reverendæ sunt vel in Euxino ponto, hospitali numine contuente, peregrinus cruor in ambitiosa lintea conspersus spumante sanie satietati superfuit convivarum, horrore maximo disperforum. Ingemiscat, si quis vita digressis est dolor, hujus arrogantiam facti Fabricius ille Luscinus: sciens, qua animi magnitudine Democharem, vel, ut quidam scribunt, Niciam ministrum repulerit regium, colloquio occultiore pollicitum, quod Pyrrhum Italiam tunc bellis sævissimis exurentem, veneno poculis necabit infectis: scripseritque ad regem, ut ab interiore caveret obsequio. Tantum reverentiæ locum apud priscam illam justitiam, vel hostilis mensæ genialitas obtinebat. Verum excusabatur recens inusitatum facinus & pudendum necis exemplo Sertorianæ: adulatoribus forsitan ignorantibus, quod, ut Demosthenes perpetuum Græciæ decus affirmat, nunquam similitudine aut impunitate alterius criminis diluitur id, quod contra, ac liceat, arguitur factum.

II. Hæc per Armeniam notabiliter gesta sunt. Sapor vero post suorum pristinam cladem comperto interitu Paræ, quem sociare sibi impendio conabatur, moerore gravi percussus, augenteque nostri exercitus alacritate formidinem, majora sibi præseminans, Arrace legato ad Principem misso,

perpetuam ærumnarum causam deleri penitus suadebat Armeniam: si id displicuisset, aliud poscens, ut Hiberiæ divisione cessante, remotisque inde partibus Romanæ præfidiis, Aspacures solus regnare permitteretur, quem ipse præfecerat genti. Ad quæ Valens in hanc respondit sententiam, nihil derogare se posse placitis ex consensu firmatis, sed ea studio curatior defendere. Glorioso proposito contrariæ regis literæ hieme jam extrema perlatae sunt, vana causantis & tumida. Assëverabat enim, non posse semina radicitus amputari discordiarum, nisi intervenissent conscii pacis fœderatae cum Joviano, quorum aliquos vita didicerat abscessisse. Ingraveſcente post hæc altius cura, Imperator eligere consilia, quam invenire, sufficiens, id conducere rebus existimans, Victorem magistrum equitum & Urbicium Mesopotamiæ ducem ire propere jussit in Persas, responsum absolutum & uniusmodi perferentes: quod rex justus & suæ contentus, ut jactitabat, scelestæ concupiscat Armeniam, ad arbitrium suum vivere cultoribus ejus permissis: sed ni Sauromaci præsidia militum impertita principio sequentis anni, ut dispositum est, impræpedita reverterint, invitus ea complebit, quæ sponte sua facere supersedit. Quæ legatio recta quidem & libera, ni deviasset in eo, quod absque mandatis oblatas sibi regiones in eadem Armenia suscepit exiguas. Qua regressa, advenit Surena potestatis secundæ post regem, has easdem Imperatori offerens partes, quas audacter nostri sumfere legati. Quo suscepto liberaliter & magnifice, sed parum impe-

trato, quod poscebat, remisso, parabantur magna instrumenta bellorum, ut mollita hieme Imperatore trinis agminibus perrupturo Persidem, ideoque Scytharum auxilia festina celeritate mercante. Proinde parum adeptus ea, quæ spe vana conceperat Sapor, ultraque solitum asperatus, quod ad expeditionem accingi rectorem compererat nostrum, iram ejus conculcans Surenæ dedit negotium, ut ea, quæ Victor comes susceperat & Urbicius, armis repeteret, si quisquam repugnaret, & milites Sauromacis præsidio destinati malis affligerentur extremis. Hæcque, ut statuerat, maturata confestim; nec emendari potuerunt, nec vindicari, quia rem Romanam aliis circumsteterat metus totius Gothiæ, Thitacis licentius perrumpentis: quæ funera tunc explicari poterunt carptim, si ad ea quoque venerimus. Hæc per Eoos agitata sunt tractus. Quorum inter seriem Africanas clades, & legatorum Tripoleos manes inultos esiamtum & errantes sempiternus vindicavit Justitiæ vigor, aliquoties ferus, sed scrupulosus quæsitore gestorum recte, vel secius, hoc modo. Remigius, quem populanti provincias retulimus comiti fuisse Romano, postquam Leo in ejus locum magister esse coepit officiorum, a muneribus reipublicæ jam quiescens, negotiis se ruralibus dedit prope Mogontiacum in genitalibus locis. Quem ibi morantem securius, præfectus prætorio Maximinus reversum ad otium spernens, ut solebat diræ luis ritu grassari per omnia, lædere modis, quibus poterat, affectabat: utque rimaretur plura, quæ latebant, Cæsarium, antehac ejus do-

messicum, postea notarium Principis, raptum, quæ Remigius egerit, vel quantum acceperit, ut Romani juvaret actus infandos, per quæstionem cruentam interrogabat. Quibus ille cognitis, cum esset, ut dictum est, in secessu, conscientia malorum urgente, vel rationem formidine superante calymniarum, innodato gutture laquei nexibus interiit.

III. Secuto post hæc anno, Gratiano ascito in trabeæ societatem Equitio consule, Valentiniano post vastatos aliquos Alamanniæ pagos munimentum ædificanti prope Basiliam, quod appellant accolæ Robur, offertur præfeti relatio Probi, docentis Illyrici clades. Quibus ille, ut cunctatorem decuerat ducem, examinatus lectis, attonitus cogitationibus anxius, Paterniano notario misso negotium scrupulosa quæfivit indagine: moxque veris per eum nuntiis gestorum acceptis, evolare protinus festinabat, ausos temerare limitem barbaros primo fragore, ut mente conceperat, oppressurus armorum. Quia igitur abeunte autumnio multa impediebant & aspera, annitebantur omnes per regiam optimates, ut adusque principium veris oratum eum pertinerent & exoratum: primum durata pruinis itinera, ubi nec adultæ in pastum herbæ reperirentur, nec cetera usui congrua, penetrari non posse firmantes: dein vicinorum Galliis regum immanitatem, maximeque omnium Macriani ut formidati tunc prætendentes, quem constabat impacatum relictum, etiam ipsa urbium moenia tentaturum. Hæc memorantes, addentesque utilia, reducere eum in meliorem sententiam: statimque, ut

conducebat rei communi, prope Mogontiacum blandius rex antedictus accitur, proclivis ipse quoque ad excipiendum foedus, ut apparebat. Et venit, immane quo quantoque flatu distentus, ut futurus arbiter superior pacis: dieque praedicto colloquii ad ipsam marginem Rheni caput altius erigens stetit, hinc inde sonitu scutorum intonante gentilium. Contra Augustus, ascensis amnicis lembis, septus ipse quoque multitudine castrensium ordinum, tutius prope ripas accessit, signorum fulgentium nitore conspicuus: & immodestis gestibus murmureque barbarico, tandem sedato, post dicta & audita ultro citroque versus, amicitia media sacramenti fide firmatur. Hisque perfectis, discessit barbarum rex artifex delentus, futurus nobis deinceps socius: & dedit postea adusque vitae tempus extremum, constantis in concordiam animi facinorum documentum pulchrorum. Periiit autem in Francia postea: quam dum internecive vastando perumpit avidius, oppetiit Mellobaudis bellicosi regis insidiis circumventus. Post foedus tamen solemni ritu impletum, Treveros Valentinianus ad hiberna discessit.

IV. Hæc per Gallias & latus agebantur Arctoum. At in Eois partibus alto externorum silentio intestina perniciēs augebatur per Valentis amicos & proximos, apud quos honestate utilitas erat antiquior. Navabatur enim opera diligens, ut homo rigidus, audire cupiens lites, a studio judicandi revocaretur, metu, ne, ita ut Juliani temporibus, defensione innocentia respirante, frangeretur poten-

tium tumor, assumpta licentia latius solitus evagari. Ob hæc & similia concordi consensu dehortantibus multis, maximeque Modesto præfecto prætorio regionum arbitrio spadonum exposito, & subagreste ingenium nullis vetustatis lectionibus expositum coacto vultu fallente, & afferente, quod infra imperiale columnen causarum essent minutæ privatarum; ille ad humiliandam celsitudinem potestatis negotiorum examina spectanda instituta esse arbitratus, ut monebat, abstinuit penitus, laxavitque rapinarum fores: quæ roborantur in dies iudicum advocatorumque pravitate sentientium paria: qui tenuiorum negotia militaris rei rectoribus, vel intra palatium validis venditantes, aut opes, aut honores quæsilivere præelaros. Hanc professionem oratorum forensium, jure πολιτικῆς μορίου εἰδωλόν, id est, civilitatis particule umbram, vel adulationis partem quartam esse definit amplitudo Platonis: Epicurus autem κακοτεχνίαν nominans, inter artes numerat malas. Tisias suasionis opificem esse memorat, assentiente Leontino Gorgia. Quam a veteribus ita determinatam, orientalium quorundam versutia adusque bonorum extulit odium: unde etiam retinaculis temporis præstituti frenatur. Ergo absolutis super ejus indignitate paucis, quam in illis partibus agens expertus sum, ad coëptorum cursum regrediar institutum. Florebant elegantie priscæ patrociniis tribunalia: cum oratores concitæ facundie, attenti studiis doctrinarum, ingenio, fide, copiis ornamentisque dicendi pluribus eminebant: ut Demosthenes, quo dicturo concursus

audiendi causa ex tota Græcia fieri solitos, monumentis Atticis continetur: & Callistratus, quem nobilem illam super Oropo causam, qui locus in Eubœa est, perorantem, idem Demosthenes, Academia cum Platone relicta, sectatus est: ut Hyperides, & Æschines, & Andocides, & Dinarchus, & Antiphon ille Rhamnufius, quem ob defensum negotium omnium primum antiquitas prodidit accepisse mercedem. Nec minus apud Romanos Rutilii, & Galbæ, & Scauri, vita, moribus, frugalitateque spectati, & postea per varias ævi sequentis ætates censorii, & consulares multi, & triumphales, Crassi & Antonii, & cum Philippis Scævola aliique numerosi, post exercitus prosperrime ductos, post victorias & tropæa, civilibus stipendiorum officiis floruerunt: laureaſque fori speciosis certaminibus occupantes, summis gloriæ honoribus fruebantur. Post quos excellentissimus omnium Cicero, orationis imperiosæ fluminibus sæpe depressos aliquos iudiciorum eripiens flammis, *non defendi homines sine vituperatione fortasse posse; negliger defendi sine scelere non posse*, firmabat. At nunc videre est per Eoos omnes tractus violenta & rapacissima genera hominum per fora omnia volitantium, & subsidentium divites domus, ut Spartanos canes aut Cretas, vestigia sagacius colligendo, ad ipsa cubilia pervenire causarum. In his primus est coetus eorum, qui seminando diversa jurgia per vadimonia mille jactantur, viduarum postes & orborum limina deterentes, & aut inter discordantes amicos, aut propinquantes

vel affines, si simultatum levia senferint receptacula, odia struentes infesta : in quibus ætatis progressu non ut aliorum vitia intepeſcunt, ſed magis magisque roborantur : inter rapinas inſatiabiles inopes, ad capiendam verſutis orationibus judicium fidem, quorum nomen ex Juſtitia natum eſt, ſicam ingenii deſtringentes. Horum obſtinatione libertatem temeritas, conſtantiam audacia præceps, eloquentiam inanis quædam imitatur fluentia loquendi : quarum artium ſcævitate, ut Tullius aſſeverat, nefas eſt religionem decipi judicantis. Ait enim : *Cumque nihil tam incorruptum eſſe debeat in republica, quam ſuffragium, quam ſententia : non intelligo, cur, qui ea pecunia corruperit, pœna dignus ſit ; qui eloquentia, laudem etiam ferat. Mihi quidem hoc plus mali facere videtur, qui oratione, quam qui pretio judicem corrumpit ; quod pecunia corrumpere prudentem nemo poteſt, dicendo poteſt.* Secundum eſt genus eorum, qui juris profeſſi ſcientiam, quam repugnantium ſibi legum abolere diſcidia, velut vinculis ori impoſitis reticentes, jugi ſilentio umbrarum ſunt ſimiles propriarum. Hi velut fata natalitia præmonſtrantes, aut Sibyllæ oraculorum interpretes, vultus gravitate ad habitum compoſita triſtiores, ipſum quoque venditant, quod oſcitantur. Hi, ut altius videantur jura callere, Trebatium loquuntur, & Caſcellium, & Alſenum, & Auruncorum Sicanorumque jamdiu leges ignotas, cum Evandri matre abhinc ſeculis obrutas multis. Et ſi voluntate matrem tuam finxeris occidiſſe, multas tibi ſuffragari abſolutionem lectiones reconditas

pollicentur, si te senferint esse nummatum. Tertius eorum est ordo, qui, ut in professione turbulenta clarescant, ad expugnandam veritatem ora mercenaria procudentes, per prostitutas frontes vilesque latratus, quo velint, aditus sibi patefaciunt crebros: qui inter sollicitudines judicum per multa distentas irresolubili nexu vincientes negotia, laborant, ut omnis quies litibus implicetur, & nodosis quæstionibus de industria judicia circumscribunt: quæ cum recte procedunt, delubra sunt æquitatis; cum depravantur, foveæ fallaces & cæcæ: in quas si captus ceciderit quisquam, non nisi per multa exsiliet lustra, adusque ipsas medullas exsuctus. Quartum atque postremum est genus impudens, pervicax, & indoctum, eorum, qui cum immature e literariis eruperint ludis, per angulos civitatum discurrent, mimiambos, non causarum remediis congrua, commentantes, fores divitum deterendo, coenarum ciborumque ancupantes delicias exquisitas. Qui cum semel umbraticis lucris, & inhiandæ undique pecuniæ sese dediderint, litigare frustra quoslibet innocentes hortantur: & ad defendendam causam admissi, quod raro contingit, suscepti nomen & vim negotii sub ore disceptatoris inter ipsos conflictuum articulos instruuntur, circumlocutionibus indigestis ita scatentes, ut colluvionis tæterrimæ audire existimes ululabili clamore Therfiten. Cum autem ad inopiam muniendarum venerint allegationum, ad effrenatam defleunt conviciandi licentiam: quo nomine, ob assidua in personas honorabiles probra, diebus dictis aliquoties sunt damnati: e quibus ita

sunt rudes nonnulli, ut nunquam se codices habuisse meminerint. Et si in circulo doctorum auctoris veteris inciderit nomen, piscis aut edulii peregrinum esse vocabulum arbitrantur: si vero advena quisquam inusitatum sibi antea Marcianum verbo tenus quæsierit oratorem, omnes confestim Marcianos appellari se fingunt. Nec jam fas ullum præ oculis habent: sed tanquam avaritiæ venundati & usucapti, nihil præter interminatam petendi licentiam norunt. Et si quem semel intra retia ceperint, cassibus mille impedicant, per morborum simulationem vicissim consulto cessantes: utque pervulgati juris proferatur lectio vana, septem vendibiles introitus præparant, dilationum examina longissima contexentes. Et cum nudatis litigatoribus dies cesserint, & menses, & anni, tandem obtrita vetustate controversia intromissa, ipsa capita splendoris ingressa alia secum advocatorum simulacra inducunt. Cumque intra cancellorum venerint septa, & agi coeperint alicujus fortunæ vel salus, atque laborari debeat, ut ab infonte gladius, vel calamitosa detrimenta pellantur, corrugatis hinc inde frontibus, brachiisque histrionico gestu formati, ut concionaria Gracchi fistula post occipitium desit, consistitur altrinsecus diu: tandemque ex præmeditato colludio, per eum, qui est in verba fidentior, suave quoddam principium dicendi exseritur, Cluentianæ vel pro Ctesiphonte orationum æmula ornamenta promittens: & in eam conclusionem, cunctis finem cupientibus, definit, ut nondum se patroni post speciem litis triennium

editam caudentur instructos : spatioque prorogati temporis impetrato, quasi cum Antæo vetere coluctati, perseveranter flagitant pulveris periculosi mercedes. Verumtamen hæc cum ita sint, non defunt advocatis incommoda plurima, parum sustinenda recte victuro. Namque sellulariis quæstibus inescati, inter se hostiliter dissident, & rupta maledicendi ferocia, ut dictum est, multos offendunt: quam tunc effutiunt, cum commissarum sibi causarum infirmitatem rationibus validis convallare non possunt. Et iudices patiuntur interdum doctos ex Philistionis aut Æsopi cavillationibus, quam ex Aristidis illius iusti, vel Catonis disciplina productos: qui ære gravi mercati publicas potestates, ut creditores molesti opes cujusquemodi fortunæ rimantes, alienis gremiis excutiant prædas. Ad ultimum id habet caudicina cum ceteris metuendum & grave, quod hoc ingenitum est pæne litigantibus cunctis, ut cum jurgia mille casibus cadant, accidentia secus in potestate esse existiment patronorum: & omnem certaminum exitum iisdem soleant assignare, & non vitiis rerum, aut iniquitatibus aliquoties disceptantium, sed solis defensantibus irascantur. Verum, unde huc declinavimus, revertamur.

V. Pubescente jam vere Valentinianus a Treveris motus, per nota itinera gradu celeri contendebat: eique regiones adventanti, quas petebat, legatio Sarmatarum offertur: pedibusque ejus prostrata, orabat pacifica prece, ut propitius veniret & lenis, nullius diri facinoris participes populares suos in-

venturus aut consciös. Quibus sæpe eadem iterantibus, hætenus perpenſa deliberatione reſpondit, hæc in locis, ubi dicuntur admiſſa, quærenda veriſſimis documentis & vindicanda. Cumque exinde Carnuntum Illyriorum oppidum introiſſet, deſertum quidem nunc & ſqualens, ſed ductori exercitus perquam opportunum, ubi fors copiam dediſſet aut ratio, e ſtatione proxima reſprimebat barbaricos appetitus. Et quamquam terrori cunctis erat, dum ſperabatur ut acer & vehemens mox iudices damnari juſſurus, quorum perfidia vel ſeceſſione Pannoniarum nudatum eſt latus: cum illuc veniſſet, ita intepuit, ut neque in Gabinii regis inquireret necem, neque inuſta reipublicæ vulnera quo ſinente vel agente ſegnius eveniſſent, accuratius veſtigaret: eo videlicet more, quo erat ſeverus in gregariis corrigendis, remiſſior erga majores fortunas vel verbis aſperioribus inceſſendas. Solum tamen incitato petebat odio Probum, nunquam, ex quo eum viderat, minari deſinens vel miteſcens: cujus rei cauſæ nec obſcuræ fuerunt, nec leves. Hic præſecturam prætorio tunc primitus naſtus, eamque multis atque utinam probabilibus modis in longum proferre geſtiens, non ut proſapiæ ſuæ claritudo monebat, plus adulationi, quam verecundiæ, dedit. Contemplatus enim propoſitum Principis, quærendæ undique pecuniæ vias abſque juſtorum injuſtorumque diſcretionem ſcrutantis, errantem non reducebat ad æquitatis tramitem, ut sæpe moderators fecere tranquilli: ſed ipſe quoque flexibilem ſequabatur atque tranſverſum. Unde graves obedientium

casus, exitialia provisorum nomina titulorum, iuxta opulentas & tenues enervatas succidere fortunas, argumentis aliis post validioribus aliis, usu lædendi reperiente longævo. Denique tributorum onera vectigaliumque augmenta multiplicata, optimatum quosdam ultimorum metu exagitatos mutare compulerunt sedes: & flagitantium ministrorum amaritudine quidam expressi, cum non suppeteret, quod daretur, erant perpetui carcerum inquilini: e quibus aliquos cum vitæ jam tæderet & lucis, suspendiorum exoptata remedia consumserunt. Hæc ita illecebrosius atque inhumanius agi loquebatur quidem pertinax rumor: Valentinianus vero tanquam auribus cera illitis ignorabat, indifferenter quidem lucrandi vel ex rebus minimis avidus, idque tantum cogitans, quod offerebatur; parsurus tamen fortasse Pannoniis, si hæc ante ingemiscenda compendia comperisset, quæ nimium sero tali didicit casu. Ad provincialium residuorum exemplum etiam Epirotæ acturos sibi gratias a præfecto mittere compulsi legatos, Iphiclem quendam philosophum, spectatum robore pectoris hominem, adgere non sponte propria pergere ad id munus implendum. Qui cum Imperatorem vidisset, agnitus, adventusque sui causam interrogatus, Græce respondit: atque ut philosophus veritatis professor, quærente curatius Principe, si hi, qui misere, ex animo bene sentiunt de præfecto; gementes, inquit, & inviti. Quo ille verbo tanquam telo perculsus, actus ejus ut sagax bestia rimabatur, genuino percontando sermone, quos noscitabat: ubinam ille

esset verbi gratia honore ante suos excellens & nomine, vel ille dives, aut alius ordinis primus. Cumque disceret perisse aliquem laqueo, abisse alium trans mare, conscivisse sibi alium mortem, aut plumbo vita erepta extinctum: in immensum excaudit, urente irarum nutrimenta tunc officiorum magistro Leone, pro nefas! ipso quoque praefecturam, ut e celsiore scopulo caderet, affectante: quam si adeptus rexisset, praë his, quæ erat ausurus, administratio Probi ferebatur in coelum. Agens itaque apud Carnuntum Imperator, per continuos tres menses æstivos arma parabat & alimenta, si qua fors secundasset, pervasurus opportune Quados, tumultus atrocis auctores: in quo oppido Faustinus, filius sororis Juventii praefecti praetorio, notarius militans, Probo spectante negotium, carnificis manu peremptus est post tormenta: vocatus in crimen, quod asinum occidisse dicebatur ad usum artium secretarum, ut asserabant quidam urgentes: ut [autem] agebat ille, ad imbecillitatem firmandam fluentium] capillorum. Alio quoque in eum perniciose composito, quod, petente per jocum quodam Nigrino, ut eum notarium faceret, exclamavit ille hominem ridens, *Fac me Imperatorem, si id volueris impetrare.* Hocque ludibrio inique interpretato, & Faustinus ipse, & Nigrinus, & alii sunt interfecti. Præmisso igitur Merobaude cum militari peditum manu, quam regebat, ad vastandos cremandosque barbaricos pagos, comite adjuncto Sebastiano, Valentinianus Acincum propere castra commovit: navigiisque ad repentinum casum conjunctis, & conta-

bulato celeri studio ponte, per partem aliam transit in Quados, speculantes quidem ex diruptis montibus ejus adventum, quo plerique ancipites incerti-que accidentium cum suis caritatibus secesserunt: sed stupore defixos, cum in regionibus suis, contra quam opinabantur, angusta cernerent signa. Progreffus ergo coacto gradu in quantum res tulit, jugulataque ætate promiscua, quam etiamtum palantem subitus occupavit excursus, & tectis combustis, rediit cum incolumibus eunctis, quos duxerat secum: itidemque apud Acincum moratus autumno præcipiti, per tractus congelari frigoribus affuetos commoda quærebat hiberna: nullaque sedes idonea reperiri præter Sabariam poterat, quamvis eo invalidam tempore, assiduisque malis afflictam. Unde hoc, etiam si magni intererat, paulisper sequestrato, impigre motus, peragrata fluminis ripa, castrisque præsidio competenti munitis atque castellis, Bregitionem pervenit: ibique diu compositum ad quietem Principis fatum sortem denuntiabat ei supremam, prodigiis ingredientibus multis. Namque diebus ante paucissimis ruinas fortunarum indicantia celsarum, arsere crinita sidera cometarum, quorum originem supra docuimus. Ante apud Sirmium repente fragore nubium fulmen excussum, palatii & curiæ partem incendit & fori: & apud Sabariam eodem adhuc constituto, bubo culminibus regii lavacri insidens, occentansque funebria, nulla jacentium sagittas & lapides contem- plabili dextera cadere potuit, certatim licet ardenti studio petebatur. Item cum ab urbe prædicta ten-

deret ad procinctum, per portam voluit, unde introivit, exire, ut omen colligeret, quod cito remeabit ad Gallias. Cumque locus aggestis ruderibus neglectus purgatur, lapsam forem ferratam, quæ exitum obseravit, multitudo remove non potuit viribus magnis enisa : & dum frustra tereret diem, coactus per aliam egressus est portam. Noctæque, quam lux ereptura eum vita secuta est, ut per quietem solet, videbat conjugem suam absentem sedere, passis capillis, amictu squalenti contectam : quam æstimari dabatur Fortunam ejus esse, cum tætro habitu jam discessuram. Progressus deinde matutinus contraciore vultu subtristis, cum eum oblatus non susceperet equus, anteriores pedes præter stratorem erigens in sublime : innata feritate concitus, ut erat immanis, dexteram stratoris militis jussit abscidi, quæ eum insilientem jumento pulserat consueto : perissetque cruciabiliter innocens juvenis, ni tribunus stabuli Cerealis disum nefas cum sui periculo distulisset.

VL. Post hæc Quadorum venere legati, pacem cum præteritorum obliteratione suppliciter obsecrantes : quam ut adipisci sine obstaculo possent, & tirocinium & quædam utilia rei Romanæ pollicebantur. Quos quoniam suscipi placuit, & redire indutiis, quæ poscebantur, indultis, (quippe eos vexari diutius, nec ciborum inopia, nec alienum tempus anni patiebantur) in consistorium Equitio vadente sunt intronissi. Cumque membris incurvatis starent metu debiles & præstrikti, docere jussi, quæ ferebant, usitatas illas causationum species jurandæ

fidem addendo firmabant : nihil ex communi mente procerum gentis delictum asseverantes in nostros, sed per extimos quosdam latrones amnique confines evenisse, quæ inciviliter gesta sunt : etiam id quoque addendo ut sufficiens ad facta purganda firmantes, quod munimentum exstrui coeptum nec juste nec opportune, ad ferociam animos agrestes accendit. Ad hæc Imperator ira vehementi perculsus, & inter exordia respondendi tumidior, increpabat objurgatorio sonu nationem omnem, ut beneficiorum immemorem & ingratam. Paulatimque lenitus. [& ad molliora] propensior, tanquam ictus e caelo, vitalique via voegeque simul obstricta, suffectus igneo lumine cernebatur : erumpente subito sanguine, letali sudore perfusus, ne laberetur spectantibus & vilibus, concursu ministrorum vitam secretioris ad conclave ductus est intimum. Ubi locatus in lecto, exiguas spiritus reliquias trahens, nondum intelligendi minuto vigore, cunctos agnoscebat adstantes, quos cubicularii, ne quis eum necatum suspicaretur, celeritate maxima corrogarant. Et quoniam viscerum flagrante compage laxanda erat necessario vena, nullus inveniri potuit medicus hanc ob causam, quod eos per varia sparserat, curaturos militem pestilentiae morbo tentatum. Unus tamen repertus, venam ejus iterum sapiusque pungendo, ne guttam quidem cruoris elicere potuit, internis nimietate calorem ambustis : vel ut quidam existimabant, arefactis ideo membris, quod meatus aliqui, quos hæmorrhoidas nunc appellamus, obserati sunt gelidis frigoribus concru-

stati. Sensit immensa vi quadam urgente morborum, ultimæ necessitatis adesse præscripta: dicereque conatus aliqua vel mandare, ut singultus ilia crebrius pulsans, stridorque dentium & brachiorum motus velut cæstibus dimicantium indicabat, jam superatus liventibusque maculis interfusus, animam diu colluctatam efflavit, ætatis quinquagesimo anno & quinto; imperii, minus centum dies, secundo & decimo.

VII. Replicare nunc est opportunum, ut aliquoties fecimus, & ab ortu primigenio patris hujusce Principis adusque ipsius obitum actus ejus discurrere per epilogos brevès, nec vitiorum prætermisso discrimine vel bonorum, quæ potestatis amplitudo monstravit, nudare solita semper animorum interna: Natus apud Cibalas Pannoniæ oppidum Gratianus major ignobili stirpe, cognominatus est a pueritia prima Funarius, ea re, quod nondum adultus venalem circumferens funem, quinque militibus eum rapere studio magno conatis nequaquam cessit: æmulatus Crotoniatem Milonem, cui mala sæpe cohærenter læva manu retinenti vel dextra, nulla unquam virium fortitudo abstraxit. Ob ergo validi corporis robur, & peritiam militum more luctandi notior multis, post dignitatem protectoris atque tribuni, còmes præfuit rei castrensi per Africam: unde furtorum suspicione contactus, digressusque, multo postea pari potestate Britannum rexit exercitum, tandemque honeste sacramento solutus, revertit ad larem: & agens procul a strepitu, multatione bonorum afflictus est a Constantio hoc no-

mine, quod civili flagrante discordia, hospitio dicebatur suscepisse Magnentium, per agrum suum ad proposita festinantem. Cujus meritis Valentinianus ab ineunte adolescentia commendabilis, contextu suarum quoque suffragante virtutum, indutibus Imperatoriæ majestatis apud Nicæam ornatus, in Augustum collegium fratrem Valentem ascivit, ut germanitate ita concordia sibi junctissimum, inter probra medium & præcipua, quæ loco docebimus competenti. Igitur Valentinianus post periculorum molestias plures, dum esset privatus, emensas, imperitare exorsus, arces prope flumina sitas & urbes, & Gallias petiit Alamannicis patentes excursibus, reviviscentibus erectius, cognito Principis Juliani interitu, quem post Constantem solum omnium formidabant. Ideo autem etiam Valentinianus merito timebatur, quod auxit & exercitus valido supplemento, & utrobique Rhenum celsioribus castris munivit atque castellis, ne latere usquam hostis ad nostra se propiciens possit. Utque multa prætereamus, quæ egit moderatoris auctoritatē fundati, quæque per se vel duces correxit industriis: post Gratianum filium in societatem suæ potestatis assumptum, Vithigabium regem Alamannorum Vadomario genitum, adolescentem in flore primo genarum nationes ad tumultus cientem, & bella, clam, quia non potuit aperte, confodit: & Alamannis congressus prope Solicinum locum, ubi insidiis pæne perierat circumventus, ad exitum ultimum delere potuit universos, ni paucos velox effugium tenebris amandasset. Inter hæc tamen caute gesta, jam

converſos ad metuendam rabiem Saxonas, ſemper quolibet inexplorato ruentes, delatoſque tunc ad terreſtres tractus, quorum ſpoliis pæne redierant locupletes, maleſido quidem ſed utili commento peremit, præda raptoribus vi fractis excuſſa. Iidemque Britænos, catervas ſuperfuſorum hoſtium non ferentes, ſpe meliorum aſſumpta, in libertatem & quietem reſtituit placidam, nullo pæne redire permiſſo graſſatorum ad ſua. Efficacia pari Valentinianum quoque Pannonium exſulem, per has provincias molientem otium turbare commune, antequam negotium efferveſceret, oppreſſit. Africam deinde, malo repentino perturbatam, diſcriminibus magnis exemiſit: cum voraces militarium faſtus ferre nequiens Firmus, ad omnes diſſenſionum motus perſtabiles gentes Mauricas concitaſſet. Similique fortitudine clades ingemiſcendas Illyrici vindicaſſet, ni morte præventus reliquiſſet rem ſeriam imperfectam. Ac licet opera præſtabilium ducum hæc, quæ retulimus, conſummata ſunt: tamen ipſum quoque ſatis conſtat, ut erat expeditæ mentis uſuque caſtrenſis negotii diuturno firmatus, egiſſe complura: inter quæ illud elucere clarius potuit, ſi Maſcrianum regem, ea tempeſtate terribilem, vivum capere potuiſſet, ut induſtria magna tentarat, poſtquam eum evaſiſſe Burgundios, quos ipſe admove-
rat Alamannis, moerens didiciſſet & triſtis.

VIII. Hæc ſuper actibus Principis brevi ſunt textu percuſſa: nunc conſiſi, quod nec metu nec adu-
landi ſœditate conſtricta poſteritas, incorrupta præ-
teritorum ſolet eſſe ſpectatrix, ſummatim ejus nunc

merabimus vitia, post & præcipua narraturi. Assimulavit nonnunquam clementiæ speciem, cum esset in acerbiter naturæ calore propensior: oblitus profecto, quod regenti imperium omnia nimia velut proceri scopuli sunt devitanda. Nec enim usquam reperitur miti coercitione contentus, sed aliquoties quæstiones multiplicari jussisse cruentas, post interrogationes funestas nonnullis adusque discrimina vitæ vexatis: & ita erat effusior ad nocendum, ut nullum aliquando damnatorum capitis eriperet morte subscriptionis elogio leni, cum id etiam Principes interdum fecere sævissimi. Atqui potuit exempla multa contueri majorum, & imitari peregrina atque interna humanitatis & pietatis, quas sapientes consanguineas virtutum esse definiunt bonas: e quibus hæc sufficiet poni. Artaxerxes Persarum ille rex potentissimus, quem Macrochira membri unius longitudo commemoravit, suppliciorum varietates, quas natio semper exercuit cruda, lenitate genuina castigans, tiaras ad vicem capitum quibusdam noxiis amputabat: & ne secaret aures more regio pro delictis, ex galeris fila pendencia præcidebat: quæ temperantia morum ita tolerabilem eum fecit & verecundum, ut annitentibus cunctis multos & mirabiles actus impleret Græcis scriptoribus celebratos. Prænestino prætore, qui bello quodam Samnitico properare jussus ad præsidium venerat segnius, ad crimen diluendum exhibitus, Papirius Cursor ea tempestate dictator securi per licitorem expediri, homineque abjecta purgandi se fiducia stupefacto, visum prope fruticem

jussit abscidi, hocque joci genere castigatum eum absolvit: non ideo contemptus, ut qui bella diuturna per se superavit & gravia, solus ad resistendum aptus Alexandro Magno, si calcaisset Italiam, æstimatus. Hæc forsitan Valentinianus ignorans, minimeque reputans, afflictæ solatia status semper esse lenitudinem Principum, poenas per ignes augebat & gladios: quod ultimum in adversis rebus remedium pietas reperit majorum, ut Isocratis memorat pulchritudo: cujus vox est perpetua docentis, ignosci debere interdum armis superato rectori, quam justum quid sit ignoranti. Unde motum existimo Tullium præclare pronuntiasse, cum defenderet Oppium: *Etenim multum posse ad salutem alterius, honori multis; parum potuisse ad exitium, probro nemini unquam fuit.* Aviditas plus habendi sine honesti pravique differentia, & indagandi quæstus varios per alienæ vitæ naufragia, exundavit in hoc Principe flagrantius adolescens. Quam quidam prætendentes Imperatorem Aureliamum, purgate tentabant, id affirmando, quod ut ille post Gallienum & lamentabiles reipublicæ casus exinanito ærario, torrentis ritu ferebatur in divites: ita hic quoque post procinctus Parthici clades magnitudine indigens impensarum, ut militi supplementa suppeterent & impendium, crudelitati cupiditatem opes nimias congerendi miscebat: dissimulans scire, quod sunt aliqua, quæ fieri non oportet, etiam si licet; Themistoclis illius veteris dissimilis: qui cum post pugnam agmina que deleta Persarum licenter obambulans; armillas aureas vidisset humi projectas & torquem;

Tolle, inquit, *hæc*, ad comitum quandam prope adstantem, *vere quia Themistocles non as* : quodlibet spernens in duce magnanimo lucrum. Hujus exempla continentiae similia plurima in Romanis exuberant ducibus : quibus omiffis, quoniam non sunt perfectæ virtutis indicia, (nec enim aliena non raperere laudis est) unum ex multis constans innocentiae vulgi veteris specimen ponam. Cum proscriptorum locupletes domus diripiendas Romanæ plebi Marius dedisset & Cinna, vulgi rudes animi, sed humana soliti respectare, alienis laboribus percerunt : ut nullus egens reperiretur aut infimus, qui de civili luctu fructum contrectare pateretur sibi concessum. Invidia præter hæc antedictus medullitus urebatur : & sciens, pleraque vitiorum imitari solere virtutes, memorabat assidue, severitatem rectæ potestatis esse individuum sociam. Utque sunt dignitatum apices maximi licere sibi cuncta existimantes, & ad supplicandum contrarios exturbandosque meliores pronius inclinati, bene vestitos oderat, & eruditos, & opulentos, & nobiles : & fortibus detrahebat, ut solus videretur bonis artibus eminere : quo vitio exarsisse Principem legimus Hadrianum. Arguebat hic idem Princeps timidos sæpius, maculosos tales appellans & sordidos, & intra sortem humilem amandandos : ad pavores irritos aliquoties abjectius pallens, &, quod nusquam erat, ima mente formidans. Quo intellecto magister officiorum Remigius, cum eum ex incidentibus ira fervere sentiret, fieri motus quosdam barbaricos inter alia subserebat : hocque ille audito,

quia timore mox frangebatur, ut Antoninus Pius erat serenus & clemens. Iudices nunquam consulto malignos elegit: sed si semel promotos agere didicit immaniter; Lycurgos invenisse se prædicabat & Cassios, columnina Justitiæ prisca: scribensque hortabatur assidue, ut noxas vel leves acerbius vindicarent. Nec afflictis, si fors ingruisset inferior, erat ullum in Principis benignitate perfugium: quod semper ut agitato mari jactatis, portus patuit exoptatus. *Finis enim justî imperiû, ut sapientes doceant, utilitas obedientium æstimatur & salus.*

IX. Consentaneum est venire post hæc ad ejus actus sequendos recte sentientibus & probandos: cum quibus si reliqua temperasset, vixerat ut Trajanus & Marcus. In provinciales admodum parcus, tributorum ubique molliens farcinas: oppidorum & limitum conditor tempestivus: militaris disciplinæ censor eximius, in hoc tantum deerrans, quod cum gregariorum etiam levia puniret errata, potiorum ducum flagitia progredi sinebat in majus, ad querelas in eos motas aliquoties obsurdescens: unde Britannici strepitus, & Africanæ clades, & vastitas emerfit Illyrici. Omni pudicitie cultu domi castus & foris, nullo contagio conscientie violatus obscenæ, nihil incestum: hancque ob causam tanquam retinaculis petulantiam frenarat aulae regalis: quod custodire facile potuit, necessitudinibus suis nihil indulgens, quas aut in otio reprimibat, aut mediocriter honoravit, absque fratre:

quem temporis compulsus angustiis, in amplitudinis suæ societatem assumpsit. Scrupulosus in deferendis potestatibus celsis: nec imperante eo provinciam nummularius rexit, aut administratio venundata, nisi inter [initia] ut solent occupationis spe vel impune quædam scelestæ committi. Ad inferenda propulsandaque bella sollertissimus, cautus; æstu Martii pulveris induratus; boni pravi-que suasor & dissuasor admodum prudens, militaris rei ordinum scrutantissimus: scribens decore, venusteque pingens & fingens, & novorum inventor armorum: memoria fermoneque incitato quidem, sed raro, facundiæ proximo vicens; amator munditiarum, lætusque non profusis epulis & excultis. Postremo hoc moderamine principatus inclaruit, quod inter religionum diversitates medius stetit, nec quemquam inquietavit, neque ut hoc coleretur imperavit aut illud: nec interdictis minacibus subjectorum cervicem ad id, quod ipse coluit, inclinabat, sed intemeratas reliquit has partes, ut reperit. Corpus ejus lacertosum & validum, capilli fulgor colorisque nitor, cum oculis cæcis semper obliquum intuentis & torvum, atque pulchritudo staturæ, lineamentorumque recta compago, majestatis regię decus implebat.

X. Post conclamata Imperatoris suprema, corpusque curatum ad sepulturam, ut missum Constantinopolim inter divorum reliquias humaretur: suspenso instante procinctu, anceps rei timebatur

eventus cohörtibus Gallicanis, quæ non semper dicatæ legitimorum Principum fidei, velut imperiorum arbitra, aufuræ novum quiddam in tempore sperabantur : hoc tentandæ novitati res adjuvante, quod gestorum ignarus etiamtum Gratianus agebat tum apud Treveros, ubi profecturus eum morari disposuerat pater. Cum negotium in his esset angustiis, & tanquam in eadem navi futuri periculorum, si accidissent, participes, omnes eadem formidarent : sedit summatum consilio, avulso ponte, quem compaginarat ante necessitas invadens terras hostiles, ut superstitis Valentiniani mandato Merobaudes protinus acciretur. Hocque ille, ut erat sollertis ingenii, quod evenerat ratus, aut forte doctus ab eo, per quem vocabatur, rupturum concordia jura Gallicanum militem suspicatus, missam ad se tesseram finxit redeundi cum eo ad observandas Rheni ripas, quasi furore barbarico crudescente : utque erat secrete mandatum, Sebastianum Principis adhuc ignorantem excessum, longius amandavit, quietum quidem virum & placidum, sed militari favore sublatum, ideo maxime tunc cavendum. Reverso itaque Merobaude, altiore cura prospectum, expedito consilio Valentinianus puer defuncti filius tum quadrimus, vocaretur in imperium cooptandus, centesimo lapide disparatus ; degenſque cum Justina matre in villa, quam Murocinctam appellant. Hocque concinenti omnium sententia confirmato, Cerealiſ ayunculus ejus ocius

missus, eundem puerum lectica impositum duxit in castra: sextoque die post parentis obitum Imperator legitime declaratus, Augustus nuncupatur more solemni. Et licet, cum hæc agerentur, Gratianum indignè laturum existimantes, absque sui permissu Principem alium institutum: postea metus sollicitudine discussa vixere securius, quod ille, ut erat benevolus & peritus, consanguineum pietate nimia dilexit & educavit.

AMMIANI MARCELLINI

RERUM GESTARUM

LIBER XXXI.

Cædis Valentis A. & cladis a Gothis inferendæ prodigia.

C. I. De Hunnorum, & Alanorum, aliarumque Scythiæ Asiaticæ gentium sedibus & moribus. *II.* Hunni Alanos Tanaitas armis aut pactis sibi adjungunt, Gothosque invadunt, ac suis sedibus pellunt. *III.* Pars major Gothorum cognomine Thervingorum finibus suis expulsa, permissu Valentis a Romanis transportatur in Thraciam, obsequium & auxilia pollicita. Greuthungi quoque, pars altera Gothorum, furtim ratibus Istrum transeunt. *IV.* Thervingi fame & inopia pressi ac pessime habiti, ducibus Alavivo & Fritigerno a Valente deficiunt, ac Lupicinum cum suis fundunt. *V.* Sueridus & Colias Gothorum optimates, una cum suis prius recepti, cur rebellaverint, & cæsis Hadrianopolitanis, Fritigerno se adjunxerint, ad diripiendas Thracias conversi. *VI.* Profuturus & Trajanus ac Richomeres pugnant æquo Marte cum Gothis. *VII.* Clausi intra Æmimontanas Gothi, deinde a Romanis emissi, Thraciam rapinis, cædibus, stupris, incendiisque fœdant, & Barzimerem scutariorum tribunum interficiunt. *VIII.* Frigeridus dux Gratiani Farnobium optimatem cum multis Gothis & Taifalis cædit: reliquis vita & agri circa Padum dati. *IX.* Lentienfes Alamanni a Gratiani A. ducibus prælio superati, rege Priario etiam

interfecto; & post deditionem datis Grätiano tironibus, domum redire permiffi. *X.* Sebastianus Gothos fpoliis onuftos apud Berœam inopinantes concidit : paucos fuga fervavit. Gratianus A. ad patrum Valentem properat, ei contra Gothos laturus auxilium. *XI.* Valens A. ante adventum Gratiani cum Gothis pugnare conftituit. *XII.* Gothi omnes in unum conjuncti, nimirum Thervingi ductu Fritigerni R. & Greuthungi ducibus Alatheo & Safrace, cum Romanis acie inſtructa conſigunt, & fuſo equitatu, pedites nudatos atque confertos cum maxima ſtrage in fugam conjiciunt. Valens occiſus nuſquam comparuit. *XIII.* Valentis A. virtutes & vitia. *XIV.* Gothi victores Hadrianopolim oppugnant, ubi theſauros ſuos Valens & imperatoria inſignia cum præfecto & conſiſtorianis reliquerat : & omnia fruſtra experti diſcedunt. *XV.* Gothi, Hunnorum Alanorumque copiis auro ſibi adjunctis, fruſtra Conſtantinopolim tentant. Qua arte Julius, magiſter militum trans Taurum, Orientales provincias Gothiſ exoneraverit. *XVI.*

I. INTEREA & Fortunæ volucris rota, adverſa proſperis ſemper alternans, Bellonam furiis in ſocietatem aſcitis armabat, mœſtoſque tranſtulit ad Orientem eventus, quos adventare præſagiorum fides clara monebat & portentorum. Poſt multa enim, quæ vates auguresque prædixere veridice, reſultabant canes ululantibus lupis, & querulum quiddam nocturnæ volucres tinniebant & flebile, & ſqualidi ſolis exortus hebetabant matutinos diei candores : & Antiochiæ per rixas tumultuſque vulgares id in conſuetudinem venerat, ut quiſque vim ſe pati exiſtimaret, *Vivus ardeat Valens*, licentius clamitaret : vocesque præconum audiebantur affi-

due, mandantium congeri ligna ad Valentini lavacri succensionem, studio ipsius Principis conditi. Quæ huic illi impendere exitum vitæ modo non aperte loquendo monstrabant. Super his larvale simulacrum Armeniæ regis, & miserabiles umbræ paulo ante in negotio Theodori cæforum, per quietem stridendo carmina quædam nimium horrenda, multos diris terroribus agitabant. Vagula gurgulione confecto exanimis visa est jacens: cujus mors publicorum funerum ærumnas indicabat amplas & pervulgatas. Denique cum Chalcedonos subverterentur veteres muri, ut apud Constantinopolim ædificaretur lavacrum, ordine resoluti faxorum, in quadrato lapide, qui structura latebat in media, hi Græci versus incisi reperti sunt, futura plene pendentes:

Ἄλλ' ὅπταν νύμφαι δροσερῇ κατὰ ἄστν χορεῖν
 Τερπόμεναι στρέφονται εὐστεφέας κατ' ἀγυῖας,
 Καὶ τεῖχος λούτροιο πολύστονον ἔσσειται ἄλκαρ·
 Δὴ τότε μυρία φῦκα πολυσπερέων ἀνδρώπων
 Ἰστροῦ καλλιρόοιο πόρον περάοντα σὺν αἰχμῇ,
 Καὶ σκυδικὴν ὀλέσει χώρην καὶ μυσίδα γαῖαν.
 Παιονίης δ' ἐπιβάντα σὺν ἐλπίσι μαυνομένησιν
 Αὐτοῦ δὲ βιότοιο τέλος καὶ δῆρις ἐφέξει.

II. Totius autem sementem exitii & cladum originem diverfarum, quas Martius furor incendio solito miscendo cuncta concivit, hanc comperimus causam. Hunnorum gens, monumentis veteribus leviter nota, ultra paludes Mæoticas glaciam oceanum accolens, omnem modum feritatis excedit.

Ubi quoniam ab ipsis nascendi primitiis infantum ferro fulcantur altius genæ, ut pilorum vigor tempestivus emergens corrugatis cicatricibus hebetetur, senescunt imberbes absque ulla venustate, spandonibus similes: compactis omnes firmisque membris, & opimis cervicibus: prodigiosæ formæ & pandi, ut bipedēs existimes bestias, vel quales in commarginandis pontibus effigiati stipites dolantur incomte. In hominum autem figura licet insuavi ita visi sunt asperi, ut neque igni, neque saporatis indigeant cibis, sed radicibus herbarum agrestium & semicruda cujusvis pecoris carne vescantur, quam inter femora sua & equorum terga subserunt, fotu calefaciunt brevi. Ædificiis nullis unquam tecti: sed hæc velut ab usu communi discreta sepulcra declinant. Nec enim apud eos vel arundine fastigatum reperiri tugurium potest. Sed vagi montes peragrantes & silvas, pruinas, famem, sitimque perferre ab incunabulis assuescunt. Peregre tecta, nisi adigente maxima necessitate, non subeunt: nec enim apud eos securos existimant esse subtectis. Indumentis operiuntur linteis, vel ex pellibus silvestrium murium consarcinatis: nec alia illis domestica vestis est, alia forensis. Sed semel obsoleti coloris tunica collo inserta non ante deponitur aut mutatur, quam diuturna carie in pannulos defluerit defructata. Galeris incurvis capita tegunt; hirsuta crura coriis munientes hoëdinis: eorumque calcei formulis nullis aptati, vetant incedere gressibus liberis. Qua causa ad pedestres parum accommodati sunt pugnas: verum equis prope affixi duris qui-

dem, sed deformibus, & muliebriter iisdem nonnunquam infidentes, funguntur muneribus consuetis. Ex ipsis quivis in hac natione pernox & perdius emit & vendit, cibumque sumit & potum, & inclinatus cervici angustæ jumentis, in altum soporem adusque varietatem effunditur somniorum. Et deliberatione super rebus proposita seriis, hoc habitu omnes in commune consultant. Aguntur autem nulla severitate regali, sed tumultuario optimatum ductu contenti, perrumpunt quidquid inciderit. Et pugnant nonnunquam laceffiti, sed ineuntes proelia cuneatim variis vocibus sonantibus torvum. Utque ad pernicitatem sunt leves & repentini; ita subito de industria dispersi vigescunt, & incomposita acie cum cæde vasta discurrent: nec invadentes vallum, nec castra inimica pilantes præ nimia rapiditate cernuntur. Eoque omnium acerrimos facile dixeris bellatores, quod procul missilibus telis, acutis ossibus pro spiculorum acumine arte mira coagmentatis, sed distinctis; cominus ferro sine sui respectu configunt, hostesque, dum mucronum noxias observant, contortis laciniis illicant, ut laqueatis resistentium membris equitandi vel gradiendi adimant facultatem. Nemo apud eos arat, nec stivam aliquando contingit. Omnes enim sine sedibus fixis, absque lare vel lege aut ritu stabili dispalantur; semper fugientium similes, cum carpentis in quibus habitant: ubi conjuges tætra illis vestimenta contexunt, & coeunt cum maritis, & pariunt, & adusque pubertatem nutriunt pueros. Nullusque apud eos interrogatus, respondere,

unde oritur, potest, alibi conceptus, natusque pro-
 cul, & longius educatus. Per inducias infidi, in-
 constantes, ad omnem auram incidentis spei novæ
 perquam mobiles, totum furori incitatissimo tri-
 buentes. Inconsultorum animarum ritu, quid hone-
 stum inhonestumve sit penitus ignorantes: flexilo-
 qui & obscuri, nullius religionis vel superstitionis
 reverentia aliquando districti: auri cupidine im-
 mensa flagrant: adeo permutabiles, & irasci faci-
 les, ut eodem aliquoties die a sociis nullo irritante
 sæpe desciscant, itidemque propitientur nemine le-
 niente. Hoc expeditum indomitumque hominum
 genus, externa prædandi aviditate flagrans imma-
 ni, per rapinas finitimorum grassatum & cædes,
 adusque Alanos pervenit, veteres Massagetas: qui
 unde sint, vel quas incolant terras (quoniam huc
 res prolapsa est) consentaneum est demonstrare,
 geographica perplexitate monstrata, quæ diu multa
 luda....., & varia, tandem reperit veritatis in-
 terna...*...ad.. Ister advenarum magnitudine
 fluenti Sauromatas prætermeat adusque amnem Ta-
 naim pertinentes, qui Asiam terminat ab Europa.
 Hoc transito, in immensum extentas Scythiæ soli-
 tudines Alani inhabitant, ex montium appellatione
 cognominati, paulatimque nationes conterminas
 crebritate victoriarum attritas ad gentilitatem sui
 vocabuli traxerunt, ut Persæ: Inter hos Neuri me-
 diterranea incolunt loca, vicini verticibus celsis,
 quos præruptos geluque torpentes aquilones ad-
 stringunt. Post quos Budini sunt, & Geloni perquam
 feri, qui detractis peremtorum hostium cutibus

indumenta sibi, equisque tegmina conficiunt, bel-
 latrix gens. Gelonis Agathyrsi collimitant, inter-
 stincti colore cærulea corpora simul & crines : &
 humiles quidem minutis atque raris, nobiles vero
 latis, fucatis & densioribus notis. Post hos Melan-
 chlænas & Anthropophagos palari accepimus per
 diversa, humanis corporibus victitantes : quibus ob
 hæc alimenta nefanda desertis, finitimi omnes lon-
 ga petiere terrarum. Ideoque plaga omnis Orienti
 æstivo objecta, usque dum venit ad Seras, inha-
 bitabilis mansit. Parte alia prope Amazonum sedes
 Alani sunt Orienti acclines, diffusi per populosas
 gentes & amplas, Asiaticos vergentes in tractus,
 quas dilatari adusque Gangem accepi fluvium, in-
 tersecantem terras Indorum, mareque inundantem
 australe. Ibi partitur per utramque mundi plagam
 Alani (quorum gentes varias nunc recensere non
 refert) licet diremti spatiis longis, per pagos, ut
 Nomades, vagantur immensos : ævi tamen pro-
 gressu ad unum concessere vocabulum, & summa-
 tim omnes Alani cognominantur : mores & media
 & efferatam vivendi, sed jam immaturam. Nec
 enim ulla sunt illis tuguria, aut versandi vomeris
 cura, sed carne & copia victitant lactis, plaustris
 supersidentes, quæ operimentis curvatis corticum
 per solitudines conferunt sine fine distentas. Cum-
 que ad graminea venerint, in orbiculatam figuram
 locatis farracis ferino ritu vescuntur : absumentisque
 pabulis, velut carpentis civitates impositas vehunt,
 mareque supra cum feminis coeunt, & nascuntur
 in his & educantur infantes : & habitacula sunt hæc

illis perpetua; & quocunque ierint, illic genuinum existimant larem. Armenta præ se agentes cum gregibus pascunt: maximeque equini pecoris est eis sollicitior cura. Ibi campi semper herbescent, interfitis pomiferis locis: atque ideo transeuntes quolibet, nec alimentis nec pabulis indigent: quod efficit humectum solum & crebri fluminum prætermearum cursus, Omnis igitur ætas & sexus imbellis circa vehicula ipsa versatur, muniisque distringitur mollibus: juvenus vero equitandi usu a prima pueritia coalescens, incedere pedibus existimat vile: & omnes multiplici disciplina prudentes sunt bellatores. Unde etiam Persæ, qui sunt originis Scythæ, pugnandi sunt peritissimi. Proceri autem Alani pæne sunt omnes & pulchri, crinibus mediocriter flavis, oculorum temperata torvitate terribiles, & armorum levitate veloces, Hunnique per omnia suppare, verum victu mitiores & cultu: latrocinando & venando atque Mæotica stagna & Cimmericum Bosporon, itidemque Armenios discurrunt & Mediam. Utque hominibus quietis & placidis otium est voluptabile; ita illos pericula juvant & bella. Judicatur ibi beatus, qui in proelio profuderit animam: senescentes enim & fortuitis mortibus mundo digressos, ut degeneres & ignavos convitiis atrocibus insectantur: nec quidquam est, quod elatius jacent, quam hominem quolibet deciso: proque exuviis gloriosis, interfectorum avulsis caputibus detractas pelles pro phaleris jumentis accommodant bellatoriis. Nec templum apud eos videtur, aut delubrum, ne tugurium

quidem culmo rectum cerni usquam potest : sed gladius barbarico ritu humi figitur nudus, eumque ut Martem, regionum, quas circumcircant, præfullem verecundius colunt. Futura miro præfagiunt modo : nam rectiores virgas vimineas colligentes, easque cum incantamentis quibusdam secretis præstituto tempore discernentes, aperte, quid portendatur, norunt. Servitus quid sit ignorabant, omnes generoso semine procreati : iudicesque etiam nunc eligunt, diuturno bellandi usu spectatos. Sed ad reliqua textus propositi revertamur.

III. Igitur Hunni, pervasis Alanorum regionibus, quos Greuthungis confines Tanaitas consuetudo nominavit, interfectisque multis & spoliatis, reliquos sibi concordandi fide pacta junxerunt : eisque adjunctis, confidentius Ermenrichi late patentes & uberes pagos repentino impetu perruperunt, bellicosissimi regis, & per multa variaque fortiter facta vicinis nationibus formidati. Qui vi subitæ procellæ perculsus, quamvis manere fundatus & stabilis diu conatus est, impendentium tamen diritatem augente vulgatis fama, magnorum discriminum metum voluntaria morte sedavit. Cujus post obitum rex Virthimiris creatus restitit aliquantisper Alanis, Hunnis aliis fretus, quos mercede sociaverat partibus suis. Verum post multas, quas pertulit, clades, animam effudit in proelio, vi superatus armorum. Cujus parvi filii, Viderichi nomine, curam susceptam Alatheus tuebatur & Saphrax, duces exerciti & firmitate pectorum noti : qui cum tempore arcto præventi abiecissent

fiduciam repugnandi, cautius discedentes ad amnem Danaſtum pervenerunt, inter Iſtrum & Boryſthenem per camporum ampla ſpatia diſfluentem. Hæc ita præter ſpem accidiſſe doctus Athanaricus, Thervingorum iudex (in quem, ut ante relatum eſt, ob auxilia miſſa Procopio dudum Valens commoverat ſigna) ſtare gradu fixo tentabat, fureſciturus in vires, ſi ipſe quoque laceſſeretur, ut ceteri. Caſtris denique prope Danaſti margines ac Greuthungorum vallem longius opportune metatis, Munderichum ducem poſtea limitis per Arabiam, cum Lagarimano & optimatibus aliis aduſque viceſimum lapidem miſit, hoſtium ſpeculatoros adventum, ipſe aciem nullo turbante interim ſtruens. Verum longe aliter, quam rebatur, evenit. Hunni enim, ut ſunt in conjecturâ ſagaces, multitudinem eſſe longius aliquam ſuſpicati, prætermiſſis, quos viderant, in quietem tanquam nullo obſtante compoſitis, rumpente noctis tenebras luna vado fluminis penetrato, id, quod erat potiffimum, elegerunt: & veriti, ne præcurſorius index procul agentes abſterreat, Athanaricum ipſum ictu petivere veloci. Eumque ſtupentem ad impetum primum, amiſſis quibuſdam ſuorum, coegerunt ad eſſugia properare montium præruptorum. Qua rei novitate majoreque venturi pavore conſtrictus, a ſuperciliis Gerafi fluminis aduſque Danubium Taiſalorum terras præſtringens, muros altius erigebat: hac lorica diligentia celeri conſummata, in tuto locandam ſecuritatem ſuam exiſtimans & ſalutem. Dumque efficax opera ſuſcitatur, Hunni paſ-

sibus eum citis urgebant : & jam oppresserant ad-
ventantes, ni gravate prædarum onere destitissent.
Fama tamen late serpente per Gothorum reliquas
gentes, quod inusitatum antehac hominum genus
modo ruens, ut turbo montibus celsis, ex abdito
sinu coortum apposita quæque convellit & cor-
rumpit : populi pars major, quæ Athanaricum at-
tenuata necessariorum penuria deseruerat, quæri-
tabat domicilium remotum ab omni notitia bar-
barorum : diuque deliberans, quas eligeret sedes,
cogitavit Thraciæ receptaculum gemina ratione si-
bi convenientius, quod & cæspitis est feracissimi,
& amplitudine fluentorum Istrî distinguitur a bar-
baris, patentibus jam peregrini fulminibus Martis :
hoc quoque idem residui velut mente cogitare
communi.

IV. Itaque duce Alavivo ripas occupavere Da-
nubii : missisque oratoribus ad Valentem, suscipi
se humili prece poscebant, & quiete victuros se
pollicentes, & daturos, si res flagitasset, auxilia.
Dum aguntur hæc in externis, novos majoresque
solitis casus versare gentes Arctoas, rumores ter-
ribiles diffuderunt : per omne quidquid ad Pon-
tum a Marcomannis prætenditur & Quadis, mul-
titudinem barbaram abditarum nationum vi subita
sedibus pulsam, circa flumen Istrum vagari cum
caritatibus suis disseminantes. Quæ res aspernanter
a nostris inter initia ipsa accepta est, hanc ob
causam, quod illis tractibus non nisi peracta aut so-
pita audiri præcul agentibus consueverant bella.
Verum pubescente jam fide gestorum, cui robur

adventus gentilium addiderat legatorum, precibus & obtestatione petentium citra flumen suscipi plebem extorrem: negotium lætitiæ fuit potius, quam timori, eruditis adulatoribus in majus fortunam Principis extollentibus: quod ex ultimis terris tot tirocinia trahens ei necopinanti offerret, ut collatis in unum suis & alienigenis viribus invictum haberet exercitum, & pro militari supplemento, quod provinciæ annuum pendebatur, thesaurus accederet auri cumulus magnus. Hacque spe mittuntur diversi, qui cum vehiculis plebem transferant truculentam. Et navabatur opera diligens, ne qui Romanam rem everfurus derelinqueretur vel quaffatus morbo letali. Proinde permiffu Imperatoris tranfeundi Danubium copiam colendique adepti Thraciæ partes, transfretabantur in dies & noctes, navibus ratibusque & cavatis arborum alveis agminatim impositi: atque per amnem longe omnium difficillimum, imbriumque crebritate tunc auctum, ob densitatem nimiam contra ictus aquarum nitentes quidam & natare conati, hausti sunt plures. Ita turbido instantium studio orbis Romani perniciës ducebatur. Illud sane neque obfcurum est, neque incertum, infaustos transvehendi barbaram plebem ministros, numerum ejus comprehendere calculo sæpe tentantes, conquieviffe frustratos: quem qui fcire velit, ut eminentiffimus memorat vates, Lybici velit æquoris idem discere quam multæ zephyro truduntur arenæ. Revivifcant tandem memoriæ veteres, Medicas acies duftantes ad Græciam: quæ ductum Hellesponti occupantes,

& discidio quodam fabrili, mare sub imo Athonis pede quæsitum exponunt, & turmatim apud Doriscum exercitus recensitos, concordante omni posteritate, ut fabulosæ sunt lectæ. Nam postquam innumeræ gentium multitudines per provincias circumfusæ, pandentesque se in spatia ampla camporum, regiones omnes & cuncta opplevire montium juga, fides quoque verustatis recenti documento firmata est. Et primus cum Alavivo suscipitur Fritigernus, quibus & alimenta pro tempore & subigendos agros tribui statuerat Imperator. Per id tempus nostri limitis referatis obicibus, atque ut *Ætnæas* favillas armatorum agmina diffundente barbara; cum difficiles necessitatum articuli correctores rei militaris poscerent aliquos claritudine gestarum rerum notissimos: quasi lævo quodam numine diligente, in unum quæfiri potestatibus præfuere castrensibus homines maculosi: quibus Lupicinus antistabat & Maximus, alter per Thracias Comes, dux alter exitiosus, ambo æmulæ temeritatis: quorum insidiatrix aviditas materia malorum omnium fuit. Nam (ut alia omittamus, quæ memorati, vel certe sinentibus iisdem alii perditis rationibus in commeantes peregrinos adhuc innoxios deliquerunt) illud dicetur (quod nec apud sui periculi iudices absolvere ulla poterat venia) triste & inauditum. Cum traducti barbari victus inopia vexarentur, turpe commercium duces invisissimi cogitarunt: & quantos undique insatiabilis colligere potuit canes, pro singulis dederunt mancipiis, inter quæ [& filii] ducti sunt optimatum.

Per hos dies interea etiam Vithericus Greuthungorum rex cum Alatheo & Saphrace, quorum arbitrio regebatur, itemque Farnobio, propinquans Istri marginibus, ut simili susciperetur humanitate, obsecravit Imperatorem, legatis propere missis. Quibus, ut communi rei conducere videbatur, repudiatis, & quid capefferent anxii: Athanarius paria pertimescens abcessit, memor, Valentem dudum cum foederaretur concordia despexisse, asfirmantem se religione devinctum, ne calcaret solum aliquando Romanum, hacque causatione Principem firmare pacem in medio flumine coegisse: quam simultatem veritus, ut adhuc durantem, ad Caucalandensem locum altitudine silvarum inaccessible, & montium, cum suis omnibus declinavit, Sarmatis inde extrusis.

V. At vero Thervingi, jamdudum transire permitti, prope ripas etiamtum vagabantur, duplici impedimento adstricti, quod ducum dissimulatione perniciofa nec victui congruis sunt adjuti, & tenebantur consilio, nefandis nudandi commerciiis. Quo intellecto, ad perfidiam instantium majorum subsidium vertendi mussabant: & Lupicinus, ne jam deficerent, pertimescens, eos, admotis militibus, adigebat ocus proficisci. Id tempus opportunum nacti Greuthungi, cum alibi militibus occupatis, navigia ultro citroque discurrere solita transgressum eorum prohibentia quiescere prospexissent, ratibus transire male contextis, castraque a Fritigerno locavere longissime. At ille genuina praevidendi sollertia venturos muniens ca-

sus, ut & imperiis obediret, & regibus validis jungeretur, incedens segnius, Marcianopolim tarde pervenit itineribus lentis. Ubi aliud accessit atrocius, quod arsuras in commune exitium faces furiales accendit. Alavivo & Fritigerno ad convivium corrogatis, Lupicinus ab oppidi mœnibus barbaram plebem opposito milite procul arcebat, introire ad comparanda victui necessaria, ut ditioni nostræ obnoxiam & concordem, per preces assidue postulantem: ortisque majoribus jurgiis inter habitatores & vetitos, adusque necessitatem pugnandi est ventum. Efferatique acrius barbari, cum necessitudines hostiliter rapi sentirent, spoliarent interfectam militum manum. Quod accidens idem Lupicinus latenti nuntio doctus, dum in nepotali mensa ludicris concrepantibus diu discumbens vino marcebat & somno: futuri conjiciens exitum, satellites omnes, qui pro prætorio honoris & tutelæ causa duces præstolabantur, occidit. Hocque populus, qui muros obsidebat, dolenter accepto, ad vindictam detentorum regum, ut opinabatur, paulatim augefcens, multa minabatur & sæva. Utque erat Fritigernus expediti consilii, veritus, ne teneretur obsidis vice cum ceteris, exclamavit, graviore pugnandum exitio, ni ipse ad leniendum vulgus sineretur exire cum fociis: quod arbitratum humanitatis specie ductores suos occisos, in tumultum exarsit. Hocque impetrato egressi omnes, exceptique cum plausu & gaudiis, ascensis equis evolarunt, moturi incitamenta diversa bellorum. Hæc ubi fama rumorum nutrix maligna

disperfit, urebatur dimicandi studio Thervingorum natio omnis: & inter metuenda multa, periculorumque prævia maximorum, vexillis de more sublati, auditisque triste sonantibus classicis, jam turmæ prædatoriæ concursabant, pilando villas & incendendo, vastisque cladibus, quidquid inveniri poterat, permiscentes. Adversus quos Lupicinus, properatione tumultuaria coactis militibus, temere magis quam consulte progressus, in nono ab urbe milliario stetit paratus ad decernendum. Barbarique hoc contemplato, globos irrupere nostrorum incautos, & parmas suppositis corporibus illidendo, obvios hastis perforabant & gladiis: furoreque urgente cruento, & tribuni & pleraque pars armatorum periere signis ereptis: præter ducem infauustum, qui ad id solum inventus, ut confligentibus aliis proriperet ipse semet in fugam, urbem cursu concito petiit. Post quæ hostes armis induti Romanis, nullo vetante per varia grassabantur. Et quoniam ad has partes post multiplices ventum est actus, id lecturos, si qui erunt unquam, obtestamur, ne quis a nobis scrupulose gesta vel numerum exigat peremptorum, qui comprehendi nullo genere potuit. Sufficiet enim, veritate nullo velata mendacio, ipsas rerum digerere summitates: cum explicandæ rerum memoriæ ubique debeatur integritas fida. Negant antiquitatum ignari tantis malorum tenebris offusam aliquando fuisse rempublicam: sed falluntur malorum recentium stupore confixi. Namque si superiores vel recens præteritæ evolvantur ætates, tales tamque tristes rerum

motus sæpe contigisse monstrabunt. Inundarunt Italiam ex abditis Oceani partibus Teutones repente cum Cimbris : sed post inflictas rei Romanæ clades immensas , ultimis præliis per duces amplissimos superati , quid potestas Martia de habitu prudentiæ valeat , radicitus extirpati discriminibus didicere supremis. Marco itidem moderante imperium , unum spirando vesania gentium dissonarum , post bellorum fragores immensos , post * eri urbium captarum & direptarum & pessum * concitas proratoris * interitus , partes eorum exiguas reliquisset intactas. Verum mox post calamitosa dispendia res in integrum sunt restitutæ : hac gratia , quod nondum solutioris vitæ molliæ sobria vetustas infecta , nec ambitiosis mensis , nec flagitiosis quæstibus inhiabat : sed unanimanti ardore summi & infimi inter se congruentes , ad speciosam pro republica mortem , tanquam ad portum aliquem tranquillum properabant & placidum. Duobus navium millibus perrupto Bosporo & litoribus Propontidis Scythicarum gentium catervæ transgressæ , ediderunt quidem acerbæ terra marique strages : sed amissa suorum parte maxima reverterunt. Ceciderunt dimicando cum barbaris Imperatores Decii , pater & filius. Obsessæ Pamphyliæ civitates , insulæ populatæ complures , inflammata Macedonia ; omnis diu multitudo Thessalonicam circumfedit , itidemque Cyzicum. Anchialos capta , & tempore eodem Nicopolis , quam indicium victoriæ contra Dacos Trajanus condidit Imperator. Post clades acceptas illatasque multas & sævas , excisa est Phi-

lippopolis, centum hominum millibus, nisi fingunt annales, intra moenia jugulatis. Vagati per Epirum Thessaliamque & omnem Græciam licentius hostes externi: sed, assumpto in imperium Claudio glorioso ductore, & eodem honesta morte præcepto, per Aurelium acrem virum & severissimum noxarum ultorem pulsi, per longa secula siuerunt immobiles: nisi quod postea latrociniales globi vicina cum sui exitio rarius incurfabant. Verum ea persequar, unde diverti.

VI. Hoc gestorum textu circumlato nuntiis densis, Sueridys & Colias, Gothorum optimates, cum populis suis longe ante suscepti, & curare apud Hadrianopolim hiberna dispositi, salutem suam ducentes antiquissimam omnium, otiosis animis accidentia cuncta contuebantur. Verum Imperatoris literis repente perlatis, quibus transire iussi sunt in Hellespontum, viaticum, cibum, biduique dilationem tribui sibi sine timore poscebant. Quod civitatis magistratus ferens indigne, (succensebat enim iisdem ob rem suam in suburbanis vastatam) imam plebem omnem cum Fabricensibus, quorum illic ampla est multitudo, productam in eorum armavit exitium: iussisque bellicum canere buccinis, ne abirent ocius, ut statutum est, pericula omnibus minabatur extrema. Quo malo præter spem Gothi perculsi, & consito quam considerato civium assultu perterriti, steterunt immobiles: laceratique ad ultimum detestatione atque conviciis, & tentati missilium jacibus raris, ad defectionem erupere confessam: & cæsis plurimis, quos impetus deceperat

petulantior, averſisque reſiduis & telorum varietate confixis, habitu jam Romano cadaveribus ſpoliatis armati, viſo propius Fritigerno junxerunt ſemet ut morigeri focii, urbemque clauſam obſidionalibus ærumnis urgebant. In qua difficultate diutius poſiti, paſſim & promiſcue ruebant: eminenſque aliquorum audacia peribat inulta, multiq̃ue ſagittis & rotatis per fundas lapidibus interibant. Tunc Fritigernus fruſtra cum tot cladibus colluſtari homines ignaros obſidendi cõtemplans, reſicta ibi manu ſufficiente, abire negotio imperfecto tuaiſt, *Pacem ſibi eſſe cum parietibus* memorans, ſuadenſque, ut populandas opimas regiõnes & uberes abſque diſcrimine ullo, vacuas præſidiis etiamtum adorirentur. Laudato regis conſilio, quem cogitatorum norant fore ſocium efficacem, per Thraciarum latus omne diſperſi caute gradiebantur, deditiſtis vel captivis vicos uberes oſtendentibus, eos præcipue, ubi alimenterum reperiri fatias dicebatur: eo maxime adjuumento præter genuinam erecti fiduciam, quod conſluebat ad eos in dies ex eadem gente multitudo, dudum a mercatoribus venſumdati, adjectis plurimis, quos primo tranſgreſſu neceſſi inedia, vino exili vel panis fruſtis mutavere viliffimis. Quibus accedere ſequendarum auri venarum periti non pauci, veſtigialium perſerre poſſe non ſufficientes ſarcinas graves: ſuſceptique libenti conſenſione cunctorum, magno uſui iſdem fuere ignota peragranſibus loca, conditoria frugum occulta & latebras hominum & receptacula ſecretiora monſtrando. Nec quidquam, niſi inacceſſum & devium, præ-

euntibus iisdem mansit intactum. Sine distantia enim ætatis vel sexus, cædibus incendiorumque magnitudine cuncta flagrabant: abstractisque ab ipso uberrum fuctu parvulis & necatis, raptæ sunt matres, & viduatæ maritis conjuges ante oculos cæsis; & puberes adultique pueri per parentum cadavera tracti sunt. Senes denique multi, ad satietatem vixisse clamantes, post amissas opes cum speciosis feminis, manibus post terga contortis, defletisque gentilium favillis ædium, ducebantur extorres.

VII, Hæc ex Thraciis magno mœrore accepta Valentem Principem in sollicitudines varias distraxerunt. Et confestim Victore magistro equitum misso ad Persas, ut super Armeniæ statu pro captu rerum componeret impendentium: ipse Antiochia protinus egressurus, ut Constantinopolim interim peteret, Profuturum præmisit & Trajanum, ambo rectores, anhelantes quidem altius, sed imbelles. Qui cum ad loca venissent, ubi particulatim perque furta magis & latrocinia multitudo minui deberet hostilis, ad id, quod erat perniciosum, intempestive conversi, legiones ab Armenia ductas opposuere vesanum adhuc spirantibus barbaris, opere quidem Martio sæpe recte compertas, sed impares plebi immensæ, quæ celsorum juga montium occuparat & campos. Hi numeri nondum experti, quid cum desperatione rabies valeret indomita, truso hoste ultra Æmimontis abscisos scopulos faucibus inferre præruptis, uti barbaros locis inclusos, nusquam reperientes exitum diuturna consumeret fames, & opperirentur ipsi Frigeridum ducem, cum

Pannonicis & Transalpinis auxiliis adventantem, quem petitu Valentinianus ire disposuit in procinctum, laturum suppetias iis, qui ad ultimum vexabantur exitium. Post quem Richomeris domesticorum tunc Comes, imperatu ejusdem Gratiani motus e Galliis, properavit ad Thracias ductans cohortes aliquas nomine tenus: quarum pars pleraque deseruerat, ut iactare quidam, Merobaudis suasu, veriti, ne destitutæ adminiculis Galliæ vastarentur licenter Rheno perrupto. Verum articulo- rum dolore Frigerido præpedito, vel certe, ut ob- tractatores finxere malevoli, morbum causante, ne ferventibus præliis interesset: universos regens ex communi sententia Richomeris Profuturo sociatur & Trajano, tendentibus prope oppidum Salices: unde haud longo spatio separatum vulgus inæstimabile barbarorum, ad orbis rotundi figuram multitudinem digesta plaustrorum, tanquam intramuranis cohibitum spatiis, otio fruebatur & ubertate prædarum. Prævia igitur spe meliorum Romani duces, si fors copiam attulisset, ausuri aliquid gloriosum, Gothos quidquid molirentur sagaciter observabant: id scilicet præstruentes, ut si aliorum castra movissent, quod fecere creberrime, terga ultimorum adorti plures perfoderent confisi, magnamque spoliolum averterent partem. Hoc intellecto hostes, vel transfugarum indicibus docti, per quos nihil latebat incognitum, in eodem loco diu manserunt: sed oppositi exercitus metu præstricti, aliorumque militum, quos affluere jam sperabant: tessera data gentili, per diversa prope diffusas accivere

vastatorias manus, quæ [jussis] optimatum accep-
 tis, statim, ut incensi malleoli, ad carraginem,
 quam ita ipsi appellant, aliti velocitate regressæ,
 incentivum audendi majora popularibus addide-
 runt. Nihil post hæc inter partes præter inducias
 laxatum est breves. Reversis enim his, quos neces-
 sitas evocarat, plebs omnis intra septorum ambitum
 etiamtum contrusa, immaniter fremens, animisque
 concita truculentis, experiri postrema discrimina,
 nec principibus gentis, qui aderant, renuentibus,
 cruditate festinabat. Et quoniam hæc sole ageban-
 tur extremo, noxque adventans ad quietem invitos
 retinebat & mæstos, capto per otium cibo somni
 manserunt expertes. Contra Romani, his cognitis,
 ipsi quoque exsomnes verebantur hostes, & male-
 fanos eorum ductores ut rabidas feras: eventum li-
 cet ancipitem, ut numero satis inferiores, prospe-
 rum tamen ob justiore sui causam mentibus ex-
 spectantes impavidis. Candente itaque protinus die,
 signo ad arma capienda ex utraque parte per lituos
 dato, barbari, postquam inter eos ex more juratum
 est, tumultuosos locos appetere tentaverunt: quo
 exinde per proclive rotarum modo obvios impetu
 convolverunt acriore. Hocque viso ad suos quis-
 que manipulos properans miles, stabili gradu con-
 sistens nec vagabatur, nec relictis ordinibus pro-
 cursabat. Ergo ubi utrinque acies cautius inceden-
 tes gressu steterunt immobili, torvitate mutua bel-
 latores luminibus se contuebantur obliquis. Et Ro-
 mani quidem voce undique Martia concinentes, a
 minore solita ad majorem protolli, quam gentili-

tate appellant barritum, vires validas erigebant. Barbari vero majorum laudes clamoribus stridebant inconditis : interque varios sermonis dissoni strepitus leviora proelia tentabantur. Jamque verutis & similibus aliis utrinque semet eminus laceffentes, ad conferendas coiere minaciter manus : & scutis in testudinum formam coagmentatis, pes cum pede collatus est. Barbarique, ut reparabiles semper & celeres, ingentes clavas in nostros conjicientes ambustas, mucronesque acrius resistentium pectoribus illidentes, sinistrum cornu perrumpunt : quod inclinatum subsidialis robustissimus globus, e propinquo latere fortiter excitus, hærente jam morte cervicibus sustentavit. Fervente igitur densis cædibus prælio, in confertos quisque promptior ruens, ritu grandinis undique volitantibus telis oppetebat & gladiis : & sequebantur equites hinc inde fugientibus occipitia lacertis ingentibus præcidentes & terga : itidemque altrinsecus pedites lapsorum, timore impeditorum, secando suffragines. Et cum omnia cæsorū corporibus opplerentur, jacebant inter eos quidam semianimes, spem vitæ inaniter usurpando ; alii glande fundis excussa, vel arundinibus armatis ferro confixi : quorundam capita per medium frontis & verticis mucrone distincta, in utrumque humerum magno cum horrore pendebant. Et pertinaci concertatione nondum lassatæ, æquo Marte partes semet altrinsecus afflictabant : nec de rigore genuino quisquam remittebat, dum vires animorum alacritas excitaret. Diremit tamen interneciva certamina cedens vespero dies : & cun-

etis, qua quisque potuit, incompofite difcedentibus, refidui omnes repetunt tentoria triftiores. Humatis denique pro locorum & temporis ratione honoratis quibufdam inter defunctos, reliqua peremtorum corpora diræ volucres confumferunt, affuetæ illo tempore cadaveribus pafci, ut indicant nunc ufque albentes offibus campi. Conftat tamen, in numero longe minore Romanos, cum ea copiofa multitudine colluctatos, funerea multa perpeffos : non tamen fine deflendis ærumnis exagitaffe barbaram plebem.

VIII. His cafibus præliorum ita luétuofe finitis, noftri proximos Marcianopoleos petivere feceffus. Gothi intra vehiculorum anfractus fponte fua contrufi, nunquam exinde per dies feptem egredi vel videri funt aufi : ideoque opportunitatem milites nafti, immenfas alias barbarorum catervas inter Æmimontanas anguftias claufurunt aggerum objectu celforum : hac fpe nimirum, ut inter Iftum & folitudines perniciofa hoftium multitudo compaéta, nullosque reperiens exitus, periret inedia, cunctis utilibus ad vivendum in civitates validas compor-tatis : quarum nullam etiamtum circumfedere conati funt, hæc & fimilia machinari penitus ignorantes. Poft quæ repetivit Gallias Richomeres, ob majorem præliorum fremitum, qui exfpectabatur, inde adminicula perduéturus. Hæc Gratiano quater & Merobaude confulibus agebantur, anno in autumnum vergente. Inter quæ Valens, audito lugubri bellorum direptionumque eventu, Saturninum, equeftreis exercitus ad tempus cura commiffa, fuppetias Trajano ferentem mifit & Profuturo. Forte-

que iisdem diebus per Scythiæ regiones & Mœsiæ omnibus, quæ poterant mandi, consumtis, feritate urgente pariter & inopia, barbari [erumpere] mobilibus magnis ardebant. Hocque sæpe tentato, cum obruerentur vigore nostrorum per asperitates scruposas valide resistentium: adacti necessitate postrema, Chunorum & Alanorum aliquos ad societatem spe prædarum ingentium asciverunt. Quo cognito Saturninus (jam enim aderat, & prætenturas stationesque disponebat agrarias) paulatim colligens suos, digredi parabat consilio non absurdo: ne subita multitudo, uti amnis impulsu undarum obicibus ruptis emissus, convelleret levi negotio cunctos, suspecta loca diutius observantes. Deinde post referatas angustias abitumque militis tempestivum, incomposite, qua quisque clausorum potuit, nullo vetante turbandis incubuit rebus: & vastabundi omnes per latitudines Thraciæ pandebantur impune, ab ipsis tractibus, quos prætermeat Ister, exorsi, adusque Rhodopen & fretum, quod immensa determinat maria, rapinis & cædibus, sanguineque & incendiis, & liberorum corporum corruptelis omnia foedissime permiscentes. Tunc erat spectare cum gemitu facta dictu visuque prædita, attonitas metu feminas flagris concrepantibus agitari, foetibus gravidas adhuc immaturis, antequam prodirent in lucem, impia tolerantibus multa, implicatos alios matribus parvulos, & puberum audire lamenta puellarumque nobilium, quarum stringebat fera captivitas manus. Post quæ adulta virginitas, castitasque nuptarum ore affecto flens ultima ducebatur,

mox profanandum pudorem optans morte, licet cruciabili, prævenire. Inter quæ cum belluæ ritu traheretur ingenuus paulo ante dives [& liber], de Fortuna ut inclementi querebatur & cæca, quæ eum puncto temporis brevi opibus exutum, & dulcedine caritatum domoque extorrem, quam concidisse vidit in cinerem & ruinas, aut lacerandum membratim, aut servitutum sub verberibus & tormentis duro devovisti victori. Barbari tamen, velut diffractis caveis bestię, per spatiorum amplitudines fusius incitati, oppidum petivere nomine Dibaltum, ubi tribunum scutariorum Barzimerem inventum cum suis, Cornutisque & aliis peditum numeris, castra ponentem assiliunt, eruditum pulvere militari rectorem. Qui confestim (ut adigebat necessitas instantis exitii) iussa canere bellicum tuba, lateribus firmatis, prærupit cum promptis accinctis ad prælium: fortiterque resistendo pari pugnandi sorte discessisset, ni eum equitum accursus complurium anhelum circumvenisset & fessum. Et ita cecidit, interfectis barbarorum non paucis, quorum clades copiarum magnitudo celabat.

IX. Re in hunc modum peracta, Gothi, quid postea molirentur, incerti, quæritabant Frigeridum, tanquam obicem validum, ubi reperirent, excisuri: &, cultiore victu somnoque parumper assumpto, eum sequebantur, ut feræ; docti, quod Gratiani monitu reversus in Thracias, & prope Berœam vallo metato, eventus rerum speculabatur ancipites. Et hi quidem ad patrandum propositum discursione rapida maturabant. Ille vero regendi conservandi-

que militis non ignarus, id, quod cogitatum est; suspicatus, vel exploratorum relatione, quos miserat, aperte instructus, per montium celsa silvarumque densitates ad Illyricum redit, erectus prosperitate nimia, quam ei fors obtulit, insperata. Repedando enim, congregatosque in cuneos sensim progrediens, Gothorum optimates Farnobium cum vastatoriis globis vagantem licentius occupavit, ducentemque Taifalos, nuper in societatem adhibitos: qui, si dignum est dici, nostris ignotarum gentium terrore dispersis, transiere flumen direpturi vacua defensoribus loca. Eorum catervis subito visis, certare cominus dux cautissimus parans, adortusque nationis utriusque grassatores minantes etiamtum acerba, trucidasset omnes ad unum, ut ne nuntius quidem cladis post appareret, ni cum aliis multis peremto Farnobio, metuendo antehac incensore barbarum, obtestatus prece impensa superstitibus pepercisset: vivosque omnes circa Mutinam, Regiumque & Parmam Italica oppida, rura culturos exterminavit. Hanc Taifalorum gentem turpem ac obscoenæ vitæ flagitiis ita accepimus mersam, ut apud eos nefandi concubitus foedere copulentur maribus puberes; ætatis viriditatem in eorum pollutis usibus consumturi. Porro si qui jam adultus aprum exceperit solus, vel interemerit ursum immanem, colluvione liberatur incesti.

X. Hæc autumnno vergente in hiemem funesti per Thracias turbines converrebant: quæ temporum rabies, velut cuncta cientibus Furiis, ad regiones quoque longinquas progrediens late serpe-

bat. Et jam Lentiensis Alamannicus populus, tribus Rætiarum confinis, per fallaces discursus violato foedere dudum concepto, collimitia nostra tentabat: quæ clades hinc exitiale primordium fuit. Ex hac natione quidam inter Principis armigeros militans, poscente negotio reversus in la-rem, ut erat in loquendo effusior, interrogantes multos, quid ageretur in palatio, docet arcessitu Valentis patruum Gratianum Orientem versus mox signa moturum: ut duplicatis viribus repellantur plagarum terminalium accolæ, ad Romanorum verum excidium conjurati. Quibus avide Lentienses acceptis, ipsi quoque hæc, quasi vicini, cernentes, ut sunt veloces & rapidi, conferti in prædatorios globos, Rhenum gelu pervium pruinis Februarii mense . . . tendentes prope cum Petulantibus Cæsaribus, non sine sui iactura afflictos graviter adultis viribus averterunt. Verum retrocedere coacti Germani, atque noscentes, exercitus plerumque partem in Illyricum, ut Imperatore mox affuturo, prægressam, exarsere flagrantius: majoraque conceptantes, pagorum omnium incolis in unum collectis, cum quadraginta armatorum millibus, vel septuaginta, ut quidam laudes extollendo Principis iactantur, sublatis in superbiam nostra confidentius irruerunt. Quibus Gratianus cum formidine magna compectis, revocatis cohortibus, quas præmiserat in Pannonias, convocatisque aliis, quas in Galliis retinuerat dispositio prudens, Nannieno negotium dedit virtutis sobriæ: duci: eique Mallobaudem junxit pari potestate collegam, domesti-

gulis suis omni perseverandi studio contemplantes, post deditionem, quam impetravere supplici prece, oblata, ut præceptum est, juventute valida nostris tirociniis permiscenda, ad genitales terras innoxii ire permissi sunt. Hanc victoriam opportunam & fructuosam, quæ gentes hebetavit occiduas, sempiterni numinis nutu Gratianus, incredibile dictu est, quanto cum vigore exserta celeritate aliorum properans expedit: præclaræ indolis adolescens, facundus, & moderatus, & bellicosus, & clemens: ad æmulationem lectorum progrediens Principum, dum etiam lanugo genis inferperet speciosa, ni vergens in ludibriosos actus natura, laxantibus proximis semet ad vana studia Cæsaris Commodi convertisset, licet hic incruentus. Ut enim ille, quia perimere jaculis plurimas feras spectante consueverat populo, & centum leones in amphitheatrali circulo simul emissos telorum vario genere, nullo geminato vulnere contruncavit, ultra hominem exsultavit: ita hic quoque intra septa, quæ appellant vivaria, fagittarum pulsibus crebris dentatas conficiens bestias, incidentia multa parvi ducebat & seria: eo tempore, quo, etiamsi imperium Marcus regeret Antoninus, ægre sine collegis similibus & magna sobrietate consistorum lenire luctuosos reipublicæ poterat casus. Dispositis igitur, quæ pro temporum captu per Gallias res rationesque poscebant, & punito scutario proditore, qui festinare Principem ad Illyricum barbaris indicarat, Gratianus exinde digressus per castra, quibus Pelicis-Arboris no-

men est, per Lauriacum ad opitulandum oppressæ parti porrectis itineribus ire tendebat. Iisdemque diebus Frigerido multa atque utilia pro securitate communi sollertissime cogitanti, munireque properanti Succorum angustias, ne discursatores hostes & leves, tanquam exæstuentes vi torrentes per septentrionales provincias fufius vagarentur; successor Maurus nomine mittitur Comes, venalis ferociæ specie, & ad cuncta mobilis & incertus: idem, quem præteritorum textu retulimus, ambigenti super corona capiti imponenda Juliano Cæsari, dum inter ejus armigeros militaret, ac regiam custodiret, torquem obtulisse collo abstractam. Remotusque in ipsa vertigine pereuntium rerum dux cautus & diligens: cum, etiamsi dudum discessisset in otium, ad procinctum reduci negotiorum magnitudine poscente deberet.

XI. His forte diebus Valens tandem excitus Antiochia, longitudine viarum emensa venit Constantinopolim: ubi moratus paucissimos dies, seditioneque popularium levi pulsatus, Sebastiano paulo ante ab Italia, ut petierat, misso, vigilantia notæ ductori, pedestris exercitus cura commissa, quem regebat antea Trajanus: ipse ad Melanthiada villam Cæsarianam profectus, militem stipendio fovebat, & alimentis, & blanda crebritate sermonum. Unde cum itinere edicto per tesseram Nicen venisset, quæ statio ita cognominatur, relatione speculatorum didicit, refertos opima barbaros præda a Rhodopeis tractibus prope Hadrianopolim re-

vertisse : qui, motu Imperatoris cum abundanti milite cognito, popularibus jungere festinant, circa Berœam & Nicopolim ingentibus præfidiis fixis : atque illico ut oblatae occasionis maturitas postulabat, cum trecentenis militibus per singulos numeros lectis, Sebastianus properare dispositus est, conducens rebus publicis aliquid, ut promittebat, acturus. Qui itineribus celeratis conspectus prope Hadrianopolim, obseratis vi portis juxta adire prohibebatur : veritis defensoribus, ne captus ab hoste veniret & subornatus, atque contingeret aliquid in civitatis perniciem, quale per Actum acciderat Comitem : quò per fraudem Magnentiacis militibus capto, claustra patefacta sunt Alpium Juliarum. Agnitus tamen, licet sero, Sebastianus, & urbem introire permissus, cibo & quiete curatis pro copia, quos ductabat, secuta luce impetu clandestino erupit : vespereque intendente, Gothorum vastatorios cuneos prope flumen Hebrum subito visos, paulisper opertus aggeribus & frutectis, obscura nocte suspensis passibus incompósitos aggressus est : adeoque prostravit, ut, præter paucos, quos morte velocitas exemerat pedum, interirent reliqui omnes : prædamque retraxit innumeram, quam nec civitas cepit, nec planities lata camporum. Qua causa percitus Fritigernus, & extimescens, ne dux, ut sæpe audierat, impetrabilis dispersos licenter fuorum globos raptuique intentos consumeret, improvisos adoriens : revocatis omnibus prope Cabylen oppidum cito discessit, ut agentes in regioni-

bus patulis nec inedia, nec occultis vexarentur infidiis. Dum hæc aguntur in Thraciis, Gratianus, docto literis patruo, qua industria superaverit Alamanos, pedestri itinere præmissis impedimentis & sarcinis, ipse cum expeditiore militum manu permeato Danubio, delatus Bononiam, Sirmium introiit: & quadriduum ibi moratus, per idem flumen ad Martis castra descendit, febribus intervalatis afflictus: in quo tractu Alanorum impetu repentino tentatus, amisit sequentium paucos.

XII. hisdemque diebus exagitatus ratione gemina Valens, quod Lentienfes compererat superatos, quodque Sebastianus subinde scribens facta dictis exaggerabat: e Melanthiade signa commovit, æquiparare facinore quodam egregio adolescentem properans filium fratris, cujus virtutibus urebatur: ducebatque multiplices copias nec contemnendas, nec segnes: quippe etiam veteranos iisdem junxerat plurimos: inter quos & honoratiores alii, & Trajanus procinctus est, paulo ante Magister armorum. Et quoniam exploratione sollicita cognitum est, cogitare hostes fortibus præfidiis itinera claudere, per quæ commeatus necessarii portabantur: occursum est huic conatui competenter, ad retinendas opportunitates angustiarum, quæ prope erant, peditibus sagittariis & equitum turma citius missa. Triduoque proximo cum barbari gradu incederent leni, & metuentes eruptionem per devia, quindecim millibus passuum a civitate discreti stationem peterent Nicen: incertum quo errore

procuratoribus omnem illam multitudinis partem , quam viderant , in numero decem millium esse firmantibus : Imperator , procaci quodam calore percussus , iisdem occurrere festinabat. Proinde agmine quadrato incedens prope suburbanum Hadrianopoleos venit : ubi vallo sudibus fossaque firmato , Gratianum impatienter opperiens , Richomerem Comitem domesticorum suscepit ab eodem Imperatore praemissum cum literis , ipsum quoque venturum mox indicantibus. Quarum textu oratus , ut praestolaretur paulisper periculorum participem , neve abruptis discriminibus temere semet committeret solum : adhibitis in consilium potestatibus variis , quid facto opus esset , deliberabat. Et cum Sebastiano auctore quidam protinus eundum ad certamen urgerent : Victor nomine Magister equitum , Sarmata , sed cunctator & cautus , eadem sentientibus multis , imperii socium exspectari censebat : ut incrementis exercitus Gallicani ascitis , opprimeretur levius tumor barbaricus flammans. Vicit tamen funesta Principis destinatio , & adulabilis quorundam sententia regionum : qui ne paene jam partae victoriae , ut opinabantur , consors fieret Gratianus , properari cursu celeri suadebant. Et dum necessaria parabantur ad decernendum , Christiani ritus presbyter , ut ipsi appellant , missus a Fritigerno legatus cum aliis humilibus venit ad Principis castra : susceptusque leniter , ejusdemque ductoris obtulit scripta , petentis propalam , ut sibi suisque , quos extorres patriis laribus rapidi fera-

rum gentium exegere discursus, habitanda Thracia sola cum pecore omni concederetur & frugibus: hoc impetrato, spondentis perpetuam pacem. Præter hæc idem Christianus, ut conscius arcanorum & fidus, secretas alias ejusdem regis obtulit literas, qui astu & ludificandi varietate nimium solers, docebat Valentem, quâsi mox amicus futurus & socius, aliter se popularium sævitiam mollire non posse, vel ad conditiones rei Romanæ profuturas allicere, nisi subinde armatum iisdem juxta monstraret exercitum, & timore imperatorii nominis intentato, eos a pernicioso pugnandi revocaret ardore. Et legati quidem, ut ambigui, frustra habitati discesserunt. Exoriente vero aurora diei, quem quintum Iduum Augustarum numerus ostendit annalis, signa præpropere commoventur, impediementis & sarcinis prope Hadrianopoleos muros cum legionum tutela congrua collocatis. Thesauri enim & principalis fortunæ insignia cetera, cum præfecto & Consistorianis ambitu moenium tenebantur. Decursis itaque viarum spatiis confragosis, cum in medium torridus procederet dies, octavo tandem hostium carpenta cernuntur, quæ ad speciem rotunditatis detornata digestaque exploratorum relatione affirmabantur. Atque, ut mos est, ululante barbara plebe ferum & triste, Romani duces aciem struxere: & anteposito dextro cornu equitum primo, peditatus pars maxima subsidebat. Cornu autem equitum lævum, disiectis adhuc per itinera plurimis, summa difficultate conductum

properabat passibus citis. Dumque idem cornu nullo etiamtum interturbante extenditur, horrendo fragore sibilantibus armis, pulsuque minaci scutorum territi barbari, quoniam pars eorum cum Alatheo & Safrace procul agens, & accita nondum venerat, oraturos pacem misere legatos. Eorum dum vilitatem despicit Imperator, ut firma fierent paciscenda, optimates poscens idoneos mitti: illi de industria cunctabantur, ut inter fallaces indutias equites sui redirent, quos affore jam sperabant: & miles fervore calefactus æstivo, ficcis faucibus commarceret relucente amplitudine camporum incendiis, quos lignis nutrimentisque aridis subditis, ut hoc fieret, iidem hostes urebant. Cui malo aliud quoque accedebat exitiale, quod homines & jumenta cruciabat inedia gravis. Inter quæ Fritigernus, callidus futuri consector, Martemque pertimescens ancipitem, velut caduceatorem unum e plebe suo misit arbitrio, impetens nobiles quosdam & electos ad se propediem obsides mitti, impavidus ipse vim militarem laturus & necessaria. Laudato probatoque formidati Ducis proposito, tribunus Equitius, cui tunc erat cura palatii credita, Valentis propinquus, assentientibus cunctis ire pignoris loco mature disponitur. Quo renitente, quia semel captus ab hostibus, lapsusque a Dibalto, verebatur eorum irrationabiles motus, Richomeres se sponte obtulit propria: ireque promiserat libens, pulchrum hoc quoque facinus & viro convenire existimans forti: jamque pergebat

indicia dignitatis & natalium [daturus.] Eo ad vallum hostile tendente, sagittarii & scutarii, quos Bacurius Hiberus quidam tunc regebat & Cassio, avidius impetu calenti progressi, jamque adversis connexi, ut immature proruperant, ita inertes discessu primordia belli foedarunt. Hocque impedimento conatus intempestivi & Richomeris alacritas fracta est, nusquam ire permitti, & equitatus Gothorum cum Alatheo reversus & Safrace, Alanorum manu permixta, ut fulmen prope montes celso excussus, quoscumque accursu veloci invadere cominus potuit, incitata cæde turbavit.

XIII. Cumque arma ex latere omni concuterentur & tela, lituosque Bellona luctuosos inflaret, in clades Romanas solito immanius furens: cedentes nostri multis interclamantibus resisterunt: & prælium flammæ ritu crescens, terrebat militum animos, confixis quibusdam rotatis ictibus jaculorum & sagittarum. Deinde collisæ in modum rostrorum navium acies, trudentesque se vicissim; undarum specie motibus sunt reciprocis jactitæ. Et quia sinistrum cornu adusque plaustra ipsa accessit, ultra, si qui tulissent suppetias, processurum: a reliquo equitatu desertum, multitudine hostili urgente, sicut ruina aggeris magni oppressum atque dejectum est: steterunt improtecti pedites, ita concatervatis manipulis, ut vix mucronem exferere, aut manus reducere quisquam posset. Nec jam obiectu pulveris cælum patere potuit ad prospectum, clamoribus resultans horrificis. Qua causa tela un-

dique mortem vibrantia, destinata cadebant & noxia, quod nec praevideri poterant, nec caveri. Verum ubi effusi immensis agminibus barbari jumenta conterebant & viros, & neque ad receptum confertis ordinibus laxari usquam poterat locus, & evadendi copiam constipatio densior adimebat: nostri quoque ultimo cadendi contemptu occurrentes receptis gladiis obtruncabant, & mutuis securium ictibus galeae perfringebantur atque loricae. Videoque licebat celsum ferocia barbarum, genis stridore constrictis, succiso poplite aut abscisa ferro dextera, vel confosso latere, inter ipsa quoque mortis confinia minaciter circumferentem oculos truces: ruinaque confligentium mutua ac humo corporibus stratis, campi peremtis impleti sunt: & morientium gemitus profundisque vulneribus transfixorum cum timore audiebantur ingenti. In hoc tanto tamque confusae rei tumultu exhausti labore & periculis pedites, cum deinceps neque vires illis, neque mentes suppetere ad consilium, diffraetis hastarum plerisque collisione assidua, gladiis contenti destitutis in confertas hostium turmas mergebant se, salutis immemores, circumspectantes ademtum esse omne evadendi suffragium. Et quia humus rivis operta sanguineis gressus labiles evertebat, conabantur modis omnibus vitam impendere non inultam: adeo magno animorum robore oppositi incumbentibus, ut etiam telis quidam propriis interirent. Atra denique cruoris facie omnia conturbante, &, quocunque se inflexerant oculi,

acervis cæſorum aggeſtis, exanimata cadavera ſine parſimonia calcabantur. Solque ſublīnior decurſo Leone ad domicilium cœleſtis Virginis tranſiens, Romanos magis attenuatos inedia ſitique conſectos, etiam armorum gravantibus ſarcinis exurebat. Ad ultimum incumbente barbarorum pondere acies inclinatæ noſtrorum, quod ſolum poſtremis malis habuere ſubſidium, incondite, qua quiſque poterat, vertuntur in pedes. Dumque omnes diſperſi per ignotos tramites cédunt, Imperator diris pavoribus circumſeptus, paulatimque inſiliens funerum moles, ad Lancearios confugit & Mattiarios : qui, dum multitudo tolerabatur hoſtilis, fixis corporibus ſteterant inconcuſſi. Eoque viſo Trajanus exclamat, ſpem omnem abſumtam, ni deſertus ab armigeris Princeps ſaltem adventitio tegetetur auxilio. Hocque audito Viſtor nomine Comes Batavos in ſubſidiis locatos haud procul ad Imperatoris præſidium raptim cogere properans, cum invenire neminem poſſet, gradiens retro diſceſſit : parique modo Richomeres periculo ſemet exemiſit, & Saturninus. Sequebantur itaque furore ex oculis lucente barbari noſtros, jam linquente venarum calore torpentes : quorum aliqui percufforibus cadebant incertis, nonnulli ponderibus ſolis urgentium obruti, iſtuque ſuorum aliqui trucidati : nec enim ſæpe renitentibus cedebatur, aut parcebat cedentibus quiſquam. Super his obſtruebant itinera jacentes multi ſemineces, cruciatus vulnerum non ferentes : cum quibus aggeres quoque equorum conſtrati cadave-

ribus campos implerunt. Diremit hæc nunquam pensabilia damna, (quæ magno rebus stetero Romanis,) nullo splendore lunari nox fulgens. Primaque caligine tenebrarum inter gregarios Imperator, ut opinari dabatur, (neque enim vidisse se quifquam, vel præsto fuisse, asseveravit) sagitta perniciose saucius ruit: spirituque mox consumto decessit, nec postea repertus est usquam. Hostium enim paucis, spoliandi gratia mortuos per ea loca diu versatis, nullus fugatorum vel accolarum illuc adire est ausus. Simili clade Cæsarem accepimus Decium, dimicantem cum barbaris acriter, equi lapsu prostratum, quem ferventem retinere non valuit, abjectumque in paludem, nec emergere potuisse, nec inveniri. Alii dicunt, Valentem animam non exhalasse confestim, sed cum Candidatis & spadonibus paucis prope ad agrestem casam relatum secunda contignatione fabre munitam, dum fovetur manibus imperitis, circumfessum ab hostibus, qui esset, ignorantibus, dedecore captivitatis exemptum. Cum enim oppressulatas januas perrumpere conati, qui secuti sunt, a parte pensili domus sagittis incescerentur, ne per moras inexpedibiles populandi amitterent copiam, congestis stipulæ fascibus & lignorum, flammaque supposita, ædificium cum hominibus torruerunt. Unde quidam de Candidatis per fenestram lapsus, captusque a barbaris prodidit factum, & eos mœrore afflixit, magna gloria defraudatos, quod Romanæ rei rectorem non cepere superstitem. Is ipse juvenis, occulte postea

reversus ad nostros, hæc ita accidisse narravit. Pari clade recuperatis Hispaniis, Scipionum alterum, cremata turri, in quam confugerat, absumtum incendio hostili comperimus. Illud tamen certum est, nec Scipioni, nec Valenti sepulturam, qui supremæ honor est, contigisse. In hac multiplici virorum illustrium clade Trajani mors eminuit, & Sebastiani: cum quibus xxxv oppetivere tribuni Vacantes, & numerorum Rectores, & Valerianus atque Equitius: quorum alter stabulum, alter curabat palatium. Inter hos etiam Promotorum tribunus Potentius cecidit in primævo ætatis flore, bono cuique spectatus, meritis Urficini patris Magistri quondam armorum suisque commendabilis. Constatque, vix tertiam evasisse exercitus partem. Nec ulla annalibus, præter Cannensem pugnam, ita ad internecionem res legitur gesta, quamquam Romani aliquoties reflante Fortuna fallaciis lusi bellicorum iniquitati cesserunt ad tempus: & certamina multa fabulosæ nenix flevire Græcorum.

XIV. Periit autem hoc exitu Valens, quinquagesimo anno contiguus, cum per annos quatuor imperasset & decem parvo minus. Cujus bona multis cognita dicemus, & vitia. Amicus fidelis & firmus, ultor acer ambitionum, severus militaris & civilis disciplinæ corrector: pervigil semper & anxius, ne propinquitatem ejus prætendens altius semet ferret: erga deferendas potestates vel adimendas nimium tardus: provinciarum æquissimus tutor, quarum singulas ut domum propriam custodiebat in-

demnes : tributorum onera studio quodam molliens singulari, nulla vectigalium admittens augmenta, in adærandis reliquorum debitis non molestus; furibus & in peculatu deprehensis iudicibus inimicus asper & vehemens. Nec sub alio Principe in huiusmodi negotiis melius secum actum esse meminit Oriens. Super his omnibus liberalis erat cum moderatione : cujus rei licet abundant exempla, unum tamen sufficiet poni. Ut sunt in palatiis nonnulli alienarum rerum avidi, si qui caducum vel aliud petisset ex usu, cum magna iustorum iniustorumque distinctione contradictori copia servata, donabat ei, qui petierat, tres vel quatuor alios absentes aliquoties impetratorum participes jungens : ut castigatius agerent inquieti, lucra, quibus inhiabant, hoc minui commento cernentes. Super ædificiis autem, quæ per diversas urbes & oppida vel instauravit, vel a primis instruxit auspiciis, ne sim longior, taceo, rebus ipsis id apertius monstrare concedens. Hæc bonis omnibus æmulanda sunt, ut existimo : nunc ejus vitia percurramus. Magnarum opum intemperans appetitor, laborum impatiens, duritiamque magis affectans immanem, in crudelitatem proclivior, subagrestis ingenii, nec bellicis, nec liberalibus studiis eruditus : alienis gemitibus libenter emolumenta fructusque conquirens, tuncque magis intolerabilis, cum incidentia crimina ad contemptam vel læsam Principis amplitudinem trahens, in sanguinem sæviebat & dispendia locupletum. Illud quoque ferri non poterat, quod, cum

legibus lites omnes quæstionesque committere videri se vellet, destinatisque velut lectis iudicibus negotia spectanda mandabat, nihil agi contra libidinem suam patiebatur: injuriosus alias & iracundus, & criminantibus sine differentia veri vel falsi facillime patens: quæ vitiorum labes etiam in his privatis quotidianisque rationibus impendio est formidanda. Cessator & piger: nigri coloris, pupula oculi unius obstructa, sed ita, ut non eminus appareret: figura bene compacta membrorum, staturæ nec proceræ, nec humilis, incurvis cruribus, exstanteque mediocriter ventre. Hæc super Valente dixisse sufficiet, quæ vera esse æqualis nobis memoria plene testatur. Illud autem præteriri non convenit, quod cum oraculo tripodis, quem movisse Patricium docuimus & Hilarium, tres versus illos fatidicos comperisset, quorum ultimus est, *Ἐν πεδίῳσι Μίμαντος αἰλα καιομένοις κάρ*; hoc, ut erat inconsummatus & rudis, inter initia contemnebat: processu vero luctuum maximorum abjecte etiam timidus, ejusdem fortis recordatione Asiæ nomen horrebat: ubi Erythræo oppido superpositum montem Mimanta, & Homerum scripsisse & Tullium doctis referentibus audiebat. Denique post interitum ejus discessumque hostilem, prope locum, in quo cecidisse existimatus est, inventus dicitur faxeus monumenti suggestus, cui lapis affixus incisis literis Græcis, sepultum ibi nobilem quendam Mimanta veterem indicabat.

XV. Post exitialem pugnam, cum jam tenebris

terrogatique super consiliis hostium, variarunt: una — de factum est, ut cruenta quaestione vexati, cervicibus perirent abscis, quid acturi venerant, aperte confessi. Omni itaque bellandi apparatu praestrueto, adventante vigilia tertia, barbari abolito praeteritorum vulnere metu, in urbis obseratos aditus multiplicatis ordinibus inundarunt, & obstinatione magnatium majore. At cum armatis provinciales & palatini ad obruendos eos excitatus exsurgebant: & cujusque modi tela, in multitudine tanta vel temere missa, cadere sine noxa non poterant. Animadversum est a nostris, iisdem telis barbaros uti, quibus petebantur. Ideoque mandatum est, ut nervis ferrum lignumque connectentibus ante jactum incis, emitterentur arcu sagittae: quae volitantes vires integras inservabant: infixae vero corporibus, nihil vigoris perdebant, aut certe, si cecidissent in vanum, illico frangebantur. Dedit autem rebus ita flagrantibus grave momentum casus admodum inopinus. Scorpio, genus tormenti, quem Onagrum sermo vulgaris appellat, e regione contra hostium aciem densam locatus, lapidem contorsit ingentem: qui, licet humo frustra illisus est, visus tamen ita eos metu exanimavit, ut stupore spectaculi novi cedentes e medio, abire tentarent. Sed buccinis optimatum monitu occinentibus, instauratum est praedium: & pari modo res Romana superior stetit, nullo ferme alio telo vel funditoris amento incassum excusso. Agmina enim praeeuntium ductorum, quos rapiendi Valentis malis lucubrationibus quæ-

siti cupiditas incendebat, secuti ceteri præ se ferebant æquiparasse discrimina potiorum: namque femineces aliqui, aut magnis obtriti ponderibus, vel confixi jaculis pectora volvebantur: nonnulli scallas vehendo, ascensumque in muros ex latere omni parantes, sub oneribus ipsis obruebantur, contrusis per pronum faxis, & columnarum fragmentis, & cylindris. Nec quemquam furentium cruoris horrenda species ad serum usque diem ab alacritate faciendi fortiter avertebat: hoc incitante, quod etiam defensorum plurimos cadere diversis ictibus videntes eminus lætabantur. Ita sine requie ulla vel modo pro mœnibus, & contra mœnia ingentibus animis pugnabatur. Et quia nullo ordine jam, sed per procursus pugnabatur & globos, quod desperationis erat signum extremæ, flexo in vesp̄am die digressi omnes rediere ad tentoria tristes, inconsideratæ dementiæ alter alterum arguentes, quod non, ut suaserat antea Fritigernus, obsidionales ærumnas ubique declinarunt.

XVI. Conversi post hæc per omne tempus noctis, ut æstivæ non longum, ad vulnere curas artesque medendi gentiles, reddita luce in varias consiliorum vias diducebantur, quorsum tenderent ambigentes: multisque dictatis & controversis, occupare statuunt Perinthum; exinde quæque divitiarum referta: docentibus omnia perfugis, etiam domorum, nequm urbium, interna noscentes. Hanc secuti sententiam, quam utilem existimarunt, itineribus lentis, miscentes cuncta populationibus & incendiis, nullo

renitente pergebant. Obfessi vero apud Hadrianopolim, post eorum apitum, cum vacare hoste loca proxima compertæ fidei nuntiaffent exploratores : egressi media nocte, vitatis aggeribus publicis, per nemorosa & devia pars Philippopolim, exindeque Serdicam, alii ad Macedoniam, cum intemeratis opibus, quas habebant, omni studio ad properandum excogitato currebant, velut in regionibus illis reperiendo Valente : quem inter medios certaminum turbineſ oppetiſſe, vel certe ad tugurium confuſiſſe (ubi exiſtimatus eſt vi periſſe flammarum) penitus ignorabant. At Gothi Hunnis Alanisque permixti nimium bellicoſis & fortibus, rerumque aſperarum difficultatibus induratis, quos miris præmiorum illecebris ſibi ſociarat ſollertia Frigerni : fixis juxta Perinthum caſtris, ipſam quidem urbem cladium memores priſtinatum nec adire, nec tentare ſunt auſi : agros vero fertiles late diſtentos & longe, ad extremam vaſtavere penuriam, cultoribus cæſis aut captis. Unde Conſtantinopolim, copiarum cūmūlis inhiantes ampliſſimis, formas quadratorum agminum inſidiarum metu ſervantes, ire ocius feſtinabant, multa in exitium urbis inclitæ molituri. Quos inferentes ſeſe immodice, obiceſque portarum pæne pulſantes, hoc caſu cœleſte repulit numen. Saracenorum cuneus (ſuper quorum origine moribusque diverſis in locis retulimus plura) ad ſortem magis expeditionalium rerum, quam ad concurſatorias habilis pugnas, recens illuc acceſſitus, congreſſurus barbarorum globo repente

conspēcto, a civitate fideh̄ter erupit: diuquē exten-
to certamine pertinaci, æquis partes discessere mo-
mentis. Sed Orientalis tur̄ma novo neque ante visō
superavit eventū. Ex ea enim crinitus quidam, nu-
dus omnia pr̄ter pubem, subraucum & lugubrē
strepens, educto pugione agmini se medio Gotho-
rum inseruit, & interfecti hostis jugulo labra admo-
vit, effusumque cruorem exfluxit. Quo monstrosō
miraculo barbari territi, postea non ferocientes ex
more, cum agendum appeterent aliquid, sed ambi-
guis gressibus incedebant. Processu dein audacia
fracta, cum murorum ambitum insularumque spatiis
im̄mensis oblongum, & inaccessible pulchritudines
urbis, & incolentium plebem considerarent im̄men-
sam, juxtaque fretum, quod Pontum disternat &
Ægæum: disiectis bellorum officinis, quas parabant,
post accepta m̄jora funera, quam illata, exinde di-
gressi sunt effusorie per Arctoas provincias: quas
peragrare licenter adusque radices Alpium Julia-
rum, quas Venetas appellabat antiquitas. His diebus
efficacia Julii magistri militiæ trans Taurum enituit
salutaris & velox. Comperta enim fatorum sorte
per Thracias, Gothos antea susceptos, dispersosque
per varias civitates & castra, datis testioribus literis
ad eorum rectores Romanos omnes, quod his tem-
poribus raro contingit, universos tanquam vexillo
erecto uno eodemque die mandavit occidi, exspe-
ctatione promissi stipendii securos ad suburbana
productos. Quo consilio prudenti sine strepitu vel
mora completo, Orientales provinciæ discrimini-

bus ereptæ sunt magnis. Hæc ut miles quondam & Græcus, a principatu Cæsaris Nervæ exorsus ad-
usque Valentis interitum pro virium explicavi men-
sura: opus veritatem professum, nunquam, ut arbi-
tror, sciens silentio ausus corrumpere vel menda-
cio. Scribant reliqua potiores, ætate doctrinisque
florentes. Quos id, si libuerit, aggressuros, procu-
dere linguas ad majores moneo filios.

D E

CONSTANTIO CHLORO

CONSTANTINO MAGNO

ET ALIIS IMPERATORIBUS

EXCERPTA

AUCTORIS IGNOTI

1912

1912

1912

1912

1912

1912

DE CONSTANTIO CHLORO CONSTANTINO MAGNO

ET ALIIS IMPERATORIBUS

EXCERPTA AUCTORIS IGNOTI

DIOCLETIANUS cum Herculio Maximiano imperavit ann. XX. Constantius, Divi Claudii optimi principis nepos ex fratre, protector primum, exin tribunus, postea præses Dalmatiarum fuit. Iste cum Galerio a Diocletiano Cæsar factus est. Relicta enim Helena priore uxore filiam Maximiani Theodoram duxit uxorem: ex qua postea sex liberos Constantini fratres habuit. Sed de priore uxore Helena filium jam Constantinum habuit, qui postea princeps potentissimus fuit. Hic igitur Constantinus, natus Helena matre vilissima in oppido Naïso atque eductus, quod oppidum postea magnifice ornavit, literis minus instructus, obses apud Diocletianum & Galerium, sub iisdem fortiter in Asia militavit: quem post depositum imperium Diocletiani & Herculi, Constantius a Galerio repetiit: sed hunc Galerius objecit ante pluribus periculis. Nam & in Sarmatas juvenis equestris militans, ferocem barbarum capillis tentis raptum, ante pedes supplicem Galerii imperatoris adduxit.

rat. Deinde Galerio mittente per paludem equo ingressus suo, viam ceteris fecit ad Sarmatas, ex quibus plurimis stratis, Galerio victoriam reportavit. Tunc eum Galerius patri remisit. Qui, ut Severum per Italiam transiens vitaret, summa festinatione veredis post se truncatis Alpes transgressus, ad patrem Constantium venit apud Bononiam, quam Galli prius Gesoriacum vocabant. Post victoriam autem Pictorum Constantius pater Eboraci mortuus est, & Constantinus omnium militum consensu Cæsar creatus. Interea Cæsares duo facti, Severus & Maximinus: Maximino datum est Orientis imperium: Galerius sibi Illyricum, Thracias & Bithyniam tenuit: Severus suscepit Italiam, & quidquid Herculus obtinebat. Postquam vero Constantius in Britannia mortuus est, & Constantinus filius successit, subito in urbe Roma prætoriani milites Maxentium filium Herculi imperatorem crearunt. Sed adversum Maxentium jussu Galerii Severus duxit exercitum. Qui repente ab omnibus suis desertus est, & Ravennam fugit: dehinc Galerius cum ingentibus copiis Romam venit, minatus civitatis interitum, & castra Interamnæ ad Tiberim posuit. Tunc legatos ad urbem misit Licinium & Probum, per colloquium petens, ut gener apud socerum, id est, Maxentius apud Galerium precibus magis, quam armis, optata mercaretur. Qui contemptus, agnovit promissis viro- rum Maxentii partes suas deseruisse: quibus perturbatus retro versus est, & ut militi suo prædam quamcunque conferret, * flamminia jussit auferri.

Ille ad Constantinum refugit. Tunc Galerius in Illyrico Licinium Cæsarem fecit. Deinde illo in Panonia relicto, ipse ad Serdicam regressus, morbo ingenti occupatus sic distabit, ut aperto & putrescente viscere moreretur, in supplicium persecutionis iniquissimæ ad auctorem scelerati præcepti iustissima poena redeunte. Imperavit ann. XIX Severus Cæsar ignobilis & moribus & natalibus, ebriosus, & hoc Galerio amicus. Hunc ergo & Maximinum Galerius Cæsares fecit, Constantino nihil tale noscente. Huic Severo Panoniæ & Italiæ urbes & Africæ contigerunt. Quo Cæsar Maxentius factus est imperator. Nam desertus Severus a suis, fugit Ravennam. Pro Maxentio filio evocatus illuc venit Herculus, qui per perjurium Severum deceptum, custodiæ tradidit, & captivi habitu in urbem perduxit, & in villa publica Appiæ viæ tricesimo milliario custodiri fecit. Postea cum Galerius Italiam peteret, ille jugulatus est, & deinde relatus ad octavum milliariū, conditusque in Gallieni monumento. Igitur Galerius sic ebriosus fuit, ut juberet temulentus ea, quæ facienda non essent, a præfecto admonitus constituerit, ne jussa ejus aliquis post prandium faceret. Interea Constantinus apud Veronam victis ducibus tyranni, Romam petiit. Cum autem ad urbem Constantinus venisset, egressus ex urbe Maxentius campum supra Tiberim, in quo dimicaret, elegit. Ubi victus, fugatis omnibus suis, inter angustias arcantis populi periit, equo præcipitatus in fluvium. Postera die corpus ipsius levatum flumine, & caput

ejus incisum, in urbem perlatum est. De cujus origine mater ejus, cum quæsitum esset, Syro quodam genitum esse, confessa respondit. Imperavit ann.... Licinius itaque ex nova Dacia vilioris originis, a Galerio factus imperator, velut adversum Maxentium pugnaturus. Sed oppresso Maxentio cum recepisset Italiam Constantinus, hoc Licinium foedere sibi fecit adjungi, ut Licinius Constantiam sororem Constantini apud Mediolanum duxisset uxorem. Nuptiis celebratis, Gallias repetit Constantinus, Licinio ad Illyricum reverso. Post aliquantum deinde temporis Constantium Constantinus ad Licinium misit, persuadens, ut Bassianus Cæsar fieret, qui habebat alteram Constantini sororem Anastasiam: ut exemplo Diocletijani & Maximianj inter Constantinum & Licinium Bassianus Italiam medius obtineret. Et Licinio talia frustrante, per Senicionem Bassiani fratrem, qui Licinio fidus erat, in Constantinum Bassianus armatur. Qui tamen in conatu deprehensus, Constantino jubente convictus & stratus est. Cum Sinicius auctor insidiarum posceretur ad poenam, negante Licinio, fracta concordia est: additis etiam causis, quod apud Æmonam Constantini imagines statuasque dejecerat. Bellum deinde apertum convenit ambobus: utriusque ad Cibalensem campum ductus exercitus. Licinio xxxv M. peditum & equitum fuere. Constantinus xx M. peditum equitum duxit. Cæsis post dubijm certamen Licinianis viginti peditum milibus & equitum ferratorum. Item Licinius cum magna parte equitatus noctis auxilio pervolavit ad

Sirmium. Sublata inde uxore ac filio & thesauris, tetendit ad Daciam : Valentem ducem limitis Cæsarem fecit. Inde apud Hadrianopolim, Thraciæ civitatem, per Valentem collecta ingenti multitudine, legatos ad Constantinum de pace misit apud Philippos constitutum : quibus frustra remissis, iterum reparato bello, in campo Mardienſe ab utroque concurritur, & post dubium ac diuturnum prælium, Licinii partibus inclinatis profuit noctis auxilium. Licinius & Valens, credentes Constantinum, quod & verum erat, ad persequendum longius a Byzantio processurum, flexi in partem Beroëam concesserunt. Ita Constantinus vehementer in ulteriora festinans,prehendit Licinium remansisse post tergum; fatigatis bello & itinere militibus. Missus deinde Mestrianus legatus pacem petit, Licinio postulante & pollicente, se imperata facturum. Denuo, sicut ante mandatum est, Valens privatus fieret : quo facto pax ab ambobus firmata est, ut Licinius Orientem, Asiam, Thraciam, Mœsiam, minorem Scythiam possideret. Deinde reversus Serdicam Constantinus hoc cum Licinio absente constituit, ut filii Constantini Crispus & Constantinus, filius etiam Licinii, Licinius Cæsares fierent, & sic ab utroque concorditer regnaretur. Itaque Constantinus & Licinius simul consules facti. In Orientis partibus Licinio, Constantino, repentina rabie fuscitatus Licinius omnes Christianos a palatio jussit expelli. Mox bellum inter ipsum Licinium & Constantinum efferbuit. Item cum Constantinus Theſſalonica esset, Gothi per negle-

Etos limites eruperunt, & vastata Thracia & Moesia prædas agere cœperunt. Tunc Constantini terrore & impetu repressi, captivos illi impetrata pace reddiderunt. Sed hoc Licinius contra fidem factum questus est, quod partes suæ ab alio fuerint vindicatæ. Deinde cum variaffet inter supplicantia & superba mandata, iram Constantini merito excitavit. Per tempora, quibus nondum gerebatur bellum civile, sed item parabatur, Licinius scelere, avaritia, crudelitate, libidine sæviebat: occisis ob divitias pluribus, uxoribus eorum corruptis. Rupta jam pace utriusque exercitus, Constantinus Cæsarem Crispum cum grandi classe ad occupandam Asiam miserat: cui de parte Licinii similiter cum navalibus copiis Amandus obstabat. Licinius vero circa Hadrianopolim maximo exercitu latera ardui montis impleverat. Illuc toto agmine Constantinus inflexit. Cum bellum terræ marique traheretur, quamvis per arduum suis nitentibus, attamen disciplina militari & felicitate Constantinus Licinii confusum & sine ordine agentem vicit exercitum, leviter femore sauciatus. Dehinc fugiens Licinius Byzantium petit: quo dum multitudo dissipata contenderet, clauso Byzantio Licinius obsidionem terrenam maris securus agitabat: sed Constantinus classem collegit ex Thracia. Dehinc solita vanitate Licinius Martinianum sibi Cæsarem [fecit.] Crispus vero cum classe Constantini Gallipolim pervenit, ubi bello maritimo sic Amandum vicit, ut vix per eos, qui in litore remanserant, vivus Amandus effugeret. Classis vero Licinii vel oppressa, vel capta

est. Licinius, desperata maris spe, per quod se viderat obsidendum, Chalcedonam cum thesauris refugit. Byzantium Constantinus invasit, victoriam maritimam Crispo conveniente cognoscens. Deinde apud Chrysopolim Licinius [pugnavit,] maxime auxiliantibus Gothis, quos Aliquaca Regalis deduxerat: cum Constantini pars vincens xxv M, armatorum fudit partis adversæ, ceteris fugientibus. Postea cum legiones Constantini per Liburnam venire vidissent, projectis armis se dediderunt. Sequenti autem die Constantia soror Constantini, uxor Licinii, venit ad castra fratris, & marito vitam poposcit, & impetravit. Ita Licinius privatus factus est, & convivio Constantini adhibitus: & Martiniano vita concessa est. Sed Herculi Maximiani soceri sui motus exemplo, ne iterum depositam purpuram in perniciem reipublicæ sumeret, tumultu militari exigentibus in Thessalonica iussit occidi; Martinianum in Cappadocia: qui regnavit ann. xix, filio & uxore superstite: quamvis omnibus jam ministris nefariæ persecutionis extinctis, hunc quoque, in quantum exercere [potuit,] persecutorem digna punitio flagitaret. Constantinus autem ex Byzantio Constantinopolim nuncupavit ob insigne victoriæ: quam velut patriam cultu decoravit ingenti, & Romæ desideravit æquari: deinde quæsitis ei undique civibus divitias multas largitus est, ut prope in ea omnes thesauros, regias facultates exhauriret. Ibi etiam Senatum constituit secundi ordinis, Claros vocavit. Deinde adversum Gothos bellum suscepit, &

implorantibus Sarmatis auxilium tulit. Ita per Constantinum Cæsarem centum prope millia fame & frigore extincta sunt. Tunc & obsides accepit, inter quos & Ariarici regis filium. Sic cum his pace firmata, in Sarmatas versus est, qui dubiæ fidei probantur. Sed servi Sarmatarum adversum omnes dominos rebellarunt: quos pulsos Constantinus libenter accepit, & amplius trecenta millia hominum mixtæ ætatis & sexus per Thraciam, Scythiam, Macedoniam, Italiamque divisit. Item Constantinus imperator primus Christianus, excepto Philippo, qui Christianus admodum ad hoc tantum constitutus fuisse mihi visus est, ut millesimus Romæ annus Christo potius, quam idolis, dicaretur. A Constantino autem omnes semper Christiani Imperatores usque hodiernum diem creati sunt, excepto Juliano, quem impiâ, ut ajunt, machinantem exitialis vita deseruit. Item Constantinus justo ordine & pio vicem vertit. Edicto siquidem statuit, citra ullam cædem hominum paganorum templa claudi. Gothorum fortissimas & copiosissimas gentes in ipso barbarico solo, hoc est, in Sarmatarum regione delevit. Calocærum quendam in Cypro, aspirantem novis rebus, oppressit. Dalmatium, filium fratris sui Dalmatii. Ejus fratrem Annibalianum, data ei Constantina filia sua, Regem regum & Ponticarum gentium constituit. Ita ut Gallias Constantinus minor regebat, Orientem Constantius, Africam, Illyricum & Italiam Constans, ripam Gothicam Dalmatius tuebatur. Item Constantinus cum bellum pararet in Persas, in suburbano Constan-

tinopolitano villa publica juxta Nicomediam, dispositam bene rempublicam filiis tradens [obiit.] Regnavit ann. xxxi. Sepultus est Constantinopoli.

Item ex libris Chronicorum inter cetera.

Igitur imperante Zenone Augusto Constantinopoli, superveniens Nepos Patricius ad Portum urbis Romæ, deposuit de imperio Glycerium, & factus est Episcopus, & Nepos factus Imperator Romæ. Mox veniens Ravennam: quem persequens Orestes Patricius cum exercitu, metuens Nepos adventum Orestis, ascendens navim fugam petit ad Salonam, & ibi mansit per annos quinque: postea vero a suis occiditur. Mox eo egresso, factus Imperator Augustulus.

Augustulus, qui ante regnum Romulus a parentibus vocabatur, a patre Oreste Patricio factus est Imperator. Superveniente Odoacre cum gente Scythorum, occidit Orestem Patricium in Placentia, & fratrem ejus Paulum ad Pineta foris Classem Ravennæ. Ingrediens autem Ravennam, deposuit Augustulum de regno, cujus infantia misertus, concessit ei sanguinem: & quia pulcher erat, tamen donavit ei redditum sex millia solidos, & misit eum intra Campaniam cum parentibus suis libere vivere. Etenim pater ejus Orestes Pannotos, qui eo tempore, quando Attila ad Italiam venit, se illi junxit, & ejus notarius factus fuerat. Unde profecit, & usque ad Patriciatus dignitatem pervenit. Ergo postquam factus est Imperator Zeno a filio suo Leone, qui natus fuerat de filia Leonis Ariad-

ne nomine, regnat cum filio suo anno uno : & merito Leonis regnum remansit apud Zenonem. Zeno vero cum filio jam regnans anno uno, imperavit annos XVI. Isauriæ nobilissimus, qui dignus esset filiam Imperatoris accipere, exercitus in arma. Perhibent de eo, quia patellas in gencula non habuisset, sed mobiles fuissent, ut etiam cursu velocissimo ultra modum hominum haberetur. In republica omnino providentissimus, favens genti suæ. Huic insidiabatur Basiliscus, ipse primus senator : quo cognito, Zeno aliquantis divitiis petiit Isauriam. At ubi ille egressus est, mox Basiliscus, qui ei, ut dictum est, insidiabatur, arripuit imperium. Basiliscus imperavit annos II. Zeno confortans Isauros intra provinciam, deinde misit ad civitatem Novam, in qua erat Theodericus dux Gothorum, filius Walameris, & eum invitavit in solatium sibi adversus Basiliscum, objectans militem, post biennium veniens, obsidens civitatem Constantinopolim. Sed quia Senatus & populus Zenonem metuentes; ne quid mali pateretur civitas, relicto Basilisco, se illi omnes dederunt aperta civitate. Basiliscus fugiens ad Ecclesiam, intra Baptisterium cum uxore & filiis ingreditur. Cui Zeno, dato sacramento, securum esse de sanguine, exiens, inclausus cum uxore & filiis intra cisterna sicca, ibidem frigore defecerunt. Zeno recordatus est amore Senatus & populi, munificus omnibus se ostendit, ita ut omnes ei gratias agerent. Senatu Romano & populo tuitus est, ut etiam ei imagines per diversa loca in urbe Roma levarentur. Cu-

jus tempora pacifica fuerunt. Odoacer vero, cuius supra fecimus mentionem, mox deposito Augustulo de imperio, factus est rex: mansitque in regno annos XIII. Cujus pater Ædico dictus, de quo ita invenitur in libris Vitæ beati Severini Monachi intra Pannoniam, qui eum admonuit, & prædixit regnum ejus futurum. Ita reperis ad locum. Quidam barbari, cum ad Italiam pergerent, promerendæ benedictionis ad eum intuitu diverterunt, inter quos & Odoacar, qui postea regnavit Italiæ, vilissimo habitu juvenis, statura procerus, advenerat: qui dum humillimum tectum cellulæ ejus suo vertice contingeret, inclinans se, a viro Dei gloriosum se fore cognovit. Cui etiam valedicenti, Vade, inquit, ad Italiam, vade vilissimis nunc pelibus coopertus, sed multis cito plurima largiturus. Interim, ut Dei famulus ei prædixerat, mox in Italia ingressus est, regnum accepit. Eodem tempore Odoachar rex memor factus, quod a viro sancto prædictum audierat, statim familiariter literas ad eum dirigens, si qua speranda duceret, dabat suppliciter optionem. Ergo vir Dei tantis itaque ejus alloquiis per literas invitatus, Ambrosium quendam exsulantem rogat absolvi: cujus Odoachar gratulabundus paruit imperaris. Igitur Odoachar rex bellum gessit adversus Rugos, quos in secundo vicit, & funditus delevit. Nam dum ipse esset bonæ voluntatis, & Arianæ sectæ favorem præberet, quodam tempore dum memoratum regem multi nobiles coram sancto viro humana, ut fieri solet, adulatione laudarent; interrogat, quem regem tantis præ-

coniis prætulissent. Respondentibus Odoacrem, inquit, qui dixit eis, Inter tredecim & quatuordecim : annos videlicet integri ejus regni significans. Zeno itaque recompensans beneficiis Theodericum, quem fecit Patricium & Consulem, donans ei multum, & mittens eum ad Italiam. Cui Theodericus pactuatus est, ut, si victus fuisset Odoachar, pro merito laborum suorum loco ejus, dum adveniret, tantum præregnaret. Ergo superveniente Theoderico Patricio de civitate Nova cum gente Gothica, missus ab Imperatore Zenone de partibus Orientis ad defendendam sibi Italiam. Cui occurrit venienti Odoachar ad fluvium Sontium, & ibi pugnans cum eodem, victus fugit. At vero Odoacer abiit in Veronam, & fixit fossatum in campo minore Veronense v Kalendas Octobris. Ibique persecutus est eum Theodericus, & pugna facta, ceciderunt populi ab utraque parte : tamen superatus Odoachar fugit Ravennam pridie Kalendas Octobris. Et perambulavit Theodericus Patricius Mediolanum, & tradiderunt se illi maxima pars exercitus Odoacris, nec non & Tufa magister militum, quem ordinaverat Odoachar cum optimatibus suis Kalend. Aprilis. Eo anno missus est Tufa magister militum a Theoderico contra Odoacrem Ravennam. Veniens Faventia Tufa, obsedit Odoacrem cum exercitu, cum quo directus fuerat ; & exiit Odoachar de Ravenna, & venit Faventiam, & Tufa tradidit Odoacri Comites Patricii Theoderici, & missi sunt in ferro, & adducti Ravennam. FAUSTO ET LONGINO. His consulibus Odoachar sex exiit de Cremona, &

ambulavit Mediolanum. Tunc venerunt Wisigothæ in adiutorium Theoderici, & facta est pugna super fluvium Adduam, & ceciderunt populi ab utraque parte : & occisus est Pierius comes domesticorum III Idus Augustas, & fugit Odoachar Ravennam, & mox subsecutus est eum Patricius Theodericus veniens in Pineta, & fixit fossatum, obsidens Odoacrem clausum per triennium Ravenna, & factum est usque ad sex solidos modius tritici. Et mittens legationem Theodericus Festum caput Senati ad Zenonem imperatorem, & ab eodem sperans vestem se induere regiam. OLYBRIUS V. C. Cos. Hoc consule exiit Odoachar rex de Ravenna nocte cum Herulis ingressus in Pinetâ, in fossato Patricii Theoderici, & ceciderunt ab utraque parte exercitus, & fugiens Levila magister militum Odoacris, occisus est in fluvio Vejente : & victus Odoacer fugit Ravenna Idibus Juliis. Igitur coactus Odoachar dedit filium suum Thelane obsidem Theoderico, accepta fide, securum se esse de sanguine. Sic ingressus est Theodericus : & post aliquot dies dum ei Odoachar insidiaretur, detectus caute ab eo præventus in palatio, manu sua Theodericus eum in Lauretum præveniente gladio interemit. Cujus exercitus in eadem die jussu Theoderici omnes interfecti sunt, quis ubi potuit reperire cum omni stirpe sua : & moritur Constantinopoli Zeno imperator, & factus est imperator Anastasius.

Theodericus enim, qui in legationem direxerat Faustum Nigrum ad Zenonem. At ubi cognita morte ejus antequam legatio reverteretur, ut ingressus

est Ravenna, & occidit Odoacrem, Gothi sibi confirmaverunt Theodericum regem, non exspectantes iussuionem novi Principis. Vir enim bellicosissimus, fortis, cujus pater Walamir dictus rex Gothorum, naturalis tamen ejus fuit: mater Ereriliva dicta Gothica, Catholica quidem erat, quæ in baptismo Eusebia dicta. Ergo præclarus, & bonæ voluntatis in omnibus, qui regnavit annos XXXIII, cujus temporibus felicitas est secuta Italiam per annos XXX, ita ut etiam pax pergentibus esset. Nihil enim perperere gessit. Sic gubernavit duas gentes in uno Romanorum & Gothorum, dum ipse quidem Arianæ sectæ esset, tamen militia Romanis sicut sub Principes esse præcepit. Dona & annonas largitus: quamquam ærarium publicum ex toto feneum invenisset, suo labore recuperavit & opulentum fecit: nihil contra religionem Catholicam tentans: exhibens ludos Circensium, & Amphitheatrum, ut etiam a Romanis Trajanus vel Valentinianus, quorum tempora sectatus est, appellaretur, & a Gothis secundum Edictum suum, quem eis constituit, rex fortissimus in omnibus judicaretur. Hic dum illiteratus esset, tantæ sapientiæ fuit, ut aliqua, quæ locutus est, in vulgo usque nunc pro sententia habeantur, unde nos non piget aliqua de multis ejus in commemoratione posuisse. Dixit: Aurum aut dæmonem qui habet, non eum potest abscondere. Item: Romanus miser imitatur Gothum: & utilis Gothus imitatur Romanum. Quidam defunctus est, & reliquit uxorem, & parvulum filium nescientem matrem. Ab aliquo sublatus est filius ejus parvulus, & ductus in

aliam provinciam, & educatus: factus juvenis quomodo revertitur ad matrem, mater enim jam sponderat virum. Cum vidisset mater, amplectitur filium, benedicens Deum, se filium revidisse, & fecit cum eo dies xxx, & ecce veniens sponsus matris, videns juvenem, interrogavit, quis esset: quæ respondit, esse suum filium. At ubi comperit esse filium ejus, coepit repetere arrhas & dicere: Aut nega filium tuum esse, aut vere abscedo hinc. Mulier compellitur ab sponso, & coepit negare filium, quem ipsa ante confessa est, & dicere, Vadè juvenis de domo mea, quia peregrinum te suscepi. Ille enim dicebat regressum se ad matrem in domum patris sui. Quid multa? Dum hæc aguntur, filius rogavit regem adversus matrem, quam rex jussit in conspectu suo sisti. Cui & dixit: Mulier, filius tuus adversus te rogat. quid dicis? est filius tuus? an non? Quæ dixit: Non est meus filius; sed peregrinum suscepi. Et dum per ordinem omnia filius mulieris intimasset in auribus regis, dicit mulieri denuo: Est filius tuus? an non? quæ dixit: Non est filius meus. Dicit ei rex: Et quæ est facultas tua, mulier? quæ respondit: Usque ad mille solidos. Et tum aliud se rex non esse facturum sub jusjurandum pollicitus est, nisi ipsum alium non acciperet maritum. Tunc confusa est mulier, & confessa est, suum esse filium. Sunt ejus & multa alia. Postea vero accepit uxorem de Francis nomine Augofladam. Nam uxorem habuit ante regnum, de qua susceperat filias: unam dedit nomine Arevagfi Alarico regi Wisigotharum in Gallia; & aliam filiam suam Theodegotham Sigismun-

do filio Gundebai regis. Facta pace cum Anastasio imperatore per Festum de præsumptione regni, & omnia ornamenta Palatii, quæ Odoachar Constantinopolim transmiserat, remittit. Eodem tempore intentio orta est in urbe Roma inter Symmachum & Laurentium. Consecrati enim fuerant ambo. Ordinante Deo, qui eo dignus fuit, superavit Symmachus. Post facta pace in Urbe Ecclesiæ, ambulavit rex Theodericus Romam, & occurrit B. Petro devotissimus, ac si Catholicus. Cui Papa Symmachus, & cunctus senatus, vel populus Romanus cum omni gaudio extra urbem occurrentes. Deinde veniens ingressus urbem, venit ad senatum, & ad Palmam populo allocutus, se omnia Deo juvante, quod retro Principes Romani ordinaverunt, inviolabiliter servaturum promittit. Per tricennalem triumphans populo ingressus Palatium, exhibens Romanis ludos Circensium. Donavitque populo Romano & pauperibus annonas singulis annis, centum viginti millia modios, & ad restaurationem palatii, seu ad recuperationem mœniæ civitatis singulis annis libras ducentas de arca vinaria dari præcepit. Item Amalafrigda germana sua in matrimonium tradens regi Wandalorum Transimundo. Liberium præfectum prætorii, quem fecerat in initio regni sui, fecit Patricium, & dedit ei successorem in administratione præfecturæ. Itaque Theodorus filius Basilii, Odoïn Comes ejus insidiabatur ei. Dum hæc cognovisset, in palatio, quod appellatur Sessorium, caput ejus amputari præcepit. Verba enim promissionis ejus, quæ populo fuerat allocu-

tus, rogante populo in tabula ænea iussit scribi, & in publico poni. Deinde sexto mense revertens Ravennam, alia germana sua Amalabirga tradens in matrimonio Herminifrido regi Toringorum: & sic ibi per circuitum placuit omnibus gentibus. Erat enim amator fabricarum, & restaurator civitatum. Hic aquæductum Ravennæ restauravit, quem princeps Trajanus fecerat, & post multa tempora aquam introduxit: Palatium usque ad perfectum fecit, quem non dedicavit: Portica circa palatium perfecit. Item Veronæ thermas, & palatium fecit: & a porta usque ad palatium porticum reddidit: Aquæductum, quod multa tempora destructum fuerat, renovavit, & aquam intromisit: Muros alios novos circuit civitatem. Item Ticenum Palatium, Thermas, Amphitheatrum, & alios muros civitatis fecit. Sed & per alias civitates multa beneficia præstitit. Sic enim oblectavit vicinas gentes, ut se illi sub foedus darent, sibi eum regem sperantes. Negotiantes vero de diversis provinciis ad ipsum concurrebant. Tantæ enim disciplinæ fuit, ut si quis voluit in agro suo argentum vel aurum dimittere, ac si intra muros civitatis esset, ita existimaretur. Et hoc per totam Italiam augurium habebat, ut nulli civitati portas faceret: nec in civitate portæ claudebantur: quis quod opus habebat faciebat, qua hora vellet ac si in die. Sexaginta modios tritici in solidum ipsius tempore fuerunt, & vinum triginta amphoras in solidum.

Eodem itaque tempore habebat Anastasius Imperator tres nepotes, id est, Pompejum, Probum, &

Hypatium : cogitans , quem de ipsis faceret post se Imperatorem , quadam die jussit eos secum prandre , & intra palatium post prandium meridiari , & singula lecta eis sterni . Et in uno lecto jussit ad capite regnum poni , & quis de ipsis in eodem lecto elegisset dormire in hoc se debere cognoscere , cui regnum postea traderet . Unus quidem in uno lecto se jactavit , duo enim in alio amore fraterno se collocaverunt . Et ita contigit , ut in illo lecto , ubi regnum positum erat , nullus eorum dormiret . Dum hæc vidisset , coepit cogitare intra se & dicere , eo quod nullus eorum regnaret : coepit orare Deum , ut illi revelatio fieret , ut scire possit , dum adviveret , qui post occasum ejus regnum susciperet . Hæc eodem cogitante & orante cum jejuniis , quadam nocte vidit hominem , qui ita eum admonuit : Crastino qui tibi primus intra cubiculum nuntiatus fuerit , ipse accipiet post te regnum tuum . Ita factum est , ut Justinus , qui comes erat excubitorum , dum advenisset ubi directus fuerat ab Imperatore , renuntiaret : ipse ei nuntiatus est primus per præpositum cubiculi . Cumque hæc cognovisset , coepit gratias Deo referre , qui ei dignatus est revelare successorem . Cumque hæc apud se tacite habuisset , quodam die procedens Imperator , dum festinus vellet a latere Imperatoris transire , obsequium ordinare vellens , calcavit chlamydem Imperatoris : cui Imperator hoc tantum dixit : Quid festinas ? Nam ultima vita regni sui temptans eum diabolus , volens sectam Eunomianam sequi : quem populus fidelis repressit , ita ut ei in Ecclesia clamaretur : In Trini-

tate lanceola non mittis. Non post multum temporis in lecto suo intra urbem Constantinopolim morbo tentus extremam clausit diem.


Igitur rex Theodericus illiteratus erat, & sic obruto sensu, ut in decem annos regni sui quatuor literas subscriptionis edicti sui discere nullatenus potuisset. De qua re laminam auream iussit interrasilem fieri, quatuor literas regis habentem, Theod. ut, si subscribere voluisset, posita lamina super chartam, per eam penna duceret, & subscriptio ejus tantum videretur. Ergo Theodericus dato consulatu Eutharico Romæ & Ravennæ triumphavit, qui Eutharicus nimis asper fuit, & contra fidem Catholicam inimicus. Post hæc Theoderico Veronæ consistente propter metum gentium, facta est lis inter Christianos & Judæos Ravennæ: quare Judæi baptizatos nolentes dum livident, frequenter oblatam in aqua fluminis jactaverunt. Dehinc accensus est populus non reservantes neque regi, neque Eutharico, aut Petro, qui tunc episcopus erat, confurgentes ad Synagogas, mox eas incenderunt: quod & in coena eadem similiter contigit. Mox Judæi currentes Veronam, ubi rex erat, agente Triwane præposito cubiculi: & ipse hæreticus favens Judæis, insinuans regi factum adversus Christianos: qui mox iussit propter præsumtionem incendii, ut omnis populus Romanus Ravennates Synagogas, quas incendio concremaverunt, data pecunia restaurarent: qui vero non habuisset unde dare, frustrati per publicum sub voce præconis ducerentur. Data præcepta ad Euthericum Cilligam, & Petrum episco-

pum secundum hoc tenore præcepit : & ita adimpletum est. Ex eo enim invenit diabolus locum, quemadmodum hominem, bene rempublicam sine querela gubernantem subreperet. Nam mox jussit ad fonticulos in proastio civitatis Veronenſis oratorium S. Stephani, idem situm altarium subverti. Item ut nullus Romanus arma usque ad cultellum uteretur vetuit. Item mulier pauper de gente Gothica, jacens sub porticu non longe a palatio Ravennæ, quatuor generavit dracones : duo de Occidente in Orientem ferri in nubibus a populo visi sunt, & in mari præcipitari; duo portati sunt unum caput habentes. Stella cum facula apparuit, quæ dicitur cometes, splendens per dies xv : & terræ motus frequenter fuerunt. Post hæc coepit adversus Romanos rex subinde fremere inventa occasione. Cyprianus, qui tunc Referendarius erat, postea Comes Sacrarum & Magister, actus cupiditate, insinuans de Albino Patricio, eo quod literas adversus regnum ejus Imperatori Justino misisset : quod factum dum revocitus negaret, tunc Boethius Patricius, qui magister officiorum erat, in conspectu regis dixit : Falsa est insinuatio Cypriani : sed si Albinus fecit, & ego, & cunctus senatus uno consilio fecimus : falsum est, domine rex. Tunc Cyprianus hæsitans, non solum adversus Albinum, sed & adversus Boethium, ejus defensorem, deducit falsos testes adversus Albinum. Sed rex dolum Romanis tendebat, & quærebat, quemadmodum eos interficeret : plus credidit falsis testibus, quam senatoribus. Tunc Albinus & Boethius ducti in custo-

dia ad Baptisterium Ecclesiæ. Rex vero vocavit Eusebium præfectum urbis Ticini, & inaudito Boethio, protulit in eum sententiam. Qui mox in agro Calventiano, ubi in custodia habebatur, misit rex, & fecit occidi: qui accepta chorda in fronte diutissime tortus, ita ut oculi ejus creparent, sic sub tormenta ad ultimum, cum fuste occiditur. Rediens igitur rex Ravennam, tractans non ut Dei amicus, sed legi ejus inimicus, immemor factus omnis ejus beneficii & gratiæ, quam ei dederat, confidens in brachio suo, item credens, quod eum pertimesceret Justinus Imperator, mittens & evocans Ravennam Johannem sedis apostolicæ præfulem, & dicit ad eum: Ambula Constantinopolim ad Justinum Imperatorem, & dic ei inter alia, ut reconciliatos hæreticos in Catholica restituat religione. Cui papa Johannes ita respondit: Quod facturum es, rex, facito citius. Ecce in conspectu tuo adsto. Hoc tibi ego non promitto me facturum, nec illi dicturus sum. Nam in aliis causis, quibus mihi injunxeris, obtinere ab eodem annuente Deo potero. Jubet ergo rex iratus navem præparari, & superimpositum eum cum aliis episcopis, id est, Ecclesium Ravenatensem & Eusebium Fanestrem, Sabinum Campanum, & alios duos simul, & Senatores Theodoro, Importuno, Agapito, & alio Agapito. Sed Deus, qui fideles cultores suos non deserit, cum prosperitate perduxit. Cui Justinus Imperator venienti ita occurrit, ac si B. Petro: cui data legatione, omnia repromisit facturum, præter reconciliatos, qui se fidei Catholicæ dederunt, Arianis restitui nullatenus

posse. Sed dum hæc aguntur, Symmachus caput senati, cujus Boethius filiam habuit uxorem, deducitur de Roma Ravennam. Metuens vero rex, ne dolore generi aliquid adversus regnum ejus tractaret, obsequio crimine jussit interfici. Revertens igitur Johannes papa a Justino, quem Theodericus cum dolo suscepit, & in offensa sua eum esse jubet: qui post paucos dies defunctus est. Ergo euntes populi ante corpusculum ejus, subito unus de turba abreptus dæmonio cecidit, & dum pervenisset cum lectulo, ubi lectus erat usque ad hominem, subito sanus surrexit, & præcedebat in exsequias. Quod videntes populi & senatores, coeperunt reliquias de veste ejus tollere. Sic cum summo gaudio populi deductus est corpus ejus foris civitatem. Igitur Symmachus Scholasticus Judæus jubente non rege, sed tyranno, dictavit præcepta die quarta feria, septimo Kalendas Septembr. Indictione iv Olybrio consule, ut die dominico adveniente Ariani basilicas Catholicas invaderent. Sed qui non patitur fideles cultores suos ab alienigenis opprimi, mox intulit in eum sententiam Arii, auctoris religionis ejus: fluxum ventris incurrit, & dum intra triduo evacuatus fuisset, eodem die, quo se gaudebat ecclesias invadere, simul regnum & animam amisit. Ergo antequam exhalaret, nepotem suum Athalaricum in regnum constituit. Sæ autem vivo fecit sibi monumentum ex lapide quadrato, miræ magnitudinis opus, & saxum ingentem, quem superponeret, inquisivit.

INDICES.



I N D E X

D I G N I T A T U M.

A

ACTUARII *numerorum militarium ratrocinia tractabant. vid. Vales. ad 20, 5. cf. 25, 10. it. 15. ubi est: Actuaris sarcinalium principis jumentorum, i. e. qui curam gerebat describendi equos sarcinales principis. vid. Casaub. ad Serr. H. A. Tom. II. p. 266.*

ADMISSIONUM magister 15, 5. i. e. qui viros honoratos in consistorium introducebat: quo dignitate proxime inferior erat, qui Admissionum Proximus dicebatur 22, 7.

AGENS in rebus 15, 3. Curiosus idem dictus, quod eum pro muneris ratione oportebat in provinciis speculari, si quid susciperetur nefario consilio, quod ad Imperatores pertineret. Eorundem Agentum in rebus erat, ut consulum nomina, victorias Augustorum & edicta provinciarum nuntiarent. *vid. Vales. ad h. l. cf. 14, 11. 16, 5 & 8. it. 22, 7. Ex agente in rebus est 22, 5. vid. Salmas.*

ad Serr. H. A. Tom. I. p. 323.

APPARITIONIS praefecturae praetorianae princeps 16, 8, i. e. officii p. p. primus s. officialium. *vid. Vales. ad h. l. cf. 15, 3. it. cap. 5 & 7. ad quem posteriorem locum itidem videndus est Valesius. cf. 19, 9. it. Salmas. ad Serr. H. A. Tom. I. p. 1010.*

APPARITOR castrensis 26, 8. i. e. qui in officio seu apparitione viri Spectabilis Castrensis sacri Palatii militabat. In eodem capite occurrit etiam apparitor largitionum. it. 17, 3. apparitor Praefectianus & Praesidialis.

ARMORUM magister 15, 5. i. e. magister militum. it. 27, 12. armorum magister per Gallias 25, 8. it. 26, 5. rationarius apparitionis armorum magistri 15, 9.

ARMATURARUM Tribunus 14, 11. i. e. qui praerat militibus in comitatibus imperatoris. *cf. 15, 5. it. 27, 2. Valesius ad 15, 5. ult. equites fuisse dicit. armaturarum rector 15, 4 dicitur.*

I N D E X

C

CAMPIDUCTORES 15, 3.

i. e. qui scientiam armorum & omnes armaturæ numeros militibus tradunt. Dicuntur & campiductores, sed, auctore Valesio ad h. l. minus bene. Idem tamen ad 19, 6 Campiductores a præcundo dictos, diversosque a campiductoribus fuisse concedit. vid. Salmas. ad Serr. H. A. Tom. I. p. 1012.

CANDIDATI alii fuerunt seniores, alii juniores. *vid. Vales. ad 15, 5. it. ad 25, 3. ubi protectores ilque delecti, proceriores quidem, intelliguntur.*

CAPITA scholarum *scil. militarium* 25, 10. *i. e. præfides, rectores.*

CASTRÀ Prætoria 16, 12. *i. e. media acies in exercitu.*

CENTURIO nitentium rerum 16, 6. *i. e. qui signorum ac statuarum ex ære ac marmore in urbe curam gerebat: noctuque cum militibus observabat, ne quis ea confringeret, aut mutilaret. Vales. vid. & Gothofredi Glossar. Nomic. Cod. Theodof. in v. nitere.*

CLARISSIMATUS 21, 16. *Nec sub eo dux quisquam cum clarissimatus provectus est.*

CLARISSIMI 28, 1. *i. e. Senatores. v. Casaub. ad Serr.*

H. A. Tom. I. p. 797. it. Tom. II. 458.

COMES Magmentianæ partis 14, 5.

— *militaris* 14, 2. *cf. 26, 5, ubi hæc sunt: nondum Magister sed comes. Nempe minor est comes magistro. Dicuntur autem comites de omni genere præpositorum.*

Comes 18, 8. *i. q. magister militum.*

— *exercitus* 24, 4. *qui equestrem turmam comitum tuebatur* 15, 4. *vid. Vales. ad h. l.*

Comes domesticorum 14, 10. *vid. Vales. ad h. l. cf. cap. 11. it. 20, 4. 26, 8.*

Comes κατ' ἐξοχὴν dictus 29, 1. *pr. comite rerum privatarum. vid. Gothofred. in Notit. Dignitat. Cod. Theodof. p. 19.*

— *rei privatæ* 22, 3. *i. e. qui præerat privato cærio principis, quod opponitur publico s. largitionibus, unde etiam Comites dicti* 14, 7. 18, 5. *it. 27, 7. ex Comite largitionum Illyrici. it. 15, 5. ex comite rei privatæ: & ibid. ex comite privatarum. Sic etiam absolute comites sacrarum occurrunt in Codice Theodof. l. 120. de Decurionibus. vid. Salmas. ad Serr. H. A. Tom. II. p. 291.*

— *maritimi tractus* 27, 8.

— *per Orientem* 19, 12.

DIGNITATUM.

- ✓ Orientis** 14, 1. i. e. cui suberant provincia Orientalis. cf. cap. 2.
- COMITATUS** imperatoris 14, 5. i. e. à la Cour de l'Empereur. Valef. -- qui comitatum sequebantur 21, 12. Hic auctore Valefio aut scholæ sùnt intelligendæ, aut milites omnes.
- CONSISTORIANI** 15, 5. i. e. Præfectus Prætorio, Quæstor Palatii, Magister Officiorum cum Comitibus ac Tribunis sacri Consistorii. In-terdum tamen Comites ac Tribuni tantum intelliguntur. cf. cap. 6.
- CONSISTORIUM** non dicitur nisi ubi Princeps est, assistentibus illis, quos ante commemoravi. vid. 15, 5. paulo ante superiorem locum, ubi Consistorium intimum dicitur; quamquam de Valefii sententia legendum potius videatur Conclave intimum.
- CONSUL** 19, 12. Simplisius — ex Præfecto & Consule.
- CONSULARIS** Syriæ κατ' ἐξοχὴν dictus, qui Syriam Cælen regebat, licet reliquis duabus Syriarum provinciis etiam consulares præessent.
- CORNUTORUM** tribunus 16, 11. cf. cap. 12, it. 31, 8.
- CORRECTORIS** dignitas 15, 5. it. potestas 27, 3.
- CUBICULARIIS** officiis præpositus 29, 2. Cubiculariorum mentio fit 16, 6. 20, 8. 30, 6.
- CUBICULI** Præpositus 14, 10. it. 21.
- CURA** 22, 3. ex Cura Palatii. Nonnulli, male quidem, legi voluerunt ex curatore P. Est enim Cura i. q. Curator. vid. Salmaf. ad Scrr. H. A. Tom. II. p. 360.
- CURATOR** urbis 14, 7. i. e. qui pecuniam reip. omninoque negotia civitatis administrat. vid. Valef. ad h. l.
- CURIALES** 22, 9. it. 27, 7. Dicuntur etiam Decuriones 28, 7. sed minus bene. Valef.
- D.
- DECURIO** Palatii 20, 4.
- DIGNITATES** ordinariæ 14, 10.
- DIOECESIS** (17, 7.) eo significatu posita, quo passim in utroque Codice Dioecesis Ægyptiaca, Africana, Pontica &c. Valef.
- DOMESTICORUM** Comes. vid. supra in v. Comes. Erant autem Domestici Apparitores seu Officiales iudicium tam civilium, quam militarium. vid. Valef. ad 15, 6. cf. 25, 5. ubi est: Domesticonum ordinis primus. vid. Protector.
- DRACONARIUS** 20, 4. i. e.

I N D E X

qui draconem portabat. Si quidem vera lectio, ac non potius cum Salmasio legendum: quo ut ordinarius utebatur. vid. Vales. ad h. l. it. Casaub. ad Serr. H. A. Tom. II. p. 484.

DUCATUM per Phœnicem regens 21, 3.

DUX 22, 11. ex Duce Ægypti. *it. cap. 14. rector. it. cap. 16. præfectus. vid. Gothofred. Notit. Dignitat. Cod. Theodos. p. 28.*

E.

EQUESTRIS Ordinis præfectus 16, 8. *Haud dubie Magister equitum indicatur, sed minus bene. Accedunt alia difficultates, de quibus vid. ipsum Valesium.*

EX—AGENTE in rebus 22, 3. *cf. 27, 7.*

ex—Comite Privatarum 15, 5. *it. rei privatae. ibid. it. largitionum 14, 7. it. largitionum Illyrici 27, 7.*

ex—Cura Palatii 22, 3.

ex—Duce Ægypti 22,

11. *cf. 14, 7.*

ex—Magistro equitum & peditum 22, 11. *cf. 14, 10.*

ex—Medico Scutariorum 16, 6.

ex—Notario 22, 3.

ex—Præfecto Ægypti

19. 12. *it. pratorio 22, 3. it. & consule 19, 12.*

ex—Primicerio Protectorum Tribunus 18, 3.

ex—Proximo libellorum 22, 9.

ex—Quæsitore Palatii 27, 3.

ex—Rege Alamannorum 29, 1.

ex—Vicario 22, 11.

27, 7. *it. ex—Vicario*

ex—Consulari—ex urbi præfecto 28, 1. *vid. Salmas. ad Serr. H. A. Tom. I. p. 493.*

F.

FABRICA Comitatenfis.

Tribunus Fabricæ Cremonensis 15, 5. *it. 14, 7.*

Tribuni Fabricarum *i. e. scutorum, armorum. vid. Vales. ad locum posteriorem.*

FORTENSES 18, 10. *i. e. milites legionis Fortensis vel potius Fretensis, unde per abusum illud nomen factum est. vid. Vales. & Lindembrog. ad h. l.*

G.

GENTILES 14, 7. *Fuerunt inter Palatinas Scholas scutariorum, ex barbaris quidem conscripti, militantes in comitatu principis. Vales. cf. 15, 5. 16, 4. 20, 8. 27, 20.*

H.

HONORATUS 15, 4. *i. e.*

DIGNITATUM.

qui civiles dignitates vel urbanas vel provinciales gesserunt: opponuntur militari-
bus. Sed tamen interdum &
hi accensentur illis.

L.

LARGITIONES *vid.* Comes.

LANCEarii Mattiarii 21,

13. *Nisi potius Lanciaril.*

LIBELLI *vid.* Magister.

M.

MAGISTER admissionum

15, 5.

— armorum 16, 7. i. e. militum. Alii autem ex eo genere magistri erant equitum, alii peditum. Illorum mentio fit 19, 8. horum 16, 2. Vocantur etiam 21, 13, pedestris equestrisque militiæ magistri. Sed non solum magistri armorum occurrunt. v. c. 15, 5. 20, 1. 27, 12. sed etiam cum additamento, v. c. per Gallias, velut 25, 8. 26, 5. Est etiam magister rei castrensis 27, 10. ii. præsidiorum 24, 4. Ceterum magistros militum etiam Comites dictos esse patet ex 18, 8. ad quem locum *vid.* *Vales.* cui videtur quodammodo repugnare, quod 26, 5. ubi sermo est de exercitu, diserte hæc dicuntur: nondum Magister, sed Comes.

— libellorum 20, 9, i.

e. libellis respondens. *vid.* *Vales.* ad h. l.

— ludi literarum 28,

4.

— memoriæ 15, 5. *Is annotationes omnes, id est, breves principis manu subscriptas, dictabat & emittebat.* cf. 27, 6.

— officiorum 15, 5. cf.

20, 2. 22, 3.

MAGISTERIUM memoriæ

29, 2. ii. peditum 14, 11.

15, 5. 16, 10 & 11. *vid.*

Salmas. ad *Serr. H. A.*

Tom. II. p. 453.

MATTIarii 21, 13. a mat-

tio, teli quodam genere, dicti.

MILITARES i. e. militari di-

gnitate præditi. v. c. 14,

5. Opponuntur Honoratis,

item Consistorianis. cf. 15,

5.

MILITIÆ rector 15, 3. in

20, 5.

MONETÆ Præpositus 22,

11. ii. Procurator 28, 1.

vid. *Salmas.* ad *Serr. H. A.*

Tom. II. p. 519.

N.

NOBILIS 14, 5 & 6. cf. 16,

10.

NOTARIUS 14, 9. i. e. qui

in Consistorio acta excipie-

bat. *vid.* *Vales.* ad 17, 5.

cf. 22, 3. 30, 2 & 5. *vid.*

& *Salmas.* ad *Serr. H. A.*

Tom. II. p. 389.

NUMERarii apparationis

magistri equitum 19, 8.

I N D E X

*Vocabantur etiam Tabularii.
Eorum erat ratiocinia tra-
flare.*

O.

OFFICIALES 27, 7.

OFFICIUM urbani Prætoris
26, 11. *i. e. deductio ejus,
quæ fiebat officii causa, quo
die magistratum inibat.*
cubiculariis officiis præ-
positus 29, 2. *Cetera vid.*
in v. Magister.

OPTIMATES (*Perfarum*)
& Satrapæ 25, 3.
e Numero Nobilium O-
ptimatum 25, 7.

ORDINARIÆ dignitates 14,
10. *i. e. civiles. vid. Valesf.*
ad h. l.

P.

PALATINÆ Scholæ 14, 7.
*i. e. cohortes militum, qui
pro Palatio excubabant. vid.*
infra in v. Schola. Hinc
etiam 18, 5. *dicitur Pala-*
tina cohors. it. 26, 6. Pa-
latinus miles. *Quamquam*
translatæ de omnibus officiis
Palatinis dici solent, quæ
proprie ad milites & ad sti-
pendia militaria pertinent.
vid. Valesf. ad locum poste-
riorem.

PALATII Decurio 20, 4.
ex—Cura Palatii 22, 3.
Palatii tui auferri jube-
bo — annonas 14, 7. *i. e.*

ministrorum Palatinorum sa-
laria.

PATRICIUS 26, 6. *Hæc di-*
gnitas, uti erat a Constan-
tino M. instituta, ceteras
omnes antebat. vid. Valesf.
ad h. l.

PERFECTISSIMUS 21, 16.
sub eo Dux quisquam cum
clarissimatu proventus est.
Erant enim — *Perfectissimi*
&c. *Nempe illa dignitas hæc*
erat major.

PRÆFECTIANUS appar-
itor 17, 3.

PRÆFECTURA 16, 8. ap-
partitionis. *Præfectura præ-*
toriana princeps. Dicitur
etiam simpliciter de præ-
toriana. vid. Valesf. ad 14,
11.

præfectura urbis 26, 3.
vicaria præfectura (Ro-
ma) 28, 1. *vid. Valesf. ad*
16, 10.

Præfectus urbi 14, 11.
cf. 21, 16. vid. Gothofredi
Notit. Dignit. Cod. Theo-
dof. p. 10.

Præfecti potestate rege-
bat urbem æternam 14,
6.

agens provincias pro
Præfectis 14, 5. *cf. 23, 1. i.*
e. Vicarius Britanniarum.
vid. Valesf. ad priorem locum.

Præfectus annonæ 28, 1.
præsidiorum præfectus
24, 2.

Præfectus prætorio 22,
3. *ii. prætorianus* 15, 13.

DIGNITATUM.

it. præfectus simpliciter 14,
7. it. 19, 12.

Præfectus prætorio Præfens 14, 1. *Lindenbrogius* Præsentem accipit pro nomine dignitatis; sed ibi significat magistrum equitum. *vid. Salmaf. ad Serr. H. A. Tom. I. p. 936. Re-Ælius* ergo nomen proprium illud esse contendit *Valesius*. Ceterum a præfecto prætoriano curam annonæ militaris suscipi debuisse *Valesius* idem docet ad 14, 10. *vid. Gothofredi Notis. Dignit. Cod. Theod. p. 4.*

PRÆPOSITUS cubiculi 14,
10. it. 16, 7.

monetæ præpositus 22,

21.

præpositus Martensium militum 26, 6. *Istiusmodi præpositos inferiores tribunis fuisse docet Vales. ad h. l.*

PRÆSENS. *vid. præfectus ult.*

PRÆSIDALIS 22, 14. i. e. qui præsidatu functus est. *Vales. Idem prædialis dicitur eodem sensu 29, 1. vid. Lindenbrog. ad 28, 1.*

prædialis apparitor 17,

3.

Tabularius prædialis officii 28, 1.

PRÆSIDIORUM magister 24, 4. it. præfectus 24, 2.

PRÆTORIANUS v. præfectura, it. præfectus.

PRÆTORIUM — Præfecti 14, 7. cf. 28, 1.

castra prætoria 16, 12. *vid. castra.*

PRÆVENTORES 18, 10. *vid. Superventor.*

PRIMANI 16, 12. *Hi sub magistro militum Præsenti inter Palatinas legiones recensentur in Notitia Imperis Rom. Orientalis &c. Vales.*

PRIMATES Curia 28, 6. cf. 15, 5. 24, 7.

PRIMICERIUS Protectorum Tribunus 18, 3. i. e. *Principes in Schola Praetorum. Vales.*

PRINCEPS 16, 8. apparitionis. præfecturæ prætorianæ princeps. *vid. Salmaf. ad Serr. H. A. Tom. I. p. 936.*

BRINCIPIORUM vertices 15, 5. i. e. tribuni, centuriones &c. principia enim sunt principales milites, qui privilegio muniuntur. *Vales.*

principia legionum & turmarum 25, 5. *vid. Salmaf. ad Serr. H. A. Tom. II. p. 273.*

cum tribunis principissæque militum 25, 8.

PRIVATUS. *vid. Comes.*

PROCURATOR monetæ 28, 1. *vid. Salmaf. ad Serr. H. A. Tom. II. p. 519.*

procurator Aegypti 17,

4.

BROMOTI inter vexillationes mercabant. *vid. Vales. ad 15, 4. it. 31, 10. ubi,*

I N D E X

Promoterum Tribunus nominatur.

PROTECTORES domestici 14, 10. Vocantur etiam protectores simpliciter aliquoties 14, 7. Eorum duæ Scholæ fuerunt: altera domesticorum equitum; altera peditum: quarum utraque suum Comitem habuit. vid. Vales. ad h. l. it. ad 15, 3. cf. 15, 5. Sed erant etiam protectores alii, qui in provincias cum Comitibus & Magistris militum mittebantur. vid. Vales. ad 14, 7. it. Salmaf. ad Serr. H. A. Tom. I. p. 716. it. Tom. II. p. 40.

PROXIMUS admissorum 22, 7.
ex — Proximo libellorum 22, 9.

Q.

QUÆSITOR pro Quæstore dictus 27, 3. Ex Quæsitore Palatii. cf. 14, 7.

R.

RATIONALIS 15, 3. ex ministro triclinii Rationalis. vid. Vales. ad h. l. it. ad 28, 2. Fuerunt autem Rationalium alii, qui in provinciis bona caduca & vacantia fisco vindicabant, alii rerum privatarum, alii lar-

gitionum sacrarum. Hi sub dispositione Comitis largitionum erant; illi sub Comite rei privatae. vid. Salmaf. ad Serr. H. A. Tom. II. p. 39.

RATIONARIUS apparitionis armorum magistri 15, 5. i. e. Officialis magistri militum, qui militarum numerorum rationes tractabat. Vales. vid. Numerarius.

RECTOR Pannoniæ secundæ 15, 3.
— Scutariorum 14, 10.
— armaturarum 15, 4.
— gentilium 15, 5.
— militiæ 20, 5. cf. 26, 5.
— pedestris militiæ 15, 4.

REGALES 16, 10. it. 12. i. e. regum filii & agnati. iisdem — non ignobilem quempiam regem, sed regalem, imposuit 17, 13. reges omnes & regales & regulos 18, 2. cf. 30, 1.
REX 29, 1. ex - Rege Alamanorum.

S.

SAGITTARII Zabdicent 20, 7. vid. Vales. ad h. l.
SATRAPÆ regis 23, 6. cf. 19, 7.
SCHOLARUM Capita 25, 10. i. e. contuberniorum. Sic & in sequentibus proprie a-

DIGNITATUM.

difficilia intelligenda sunt, sed capiuntur tamen & de iis, qui ibi habitant, versantur, conveniunt, muneris quidem causa & suscipiendorum negotiorum.

scutariorum scholæ primæ secundæque Tribuni 22, 11. cf. 26, 1.

Schola gentiliū 27, 10.

Scholis Palatinis & Protectorum 14, 7.

SCUTARII ac Gentiles 14, 7. cf. 20, 8. 27, 10.

ex — Medico Scutariorum 16, 10. *Nam singula quidem Scholæ, ut legiones, suos medicos habuere.*

Scutariorum rector 14, 10. *it.* tribunus 14, 11.

Scholæ primæ scutariorum tribuni 26, 1. cf. 22, 11.

STABULUM 20, 4. Cæsaris stabuli tribunus. cf. 14, 10. 28, 2. *Alias Comes dicebatur. vid. Gothofredi Notit. Dignitat. Cod. Theodos. p. 22.*

STRATOR 30, 5. dextram stratoris militis iussit abscidi. *Solebant autem stratores imperatorem in equum allevare, erantque sub dispositione tribuni stabuli. cf. 29.*

3. SUBREGULUS. 17, 12.

SUMMATES Palatii 28, 6. cf. 19, 1.

SUPERVENTORES atque

præventores 18, 10. *Peculiares militum ordines.*

T.

TABULARIUS Præficialis officii 28, 1. *i. e. qui tabulas publicas civitatum & rei tributariæ rationes tractat.*

TERTIACORUM equestris numerus 25, 1. *Nisi cum Lindenbrogio legendum Tertianorum.*

THALAMUS 15, 2. cui erat thalami Cæsariani cura commissa.

TOGA 15, 7. ab omni toga apparitioneque rogabatur enisus. *i. e. ab omnibus togatis. Intelligi possunt vel advocati præfecturæ urbanæ, qui togati appellabantur, vel viri honorati, qui officii causa Præfectum urbis prosequerantur.*

TRIBUNUS armaturarum 14, 11. *i. e. militum, qui in comitatu imperatoris fuere, cf. 25, 5. 27, 2.*

— Cornutorum 16, 11.

— Fabricarum 14, 7. *it.*

15, 5. *Intelligenda sunt fabricæ scutorum & armorum.*

— militaris 25, 8. *i. e. militum. Opponuntur Tribunis & Notariis. vid. 27, 5. ibique Valef.*

— insignum numerorum,

25, 7.

— scutariorum 22, 11.

26, 1.

INDEX DIGNITATUM.

—stabuli 14, 10. cf. 20,
 28, 2.
 —& Protectores 15, 7.
 —equitum turmae 21,
 11.
 —ex Campiductore va-
 cans 15, 3. *i. e. qui hono-
 rem quidem tribuni & anno-
 nas ac salaria accipit, sed
 nullum habet certum nume-
 rum, quem regat.*
TRICESIMANI Decimani-
 que Fortenses 18, 10. *i.
 e. milites legionis XXX.*
TRICLINIUM 15, 3. ex mi-
 nistro triclinii Rationalis.
*Al. ministerianus ii. mi-
 nisterialis dominicus.*

V.

VACANS *vid. Tribunus.*
VICARIUS 28, 1. *vid. Vales.*
*ad 14, 5. Vicaria Præfe-
 ctura (Rama) ibid.*

Venusto Vicariam com-
 misit Hispaniæ 23, 1.

Apparitores potestatis
 Vicariæ per Italiam 27, 7.
*vid. Gothofredi Notit. Di-
 gnitati. Cod. Theodof. p. 25.*
 ex — Vicario (Africa)
 27, 7. cf. 22, 11.

URBI Præfectus 21, 10. cf.
 14, 11.

Urbis Præfectura 26, 3.
 Curator Urbis 14, 7.

X.

XYSTARCHÆ 21, 1. *i. q.*
*Gymnasiarchæ, quos purpu-
 ratos præfuisse ex hoc loco
 intelligitur, ad quem vid.*
Insr.

Z.

ZABDICENI *vid. sagittarii.*

I N D E X

RERUM MEMORABILIUM.

A.

ADRIANUS senator, ob stuprum illatum Faustianæ atque Anephiæ, Romæ morte mulctatur. 28, 1.

Aboras fluv. Mesopotamiæ, 14, 3.

Aborigines qui. 15, 9.

Adrastra vel Nemesis quæ. 14, 11.

Adesius ex Magistro Memoriarum. 15, 5.

Ægypti l. provinciarum, earumque urbium descriptio. 22, 16.

Ægyptii litium amantes. 22, 6. quales. 22, 16. casus adversos regibus suis assignabant ac vicio vertebant. 28, 5.

Ænus, 22, 8.

Æfrica ab Austorianis & Mauricis gentibus incurfata. 26, 4.

Æfricanus Pannoniæ secundæ rector. 15, 3.

Æfricanus ex Advocato urbis rector provinciarum, cur capite truncatus fuerit. 29, 3.

Ægilimundus Subregulus Quadorum. 17, 12.

Ægilo Tribunus stabuli, Alamannus. 14, 10. ex gentiliū scutariorum Tribu-

no Magister peditum. 20, 2. Aquilejenses de morte Constantii certiores facit, & ad deditionem compellit. 21, 12. Procopio tyranno se adjungit. 26, 7. eum prodit, & cum suis ad Valentem A. transit. 26, 9.

Æginatius Vicarius Romæ, vir patriciæ stirpis, cur Romæ supplicio affectus sit. 28, 1.

Alamanni pacem cum venia a Constantio obtinent. 14, 10. apud Argentoratum acie victi a Juliano Cæs. 16, 12. a Juliano pacati. 21, 4. Gallias Rætiæque populantur. 26, 4, 5. fufis acie Romanis, Chariettonem & Severianum Comites interficiunt. 27, 1. a Jovino apud Scarponnam inopinantes oppressi. 27, 2. ab eodem apud Catalaunos acie victi, sex barbarorum millibus interfectis. *ibid.* rex Alamannorum cum paucis captus ab Ascariis, & patibulo affixus. *ib.* Alamanni trans Rhenum a Valentiniano A. fusi fugatique. 27, 10. Romanos trans Rhenum munimentum exstruentes

I N D E X

- interficiunt. 28, 2. in his Aratorem & Hermogenem duces. *ibid.*
- Alanorum*, aliarumque Scythiæ Asiaticæ gentium sedes & mores. 31, 2. hi olim Massagetæ nuncupati. *ibid.* gladium nudum humi fixum pro Marte regionum suarum præfule habent & colunt. *ibid.* Alanos Hunni armis aut patijs sibi adjungunt. 31, 3.
- Alatheus* Gothorum Greuthungorum dux, quid post transitum Istrum in Thracia adversus Romanos egerit. 31, 4. *sq.*
- Alavivus* Gothorum Thervingorum dux clarissimus, cum Fritigerno, & ejus, transito Istro, in Thracia res gestæ adversus Valentem. A. 31, 4. *sq.*
- Alexander* Syriæ consularis cur a Juliano A. factus sit. 23, 2.
- Alexandria*. 22, 16. Alexandrini medici laudati. *ibid.*
- Aliso* Tribunus Procopianarum partium. 26, 8. ejus apud Cyzicum forte factum. *ibid.* ei ob virtutem Valens parcit. *ibid.*
- Alpium* Cottiarum descriptio. 15, 11. Maritimarum item & Poeninarum. *ibid.*
- Alpius* ex Vicario Britanniarum bonis exuitur, & in exilium mittitur, veneficii reus delatus. 29, 1.
- Ammianus* Marcellinus Protector, jussu Constantii A. Ursicino Magistro militum obsequitur. 14, 9. cum eo venit Mediolanum. 14, 11. Ursicinum adjuvat in opprimendo Agrippinæ Silvano. 15, 5. cum eo in Orientem redit. 16, 10. dum puerum servat, vix Perfas evadit. 18, 6. qua arte cum Ursicino aufugerit. *ibid.* ad Satrapam Corduena Jovinianum cum Centurione missus, Saporis adventum explorat. *ibid.* Amida a Persis capta, nocte evadit, ac fuga Antiochiam petit. 19, 8.
- Ampelii* præfectura urbana qualis. 28, 4. ejus mores & dignitates. *ibid.*
- Anastasia* balneæ, Constantinopoli, a sorore Constantini cognominatæ. 26, 6.
- Anatolius* Præfectus Prætorio Illyrici. 19, 11. ejus mors. 21, 6.
- Anatolius* Magister officiorum a Juliano A. factus. 20, 9. a Persis interficitur. 25, 3. Juliani A. amicus. *ibid.*
- Anazarbus*. 14, 8.
- Anicii* supra modum avari, & prædiorum multitudine gaudentes. 16, 8.
- Anthemusia*. 14, 3.
- Antoninus* Protector ad Saporem R. P. transfugit, eumque sponte jam motum in bellum Romanum impellit. 18, 5.

RERUM MEMORABILIMUM.

Apodemius Agens in rebus. 14, 11. 15, 1 & 5. qui in Galli Cæs. & Silvani necem effrenate exarserat, vivus exustus Juliani A. jussu. 22, 3.

Apronianus Præfectus urbi a Juliano A. fit. 23, 1. cur in veneficos animadvertērit. 26, 3.

Aquileja cum duabus legionibus & cohorte sagittariorum partes Constantii adversus Julianum tueretur, & obsidionem fortiter tolerat. 21, 11.

Aquitanorum convivium lauta plerumque & munda. 16, 8. ex Aquitania vecta annonā ad castra Juliani, 17, 8.

Araharius & Usafer, Regales Quadorum. 17, 12.

Arar, Sauconna Gallis dictus. 15, 11.

Arbetio infidiat Urlicino. 14, 11. 15, 2. veniam Protectoribus impetrat. 15, 3. Magister equitum Lentiensi bello interfuit. 15, 4. Silvanum insimulat. 15, 5. Consul cum Lolliano. 15, 8. accusatus majestatis evadit. 16, 6. avarissimus. 16, 8. quæsitōr Urlicino datus. 20, 2. cum copiis a Constantio præmittitur adversus Julianum. 21, 13. Procopianos auctoritate sua ad deditiōnem adducit. 26, 9.

Arcus celestis causæ. 20, 11.

Arietis descriptio. 23, 4.

Arintheus Tribunus, adversus Lentienses fortiter facit. 15, 4. sub Juliano Persidem ingresso copiarum dux. 24, 1 & 7. 25, 5. a Joviano A. cum literis mittitur ad exercitum Gallicanum. 25, 10. Procopianos ad deditiōnem auctoritate sua compellit. 26, 8. mira de eo. *ibid.* Magister peditum familias Gothorum prædatur. 27, 5. legatus de pace ad eos mittitur a Valente. *ibid.* Persas expellit Armenia. 27, 12.

Arfaci regi Armeniæ Constantius Olympiadem, Ablabii Præf. Præt. filiam, Constantis A. fratris sui sponsam junxit matrimonio. 20, 11. fidus Romanis fuit. *ibid.* a Constantio A. ambiciosus vestibus & multis donis donatur. 21, 6. quid ei mandaverit Julianus A. Persidem petens. 23, 2 & 3. Arfaci adversus Persas auxilium ferre, conditionibus pacis prohibetur Jovianus A. 25, 7. Arfaces a Sapore per dolum captus interficitur. 27, 12.

Artemius Vicarius Præfecti urbi. 17, 11.

Attemius ex Duce Ægypti, a Juliano A. morte multatur. 22, 11.

Athanasius, rex Greuthun-

I N D E X

- gorum gentis Gothicae, a
 Valente A. transgresso I-
 strum funditur & fugatur.
 27, 5. pacem in medio
 flumine cum eo cur fece-
 rit. *ibid.* a proximis regno
 pulsus, Constantinopoli
 decessit, & ambitiosis ex-
 sequiis sepultus est. *ibid.*
 funditur & fugatur ab Hun-
 nis. 31, 3.
- Athanasius** Alexandrinus Epi-
 scopus damnatur in Syno-
 do. 15, 7. quid ei obje-
 ctum sit. *ibid.* a Liberio
 Episcopo Rom. ut damna-
 retur, Constantius obtine-
 re non potuit. *ibid.*
- Austuriani** ter Leptitanum
 agrum & Censum popu-
 lantur. 28, 6.
- B.
- Bastriani** a Parthorum regi-
 bus ægre subacti. 23, 6.
 multarum gentium domi-
 ni. *ibid.*
- Bacurius** Iberus inerti disces-
 su initium pugnae foedat.
 31, 12.
- Bainobaudes** Scutariorum Tri-
 bunus, natione Francus.
 14, 11. Barbationis fraude
 discingitur. 16, 11.
- Ballista** descriptio. 23, 4.
- Bappo** Tribunus Promoto-
 rum. 15, 4.
- Barbatio** Comes. 14, 11. Ma-
 gister peditum in Galliam
 cum magno exercitu mit-
 titur. 16, 11. adversus
- Alamannos rem male ger-
 rit. *ibid.* fugatus ab eis,
 ad Imper. Mediolanum re-
 dit. *ibid.* & sq. Juthungos
 fundit fugatque. 17, 6.
 cur cum uxore capite trun-
 catus sit. 18, 3.
- Bardi** apud Gallos qui. 15,
 9.
- Basolina**, mater Juliani A. 25,
 3.
- Basilianus** Notarius ob consul-
 tos Mathematicos fortunis
 spoliatus. 29, 2.
- Basterna** operta Romæ. 14,
 6.
- Bellovadius** insignis numeri
 Tribunus, obsequii pacis Jo-
 vianum inter & Saporem
 facta. 25, 7.
- Bitheridus**, Primas Alaman-
 nus, a Valentiniano A. re-
 gere milites iussus. 29, 4.
- Blemmyes**. 14, 4.
- Brachmanes** inter altaria cel-
 sius gradientes. 28, 1.
- Britannia** a Pictis, Saxoni-
 bus, Scottis & Attacottis
 vexata. 26, 4. 27, 8. a
 Theodosio, Theodosii A.
 patre, fufis fugatisque &
 repulsi barbaris, in inte-
 grum restituitur, & prov.
 Valentia recipitur. 28, 3.
- Britannica** annona in castel-
 la Cisthenana conveyi so-
 lita. 18, 2.
- Bubalos**, capreolos & spin-
 turnicia Egyptus alit. 22,
 15. enhydrum etiam &
 ichneumonem. *ibid.*
- Burgundiorum** Alamannorum

RERUM MEMORABILIUM.

que confinia. 18, 2. Burgundii vel Burgundiones, si victi essent ab hostibus, aut si fame laborarent, regem suum destituebant. 28, 5. sacerdotem perpetuum habebant. *ibid.* sobolem se esse Romanam dicunt. *ibid.* Alamannis confines erant. *ibid.* a Valentiniano A. per fraudem Alamanniæ immittuntur ac illuduntur. *ibid.*

Byzantium, Atticorum colonia. 22, 8.

C.

Cæsar adveniēti exercitui honoris causa occurrit. 20, 4.

Cæsius Præfectus Constantinopolis sub Valente. 26, 7.

Calatis, urbs Scythiæ. 27, 4.

Cassianus dux Mesopotamiæ. 16, 9. ad exercitum Joviani A. fame laborantem cibos affert. 25, 8.

Castorum ædes apud Ostia. 19, 10.

Cella scutariorum Tribunus. 16, 11. a Limigantibus Sarmatis interficitur. 19, 11.

Celsus rector Ciliciæ, in vehiculum receptus a Juliano A. 22, 9.

Cerealis Tribunus stabuli Valentiniani. A. 30, 5.

Charietto, vir fortitudinis miræ. 17, 10. per utramque

Germaniam Comes, ab Alamannis interficitur. 27, 1.

Chnodomarius rex Alamannorum Decentium Cæsarem acie vicit. 16, 12. diu Gallias incubavit, earumque urbes opulentas vastavit ac diruit. *ibid.* captus in fuga, & Romam ductus, ibi veterno consumitur. *ib.*

Ciliciæ, Isauriæ, Commagenæ Syriæ, Phœnices & Palæstiniæ, ac Arabiæ Cyprique, orientalium provinciarum descriptio. 14, 8.

Civilis rector Britannici præfectis. 27, 8.

Claritas & Flaviana, stuprorum & adulteriorum reæ, Romæ morte mulcantur. 28, 1.

Claudii præfectura urbana qualis fuerit. 29, 6.

Claudius ex Jovianorum numero Tribunus, ceu Procopianus in exilium a Valentiniano A. mittitur. 29, 3.

Clematii Alexandrini mors. 14, 1.

Constantianus Strator cur facis obrutus sit. 29, 3.

Constantianus, Valentiniani A. affinis, Cerealis & Justinæ A. germanus, Tribunus stabuli, in Galliis latronum insidiis excipitur, moxque interficitur. 28, 2.

Constantina, Hanniballiani regis primum, deinde Galli

I N D E X

Cæsaris uxor. 14, 1. sæva. *ibid.* virum in cædes impellit. *ibid.* dum ad fratrem suum evocata properat, ex febre interit. 14, 11.

Constantinopolis a Juliano A. incrementis maximis fulta. 22, 9.

Constantius pater Galli Cæs. & Juliani A. Constantini Maximi frater, filius Constantii A. 25, 3.

Constantius A. Arelate tricennialia celebrat. 14, 5. sævit in Magnentianos. *ibid.* Alamannis bellum infert. 14, 10. pacem petentibus dat. *ibid.* æternum se & Dominum orbis dicitat. 15, 1. Lentienses Alamannos fundit fugatque. 15, 4. Romam triumphantis more intrat. 16, 10. allocutionem exercitus sibi soli vindicat. 16, 12. literis Saporis insolentibus respondet. 17, 5. Sarmatas Quadosque populatur. 17, 12. exsulibus Sarmatis regem imponit, sedesque avitas reddit. *ibid.* Limigantes Sarmatas alio transfert. 17, 13. Julianum Cæsaris dignitate jubet esse contentum. 20, 9. Bezabden frustra oppugnat. 20, 11. domum reverso cum suis Sapore, iter reflectit, & allocutus exercitum, adversus Julianum contendit. 21, 13. Mopsucrenis ex febre mo-

ritur. 21, 15. regni ejus anni. *ibid.* ejus virtutes & vitia. 21, 16. Constantinopoli sepelitur. *ibid.*

Craugasti Nisibeni uxor a Sapore capta. 18, 10. Craugastius desiderio uxoris captivæ transfugit ad Persas. 19, 9.

Crescens Vicarius Africæ. 28, 6.

Cretio. Comes Africæ. 21, 7.

D.

Dagalaiphus Comes Domesticorum factus a Juliano A. 21, 8. in expeditione Persica Juliani A. copiarum dux. 24, 1 & 4. 25, 5. a Joviano A. rector militiæ factus. 26, 5.

Damasi cum Ursino de episcopatu Romano contentio. 27, 3.

Daphne castrum in prov. Mœsia sec. 27, 5.

Decentius Tribunus & Notarius. 20, 4.

Demochares, Pyrrhi regis Epitrotarum medicus. 30, 1.

Diabas & Adiabab fluvii Adiabænæ nomen dedere. 23, 6.

Diocles ex Comite Largitionum Illyrici, vivus ob leve delictum exurit jussu Valentiniani. 27, 7.

Diogeni dudum Bithyniæ rectori bona sua causa exitii fuere. 29, 1.

RERUM MEMORABILIMUM.

Diognitæ. 27, 9.

Doryphorianus, homo sævus & perquam audax, Romæ Vicariam Præfecturam qua ratione egerit. 28, 1. postea sub Gratiano excruciatu perit. *ibid.*

Druidæ (dicti & *Drysidæ*) apud Gallos fodalitia more Pythagoreorum habuere. 15, 9.

Dulcitus, dux inclitus. 27, 8. Valentinum in Britannia exfulantem, ac res novas molientem, jussu Theodosii capitali cum paucis poena affecit. 28, 3.

Dynamius, Actuarius sarcinalium Constantii A. jumentorum, Silvano tendit insidias. 15, 5. fit Corrector Tusciae. *ibid.*

E.

Episcoporum provincialium vini cibique parsimonia, vestitus vilis, oculi dejecti. 27, 3.

Equitius, Tribunus, cui cura Palatii credita, Valentis A. propinquus, cur ad Gothos ire obsidis loco renuerit. 31, 12. in proelio apud Hadrianopolim cecidit. 31, 13.

Equitius scholæ primæ Scutariorum Tribunus, homo Pannonius. 26, 1. paucorum susurris designatur Augustus. *ibid.* rejectus a potioribus, Va-

lentiniano populari suo, qui abiens Aug. a cunctis designatus fuerat, favet. *ibid.* nondum Magister, sed Comes, a Valentiniano A. Illyriciano exercitui præponitur. 26, 5. Magisterii dignitate augetur. *ibid.* tres aditus Illyrici obstruit Procopianis. 26, 7. Magister armorum per Illyricum, cur increpitus sit a Maximino Præf. Præt. ut pervicax & deses. 29, 6. a Quadis & Sarmatis ut Gabinii regis circumventor investigatur. *ibid.*

Eruli & Batavi. 20, 1 & 4. Erulorum & Batavorum vexillum ab Alamannis direptum, post magnum certamen recipitur. 27, 1.

Euhages Gallorum qui. 15, 9.

Euphronius, rector Mesopotamiæ. 18, 7.

Eupraxius Magister memoriæ, ob favorem acclamationem in designatione Gratiani Augusti, Quæstor a Valentiniano A. promovetur. 27, 6. fiducia ejus in admonendo Valentiniano. A. 27, 7. 28, 1.

Eusebia, prior uxor Constantii, sterilis. 16, 10. soror Eusebii & Hypatii consularium. 21, 6. forma, moribus & humanitate præstans. *ibid.* Julianum periculis exemit, &

I N D E X

Cæfarem appellandum curavit. *ibid.*

Eusebius & Hypatius consulares, fratres Eusebiæ quondam Aug. 21, 6. ab Heliodoro accusati majestatis, paulo post restituuntur in integrum. 29, 2.

Eusebius ex Comite rei privatæ. 15, 5.

Eusebius Præpositus cubiculi. 14, 11. 15, 3. divitiarum avidissimus. 16, 8. Urficino infidiatur. 20, 2. morti addictus a Juliano A. 22, 3.

Eustathius philosophus, legatus a Constantio A. ad Saporem R. P. missus. 17, 5. re infecta redit. 17, 14.

Euthérius, Præpositus cubiculi Juliani Cæs. dominum suum apud Constantium defendit. 16, 7. laudes ejus. *ibid.* Julianum aliquoties cortexit. *ibid.* antea Constanti A. honesta & recta suaserat. *ibid.* Romæ honorate consenuit. *ibid.* Euthérius, cubiculi Juliani A. Præpositus, ad Constantium A. cum ejus literis mittitur. 20, 8.

Eutropius Proconsul Asiæ, accusatus Theodorianæ conjurationis, Palsiphili philosophi constantia evasit. 29, 1.

Excubitor, Juliani A. domesticorum Comes. 20, 4.

F.

Faufiana femina non obsecrata, adulterii rea supplicio afficitur. 28, 1.

Faufina posterior uxor Constantii A. 21, 6. Faustinae ex Constantio filia postuma, nomine Constantia, Gratiano A. post nupsit. 21, 15. a Procopio tyranno sinu circumfertur præsentem Faustina. 26, 7. in agminibus & in proeliis ab eodem lectica cum matre circumfertur. 26, 9. a Quadis pæne capta est, cum duceretur Gratiano nuptura. 29, 6. qui evaserit. *ibid.*

Faustinus Notarius, ob asinum occisum tortus, & carnificis manu peremptus. 30, 5.

Felix Notarius, officiorum Magister a Constantio A. promotus, a Juliano repudiatur. 20, 9.

Felix largitionum comes. 23, 1.

Festus Tridentinus, consularis Syriæ Magister memoriæ, dein Proconsul Asiæ. 29, 2. natura crudelis & furiosus. *ibid.* sævitia ejus exempla. *ibid.*

Fidusius Prædialis, reus majestatis. 29, 1. jugulatur cum consensu. *ibid.*

Firmus Maurus, Nubelis reguli filius, Zamma fratre occiso cur a Romanis de-

RERUM MEMORABILIMUM.

fecerit. 29, 5. datis obsidibus & annona, restitutoque Icosio oppido, pacem cum Theodosio facit. *ibid.* fugit, & pretiosa quæque abjicit. *ibid.* ad Ilaenses confugit. *ibid.* ab Igmazene Ilaensium rege captus & custoditus, ne Theodosio traderetur, laqueo fauces sibi elisit. *ibid.*

Flavianus Vicarius Africae. 28, 6.

Florentius, Præfectus Prætorio Galliarum, Julianum Cæs. ad pugnandum cum Alamannis hortatur. 16, 12. Gallos tributis gravat. 17, 3. milites cum comitatu ad Julianum adducit. 18, 2. repugnat Cæsari. *ibid.* Juliano Aug. consalutato, aufugit. 20, 8. a Constantio A. Præfectus Prætorio per Illyricum, & cum Tauro consul factus. 21, 6. Consul etiamtum, absens damnatur, nec nisi latebris mortem evadit. 22, 3.

Florentius Officiorum Magister. 20, 2. Nigriniani filius, deportatur in insulam Boas jussu Juliani Aug. 22, 3.

Florentius & Barchalba Tribuni, qui Procopium tyrannum victum ad Valentem Aug. adduxerant, cum ipso interfecti. 26, 9.

Florentius Præfectus Prætorio Galliarum. 27, 7. ejus

in admonendo Valentiniano libertas. *ibid.*

Florentius, Germaniæ dux. 29, 4.

Fortunatianus Comes. 29, 1. *Francorum* in palatio Constantii multitudo floruit. 15, 5. Colonia Agrippina a Francis obsessa & capta. 15, 8. sexcenti Franci a Juliano Cæs. capti. 17, 2. Franci Salii & Chammavi, hi ad pacem, illi ad deditionem compulsi. 17, 8. Franci Attuarii, post plurimos suorum captos & occisos, pacem a Juliano Aug. petunt obtinentque. 20, 10. Franci & Saxones Gallicanos tractus infestant. 27, 8.

Fraomarius Bucinobantum gentis Alamannæ contra Mogontiacum, rex a Valentiniano A. factus. 29, 4. deinde Tribunus numeri Alamannorum in Britannia. *ibid.*

Frigeridus dux Gratiani A. Farnobium Optimatem cum multis Gothis & Taisalis cædit; reliquos in Italiam Circumpadanam transfert. 31, 9.

Fritigernus Gothorum Thervingorum rex vel dux præcipuus, quid rerum in Thracia post transitum Istrum gesserit, & ut Valentem instructa acie victum interfecerit. 31, 4 — 16.

I N D E X

Fullosautes dux, in Britannia inf. a barbaris circumventus. 27, 8.

G.

Gabinus rex Quadorum fraude Romanorum occisus. 29, 6.

Galliarum limites. 15, 10. Galliarum nationes præcipuæ. 15, 11. provinciæ Galliæ, & clarissimæ singularum urbes. *ibid.* quorum ductu a Romanis subactæ sint Galliæ. 15, 12.

Gallorum origines. 15, 9. mores. 15, 12. Gallorum apud Amidam obsessorum fortitudo. 19, 5 & 6. Galli Julio mense expeditiones suas inchoant. 17, 8. Gallicanæ legiones imperiorum arbitras se ferebant. 30, 10.

Gallus Cæsar sævus. 14, 1. ejus immanitas. 14, 7. paulatim exarmatur a Constantio. *ibid.* Domitianum Præfectum Præt. & Montium Quæstorem interficiendos militibus tradit. *ibid.* sævit in multos insones. *ibid.* in Epigonium & Eusebium philosophos animadvertit. 14, 9. evocatur a Constantio A. 14, 11. capite truncatur. *ibid.* ejus parentes, & forma. *ibid.*

Gaudentius Agens in rebus.

15, 3. Notarius, actuum Juliani Cæs. explorator. 17, 9. Africam servat Constantio. 21, 7. a Juliano A. morte afficitur. 22, 11.

Gaudentius Scutarius a Valentiniano adversus Procopium Africæ præsidio destinatus. 26, 5.

Georgius Alexandrinus Episcopus, ab Alexandrinis cur tractus & dilaniatus sit cum Dracontio Præposito monetæ & Diodoro. 22, 11.

Germanianus Præfectus Prætorio Galliarum. 26, 5.

Gildo Firmi regis frater. 29, 5. & Mascizelis. *ibid.*

Gothi Thracias populantur. 26, 4. ob auxilia missa Procopio, triennio oppugnantur a Valente. A. 27, 5. pacem cum eo datis obsidibus faciunt. *ibid.* ab Hunnis sedibus suis expelluntur. 31, 3. Gothorum alii permisso Valentis, transportantur in Thraciam, alii furtim ratibus Istrum transeunt. 31, 4. Gothi, fame pressi ac male habiti, rebellant, ac Lupicinum cum suis fundunt. 31, 5. Valentem Imp. acie vincunt atque interficiunt. 31, 13. Hadrianopolim victoria sua elati oppugnant, & omnia frustra experti, re infecta discedunt. 31, 15. Hunnis Alanisque auro sibi adjun-

RERUM MEMORABILIUM.

etis, frustra Constantino-
polim tentant. 31, 16.
Gratianus a Valentiniano Au-
gustus consentientibus mi-
litibus Gallicanis appella-
tur. 27, 6. cum patre Rhe-
num transit, & Alaman-
niam intrat. 27, 10. apud
signa Jovianorum retro de-
tinetur ob ætatem bello
immaturam. *ibid.* Lentien-
ses Alamannos vincit apud
Argentariam. 31, 10. ejus
indoles. *ibid.* ad Valentem
patrum scribit, eique au-
xilium adversus Gothos
ferre properat. 31, 11.
cur Valenti invisus. 31, 12.
Grumbates rex Chionitarum,
filium apud Amidam amit-
tit. 19, 1.
Gumoharius Constantio factus
Magister armorum per Gal-
lias, a Juliano A. non re-
cipitur. 20, 9. Tribunus
scutatorum, Vetrанием
prodidit. 21, 8. Gomoa-
rius a Constantio A. cum
copiis præmittitur adver-
sus Julianum. 21, 13. a
Procopio tyranno copiis
præficitur. 26, 7. ad Va-
lentem transit. 26, 9.
Gundomadus Alamannorum
rex pacem cum Constan-
tio jungit. 16, 12. Vado-
maril frater, per insidias
interimitur. *ibid.*

H.

Hanniballianus rex. 14, 1.

Hariobaudes Vacans Tribu-
nus, natione Alamannus,
ad Hortarium regem Alam.
a Juliano Cæs. legatus mis-
sus. 18, 2. redit ad Julia-
num. *ibid.*

Hariobaudus Alamannorum
rex, Macriani frater, cum
Juliano pacem componit.
18, 2.

Hatra oppidum. 25, 8.

Helena Constantii A. soror,
Juliano Cæs. nubit. 15, 8.
Romæ potionata ab Euse-
bia A. immaturum abjicit
partum. 16, 10. moritur
Viennæ, & Romæ in sub-
urbano viæ Nomentanæ
prope sororem suam Con-
stantinam conditur. 21, 1.

Heliopeleos descriptio. 23, 4.

Heliodoros, ex mercatore ga-
ri celeberrimus. 29,
2. delator pessimus, Eu-
sebius & Hypatius fra-
tres, consulares, falso ma-
jestatis accusat. *ibid.* repen-
tina morte perit. *ibid.*

Helpidius Præfectus Præto-
rio Orientis. 21, 6. quis
& qualis. *ibid.*

Hermogenes Ponticus, Præ-
fectus Prætorio Orientis.
19, 12. moritur. 21, 6.

Hesperius Proconsul Africæ.
28, 6.

Hesychia matrōna cur ore &
naribus occlusis se pere-
merit. 28, 1.

Hierocles, Alypii ex Vicario
Britanniarum filius ado-
lescens, beneficii cum pa-

I N D E X

- tre accusatus, casu mortem evasit. 29, 1.
- Hieroglyphica* notæ. 17, 4.
- Honoratus* Comes Orientis. 14, 1. ejus constantia. 14, 7.
- Hormisdæ*, frater Saporis, regis Persarum. 16, 10. ejus ad Constantium A. dictum. *ibid.* ejus de Roma sententia. *ibid.* Juliani A. in bello Persico copiarum dux. 24, 1. ei insidiantur Saraceni Assanitzæ. 24, 2. Parifaborenses eum desertorem appellitant. *ibid.* eos Hormisdæ colloquio suo ad deditionem adducit. *ibid.* ipsum lacerat probris Nabdates Persa, ac vivus exuritur. 24, 5.
- Hormisdæ*, Hormisdæ regalis filius, Proconsul fit a Procopio tyr. 26, 8. milites Valentis A. ipse cum uxore fuga vix evadit. *ibid.* uxoris opera periculis postea magnis eximitur. *ibid.*
- Hortarius* Alamannorum rex. 16, 12. veniam a Juliano Cæs. impetrat. 17, 10. fœdus servat. 18, 2.
- Hortarius*, Primas nationis Alamannæ, rector militum, propter missas clam ad Macrianum regem Alam. literas vivus comburitur. 29, 4.
- Hunnorum* & Alanorum fœdes & mores. 31, 2. Hunni marium infantium genas ferro altius fulcant; unde imberbes senescunt. *ibid.* pelles murium in usu habent. *ibid.* galeris incurvis capita tegunt. *ibid.* cur libere ingredi non valeant. *ibid.* equis suis prope semper affixi. *ibid.* hostes contortis laciniis illigant, ut laqueatis resistentium membris equitandi vel gravandi adimant facultatem. *ibid.* Hunni Alanos armis aut pactis sibi adjungunt. 31, 3. Gothos invadunt, ac plerosque sedibus suis pellunt. *ibid.*
- Hymetius* Proconsul Africae. 28, 1. cur relegatus sit in Dalmatiam. *ibid.*
- Hypatii* Consularis, fratris Eusebiæ quondam Aug. laudes. 29, 2.
- I.
- Iconium* Pisidiæ oppidum. 14, 2.
- Immo* Comes Aquilejam jussu Juliani A. obsidet. 21, 12.
- Imperatores* Romani in consulatu collegas sibi privatos adjungere dedignati. 23, 1. ob nuncupationem Augustam donativum militibus erogare soliti. 26, 2.
- Jovinus* Magister equitum. 21, 12. eum Jovianus A. misso Arinthæo cum literis, Magisterium armorum per Gallias retinere jubet. 25, 10. Magister equitum per

RERUM MEMORABILIMUM.

Gallias Alamannos per Belgicam diffusos tribus præliis fundit. 27, 2. reversus. Parisios, a Valentiniano A. Consul designatur. *ib.* Jovinus Magister rei castrensis cum Valentiniano A. ad bellum Alamannicum proficiscitur. 27, 10. Theodosium successorem accipit. 28, 3.

Jovianus Protector domesticus, Constantii A. corpus loculo conditum cum regia pompa vehiculo infidens Constantinopolim prosequitur. 21, 16. Jovianus Domesticorum ordinis primus, fit Imperator. 25, 5. ignominiosam pacem cum Sapore facit. 25, 7. Jovianum Gallicanus exercitus per legatos salutat, & pro Imperatore habet. 25, 10. Ancyra Consulatum init, ascito in collegium trabæ Varroniano filio infantulo. *ibid.* moritur Dadastanæ. *ibid.* mortis ejus subitæ causæ. *ibid.* mores ejus. *ibid.* pater ipsius Varronianus, paulo ante filium mortuus. *ibid.* Joviani corpus Constantinopoli inter Augustorum reliquias conditur. 26, 1.

Jovianus Notarius. 24, 4. primus inter Notarios omnes, cur Joviani A. jussu necatus sit. 25, 8.

Joviarorum & Herculianorum principes. 22, 3.

Jovius Quæstor a Juliano A. factus. 21, 8.

Iphicles philosophus Cynicus, ab Epirotis legatus ad Valentinianum A. missus, ut Probum Præf. Præt. apud Imperatorem laudaret. 30, 5.

Isaurorum incursiones. 14, 2, 3. Isauri Pamphyliam & Ciliciam infestant. 27, 9. Musonium Vicarium Asiæ cum suis interficiunt. *ibid.* pacem datis obsidibus obtinent. *ibid.*

Julianus a Constantio fratre patrueli Cæsar appellatur, Galhisque præficitur. 15, 8. Coloniam Agrippinam recipit, & cum Francorum regibus pacem facit. 16, 3. apud Senonas ab Alamannis obsidetur. 16, 4. dotes ejus. 16, 5. Julianus Cæf. fulis aut cæsis Alamannis, Tres-Tabernas reparat. 16, 11. suos hortatur ad pugnam. 16, 12. Alamannos apud Argentoratum magno prælio superat. *ibid.* transit Rheno Alamanniam populatur. 17, 1. sexcentos Francos capit. 17, 2. castella ad Rhenum reparat, & flumen transgressus V Alamannorum reges ad pacem petendam, captivosque reddendos compellit. 18, 2. Parisiis Augustus a militibus per vim consulatur. 20, 4. ad Constantium A.

I N D E X

duos legatos cum literis mittit. 20, 8. transito Rhe-
no, regionem Francorum
Attuariorum pervadit. 20,
10. milites suos alloqui-
tur, & in verba sua adi-
git, Constantio bellum il-
laturus. 21, 5. armatus
transcurrit Illyricum. 21,
10 *sq.* comperta morte
Constantii per legatos,
Thracias & Constantino-
polim petit, ac toto im-
perio potitur. 22, 2. An-
tiochia egressus, exerci-
tum in Persas ducit. 23,
2. Assyriam ingreditur. 24,
1. post aliquot ibi oppida
& castella deditiōe aut vi
capta, dum se intectus
proeliis inserit, interfici-
tur. 25, 3. ætas ejus *ibid.*
parentes. *ibid.* virtutes ejus
& vitia. 25, 4. forma ejus-
dem & statura. *ibid.* cor-
pus ejus Tarsum a Pro-
copio propinquo deporta-
tatum & in suburbano con-
ditum, ut jusserrat. 23, 2.
25, 5.

Julianus ex Vicario, a Juliano
A. morte afficitur. 22, 11.

Julianus Tribunus legionis,
a Persis cæsus, 25, 6.

Julius Comes per Thracias.
26, 7. astu capitur a Pro-
copio tyr. *ibid.* Magister
militem trans Taurum,
per orientales provincias
Gothos eadem die atque
hora omnes interfimendos
curat. 31, 16.

Junius Bassus, Præfectus ur-
bi. 17, 11.

Justina mater Valentiniani
Aug. 30, 10.

Juthungi, Alamannorum pars,
a Barbatione victi. 17, 6.

Juvenius Quæstor. 26, 4. ex
Quæsitore Palatii Præfe-
ctus urbi genere Panno-
nius. 27, 3.

L

Lasi vel *Leti* Lugdunum in-
vadunt. 16, 11. qui fue-
rint. 20, 8.

Lampadius Præfectus Præ-
torio. 15, 5. ex Præfecto
Prætorio Præfectus urbi.
27, 3. vanus admodum &
inanis gloriæ affectator.
ibid. ejus domus a plebe
facibus injectis & malleo-
lis cur petita. *ibid.* ejusdem
secessus ad Mulvium pon-
tem. *ibid.* Lollianus Lam-
padii ex Præfecto filius
adolescens, cur capite
truncatus sit. 28, 1.

Laniogaisus Tribunus, natio-
ne Francus, Silvano po-
pulari suo fidus. 15, 5.
solus affuit morituro Con-
stanti A. *ibid.*

Lauricius Comes Isaurorum
lattrocinia compefcit. 19,
13.

Latinus Domesticorum Co-
mes, Alamannus genere,
14, 10.

Lentenses Alamanni primo vi-
ctores, mox victi fusique

RERUM MEMORABILIMUM.

a Constantio. 15, 4. prælio superati a Gratiani ducibus regem Priarium amittunt, & datis tironibus domum redire permittuntur. 31, 10.

Leo rationes numerorum militarium tractans, Valentiniano principi designato, populari suo favet. 26, 1. exitialis postea Magister Officiorum. *ibid.* Leo Notarius, post Officiorum Magister, crudelis & humani sanguinis avidissimus. 28, 1. cur Probum Præf. Præt. invisum Principi Valentiniano reddiderit. 30, 5.

Leonas Quæstor cum literis ad Julianum a Constantio A. missus. 20, 9.

Leontius Quæstor, post Præfectus urbi. 14, 11. qualis in Præfectura urbana. 15, 7.

Liberius Antistes urbis Romæ, quod Athanasium inauditum damnare nollet, in exilium jussu Constantii A. missus. 15, 7.

Limigantes Sarmatæ a Constantio A. victi, alias in sedes transferuntur. 17, 13. dum Constantium A. invadunt, maxima suorum strage reprimuntur. 19, 11.

Lucillianus Domesticorum Comes. 14, 11. Lucillianus Comes legatus mittitur ad Saporem P. R. 18, 6. Magister equitum per

Illyricum, a Juliano A. opprimitur. 21, 9. Magister equitum & peditum a Joviano A. genero suo factus. 25, 8. Remis cum Seniaucho Tribuno occiditur. 25, 10.

Lucillianus Comes & Constantianus Tribunus, classis Juliani A. ductores. 23, 3. Lucillianus imperitia præceps. 24, 1.

Lupicinus Magister militum per Gallias. 18, 2. in Britanniam adversus Scotos & Pictos proficiscitur. 20, 1. inde revertitur. 20, 9. a Joviano A. promotus Magister equitum per Orientem. 26, 5.

Luscus Curator urbis. 14, 7.

Luto Francus. 15, 6. interficitur. *ibid.*

M.

Macrianus Alamannorum rex pacem cum Juliano init. 18, 2. cum Valentiniano. 30, 3. fidus postea Romanis focius & amicus. *ibid.* dum Franciam vastat, insidiis circumventus perit. *ibid.*

Macrobius Tribunus in bello Persico cæsus. 25, 6.

Magentiaca legiones duæ erumpunt noctu Amida, & in castris Persarum magnam edunt stragem. 19, 5 & 6.

Magnus Tribunus. 27, 6.

I N D E X

Malarichus, Gentilium Tribunus, Francus, Silvani Magistri peditum popularis sui amicus. 15, 5. & defensor. *ib.* Magisterium militum per Gallias sibi a Joviano A. delatum recusat. 25, 10.

Malleoli descriptio. 23, 4.

Mallobaudes vel *Mellobaudes* armaturarum Tribunus. 14, 11. 15, 5. Mellobaudes, bellicosus Francorum rex, Macrianum Alamannorum regem in Francia grassantem insidiis circumvenit ac interficit. 30, 3. Comes Domesticorum Gratiani, rexque Francorum, Lentienfes Alamannos fundit fugatque. 31, 10.

Mamertinus Comes largitionum a Juliano A. fit. 21, 8. Consul cum Nevitta. 21, 10. Præfectus Præt. per Illyricum. 21, 12. Præfectus Præt. Italiæ & Illyrici. 26, 5. ab Avitiano peculatus accusatur. 27, 7.

Maratocupreni piratæ in Syria, jussu Valentis A. cum conjugibus & liberis ac viro suo omnes ad unum deleti. 28, 2. eorum repentina & astuta latrocinia. *ibid.*

Marcellianus, filius Maximini Præf. Præt. dux per Valeriam. 29, 6. Gabinium regem Quadorum fraude deceptum occidit. *ibid.*

Marcellus Magister militum

per Gallias. 16, 2. obfesso apud Senonas Juliano Cæs. auxilium non tulit. 16, 4. ob id sacramento solvitur. 16, 7.

Marcellus Protector, Procopii cognatus, Nicææ & Chalcedone a paucis appellatur Augustus. 26, 10. missis militibus in custodiam conjicitur, deinde interficitur. *ibid.*

Marinus Tribunus cur se ultro trajecerit. 15, 3.

Martinus Vicarius Britanniarum. 14, 5. cur se ipse interfecerit. *ibid.*

Masfaucio domesticus Protector, Cretionis Comitiss filius, in Africæ præsidium a Valentiniano A. missus. 26, 5.

Massagetæ Alani appellati. 23, 5.

Massilia quando & a quibus condita fit. 15, 9.

Mavortius Præfectus Prætorio. 19, 11.

Mauricæ gentes. 30, 7.

Mauricius Tribunus. 25, 8.

Maurus, Perulantium Hastatus, postea Comes, capiti Juliani torquem imposuit. 20, 4. Frigerido successor datur a Gratiano. 31, 10.

Maximinus Præfectus annonæ. 28, 1. ejus patria, genus, & parentes, ac dignitates. *ibid.* Vicarius Præf. multos etiam senatores & senatoriæ stirpis mulieres, maleficiorum &

RERUM MEMORABILIMUM.

- adulteriorum Romæ damnat ac capite truncat. *ibid.* Præfectura Prætoriana augetur. *ibid.* etiam absens per Vicarios & emissarios suos in nobilitatem Romanam sævit. *ibid.* sub Gratiano postea damnatus, capite truncatur. *ibid.* Præfectus Prætorio Valentinianum ad crudelitatem impellit. 29, 3. castra in Quadorum terris ædificari maturat. 29, 6.
- Maximus** Senator, a Juliano A. in locum Tertulli urbi præficitur. 21, 12.
- Maximus** Tribunus legionis a Persis interfectus. 25, 6.
- Maximus** Philosophus patria Ephesus. 29, 1. Juliani Apostatæ præceptor. *ib.* inter Theodori conscios nominatus, capite truncatur. *ibid.*
- Memorius** Præses Ciliciæ. 23, 2.
- Menophilus** spado Drypetinam Mithridatis regis filiam cur interfecerit. 16, 7.
- Mercurius** Rationalis, delator. 15, 3. somniorum Comes cur dictus. *ibid.*
- Meribanes** Hiberiæ rex vestibus & donis donatus a Constantio A. 21, 6.
- Merobaudes** apud Gratianum A. plurimum potuit. 28, 6. Magister peditum cum suis a Valentiniano A. præmissus ad vastandos Quadorum pagos. 30, 5. Valentiniano mortuo Sebastianum Com. longius amandat, & Valentinianum juniorem Augustum appellandum curat. 30, 10.
- Messalla** provinciæ Pannoniæ rector, Constantiam Constantii A. filiam periculo captivitatis liberat. 29, 6.
- Metrodori** Philosophi mendacium, causa belli Persici fuit, 25, 4.
- Milites** Romanistantes cibum fumebant in castris. 25, 4.
- Minervius** ex Consulari, nomine & decreto senatus R. legatus mittitur ad Valentinianum A. 28, 1.
- Modestus** Comes p̄r Orientem. 19, 12. Præfectus Prætorio de conjuratione Theodori Notarii cognoscit. 29, 1. Valenti adulatur. *ibid.* Valentem A. a cognitione causarum revocat. 30, 4. ejus magistratus. *ibid.*
- Mæsiacorum** numeri duo. 20, 1.
- Mopsuestia** Mopfi vatis domicilium. 14, 8.
- Musonianus**, qui & Strategus, Præfectus Prætorio Orientis, qualis. 15, 13. Persas ad pacem hortatur. 16, 9.
- Musonius** Vicarius Asiæ, qualis vir fuerit. 27, 9.

N.

Nassus, urbs Daciæ mediterraneæ. 21, 10.

I N D E X

Nannenus Comes a Saxoni-
bus vulneratur, & aliquot
ejus milites interficiuntur.
28, 5. *Nannenus* vel *Nan-*
nienus dux Lentienses Ala-
mannos proelio superat.
31, 10.

Natuspardo scutarius, in bel-
lo Alamannico *Valentinia-*
ni cadit. 27, 10.

Nebrius Comes *Orientis*. 14,
2. ex *Quæstore* *Juliani* Cæs.
Præfectus *Prætorio* *Galli-*
arum. 20, 9. jurare in
verba *Juliani* A. recusat,
& ab ipso servatus, sece-
dit in *Tusciam*. 21, 5. in
locum *Sallustii* *Præfectus*
Prætorio promotus. 26,
7.

Nestarius Comes maritimi
tractus, in *Britannia* a bar-
baris cæsus. 27, 8.

Neotherius *Notarius*, in *Afri-*
cam a *Valentiniano* A. mis-
sus. 26, 5. post *Consul*
factus. *ibid.*

Nestica *Tribunus* scutario-
rum. 17, 10.

Nevitta adversus *Juthungos*
fortiter facit. 17, 6. *Ma-*
gister armorum per *Galli-*
as a *Juliano* A. factus in
locum *Gumoharii*. 21, 8.
Consul cum *Mamertino*.
21, 10. dux *Juliani*. 24,
1 & 4. 25, 5.

Nicomedia terræ motu pro-
strata, & de terræ motibus.
27, 7.

Nigrinus, turmæ equitum
Tribunus, *Aquilejam* Con-

stantio diu vindicat ad-
versus *Julianum*. 21, 11.
vividus exurit. 21, 12.

Nileus filius *Codri*, *Athenien-*
sium coloniam *Miletum*
inter *Jonas* deducit. 28,
1.

Nisibis a *Joviano* A. *Perfis*
ex pacto tradita, frustra
deprecantibus oppidanis.
25, 8.

Nehodares *Optimas* *Persarum*
& dux. 14, 3.

Novidunum, urbs aut castrum
provinciæ *Scythiæ*. 27, 5.

Nymphæum *Marcus* condidit
Imperator. 15, 7.

O.

Obeliscus *Romæ* in *Circo* *Ma-*
ximo constitutus : & de
Obeliscis. 17, 4.

Ottavianus *Proconsul* *Africæ*
a *Juliano* A. factus. 23,
1. 29, 3.

Odyssus, urbs provinciæ *Moe-*
sici inferioris seu secundæ.
27, 4.

Olybrius, *Præfectus* urbi,
diuturno morbo laborat.
28, 1. *Præfectura* ejus ur-
bana lenis & moderata.
28, 4. ejus luxur. *ibid.*

Orfitus *Præfectus* urbi. 14,
6. iterum. 16, 10. ex *Præ-*
fecto urbi a *Terentio* pi-
store peculatus reus de-
fertur. 27, 3. *Vulcatii* *Ru-*
fini opera solutus exilio,
a *Valentiniano* A. bonis

RERUM MEMORABILIMUM.

fuis & lajibus redditur.

27, 7.

Orientis provinciarum de-
scriptio. 14, 8.

Osdruena regio. 24, 1.

P.

Palladius, Tribunus & No-
tarius, donativum mili-
tium in sinum suum con-
gerit. 28, 6. a Romano
Comite corruptus. *ibid.*
post detectam ejus frau-
dem capitur, & observa-
ta custodum absentia, la-
queo se suspendit. *ibid.*

Para, Arsacis Armeniorum
regis filius, post cædem pa-
tris ad Romanos confu-
git, & cum paucis jussu
Valentis Neocæsareæ libe-
raliter curatur, 27, 12.
per Terentium ducem re-
ducitur in Armeniam. *ib.*
metu Persarum latet in
silvis. *ibid.* Cylacem &
Artabannem fraude Sapo-
ris deceptus occidit. *ibid.*
Tarsi specie obsequiorum
custoditus, cum CCC po-
pularibus fugit, & equis
regnum repetit. 28, 1. a
Trajano duce in convivio
interficitur. 30, 1.

Parisi. 20, 4.

Parium condidit Jasonis filius
Parius. 22, 8.

Parthenium mare, alias Issia-
cum. 22, 15.

Parthici imperii initium. 23,
6.

Paternianus Notarius Valen-
tiniani A. 30, 4.

Paulus Notarius, delator.
14, 5. 15, 3. a Martino
Vicario Britanniae vulne-
ratur. 14, 5. grassatur. 19,
12. vivus comburitur. 22,
3.

Pentadius Notarius. 14, 11.
constanti defensione Ju-
liani iram evasit. 22, 3.

Pentadius Juliani A. Officio-
rum Magister. 20, 8.

Pentapolis vel Cyrenaica. 22,
16.

Persæ silentium pro Deo ha-
bent. 21, 13. octodecim
regni Persarum majores
provinciæ describuntur.
23, 6. Persarum habitus
& mores. *ibid.* a Trajano
& Vadamario vincuntur.
29, 1.

Petronius focer Valentis A.
ex Præposito Martensium
militum Patritius, dirus
& avarus. 26, 6.

Petulantes & Celtæ, numeri
militares in Gallia. 20, 4.
Petulantium signa. *ibid.*
Petulantes & Celtæ Julia-
num Augustum declarant.
ibid. signa Petulantium &
Celtarum. *ibid.* Petulantes
& Celtæ repulsa Juliani
A. non offenduntur, 20,
5. Petulantium & Celta-
rum immoderata sub Ju-
liano A. licentia. 22, 12.

Phalangius Bæticæ Consula-
ris. 28, 1.

Pharus a Cleopatra extru-

I N D E X

- cta. 22, 16. item Heptastadium. *ibid.*
- Philagrius** Notarius Juliani A. postea Comes Orientis. 21, 4. vir prudens. *ibid.*
- Picti**, Attacotti & Scotti Britannias vexant. 27, 8.
- Pamenius** Silvani amicus interficitur. 15, 6.
- Pollentianus** Tribunus, consultorum de imperio Manium reus, cur a Valente servatus sit. 29, 2.
- Potentius**, Tribunus Promotorum, Ursicini Magistri militum filius, in proelio apud Hadrianopolim cadit. 31, 13.
- Prætextatus** Proconsul Achaë. 22, 7. ejus præfectura urbana laudatur. 27, 9. Prætextatus ex Præfecto urbi, a nobilitate Romana quare legatus missus sit ad Valentinianum A. 28, 1.
- Probi** Præfecti Prætorio nobilitas, potentia, & opes, 27, 11. mores ejus. *ibid.* liberalitas & munificentia. *ibid.* Probus Maximino Præfecto annonæ Aginatii Vicarii Romæ de ipso literas prodit. 28, 1. Quados & Sarmatas a Sirmii oppugnatione deterret. 29, 6. adulatur Valentiniano, & tributis provincias onerat. 30, 5. cur invisus Principi. *ibid.*
- Procopius** ad Saporem legatus a Constantio A. mittitur. 17, 14. tunc Notarius. *ibid.* ad Rom. rectores inde scribit verbis obscuris. 18, 6. ei cognato suo Julianus A. Persas petens xxx millia militum commisit. 23, 3. missus a Joviano A. corpus Juliani A. in suburbano Tarfensi sepelivit, nec post quæsitus usquam potuit inveniri. 25, 9. cibos, quos conservarat, ad Joviani A. copias misit. 25, 8. sub Joviano A. apud Strategium ex Palatino milite Senatorem latuit. 26, 6. mortuo Joviano per Divitenses & Tungricos juniores imperium invadit Constantinopoli. *ibid.* Thracias occupat. 26, 7. Jovios & Victores contra se missos a Valente, sibi verbis conciliat. *ibid.* Bithyniam in ditionem suam redigit. 26, 8. Cyzicum capit. *ibid.* a ducibus suis desertus & proditus Valenti offertur, & capite truncatur. 26, 9. ejus ætas, forma, & mores. *ibid.*
- Procopius** Notarius & Memoridus Tribunus a Joviano A. in Illyricum & Gallias missi. 25, 8. redeunt ad Jovianum, gesta narraturi. 25, 10.
- Proculus** Silvani Domesticus. 15, 6. ejus in tormentis constantia. *ibid.*

RERUM MEMORABILIMUM.

Profuturus & Trajanus rectores militum, ac Richomeres æquo Marte cum Gothis pugnant. 31, 7.

Prosper Comes, legatus ad Saporem. 17, 5. re infecta redit. 17, 14.

Ptolemæus Rex Cypri injuria proscriptus, & Cyprus publicata. 14, 8.

Pusæus Persa dedititius, Tribunatu a Juliano A. ornatus. 24, 1. postea dux Ægypti factus. *ibid.*

Q.

Quadi Valeriam incursionibus infestant. 16, 10. Pannias cum Sarmatis vastant. 17, 12. Sarmatis armatura moribusque similes. *ibid.* a Constantio A. datis obsidibus pacem obtinent. *ibid.* cum Sarmatis Pannonias vastant. 26, 4. ad vindicandam regis sui cædem Transdanubianas regiones vastant. 29, 6. cum Sarmatis juncti prædas hominum ac pecorum agunt, & filiam Constantii quondam A. Constantiam pæne capiunt. *ibid.* Equitum per Valeriam insequuntur, ut Gabinii cædis auctorem. *ibid.* duas legiones fundunt fugantque. *ibid.* a Valentiniano eorum pagi vastantur. 30, 5.

Quintianus Senator Commodo A. insidiatus. 29, 1.

R.

Rando regalis Alamannus Montiacum furto occupat & diripit, & oppidanos abducit. 27, 10.

Remigius Magister Officiorum. 27, 9. Romani Comitibus per Africam flagitiis favet, ac cum eo colludit. 28, 6. Romani Comitibus adversus Firmum Maurum fautor in palatio & adiutor. 29, 5. laqueo sibi fauces elidit. 30, 2.

Rhetorica inter turpes artes a veteribus posita. 30, 4.

Rhodani cursus descriptio. 15, 11.

Richomeres, Domesticorum Gratiani Comes. 31, 7. pugnat æquo Marte cum Gothis. *ibid.* iterum a Gratiano A. properante in Thraciam, præmittitur cum literis ad Valentem A. 31, 12. ultro se Valenti offert obsidem ad Gothos iturum. *ibid.* ex prælio Hadrianopolitano effugit. 31, 13.

Romani Senatus populique vitia. 14, 6. nobilitatis Romanæ vitia. 28, 4. plebis Romanæ vitia. *ibid.* Romani Episcopi ditantur oblationibus matronarum. 27, 3. eorum procedentium in vehiculis sessio, circumspectæ vestes, epulæ profusæ ac imperatoris. *ibid.*

I N D E X

Romanus & Vincentius Tribuni scutatorum, cur a Juliano A. in exilium missi. 22, 11.

Romanus Comes Africae secors & avarus. 27, 9. Romanus Comes per Africam, quibus conditionibus Lepitanis adversus Aurturianos barbaros auxilium ferre voluerit. 28, 6. Remigium Magistrum Officiorum & Palladium Notarium corrumpit, & quinque infantes morte mulctandos curat. *ibid.* Zammæ a Firmo fratre occisi mortem ulcisci vult. 29, 5.

Rufinus Præfectus Prætorio Galliarum. 14, 10. opum cupidissimus. 16, 8.

Rufinus, Apparitionis Præfecturæ Prætorianæ princeps. 15, 3. 16, 8. falsarius capite truncatur. 16, 8.

Rufinus Aradius Comes Orientis. 23, 1.

Ruricius Præses provinciæ Tripolitanæ. 28, 6. fraude Romani Comitis capite truncatur. *ibid.*

Rusticus Julianus Magister memoriæ, ad imperium poscitur ægrotante Valentiniano A. 27, 6.

S.

Subaja ex hordeo vel tritico potus. 26, 8.

Sabinianus Magister armo-

rum in Oriente. 18, 6. parvi animi & corporis. *ibid.* militari pyrrhicha delectatur. 18, 7. obsidentibus Amidam Persis noctu supervenire recusat, hortante Ursicino. 19, 3.

Salia Comes thesaurorum per Thracias, Theodorianæ conjurationis reus. 29, 1. dum audiendus a iudicibus se calciat, inter custodum manus exspirat. *ibid.* *Sallustius* Jovianorum Tribunus, veluti Procopii fautor a Valentiniano Aug. damnatus. 29, 3.

Sallustius Scutarius Valentem A. meridiantem insidiis ac ferro petit. 29, 1.

Sallustius Præfectus Prætorio Galliarum a Juliano A. promovetur. 21, 8. 25, 3. delatum ab omnibus imperium recusat. 25, 5. Præfectus Prætorio per Orientem. 26, 5.

Sapaudiam Rhodanus alluit. 15, 11.

Saphrax vel Safrax, Vitherici Gothorum Greuthungorum regis dux clarissimus, quid rerum in Thraciis gesserit adversus Romanos. 31, 5 *sqq.*

Sapor rex Persarum ad Constantium Aug. de pace legatos & literas mittit. 17, 5. Amidam diu circumfessam & oppugnatam, per celfos aggeres muris admotos invadit. 19, 2

RERUM MEMORABILIMUM.

sqq. urbem direptam excidit, & Ælianum ibi Comitem ac Tribunos patibulis affigit. 19, 9. Singaram expugnat, & oppidanos ac legiones duas in extrema Perfidis relegat. 20, 6. Bezabden cum tribus legionibus & sagittariis oppidanis capit. 20, 7. eandem reparatam præsidio & necessariis instruit. *ibid.* Virtam frustra tentat. *ibid.* quinque regiones cum xv castellis, & Nisibin ac Singaram pace facta a Joviano A. & Romanis extorquet. 25, 7. Joviano mortuo, Armeniis manum injicit. 26, 4. Arfacem regem Armeniæ fraude captum excæcat, ac ferro consumit. 27, 12. Hiberiæ Aspacurem, Cylacem & Artabannem Armeniæ præficit. *ibid.* multa Armeniæ castra & castella vi aut deditione capit. *ibid.* Artogeraffam incendit, & uxorem Arfacis inde abducit. *ibid.*

Saracenorum mores, & incursiones ac situs. 14, 4. *Saracenorum* alii Julianum in bello Persico juvant. 23, 5. 24, 1. alii Saporem. 24, 2. Constantinopolim a Gothis victoribus tentatam defendunt. 31, 16. ad furta belli quam ad pugnas aptiores. *ibid.* eorum quidam crinitus sanguinem

e jugulo hostis cæsi exfluxit. *ibid.*

Sarmatæ superiorem Mœsiam & secundam Pannoniam populantur. 16, 10. Pannonias Mœsiamque vastant. 17, 12. eorum armatura hastæ longæ seu conti, & loriciæ ex cornibus rasis. *ibid.* equis castratis utebantur. *ibid.* a Constantio Sarmatarum & Quadorum agri devastantur. *ibid.* Sarmatæ & Quadi Pannonias populantur. 26, 4.

Saturninus Magister equitum a Valente A. factus, adversus Gothos in Thracia grassantes mittitur. 31, 8. in prælio apud Hadrianopolim fuga se periculo eximit. 31, 13.

Sauromacen inter & Aspacurem Hiberiæ regnum dividitur. 27, 12.

Saxones cum Francis Gallicanos tractus prædis, incendiis, & captivorum cædibus infestant. 27, 8. repentinis latrociniiis ac prædationibus præ ceteris timeantur. 28, 2. in Gallia post factas inducias a Romanis insidiis circumveniuntur. 28, 5.

Scenitæ Arabes Saraceni postea appellati. 23, 6.

Scorpionis vel onagri descriptio. 23, 4.

Scotti Britannias vastant. 26, 4. 27, 8.

Scudilo scutariorum Tribunus
genere Alamannus. 14, 10.
Gallum Cæs. circumvenit.
14, 11. moritur. *ibid.*

Scythici arcus forma. 22, 8.

Sebastiano Comiti ex Duce
Ægypti ac Procopio XXX
millia militum cur & quan-
do a Juliano A. commissa.
23, 3. Sebastianus cum
Procopio Joviano A. oc-
currit. 25, 8. Sebastianus
Comes cum Illyricis & Ita-
licis numeris Valentinia-
num A. in Alamanniam
sequitur. 27, 10. ab eo
præmittitur cum Merobau-
de in Quados. 30, 5. mi-
litari favore sublatus, mor-
tuo Valentiniano longius
amandatur. 30, 10. ab Ita-
lia missus, loco Trajani
pedites Valentis regit. 31,
11. Gothos aliquot ad He-
brum cædit. *ibid.* pugnari
cum Gothis suadet, non
expectato Gratiano. 31,
12. in prælio Gothico pe-
rit. 31, 13.

Secundinus dux Osdruenæ,
agmen Juliani Assyriam
ingressi cogit. 24, 1.

Seleucia, eadem quæ Coche.
24, 5.

Seleucus Nicator. 14, 8. Da-
phnæi Apollinis fanum
apud Antiochiam condi-
dit. 26, 5.

Senatorum Romanorum fidu-
cia & benignitas erga Con-
stantium A. 21, 10. Sena-
tor quidam, equo phale-

rato insidens, post se tra-
hit agmina servorum. 26,
3. multi Senatores ac Se-
natorii generis feminæ,
Romæ maleficiorum, stu-
porum & adulteriorum
accusantur, & capitali sup-
plicio afficiuntur. 28, 1.
Senatores Romani per le-
gatos a Valentiniano A.
petunt, ne deinceps con-
tra morem tormentis ex-
ponantur, idque impe-
trant. *ibid.* nominibus, fe-
ricis vestibus, multitudine
obsequii delectantur. 28,
4. manus & genua oscu-
landa præbent. *ibid.* equos
& aurigas amant, parasit-
os & adulatores. *ibid.* do-
ctrinas detestantur, solis
Juvenali & Mario Maxi-
mo addicti. *ibid.* muscas
& radiolum solis ferre non
possunt. *ibid.*

Seniauchus Tribunus. 15, 4.

Serapio Alamannorum rex.
16, 12. cur ita dictus. *ib.*
Agenarichus patria lingua
appellatus. *ibid.* Mederichi
fratris Chnodomarii filius.
ibid.

Serenianus Pannonius, Va-
lentis A. Domesticorum
Comes. 26, 5. captus apud
Cyzicum a Procopio, Ni-
cæam ducitur victus. 26,
8. ibi noctu incautus post
Procopii cædem a Mar-
cello Protectore occiditur.
26, 10.

Servi in capita dominorum

RERUM MEMORABILIMUM.

torqueri solebant in quæ-
stione incestus & adulte-
rii, in stupri non item.
28, 1.

Severus Magister militum per
Gallias. 16, 10. ejus laus.
ibid. lavam aciem ducit
apud Argentoratum. 16,
12. Francos aggreditur.
17, 8. repente ad igna-
viam convertitur. 17, 10.
Valentiniani A. in bello
Alamannico comes. 27,
10. 29, 4. Saxones ad pa-
cem petendam compellit.
28, 5. ægrotante Valen-
tiniano ad imperium vo-
tis occultis poscitur. 27,
6.

Severus Domesticorum Co-
mes. 27, 8.

Signorum aquilarumque sub-
missio, defectionis aut de-
ditionis signum. 26, 7.

Sillographi scriptores maledi-
ci. 22, 16.

Silvanus Magister militum
per Gallias. 15, 5. cur im-
perium invaserit. *ibid.* per
Urficinum opprimitur. *ib.*
Boniti Franci filius. *ibid.*
Tribunus Armaturarum a
Magnentio olim ad Con-
stantium cum suis transie-
rat. *ibid.*

Simplicius, curans vicariam
Præfecturam, Romæ ma-
gnas edit strages. 28, 1.
sub Gratiano A. postea in
Illyrico capite truncatur.
ibid.

Sintula, Juliani Cæs. stabuli
Tribunus. 20, 4.

Sinus Ad Gradus dictus. 15,
11.

Sophronius Notarius, post
Præfectus urbi Constanti-
noli. 26, 7.

Speflatus Tribunus & Nota-
rius, legatus ad Saporem
missus. 17, 5. re infecta
redit. 17, 14.

Sueridus & Colias Gothorum
optimates cur defecerint,
& cæsis Hadrianopolita-
nis, Alavivo ac Frigerido
Thracias populantibus se-
se adjunxerint. 31, 6.

Sævi Rætias incurfant. 16,
10.

Suomarius Alamannorum rex.
16, 12. pacem a Juliano
Cæs. obtinet. 17, 10. da-
tam fidem servat. 18, 2.

Syagrius Notarius in Alaman-
niam ad exercitum mitti-
tur a Valentiniano A. 28,
2. postea Præfectus & Con-
sul. *ibid.* sacramento solu-
tus & inhoneste domum
remissus a Valentiniano,
quod Alamannos solus
evaferat. *ibid.*

Symmachus Præfectus urbi.
27, 3. ejus laus. *ibid.* cur ab
ingratis civibus pulcher-
rima ejus domus Trans-
tiberina incensa sit. *ibid.*

Syri cum deditionem fa-
ciunt, præ se bovem co-
ronatum agunt. 24, 1.

I N D E X

T.

Tres-Tabernæ a Juliano Cæs. reparatæ. 16, 11.

Taifali. 17, 13. puerorum amatores. 31, 9.

Tamfapor Persarum Optimas & Dux. 16, 9. 18, 6. 19, 9.

Tarracius Bassus, postea Præfectus urbi. 28, 1. cum fratre Camenio, & Marciano, ac Eufaphio Clarissimis beneficii reus, absoluitur. *ibid.*

Tarsus. 14, 8.

Taurus Præfectus Prætorio per Illyricum, fit Consul. 21, 6. consulatu suo exul relegatur Vercellas a Juliano A. 22, 3.

Terentius dux Armeniæ. 30, 1.

Terentius cur ex pistore Romano Corrector Tusciæ factus sit. 27, 3. falsi postea convictus, sub Claudio Præfecto urbi carnificis manu perit. *ibid.*

Tertullus Præfectus urbi. 19, 10.

Teutomerus Protector domesticus. 15, 3.

Thalassius Præfectus Prætorio. 14, 1 & 7.

Thalassius ex Proximo libellorum. 22, 9.

Theodorus Notarius imperium affectat. 29, 1. claro genere in Galliis natus. *ibid.* cum plurimis criminis consociis interficitur. *ibid.*

Theodosius in Britanniam in-

fulam cum copiis missus.

27, 8. urbes Britanniae a Scotis & Pictis vastatas restituit, castella reparat, & provinciam, quæ Valentia dicta est, recipit.

28, 3. Valentinum, ibi exulem, res novas molientem, opprimit. *ibid.* in locum Jovini Magister militiæ constituitur. *ibid.* Alamannos per Rætiæ metu Burgundiorum dispersos partim occidit, partim captos in Italiam misit. 28, 5. Magister equitum, Valentiniani A. in bello Alamannico comes. 29, 4. Cæsaream intrat, & a Firmo incensam restituit. 29, 5. equites & pedites Rom. qui ad Firmum defece- rant, partim occidit, partim manibus truncavit. *ibid.* desertores alios exurit, alios contruncat. *ibid.* castra Firmi, qui fugerat, invadit & diripit. *ibid.* Firmum; multis præliis fractum, ad voluntariam mortem compellit. *ibid.*

Theodosius junior, dux Mœsiæ, qui post imperavit, Sarmatas Liberos crebris præliis attritos ad petendam pacem compulit. 29, 6.

Theophilus Syriæ Consularis a plebe Antiocheni disceptus. 14, 7.

Thraciarum, & sinus Pontici, regionumque ac na-

RERUM MEMORABILIMUM.

tionum Ponto adjacentium descriptio. 22, 8. Thraciarum sex provinciarum clarissimarumque urbium descriptio. 27, 4. Thracia auri metalla tulit. 31, 6.

Timagenes, 15, 9.

Tomyris regina Scytharum. 23, 6.

Trajanus Comes multos Persas cædit. 29, 1. in Armenia milites regens, jussu Valentis A. Param regem Armeniæ per fraudem in convivio interficit. 30, 1. Magister militum, pugnat æquo Marte cum Gothis. 31, 7. accepto Sebastiano successore, nihilominus revocatus a Valente A. in prælio apud Hadrianopolim interiit. 31, 13.

Transgiritana quinque regiones. 25, 7.

Tripolitani. 28, 6.

V.

Vadomarius Alamannorum rex, a Constantio A. pacem impetrat. 16, 12. pro vicinis regibus tribus pacem impetrat. 18, 2. per emissarios limitem Rætiarum vastat, & Libinonem Comitem interficit. 21, 3. capitur a Juliano, & relegatur in Hispanias. 21, 4. Vadomarius ex Rege Alam. cum Traiano multos Persas interficit. 29, 1.

Valens a fratre Valentiniano Augustus appellatur. 26, 4. propter auxilia missa Procopio tyr. bellum Gothis infert. 27, 5. pacem cum eis post triennium acceptis obsidibus jungit. *ibid.* cum Gothis confli- git circa Hadrianopolim. 31, 12 sq. in ea pugna perit. 31, 13. qua ratione & quo mortis genere perierit: *ibid.* ejus virtutes & vitia. 31, 14. quamdiu imperaverit. *ibid.*

Valentia, pars Britanniae Romanæ. 28, 3. a quo & per quem facta provincia. *ibid.* a Valentiniano A. dicta. *ibid.*

Valentinianus junior, mortuo Valentiniano patre, ab exercitu Augustus appellatur. 30, 10.

Valentinianus ægre mortem apud Remos effugit. 25, 1. Scholæ secundæ scutariorum a Joviano A. præficitur. *ibid.* Augustus ab exercitu consalutatur. 26, 2. Valentem fratrem suum Tribunum stabuli, mox apud Constantinopolim imperii consortem assumit. 26, 4. periculoso morbo liberatus Gratianum filium adhuc impuberem, Augusti nominis participem faventibus militibus facit. 27, 6. Valentinianus cum Gratiano Rhenum transit. 27, 10. Alamannorum in-

fidis pæne circumvenitur. *ibid.* Alamannos in solo barbarico fundit fugatque. *ibid.* totam Rheni ripam Gallicanam castris, castellis, & turribus munit. 28, 2. sævus & effratae crudelitatis. 29, 30. urfas anthropophagas alit. *ibid.* culpa militis Macrianum Alamannorum regem trans Rhenum incautum capere non potuit. 29, 4. cum Macriano Alamannorum rege colloquitur ac pacem facit. 30, 3. Sarmatarum legationem rejicit. 30, 5. Quadorum pagos depopulatur. *ibid.* dum legatis Quadorum respondet iratus, ictu sanguinis extinguitur. 30, 6. Gratianus ejus pater quos honores gesserit. 30, 7. Valentiniani rerum in principatu gestarum breviarium. *ibid.* vitia ejus & virtutes. 30, 8. corpus ipsius delatum Constantinopolim, inter divorum reliquias humatur. 30, 10.

Valentinus Tribunus, curdux in Illyrica factus sit. 18, 3.

Valentinus Maximini Præf. Præt. conjugis frater, in Britannia, ubi exsulabat, res novas molitur, & a Theodosio cum paucis capite plectitur. 28, 3.

Valeria Pannoniæ. 28, 3.

Valerianus, Domesticorum

omnium primus, in Valentiniani A. bello Alamannico cadit. 27, 10.

Valerianus Tribunus stabuli, in pugna Romanorum cum Gothis apud Hadrianopolim cecidit. 31, 13.

Venustus Vicarius Hispaniarum. 23, 1. Venustus ex Vicario nomine Senatus Romani legatus ad Valentinianum A. 28, 1.

Vestraplus Alamannorum rex. 16, 12. cum Urto & Ursicino pacem petit a Juliano Cæs. & obtinet. 18, 2.

Veterania. 15, 1.

Vetranio, legionis Ziannorum rector, interficitur a Persis. 25, 1.

Victor, Juliani copiarum dux. 24, 1, 4, & 6. a Joviano A. proventus militiæ rector. 25, 7. 26, 5. Magister equitum ad Gothos legatus a Valente A. missus. 27, 5. item ad Saporem. 30, 2. missus legatus ad Saporem super Armenia. 31, 7. Sarmata erat. 31, 12. Valenti A. suadet Gratianum expectare. *ib.* ex proelio Hadrianopolitano profugit. 31, 13.

Victor, insignis numeri Tribunus, cum Remora pacis Romanos inter & Persas initæ obses. 25, 7.

Victor historicus, Pannoniæ secundæ Consularis fit a Juliano, & statua ænea ho-

RERUM MEMORABILIMUM.

- noratur. 21, 10. post Præfectus urbi. *ibid.*
- Vidlorinus*, amicus Maximini Vicarii, suffragio suo quatuor Senatores periculo mortis liberat. 28, 1. Maximini actus venditabat. *ibid.* ejus defuncti uxor Anepsia stupri rea damnatur. *ibid.*
- Vitalianus* a Joviano A. Domesticius fit. 25, 10. post ea Comes rei militaris, male rem in Illyrico adversus Gothos gessit. *ibid.*
- Vithericus* Gothorum Greuthungorum rex. 31, 4. qua ratione Istrum trajece-rit, & quid in Thracia gesserit. 31, 4-16.
- Vithicabius* rex Alamannorum, Vadomarii filius, fraude ministri a Romanis corrupti interficitur. 27, 10.
- Vitrodorus* Quadorum regalis, Viduarii regis filius. 17, 12.
- Urbicius* Mesopotamiæ dux, ad Saporem de Armenia & Hiberia legatus missus. 30, 2.
- Urius* Alamannorum rex. 16, 12. 18, 2.
- Urbicius* Magister Officiorum crudelis. 26, 4. Alamannorum legatos ad Comitatum missos aspere tractat. 26, 5.
- Urfcinus* Magister equitum ex Oriente evocatur. 14, 11. impugnatur ab Arbetione. 15, 2. Silvanum tyrannum opprimit. 15, 5. remittitur in Orientem cum Magisterii potestate. 16, 10. ab Eusebio Præf. cubiculi cur impugnatus. 18, 4. ex Oriente evocatus cum venisset in Thraciam, remittitur in Mesopotamiam. 18, 6. Nisibin & Amidam curat ordinatque. *ibid.* Persas Amidam circumfidentes furtim invadere conatur. 19, 3. Magisterio peditum ab Imp. exuitur. 20, 2.
- Urfcinus* Alamannorum rex. 16, 12.
- Urfcinus* Vicariam Præfecturam Romæ curat. 28, 1. cur ab ea remotus sit. *ibid.*
- Urfini* cum Damaso de urbis Romæ Episcopatu contentio. 27, 3.
- Urfulus* Comes largitionum. 16, 8. vir severus. *ibid.* ejus post visas Amidæ ruinas liberum de militum ignavia dictum, causa ipsi mortis fuit. 20, 11. Juliani A. jussu damnatus. 22, 3.
- Vulcatius* Rufinus Præfectus Prætorio laudatur. 27, 7.
- Z.
- Ziannorum* legio. 25, 1.

INDEX RERUM MEMORABILIVM.

Zinafer, Romo, & Fragile-
dus Sarmatarum Subre-
guli. 17, 12.
Zizais Sarmatarum Regulus

a Constantio A. pacem pe-
tit. 17, 12.
Zoroastres Bactrianus. 23,
6.



